



日本漢文史

籍叢刊

第一輯

紀傳子體

五



上海交通大學出版社
SHANGHAI JIAO TONG UNIVERSITY PRESS

圖書在版編目(CIP)數據

日本漢文史籍叢刊. 第1輯, 紀傳體 / 孫錦泉, 周斌,
粟品孝主編 — 上海: 上海交通大學出版社, 2012(2014 重印)

ISBN 978-7-313-08539-9

I. ①日… II. ①孫… ②周… ③粟… III. 日本—
歷史—史籍—叢刊②日本—歷史—紀傳體 IV. ①K313-55

中國版本圖書館 CIP 數據核字(2012)第 104126 號

日本漢文史籍叢刊 第一輯 紀傳體

主 編 孫錦泉 周 斌 粟品孝

副主編 陳小法 黎春林

上海交通大學出版社出版發行 北京人天書店有限公司經銷
(上海市番禺路 951 號 郵政編碼 200030)

電話:64071208 出版人:韓建民

北京中獻拓方科技發展有限公司印刷

開本:889mm×1194mm 1/16

印張:595 字數:11900 千字

2012 年 7 月第 1 版 2014 年 1 月第 2 次印刷

ISBN 978-7-313-08539-9/K311-55

定價:16150.00 圓(全十九冊)

版權所有 侵權必究

統 籌 陳建華 施 維 劉邦權

責任編輯 姜津津 陳建華

營銷編輯 陳 鑫

裝幀設計 陳燕靜

本冊目録

大日本史 (卷一百九十四—卷二百四十三).....

大日本史卷之一百九十四

列傳第一百二十一

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣四

土肥實平 弟宗遠

大庭景能

安達盛長 子景盛 曾孫泰盛

大日本史 卷一百九十四 列傳 一

後藤實基 子基清

加藤景廉

工藤茂光 族景光 景光子行光

比企能員

泉親衡

河村秀清

土肥實平其先出上總介平高望高望子良
文生賴尊賴尊號山邊祖禪師生常遠常遠
生常宗稱土屋四郎笠間押領使常宗生宗

平爲中村莊司生實平宗遠友平參取寫本印本平氏

年源賴朝起兵實平宗遠赴焉石橋山之敗

大庭景親急追之賴朝逃于杉山唯實平從

焉加藤景員工藤祐茂等六人潰圍而來賴

朝喜欲與俱逃實平諫曰如君一身雖累旬

月臣能以計晦匿但人多則蹤易露不如分

散今上下全命內外合謀會稽之恥可雪今

日睽離則他日之福也衆皆掩淚離散賴朝

大日本史 卷一百九十四 列傳 二

取髻中所藏觀音像置路傍石窟實平問其

故賴朝曰我儻喪元使景親輩見此像恐辱

源家將帥之名也東鑑賴朝匿于山中絕糧數

日實平妻盛飯于桶中覆以檜葉令僧齋之

爲取供佛花葉者竊往來供給焉源平盛衰記遂

出杉山匿宮根山僧永實家僧良暹謀殺賴

朝永實知其謀告之賴朝乃與實平永實等

潛循山麓赴土肥東鑑會實平妻送書報衣笠

城陷且言三浦黨赴安房覓賴朝所在賴朝

嘉之、源平盛衰記與實平自真名鶴崎舟行趨安

房、臨發遣子遠平于伊豆訊家屬賴朝至安

房、平廣常千葉常胤來屬轉往下總館于鷺

沼將士離散者畢集軍聲大振自賴朝舉事

實平不離左右傾意輔衛東鑑源義仲之反屬

源義經擊之京師源平盛衰記別將二千騎追至

栗津為義仲所敗平家物語一谷之戰別將兵七

千攻西門源範賴攻東門義經自鶴越間道

襲之平氏軍大敗平家物語源平盛衰記義經陳屋島

大日本史 卷一百九十四 列傳 三

平教經來擊義經將自當之實平諫曰大將

不宜輕戰請遣部下壯士乃與畠山重忠等

五十餘騎進戰日暮交綏源平盛衰記賴朝命實

平駐軍備中經略西海軍事時板垣兼信從

範賴而西遣使鎌倉訴曰臣幸辱末屬應當

一面而實平稱受旨專恣自用部署雜務不

相諮詢臣在西海威令不行願賜一行之教

每事取臣處分賴朝怒曰我所任使不問親

疎唯器是從實平忠貞絕倫耳目之寄不出

二途西海軍事細大屬之汝曹分當捐命戰

場而已何不自揆之甚也使者惶怖而歸及

平氏滅兵革之餘近畿諸國苦武夫暴掠賴

朝以實平及梶原景時為播磨美作備前備

中備後五國總追捕使東鑑文治中賴朝命實

平護京師實平為人多籌略曉暢軍事征伐

之際賴朝命範賴義經依其區畫東鑑源平盛衰記○

按諸書實平死關平月安藝米山寺過去帳

載實平承久二年十一月死東鑑建久六年

條曰土肥實平寡婦詣幕府則實平死蓋

在承久前承久疑建久訛然今無所考子

大日本史 卷一百九十四 列傳 四

遠平稱彌太郎從父有戰功遠平生惟平任

左衛門尉稱先二郎左衛門尉建曆中與和

田義盛作亂軍敗被誅東鑑實平弟宗遠

宗遠居相模土屋土屋系圖稱土屋三郎與兄實

平仕賴朝初賴朝至下總安房上總下總之

兵響應將發上野下野武藏諸國兵至駿河

待平氏遣宗遠于甲斐諭武田信義一條忠

賴使從北條時政會于黃瀬川信義等應命

東鑑宗遠從義經擊平氏源平盛衰記承元中以私

怨殺梶原家茂、自首幕府、囚于和田義盛許、
訴實朝曰、臣建義功臣也、家茂反者孫也、忠
勲悖逆、簡擇安在、而今拘囚見辱、請垂照鑒、
實朝謂所乞無理、然以值賴朝忌日被赦、
養姊夫岡崎義實子義清爲子、○本書以義清作兄子、今
參考東鑑平氏系圖訂之、義清稱小二郎、事平氏在京師、
聞賴朝起兵、潛赴關東、會宗遠使于甲斐、夜
相遇于足柄山、父子相得甚悅、從至甲斐、
源平遂仕幕府、任大學權助、和田義盛作亂、
盛衰記

大日本史

卷一百九十四

列傳

五

義清黨之攻幕府、與朝夷名義秀古郡保忠
聯騎奮戰、勇冠軍中、府兵屢卻、實朝避之法
華堂、義清自甘繩入龜谷、欲經窟堂前攻之、
路中流矢而死、義盛兵不能復振、遂敗、
東鑑大庭景能、東鑑保元物語爲景義、稱平太、又懷島
權守、鎌倉景政之後也、平氏系圖○平氏系圖一
不載景政、或云與景政別族、按異本、父曰景
保元物語亦爲景政後、故今從之、房、稱大庭莊司、世居相模、
○平氏系圖景房作景忠或景宗、保元之難、景能與弟景親屬源義朝、攻白河

殿、爲爲朝所射墜馬、景親肩之去避民家、欲
復返戰、景能謂曰、余病矣、不能復戰、此去戰
地不遠、徒爲卒伍之餌、吾輩效力、下野殿所
親見也、今重創而退、孰謂爲怯、汝扶我遠去、
景親負之至山階、走歸再戰、景能獲免、
具本保元
語物及賴朝起兵、召關東將士、檄至、景能就景
親謀、景親曰、源家我累世之主帥、歸之順也、
然弟嚮爲囚、幸爲平氏所申理、今爲東國監
護、得全性命、保妻子者、豈非其賜邪、景能曰、

大日本史

卷一百九十四

列傳

六

汝爲恩事平氏、我以義屬源家、因約平氏勝、
吾緣汝求救護、源家勝、吾保全汝、
源平盛衰遂與弟豐田景俊歸于賴朝、從戰石橋山、
源平盛衰文治五年賴朝請擊藤原泰衡、朝議未
決、而諸國兵既集、賴朝患之、以景能宿老閑
於軍事、召而諮議、對曰、臣聞軍中聞將軍之
令、不聞天子之詔、業已奏請、不俟報而行可
也、況泰衡繼累世家、臣之緒、雖無天裁、亟行
誅戮、何憚之有、
○泰衡曾祖清衡、屬源義家、有戰功、子孫相繼、領陸奥六

郡、為一方藩屏、非與源氏有君臣之分、然當時東國將士之於源氏、其勢與君臣無異、故景能謂之累世家臣者、今聚兵曠日、徒自罷蓋亦據時勢而言耳、

勞、宜速發焉、賴朝大喜、與鞍馬賞之、景能嘗

在賴朝前、與諸將語曰、士之當用意者兵器

也、弓矢宜稱其力差短小、鎮西八郎善射、稱

天下無雙、而弓矢規制過量、保元之亂、我遇

八郎于大炊御門河原、值彼之左、八郎將射、

我以為彼在鎮西、不便騎射、我長東國、素慣

磐控、驅而右避、不令入彀、故其矢低中膝、不

大日本史

卷一百九十四

列傳

七

然、我殆不能脫焉、坐者皆服、建久中以衰老

祝髮、尋得罪見逐、及賴朝朝于京師、景能捧

書曰、自將軍倡義之初、臣力效涓埃、然今得

罪見逐、鬱悒度日、三年于茲、今既衰朽、餘喘

無幾、冀一備騶從之列、以為垂沒之榮、賴朝

許之、承元四年死、東鑑

安達盛、長稱藤九郎、中納言藤原山陰之後

也、祖國重為下野掾、出羽介、父兼廣、稱小野

田三郎、分脈源賴朝在蛭島、盛長往來給事

焉、及其起兵募東國將士、遣盛長傳檄、東鑑源平

盛、盛長有口辯、所至曉以順逆、聞者感動、源平盛

諸將響應、源平盛時平兼隆以清盛族人、據

山木、恃勢逞威、盛長薦藤原邦道侍賴朝、邦

道偵伺兼隆動靜、遂得襲殺之、賴朝戰于石

橋山、不利、逃入杉山、盛長等數人涉歷艱辛、

僅而得免、尋赴安房、散兵來集、軍勢稍振、東

國將士歸者日衆、還至相模、論將士功、盛長

大日本史

卷一百九十四

列傳

八

與焉、及賴朝得志、益被親寵、後下髮、法名蓮

西、及賴家襲職、參決辭訟、東鑑正治二年死、尊卑

後為評定衆、分脈景盛時長、時長稱大曾禰次郎兵衛尉、

景盛稱彌九郎、以父故為時所重、嘗買妾京

師、有姿色、賴家屢遺書挑之、不從、會參河賊

室平重廣招集羣盜、縱行剽竊、賴家命景盛

討之、景盛託事辭命、賴家曰、參河汝父守護

地、不可使他人當其事、責而遣之、乃遣人奪

其妾、慮景盛怨望、欲因事除之、景盛往參河、

賊既遁、不獲而歸、或譖曰、景盛以妾故屢出
怨言、賴家怒、遣兵誅之、政子素知其冤、營救
甚力、賴家不得已舍之、建永中任右衛門尉、
建保六年為出羽介、管秋田城、東鑑○本書
或作出羽守、
今據寶治二
年條訂之、
敘從五位下、尊卑分脈○本書
關敘位年、姑書于
此時人謂昌泰以來、數百年間、居此官者、惟
平繁盛一人而已、至此景盛得之、實榮選也、
○按先是為出羽守及介者多、與本書所稱
異、蓋平長茂世襲城介、雄視北方、建仁初誅
死、至此景盛得城介、故時人榮之、明年寶朝
也、然本書不詳其事、今姑從舊文、
大日本史 卷一百九十四 列傳 九
遭害、景盛悲惋斷髮、法名覺地、稱大蓮房、住
高野山、世呼曰高野入道、○明慧傳曰、承久
三年、北條泰時索
官軍逃亡者、秋田城介義房、高辨而泰
時素崇信高辨、敬待謝遣之、義房見之、慨然
驚悔、遂詣高辨、請剃髮為弟子、號大蓮房、覺
地、據本書、景盛出家、在承久前、義房未嘗為
僧、明慧傳合父子為一、常往來鎌倉、每有處
人、事亦甚謬、故不取、
分、多被諮詢、承久之難、從北條時房犯京師、
戰有功、東鑑初景盛女適北條時氏、生經時時
賴、尊卑分脈及時賴執政、最見尊禮、時三浦族貴
盛、景盛心不悅、戒子孫曰、三浦氏權勢無比、

汝輩不武、恐他日不能與抗、宜及今為之計
也、會有匿名書曰、三浦族圖變、鎌倉騷擾、人
情危疑、景盛心獨喜、從而構陷之、遂滅三浦
氏、寶治二年病卒于高野山、東鑑子義景、嘉禎
中襲為秋田城介、敘從五位上、為評定眾、參
關東評定傳、
尊卑分脈、
四條帝崩無嗣、北條泰時使義
景於京師、立後嵯峨帝、歷代皇紀、五
代帝王物語、建長中
以病薨、髮法名願智、尋卒、東鑑子賴景、景村、泰
盛、時盛、重景、顯盛、長景、時景、皆顯於時、尊卑
分脈
大日本史 卷一百九十四 列傳 十
賴景任丹後守、剔髮改名道智、文永中坐事
收米邑、正應五年卒、關東評定傳景村稱大室三
郎、尊卑分脈時盛任左衛門尉、為評定眾、薙髮改
名道供、建治中坐事收米邑、弘安八年死于
高野山、關東評定傳重景任左衛門尉、弘安中與
泰盛同被殺、孫高茂為秋田城介、尊卑分脈顯盛
任左兵衛尉加賀守、為評定眾、弘安三年卒、
關東評定傳孫時顯、曾孫高景、皆襲秋田城介、高
景為讚岐權守、後醍醐帝之幸隱岐、為北條

高時使入京師分尊卑立光嚴院太平記長景歷

左衛門尉美濃守、薙髮改名智玄關東評弘安中與泰

盛同被殺分尊卑

泰盛稱九郎及父死襲秋田城介為評定衆

關東評以善騎名於世徒然草弘安中兼陸奥

守請解秋田城介以子宗景代聽之尋祝髮

改名覺真關東評泰盛素與北條氏連姻女

又適時宗生貞時及貞時執權恃勢肆橫貞

大日本史 卷一百九十四 列傳 十一

時宰左衛門尉平賴綱亦驕縱頗弄威福與

泰盛相軋而宗景狂躁奢侈甚於父自謂曾

祖景盛實賴朝之子也遂改姓源氏賴綱因

說貞時曰宗景私懷覬覦之心改姓一事最

不可掩貞時信之遂殺泰盛父子滅其族初

三浦泰村之被殺也人皆冤之而無敢明言

者至此泰盛等又遭讒死後賴綱亦謀作亂

被誅人以爲報應保曆間記

後藤實基鎮守府將軍藤原秀卿之裔也曾

祖尾藤左衛門尉公廣為後藤內則明所子

養初河內守源賴信使備後守藤原公則子

養少納言藤原惟忠子則經則經仕賴信生

則明分尊卑則明從伊豫守源賴義攻安倍貞

任所謂七騎之一也尊卑分脈陸奥詔記公

廣冒後藤氏孫實遠為左衛門尉生實基實

基為右兵衛尉分尊卑平治之亂屬源義平守

待賢門擊平重盛卻之進攻六波羅追北至

東三條射殺大木戸八郎既而義朝敗走實

大日本史 卷一百九十四 列傳 十一

基從至龍華越初義朝在京師託少女於實

基至是問之曰臣既囑妻匿之勿以為念義

朝喜曰汝歸鞠之實基固請從行不聽遂還

京師加意營護及長嫁中納言藤原能保平治

語賴朝起兵實基從義經攻義仲源平盛屋

島之戰與佐藤繼信等俱進焚行宮平氏軍

大潰平家物語無子養族人佐藤仲清子基清

為嗣分尊卑

基清任左衛門尉檢非違使尊卑分脈一谷屋

基清任左衛門尉檢非違使尊卑分脈一谷屋

島之戰、從父有功、東鑑參取平家物語、建久中平知盛

子知忠、與紀二郎大夫友方等、匿法性寺側、

謀舉兵、藤原能保請守衛兵於鎌倉、賴朝遣

基清往備之、基清與子基綱率兵襲知忠、士

卒中矢多死傷、基清徹屋材填濠進攻之、知

忠自殺、餘黨悉平、參取諸本平家物語、初賴朝以基清

為讚岐守護、及賴家嗣立奪之、是為賴家改

父政之初、時人譏之、建保中掃部權助平正

重在京師、謀作亂、基清擊斬之、東鑑承久之役

大日本史 卷一百九十四 列傳 十三

勤王、軍敗而降、罪在斬中、基綱素在東軍、請

而斬之、東鑑承久記、基綱為左衛門尉檢非違使、

任佐渡守、康元元年卒、關東評定傳

加藤景廉、鎮守府將軍藤原利仁八世孫也、

利仁孫吉信為加賀介、子孫繁衍、為本國豪

族、至景道亦為介、稱加藤、從源賴義於陸奥

役、所稱七騎之一也、景道生景員、稱加藤五

尊卑分脈、○本書作景清、源平盛衰記作景貞、今從東鑑、按源平盛衰記曰、僧能因子曰

月次藏人、往于伊勢、為柳馬入道女壻、補檢生加藤五景員、與此大異、姑付備考、

非違使、源平盛衰記、有二子、光員稱加藤太、景廉

稱加藤次、東鑑分脈、源平盛衰記、○尊卑分脈、光員為景廉弟者誤、父子皆

有勇名、景廉最鷙猛、膂力邁人、為時所稱、源平盛衰記

嘉應中、敕誅源為朝于伊豆、景廉與兄

光員亦在遣中、為朝聞官軍至、散遣徒屬、自

刃而死、屍倚柱不僵、狀猶生、眾憚其勇不敢

近、景廉挺身揮刀斬其首、保元平家物語、父景員居於

伊勢、與平氏家臣伊藤某構怨殺之、乃攜二

子走東國、欲依千葉畠山、二氏皆懼罪不敢

大日本史 卷一百九十四 列傳 十四

容匿、去投工藤茂光、茂光與三戶二郎者相

惡、構兵交鬪、素聞景廉兄弟名、欲藉其力、悅

而舍之、以女弟妻景員、時賴朝在伊豆、關東

豪傑多屬意者、景廉兄弟知其可依、常往來

服役、賴朝亦察其有材、推誠遇之、源平盛衰記、賴

朝將舉事、遣北條時政襲目代平兼隆、山木

館、留景廉等自備、臨發與時政約、事捷速火

館、久之火不舉、賴朝疑懼、乃遣景廉赴援、執

父義朝所寶愛眉尖刀與之曰、夜戰利長兵、

汝速斬兼隆首來、參取東鑑、源平盛衰記景廉馳赴山

木、時政戰不利、景廉與從兵洲崎三郎等進

而薄門、敵矢盡兵疲、無能拒、乃破門射殪三

人、有關屋八郎善射、呼曰、敵將爲誰、我餘一

矢、請試之、景廉顧洲崎曰、我前當之、必不免

矣、顧佐殿在、吾不可徒死、汝能代我死乎、洲

崎進入門、自稱景廉、矢洞胸而死、景廉踵入、

遂斬關屋、又進殺一人、及兼隆寢室、兼隆當

戶侍敵、景廉拄臂於眉尖刀、戶間入之、兼隆

大日本史

卷一百九十四

列傳

十五

急斫之、刀礙於楣、景廉突入、縱殺之、縱火焚

館、揭首、眉尖刀、馳歸獻之、賴朝大悅、源平盛衰記

石橋軍敗、賴朝走杉山、敵兵追逼、勢甚危、賴

朝力鬪、景廉攬轡回走、與父兄留拒戰數合、

賴朝乃得潛匿山中、景廉父子攀緣繼至、將

士稍稍來集、賴朝諭使散去、景廉與父兄匿

宮根山、不食三日、景員謂二子曰、我老矣、設

令得脫、命亦不長、汝曹壯健、勿徒死、宜棄我

去、求源家所在也、景廉等不能違、託父於走

湯山僧、與光員潛赴伊豆、爲土人所怪、兄弟

分路而去、相遇于駿河大岡牧、遂匿于富士

山、旣而賴朝軍大振、進至駿河、景廉兄弟從

武田信義、擊目代、橘遠茂破之、壽永三年、隸

源範賴、攻平氏于西海、範賴自周防赴豐後、

景廉病甚、強起從軍、還書遺父曰、日者奉命

常侍左右、然緩急之際、非辭難之日、從軍西

海、遭疾瀕死、借如病終、將軍視爲死事、則死

有餘榮矣、景員持入府、賴朝覽書、深嗟歎焉、

大日本史

卷一百九十四

列傳

十六

與書勞問、賜以廐馬一匹、待病少痊、速還鎌

倉、及擊藤原泰衡、景廉兄弟從有功、梶原景

時獲罪、景廉坐素相善、沒采邑、及寶朝遭害、

祝髮改名妙法、稱覺蓮房、承久三年死、子景

朝、景義、景朝稱加藤判官、嘉禎中、與弟景義

爭伯父光員所傳采邑、景朝出政子書爲證、

景義辭屈、乃使景朝領之、東鑑

工藤茂光、伊豆著姓、六世祖藤原爲憲、爲木

工助、因稱工藤、高祖維景爲駿河守、曾祖維

職爲伊豆押領使、祖維次稱狩野九郎、父曰家次、亦襲其號、茂光爲伊豆介、稱狩野介、分脈、工藤系圖、○按茂光稱狩野介、蓋伊豆權介而住于狩野、故以介稱也、其他如三浦類也、保元中源爲朝流於大島、威虐島民、掠奪貢賦、嘉應二年茂光詣京師訴之、廷議命茂光發武藏相模兵討之、茂光輒擊平之、保元物語賴朝起兵、先襲平兼隆、茂光等竊預其謀、東鑑石橋之敗、賴朝逃匿土肥杉山、茂光索賴朝蹤而行、軀幹充肥、不便行步、臨險氣喘不能進、其子親光扶之而行、茂光曰、佐殿非常人也、汝等終可委託、慎勿懷貳、路險敵迫、不得兩全、爲敵所獲、不如死、汝手親光不忍、低回移刻、茂光自潰腹而伏、外孫田代信綱爲絕之、親光收淚收首、子親光、源平盛衰記宗茂、維光、行光、尊卑分脈親光稱狩野工藤五郎、從擊藤原泰衡、與三浦義村等先登、力戰而死、東鑑宗茂襲稱狩野介、子宗時稱狩野新介、維光稱工藤二郎、行光民部武者所、尊卑分脈田代信

大日本史

卷一百九十四

列傳

十七

綱父曰爲綱、姓關任伊豆守、娶茂光女生信綱、秩滿歸京師、以信綱屬茂光鞠之、號田代冠者、長門本平家物語、參取尊卑分脈、年甫十一、會賴朝在伊豆、信綱往而侍焉、石橋之敗、追兵急至、信綱登高樹注射、賴朝得間遁去、源平盛衰記、○賴朝散遣從兵、與加藤景康奔甲斐、無他書可徵、今不取、後從入鎌倉、深被任遇、東鑑壽永中從源義經討源義仲、又從戰于一谷及屋島、皆有功、東鑑、源平盛衰記、景光稱工藤莊司、茂光宗人也、賴朝起兵、景光與子行光赴之、賴朝既爲大庭、景親所敗、匿於杉山、景親弟保野景久欲遮賴朝走路、率兵抵駿河、景光與安田義定俱遇景久于彼志太山、戰破之、○彼志太山、一作波太山、景光善射、賴朝大獵于富士野、獵射有賜、餅射手禮、景光時爲選首、賴朝先召而賜之、及臨獵場、有鹿挺走、景光見之曰、是我之獲、持滿而待、衆咸屬觀、一發不中、追馳三發皆不中、於是投弓而嘆曰、吾自十一歲射獵爲事、今已七旬餘、

大日本史

卷一百九十四

列傳

十八

每射必中、而今心神憫然、令鹿逸去、是豈山神所馭乎、我命盡於此、及昏果病作、竟至不起、子行光東鑑

行光稱小二郎、陸奥之役、與弟祐光及狩野親光、三浦義村、葛西清重、藤原清近、河村秀清、夜潛踰熱借山、薄西木戶、泰衡兵伴藤八多力、號六郡無雙、行光擊斬之、明日大軍踵進、國衡等敗走、敵將金剛別當子秀方幼而善鬪、行光從兵藤五擊斬之、及陸奥悉平、賴

大日本史

卷一百九十四

列傳

十九

朝振旅至岩井郡、館於廚川、以郡賜行光、行光獻杯酒、坑飯、賴朝歸鎌倉、時陸奥初定、民未安輯、浮言相驚、曰、義經等猶在、潛謀襲鎌倉、賴朝遣行光及由利維平、宮六、備仗國平等備之、行光有膂力、賴朝創永福寺、諸將佐自服廝役、行光與畠山重忠等俱挽棟梁、力殆兼數十人、見者驚愕、行光有三壯士、曰藤五、藤三郎、美源二、賴家之誅芝田二郎也、藤五、藤三郎適自陸奥赴鎌倉、遂聞之、馳歸赴

戰、射殺十餘人、芝田遂敗、賴家素聞其勇名、召三人見之、愛其驍壯、欲取一人置府、行光辭曰、故幕下殄滅平氏以來、先臣景光屢從征戰、出萬死遭一生、皆彼力也、今將軍收天下精銳、悉寘之幕下、素無所少、臣唯有是三士、死生是託、願舍之、賴家是其言、不之強、賜杯酒而罷、東鑑

比企能員稱藤四郎、○愚管鈔云、能員阿波人、疑安房誤、今無所考、不詳其世系、姨夫掃部允某為武藏、比企郡

大日本史

卷一百九十四

列傳

二十

少領有三女、掃部允既死、姨薙髮為尼、世稱比企禪尼、養能員為己子、冒比企氏、東鑑女長曰丹後內侍、事二條院、與惟宗廣言私、生島津忠久、後還關東、嫁安達盛長、次女適河越重賴、次適伊東祐清、吉見家譜禪尼嘗乳養源賴朝、及其在伊豆、國人畏平氏、無敢資給者、禪尼遙給饘二十、年未嘗匱乏、亦令盛長重賴祐清扶助、賴朝深德之、參取東鑑、吉見家譜、及起兵、能員常在幕下、稍被親近、壽永三年、擊源義高

餘黨於信濃、是歲從源範賴擊平氏、及賴朝擊藤原泰衡、能員與宇佐美實政等別率上野兵、自北陸道經越後、出出羽、念種關、斬泰衡、將田河行文秋田致文、略定郡邑、遂會賴朝于陸奥、明年泰衡故將大河兼任作亂、能員將東山道兵擊平之、賴朝遇禪尼最溼、屢至其家讌飲、東鑑命以盛長女嫁範賴、重賴女配義經、祐清妻再醮平賀義信、吉見家譜授忠久大隅薩摩日向三國守護、能員任右衛門尉、

大日本史

卷一百九十四

列傳

二十一

彼修佛事、警備何為、今將軍授與之際、彼將有所諮議、乃往、遂被殺、從者走歸告難、子宗員等與其宗黨挾一幡據小御所拒守、義時率諸將攻之、舉族奮戰、縱火自殺、忠久亦坐罷守護職、東鑑泉親衡稱小二郎、鎮守府將軍源滿仲弟下野守滿快之裔也、滿快子甲斐守為滿娶源賴信女、生為公、為公為信濃守、子孫世居信濃、父公衡稱泉二郎、親衡膂力過人、尊卑分建保中、謀奉將軍賴家子千壽丸、千壽丸據北條氏遺僧安念巡歷諸國詆將士應者稍衆、安念詣千葉成胤、成胤縛送北條義時、義時訊鞫得狀、因遣兵捕親衡、親衡奮鬪、多所殺傷、遂逃亡、不知所之、東鑑後世言武力者、以親衡及朝比奈義秀並稱云、太平記弟公信稱六郎、及和田義盛舉兵擊義時、公信屬幕府戰死、尊卑分河村秀清幼名千鶴丸、東鑑藤原秀卿後、佐藤

大日本史

卷一百九十四

列傳

二十一

氏之別族也。祖遠義爲筑後守。父秀高號河

村爲山城權守。

尊卑分脈。秀高據東鑑。

秀清母仕源賴

朝。稱京極局。治承中秀清兄秀義屬大庭景

親。戰于石橋山。景親死。秀清牢落韜名。爲京

極局所鞠。文治五年賴朝擊藤原泰衡。秀清

年十三。從至陸奥。泰衡築壘熱借山。使庶兄

國衡守之。秀清與三浦義村等六人夜潛踰

先鋒畠山重忠營。先登。與葛西清重同犯陣

格鬪。斬獲頗多。衆兵尋至。城陷。賴朝聽其自

大日本史

卷一百九十四

列傳

二十三

呼名字。召秀清於船。迫驛問之。知其爲秀高

子。卽加首服於營中。令加加美長清加冠。賜

今名。稱四郎。承久之役。屬北條泰時。戰于宇

治橋。得首級。

東鑑。

伯父義通。稱波多野三郎。

分脈。

○平治。

物語作二郎。

平治中屬源義平。戰于待賢門。

所謂十六騎之一也。

平治物語。

大日本史卷之一百九十四終

大日本史卷之一百九十五

列傳第一百二十二

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣五

北條義時

三浦義村

子泰村

北條義時遠江守時政第二子也稱江馬小

大日本史

卷一百九十五

列傳

一

四郎沈深有膽略度量過人

東鑑增鏡

源賴朝之

起兵與父兄從軍戰於石橋山及平宗盛奔

西海隸源範賴擊原田種直於豐後賴朝既

滅平氏義時以政子弟日被親信時政嘗有

憾於賴朝不告而歸北條賴朝大怒謂梶原

景季曰江馬恪謹必不從父汝往視之景季

還言尚在鎌倉賴朝喜勞義時曰汝善測度

我心他日必為子孫之輔佐後與結城朝光

書以義時為家人之最賴朝薨賴家與比企

能員謀除北條氏時政誘殺能員能員族人

據賴家子一幡館義時率兵擊破之殺一幡

竟廢賴家尋亦弑之

○按愚管鈔云明年殺賴家考其語意如義時

承時政意而殺之而不明了說見賴家傳頃之為相模守代父執

權閑院成以勞敘正五位下建保元年泉親

衡挾賴家子千壽丸謀討義時和田義盛子

義直義重及姪胤長與焉事發覺義盛乞二

子命實朝釋之又乞胤長命不可義時傳命

面縛胤長故過義盛前遂屬之吏義盛慚憤

大日本史

卷一百九十五

列傳

三

決意舉兵告急者相繼義時適與客棋辭色

不變徐竟局更服適實朝館義盛圍之義時

與大江廣元奉實朝避於法華堂義時子泰

時等力戰禦之將士多死傷及曉義盛稍退

其黨來援兵復振曾我中村等將士觀望未

赴難義時與廣元謀以書諭衆曰義盛兵既

潰幕府安穩宜速率衆擊破殘兵於是兵士

競集義盛遂敗死事平以功賜相模山内菰

蒲二莊

東鑑

為侍所別當

將軍執權次第

五年為右京

權大夫、代廣元兼陸奧守、時實朝娛翫文史、耽好和歌、不親政事、武備日弛、義時心貪私權、而終莫規諫、明年託言戌神告凶、建藥師堂、是冬實朝拜右大臣、明年行拜賀禮於鶴岡、義時持劔從之、入門稱病作、授劔源仲章而歸、禮畢實朝將還、賴家子公曉乘夜殺之、斬仲章、義時言見白狗過側、病作得免禍、乃拜藥師堂、實朝無子、義時以政子意與諸將連名乞擇皇子為將軍、東鑑後鳥羽上皇不

大日本史

卷一百九十五

列傳

三

許、愚管攝政道家賴朝之姻親、義時乃迎其子立之、是為賴經、愚管賴經生甫二歲、政出政子、義時承命施行、以廣元等宿舊參預謀議、一遵賴朝約束、無所變更、東鑑上皇常惡賴朝把握兵權、脅制朝廷、至此嗣絕、以為威權當復歸帝室、而義時擁異姓之子、以陪臣制國命、上皇心彌不平、保曆及幸熊野、仁科盛遠攜子謁道傍、上皇見其子姿貌悅之、擢為西面、盛遠感喜、從留京師、義時怒關東家

人猥侍仙洞、歿其食邑、上皇宣令還與、義時不奉詔、承久上皇以倡龜菊故、罷長江倉橋地頭、東鑑義時不奉詔曰、地頭之設、古未之有、故右大將殄滅平氏、以功始補總地頭、方此時、諸國地頭從役六年、父子臣僕隕命、鋒鏑者、相枕原野、右大將不敢自與、論功酬賞、今無罪名而遽停之、非臣之所知也、上皇大怒、決意誅之、先是三浦胤義宿衛京師、以其妻有怨義時、過期不還、上皇使能登守藤

大日本史

卷一百九十五

列傳

四

原秀康誅之、胤義奉詔、且欲說兄義村勤王、上皇悅之、承久三年四月、上皇使順德帝傳位于九條帝、協心圖滅義時、東鑑保曆開元、五月、託城南寺流鏑馬徵兵、近畿諸國應者一千七百人、上皇意益銳、執右近衛大將藤原公經父子、遣兵誅義時、所置京師守護藤原光季、承久下院宣五畿七道罪狀、義時討之、東鑑奪其官位、百鍊鈔○本書不詳、上皇問胤義曰、關東之士為義時死者幾何、曰、彼為朝

敵誰肯用命縱有昏迷之徒不過千許人耳兒玉家定從傍進曰胤義失言治承以來承私恩者多矣其欲効軀投命者必不減萬人使臣在鎌倉亦從義時爾上皇不憚秀康家僅有押松者善走齋院宣至關東諭小山宇都宮諸將胤義亦遺書勸義村與己勦力義村持胤義書示義時義時曰存亡繫於君唯君所圖義村誓以無貳義時笑曰若然無復可憂吾久知有此事計院宣使今應入鎌倉

大日本史

卷一百九十五

列傳

五

乃大索獲押松奪院宣燒之承久記與義村詣

政子白狀政子大會諸將於簾下親激厲之

曰故右大將草創鎌倉傳至于今諸君遭遇

際會世保富貴恩深江海豈無報效之志今

讒臣構難熒惑天聽諸君欲砥勵名節宜速

斬秀康胤義等以全三將軍之遺業如有欲

應院宣者決去就于今日矣諸將感奮咸請

自效即日會義時家議軍事三浦義村安達

景盛等請據足柄箱根以待王師大江廣元

曰衆心不一守險何益徒度時日師老衆沮適足以取禍敗不如委成敗於天進兵直犯京師也政子嘉之以武藏守泰時爲將徵兵武藏俟至而發又召遠江信濃以東兵諸將或言懸軍入京非計也廣元曰今大議已定但以緩期異論紛起待武藏兵猶爲不可況累日不決雖武藏兵恐生他變今夜武州當單騎上道顧關東之衆如雲從龍也三善康信與疾而至亦如廣元所計義時大悅承久記

大日本史

卷一百九十五

列傳

六

曰諸將會議軍事泰時曰今舉大事兵寡難以得志請延數日俟兵集而發義時怒曰我

事上而忠不幸爲讒者所構名爲朝敵雖百

萬衆其可得志乎不如奉命於天一舉而決

皆廣元之謀議所載詳委故今不取命泰

時嚴裝翌日發自東海道從兵僅十八騎東

國兵士相踵而至數日殆十餘萬第時房足

利義氏三浦義村千葉介胤綱爲副子朝時

率結城朝廣佐佐木信實等四萬餘騎出北

陸道武田信光小笠原長清小山朝長結城朝光等五萬餘騎出東山道兵十九萬餘直

犯京師、義時與廣元等居守、督調發、總軍務、

○承久記曰、是時、今將士、父兄行者、留子弟、

予弟行者、留父兄、然如長清等皆父子俱行、

故今不取、乃使判官隆邦書對宣旨文、東鑑○隆

邦姓關放還押松、口囑曰、義時無罪遭譴、夫復何言、

上好戰、故命弟時房兒泰時朝時、率十九萬

騎、三道竝發、上宜縱觀、如未能饜足、重命兒

重時政村、率二十萬騎、義時亦當續發、承久記

朝廷聞之大震、京師恟駭、六月上、皇召公卿

會議、東鑑分秀康胤義等諸將為九隊、發兵一

萬七千五百餘、屯于美濃尾張間、守東海東

山二道、阻河而陣、泰時時房擊之、官軍敗走、

宮崎定範、糟谷有久仁、科盛遠屯于礪波山、

守北陸道、朝時擊破之、秀康等還奏敗狀、乃

遣大納言藤原忠信、前權中納言源有雅參

議、藤原範茂、及秀康胤義、佐佐木廣綱、山田

重忠等二萬五千餘騎、分據宇治、勢多、淀、芋

洗、時盛、暑雨霽、水潦方漲、官軍撤橋連射、泰

時兵戰不利、溺死者衆、承久記、參泰時子時

氏先衆濟水、官軍不能當、棄守而遁、泰時長

驅入京師、至樋口、東鑑上皇不知所出、乃復義

時官位、奪還追討院宣、百鍊諭泰時曰、此舉

不由宸衷、為謀臣所誤、今當事事從其所請、

宜戒飭部下、勿鹵掠京師、泰時下拜不答、館

于六波羅、求廷臣首謀者、上皇歸咎於忠信、

有雅、及權中納言藤原光親、藤原宗行、參議

藤原範茂、藤原信能六人、泰時命諸將各拘

一人、捕王師逃亡者、并歿其食邑、得三千餘

大日本史卷一百九十五 列傳 八

所、具狀錄送、政子論功行賞、盡以頒給將士、

義時毫無所自取、改置畿內西海守護、廣元

準、文治元年平清盛黨與、勘延臣罪名、當忠

信以下死、泰時不欲殺三位以上於京師、使

守者將來、以政子命特釋忠信、其餘殺之於

道、七月廢九條帝、立後堀河帝、遷上皇于隱

岐、土御門上皇于土佐、順德上皇于佐渡、并

流雅成、賴仁二皇子、東鑑義時外示忠厚、內極

陰狡、既弑賴家及其三子、又殺宗室阿野全

成等實朝之弒又出於義時之意而蹤跡詭秘人不能窺其端倪記對東鑑保曆間及承

久犯闕以後廢立天子進退大臣世出其家至攝政以下有翹質其曲直國家大柄悉歸

于鎌倉焉東元仁元年為近習所刺死年六十二

保曆間記平氏系圖參取太平記明史十二傳年據東鑑按東鑑云病霍亂卒疑

飾辭今不取又按古今著聞集曰有人禱于名觀海號東勝院平氏常嗜蹴鞠嘗詣熊野

還入京師請觀後鳥羽上皇蹴鞠上皇許使觀之義時亦數入宮蹴鞠上皇稱其得法東

子泰時朝時重時政村時經實泰尚村有時時尚系圖諸本異同泰時朝時重時政村

自有傳實泰元名實義善和歌玄孫金澤貞將自有傳有時任駿河守兼大炊助民部少

輔平氏三浦義村稱平六義澄之子也東鑑三從父

數有戰功建久元年源賴朝入朝義村任右

大日本史 卷一百九十五 列傳 一九

大日本史 卷一百九十五 列傳

兵衛尉遷左衛門尉為駿河守敘正五位下素與結城朝光友善及朝光為梶原景時所

讒私就義村謀義村為計畫區處與和田義盛安達盛長等連名疏訴其冤朝光得免義

村掌小笠原牧牧人與義村奴爭閭相訴源實朝聞而不憚謂義村不能戢治部下凌轢

公民以致忿爭竟罷其司義盛舉兵義村初與之合謀既而與弟胤義議曰自高祖平太

郎屬八幡殿征武衡家衡委質事之世食其大日本史 卷一百九十五 列傳 二十

祿不失臣節一旦從宗黨之逆犯累世之主則其謫所加恐不可道不若改圖歸正遂抵

北條義時告變及義盛攻幕府義村拒戰有功事平與波多野忠綱論交鋒之前後忠綱

有辭義時諭忠綱曰此事姑置而勿論變起倉卒不日而平義村之忠不亦大乎尋賜陸

奧名取郡實朝兼左近衛大將詣鶴岡社義村中隨兵之選與長江明義為偶命義村列

左辭曰明義高年難立其左請易班列明義

七

曰義村有爵且爲三浦黨之長理當在左相讓不已實朝喜曰今日之事我所最重二人以禮相讓甚可嘉尚顧義村年齡猶富明義前途無日宜在左列以爲子孫光榮二人喜而從命及公曉戰實朝義村以計誘公曉使長尾定景斬之送首義時東鑑承久三年後島羽上皇下院宣于東國諸將誅義時時胤義在京師亦私遺書勸義村勤王義村逐使者不報直抵義時出書視之承久遂與定議舉

大日本史

卷一百九十五

列傳

十一

兵犯京師從北條泰時赴東海道東鑑至尾張一宮承久進攻大豆渡守將望風潰走追至野上垂井駐營義村建議分兵五路竝進義村破淀芋洗官軍大潰義村入京師獲胤義首送之泰時自是與義時益親厚協心輔政威望日盛義時既卒其妻藤原氏與兄光宗謀欲立藤原實雅爲將軍所生子政村爲執權相聚竊議義村以加首服之故與政村甚相親厚數出入其家衆疑義村黨之人情恟

恟錄倉騷然政子潛至義村家切責之義村陳謝衆心稍定語在光宗傳後爲評定衆延應元年卒賴經使左馬助光時弔之頒賜其采邑于諸子東鑑義村有十子朝村泰村光村家村資村長村重村胤村僧良賢重時朝村稱小太郎光村稱三郎三浦系圖爲檢非違使能登守家村稱四郎爲左衛門尉善射賴嗣觀鶴岡流鏑馬臨期有射士病渴者賴經改命家村泰村亦以君命促之家村不得辭躍馬

大日本史

卷一百九十五

列傳

十二

馳射周旋中節賴嗣歎賞泰村之敗同入法華堂時人不知其存亡資村稱五郎左衛門尉與泰村同死東鑑長村稱六郎左衛門尉重村稱七郎東鑑左衛門尉與泰村同死三浦系圖胤村稱八郎左衛門尉泰村之死胤村在陸奥薙髮自囚小山長村送之鎌倉良賢稱大夫律師弘長元年與家村子駿河八郎及泰村女野本尼密謀欲滅北條氏以報讎事覺被捕東鑑重時稱九郎與泰村同死

三浦
系圖

泰村稱駿河二郎、承久之役、年十八、與北條泰時足利、義氏屯于栗子山、父義村別將兵赴淀、泰村請曰、小子義當從大人、然發鎌倉日、與京兆約、與武州死生共之、不欲食言、請自此辭、義村分兵五十人與之、進至宇治橋、義氏兵亦至、泰村督勵士卒奮戰終日、明日與諸軍同濟、進戰甚力、承久歷掃部權助、式部少丞、任若狹守、敘正五位下、三浦嘉禎中

大日本史

卷一百九十五

列傳

十三

爲評定衆、及北條時賴秉政、最被親遇、常參預機事、勳舊豪族多爲姻黨、威焰赫然、加以北條氏外家、驕蹇縱肆、陵蔑諸將、弟光村自幼侍賴經、甚被親昵、常出入卧內、賴經被廢、光村意怏怏、護送至京師、臨別獻歛、不勝潛圖滅北條氏、復其位、數勸泰村、泰村猶豫不決、北條氏亦頗疑之、實治元年有樹榜于鶴岡者、書曰、若狹前司驕橫日甚、動違法制、近日將加嚴誅、公議既定、宜畏慎以自守、見者

駭愕、會時賴遭喪、寓泰村家、時三浦氏之族來集、陰圖殺時賴、時賴夜聞鎧仗之聲、錚然疑而不安、潛出歸家、泰村大懼謝罪、時賴遣人伺其家、事既得實、尋使佐佐木氏信諷諭泰村、泰村謝曰、近日流言、道路喧闐、深以憂懼、意者兄弟超越他族、位至正五位、宗族甄列官爵、兼數國守護、領莊園數萬町、盛滿既極、所以來讒口也、氏信還報曰、弓矢器仗委積中外、事不可測、時賴嚴設警備、明日泰村

大日本史

卷一百九十五

列傳

十四

家有匿名書曰、足下將被誅夷、何爲不備、私爲足下危之、泰村毀棄之曰、欲害我者之所爲也、遣人謝時賴曰、頃察流言、禍殆逼身、僕素非有異心、但部下在遠者聞而來集、此讒者之所以藉口也、以此得疑、宜速罷散、時賴溫語慰諭、而泰村意猶不安、日夕患之、三浦氏之族及毛利李光兵相踵而至、幕府兵亦蠅集、時賴下令各解散、左衛門尉關政泰者泰村妹夫也、引兵還常陸、中道聞泰村將被

誅馳歸、復屬泰村、李光妻亦泰村妹也、夜潛來告泰村曰、兄將及難、事既決矣、妾聞其詳、請兄速舉事、妾夫當勦力、設使不然、妾必說令從、泰村疑不能決、時賴遣使諭泰村、斂戰兵士、再遣平盛時遺書曰、頃者人情疑懼、而幕府曾非有討足下之議、請速解疑、勿忘往日之歡、因申之以誓辭、盛時亦口說講和之意、泰村喜從之、先是安達景盛與泰村爭權相惡、見其勢威出已右、意益不平、數勸時賴除之、至是聞時賴講和、召子義景、孫泰盛曰、泰村得書益驕、我門之殃也、當決雌雄於今日、乃急發兵攻泰村、泰村錯愕、亦出兵拒戰、比盛時還報、兵既交、時賴謂事既至此、勢不可遏、使弟時定將兵擊之、李光率兵將入幕府、妻挽鎧袖曰、舍若州而與北條氏、不顧平生之言、唯勢之視、豈武士之所為哉、李光遂入泰村軍、時賴聞之、慮其難遽勝、令軍因風縱火、泰村不能支、逃于法華堂、光村別帥八

大日本史

卷一百九十五

列傳

十五

十餘騎屯永福寺、遣使謂泰村曰、此地要害、戰守兩便、請引兵來會、泰村報曰、運去力窮、縱據金城鐵壁、何益之有、等死則死、故將軍影像之前耳、汝宜來會、光村猶欲戰、強之不聽、光村不得已出寺、道遇二階堂行義、二階堂行方、甲斐前司泰秀等兵、○泰秀姓關光村力戰、衝陣而過、竟得入法華堂、追兵大至、泰村從士拒戰移時、矢盡力屈、宗族列座賴朝像前、修法事讚、光村意氣奮厲、慨然嘆曰、當將軍在鎌倉、若從禪定殿下密旨、速舉大事、則一門當盤據政府、若州不果、身死家亡、為天下笑、悔何可及、乃拔刀勢面、問人曰、我面猶存乎、遂自殺、光村嘗受攝政道家密囑、故有此言、時光村欲火堂焚屍、泰村曰、無益于事、徒取不忠之名、不可為也、乃止、泰村嘆曰、吾家於霸府、累世樹功、子孫有罪、猶當從寬宥、況我自大介以來、為四世之宗、加以北條氏外親、協弼政事、有功無罪、而今以讒被戮、豈

大日本史

卷一百九十五

列傳

十六

非命哉、但先人當事、冤殺頗多、豈其報應邪、
亦奚怨北條氏之寡恩哉、因嗚咽泣下、宗族
二百七十六人及其兵士二百餘人皆自殺、
泰村及季光宗黨蔓衍、連坐者甚多、東鑑
間記曰、安達義景護殺泰村、今泰村有九子、
考本書、義景父景盛之所為也、
長景村、次景泰、其餘七子尚幼、皆與父同死、
三浦三浦氏亡、唯遠江守盛連族、以歸北條
東鑑氏得存、

大日本史卷之一百九十五終

大日本史 卷一百九十五 列傳 十七

大日本史卷之一百九十六

列傳第一百二十三

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣六

畠山重忠

畠山重忠幼名氏王丸武藏人其先出自平

高望子良文良文居武藏村岡生忠賴忠賴

大日本史

卷一百九十六

列傳

一

稱村岡二郎生將常爲武藏守生武基號秩

父別當生武綱武綱從源賴義討陸奥賊有

功生重綱重綱爲下野權守武藏留守所總

檢校號秩父權守生重弘重弘生重能重能

爲畠山莊司娶三浦義明女生重忠因稱莊

司二郎

參取尊卑分脈平氏系圖畠山系圖

重能從源義平攻

源義賢於大藏有功

源平盛衰記

治承四年源賴

朝應以仁王令旨起兵討平氏伊豆相模豪

傑爭先犇附時重能與弟小山田有重俱在

京師平氏嫌重能宗人皆屬賴朝拘留不還

平家物語以故重忠不從賴朝調發八月賴朝據

石橋山大庭景親率武藏相模兵擊破之重

能宗人澀谷重國及有重子稻毛重成與景

親共攻賴朝重忠亦率五百餘騎屯于金江

川時年十七會三浦義澄和田義盛等將兵

助賴朝途聞賴朝敗而還徑過重忠陣義盛

大呼調之重忠謂部下曰我與三浦氏固無

怨讐然彼先挑戰我不得不發一矢也追及

大日本史

卷一百九十六

列傳

二

小坪遣使謂義盛曰重忠與卿曹素無纖芥

不宜交鋒然以父叔俱在京師故出兵應平

氏今卿等屬源氏呼我挑戰我儻不應無辭

以謝父叔敢請戰義盛亦使使報曰子之大

人爲大介女婿子爲外孫奈何以孫抗祖且

佐殿奉院宣討平氏子今抗之後悔莫及請

熟慮之於是重忠部將榛澤成清往義盛陣

曰三浦秩父義均一家固宜同休戚附源屬

平牽於一時之勢兩家勝敗未可逆料構兵

私鬪甚非攸宜、不如罷兵以全平生之好、義
盛以爲重忠意也、乃許之、義盛弟義茂、不知
和議既成、躍馬衝陣、重忠以爲義盛佯和、襲
我不備、乃縱兵擊之、義澄義盛來救、重忠壯
士死者五十餘人、○五十餘人據東鑑重忠大
怒、冒陣而進、欲搏義茂、義茂射中重忠馬、馬
蹙、成清以己馬授重忠、與本田親恒俱復申
前議、兩軍乃歛兵而退、源平盛間一日重忠
與族人河越重賴等、率金子村山諸黨三千

大日本史

卷一百九十六

列傳

三

餘騎、至相模攻三浦族於衣笠城、拔之、東鑑

盛衰

既而賴朝軍振、引兵至武藏、重忠欲往

降之、然以有小坪衣笠之釁、猶豫不決、成清

曰、我於源氏有四世之恩、平氏則從一時之

權而已、至親爲敵、將家之常、近時保元之亂

是也、小坪衣笠之戰、事出不意、以臣料之、佐

殿必不深責、若遲疑不往、必將來擊、不如速

往歸也、重忠然之、乃帥衆赴武藏、至長井渡

乞降、長井渡賴朝讓曰、卿何嚮攻三浦族而

拔衣笠城、今來降、我不之信、儻平氏用卿父
叔爲前導、則父子接兵乎、重忠對曰、臣愚蠢
不知去就、祇爲父叔在京師、姑出兵以塞責
耳、至小坪衣笠事、則非臣本圖、將軍問諸三
浦黨、則情狀自明、賴朝又視其背旗、詰曰、與
我旗同、豈欲相抗乎、重忠曰、昔者八幡殿討
清原武衡、臣高祖武綱應徵發、先衆而至、八
幡殿嘉之、賜以此旗、命爲前鋒、武綱遂立戰
功、父重能亦揭此旗、從惡源太殿滅大藏館、

大日本史

卷一百九十六

列傳

四

於源氏爲休祥、故名曰吉例、傳而至臣、今日

之舉、將軍闢基之始、故揭此而來耳、賴朝乃

與土肥實平千葉常胤議之、二人曰、重忠所

言、甚有條理、其人慤實、釋而收其用、必足以

制方面、否則相武將士皆謂畠山尚不免、況

吾屬乎、必不來矣、賴朝然之、謂重忠曰、我平

天下、汝每爲我先驅、因賜藍皮一張、令著旗

上、以識別之、畠山氏旗上著小紋藍皮是爲

始、既而武藏相模人士來降、恐後、壽永二年

重能有重從平維盛擊源義仲于加賀營于安宅港率騎三百餘○長門本平家戰于篠

原嶽重能見敵涉水督兵而進義仲問樋口

兼光曰揭赤旗而來者為誰對曰畠山重能

也義仲曰畠山武藏巨族足為匹敵汝先當

之兼光張陣而進重能血戰移時交退源平

記長門本平家物語及京師失守平宗盛奉養和帝將

奔西海以重能有重家屬在關東欲斬之筑

後守平貞能諫止之參取東鑑長門本平家

大日本史 卷一百九十六 列傳 五

以為平知重能兄弟從乘輿至淀宗盛諭二

人東還重能對曰顧家遺公志士所恥固請

從行宗盛不聽重能等不得已辭去源平盛

終屬源氏有重後在鎌倉賴朝殺一條忠賴

有重與子稻毛重成榛谷重朝參預其事東鑑

○重能事跡是後不三年賴朝遣弟範賴義

經討義仲重忠將五百餘騎從義經赴宇治

義仲聞東兵大至遣將士撤橋板拒守源平

記平家東軍不得濟義經欲觀諸將意議曰

待水勢衰而濟乎將易路而由淀芋洗也重

忠進曰河流慄疾人所稱道非暴至者春時

雪消水漲有增而無減治承之戰足利忠綱

涉之非鬼非神彼亦人焉爾重忠請為諸軍

試之乃誠厲士卒亂流而濟重忠馬中矢乃

潛行水底大串重親失馬而溺扶持投之岸

上乘副馬而進平家物語○源平盛衰記曰

幸親望其容貌謂此非範賴必義經也源平

射之誤中其馬重忠肩馬替行水底幸親曰

大將今誤第一發不可復射乃諸軍繼濟大

自屏盾後與此差異未知孰是

大日本史 卷一百九十六 列傳 六

戰敗之義仲從弟長瀨義員出逆重忠重忠

揮刀直進義員不戰而走○諸本平家物語

本作重經云進入京師與義仲戰六條河原

斬其將二河賴致義仲敗走於是重忠從義

經俱謁法皇諸軍追擊義仲重忠恐其或逸

義仲亦率兵躡之及三條河原隔河射戰義

仲稍卻重忠遂濟河時有一騎兵力戰衝陣

重忠問成清曰彼健鬪者誰也對曰是義仲

妄鞞繪者今井樋口之妹也重忠笑曰彼義

仲所愛、我當生擒之、搗兵馳之、義仲來救、接戰數合、重忠迫捉、韋繪鎧袖、韋繪揮鞭疾馳、馬騰袖斷、重忠釋而去、範賴義經之擊平氏、重忠在範賴部下、及梶原景時屬範賴、重忠惡其驕肆、愧受指揮、且服義經材武、遂屬之、義經喜曰、重忠武力無儔、以此代景時、利甚大矣、重忠從義經踰鵜越、攻平氏於一谷、有功、源平盛衰記、文治三年、伊勢神人員部大領家綱、○家綱姓關、訴重忠目代鈔暴神戶、賴朝怒削

大日本史

卷一百九十六

列傳

七

重忠采邑、拘於千葉胤正第、重忠絕食七日、杜口不言、胤正以告、賴朝大驚、釋而召見、重忠拜謝、乃謂等列曰、凡受邑土者、宜擇目代、吾常以清潔律身、今任不良之人、自速此辱、賴朝命復其本領、但奪伊勢沼田御尉、賜吉見賴綱、重忠還武藏、梶原景時乘間譖曰、重忠怨望、鳩集宗族、據菅谷而叛、賴朝召結城朝光下河邊行平等議之、朝光曰、嚮重忠以目代之姦宄、暫遭譴怒、當此之時、唯自引咎、

曾無怨色、其人天資忠直、敬神慕義、決非懷異圖者、宜召致之、面察其情狀、賴朝然之、以行平與重忠友善、遣而召之、行平往告其狀、重忠大憤、恚曰、我有何缺望、自棄舊勳、忽爲叛人、赤心奉公、幕下所知、而爲讒口所陷、無由自明、子衡命而來、欲誅我也、引刀將自殺、行平遽止之、曰、子常自稱不譎、何今逆詐之至此、以信接人、我豈讓於子邪、子爲將軍之胤、我亦四代將軍之裔、適足相敵戰、以決雌雄、何用詐謀陷子乎、重忠乃勸杯酒、盡平生之歡、遂與行平俱至鎌倉、因景時陳謝、景時曰、子如實無反謀、宜上誓書、重忠曰、若人謂我恃勇掠奪貨財、則我深愧之、今枉得叛名、適足見其勇耳、雖然、我遭源氏之興、委身幕府、未嘗懷貳、而忽罹讒謗、實出不幸、我心與言無二、何煩誓書、且盟誓所以防姦詐、如我赤心、幕下所知、子以是白之、景時入言、賴朝默然、及召見、唯敘寒暄、無一及糾問、事遂釋、

大日本史

卷一百九十六

列傳

八

五年賴朝親將擊藤原泰衡、重忠爲前鋒、進營國見澤、泰衡壁熱借山、山下掘塹廣五丈、引遇限流瀦之、使其庶兄西木戶國衡守、重忠先發役夫、填塞隍塹以通攻路、泰衡將金剛別當秀綱率兵數千陣于山下、重忠與小山朝光、加藤景廉等進擊破之、秀綱退歸太木戶、與國衡合、賴朝令軍中明日踰山、其夜三浦義村、葛西清重等七人欲先登、夜潛過重忠營下、成清告重忠曰、公爲前鋒、結營於

大日本史

卷一百九十六

列傳

九

此諸將爭先、挺身競進、請遮留之、否則訴之幕府、以軍法從事、重忠曰、我已爲前鋒、假令他人卻敵、我亦不爲無功、且燒人之先登、非我所欲也、不如坐收其功、乃佯爲不知遣之、清重等果格鬪、多獲首級、旦日賴朝薄大木戶、國衡力拒、重忠與朝光等擊大敗之、與軍崩潰、國衡逃走、和田義盛射中其膊、大串重親追迫斬之、重忠以其首獻賴朝、語在義盛傳、泰衡遂爲部下所殺、傳首至行營、賴朝使

重忠義盛檢焉、宇佐美實政生獲泰衡驍將、由利維平、時天野則景後至下手、及獻捷、二人爭功不決、賴朝竊命認二人鎧馬、使景時問維平、景時謂維平曰、汝泰衡驍將、必無僞飾、向擒汝者、擐何甲、維平怒其倨慢、張目曰、汝佐殿家人、何言之傲乎、故御館鎮守府將軍之嫡統、汝主猶不宜爲此稱呼、況汝與我等夷、乃敢出此言乎、運窮就擒、勇士之常、我卒不對汝問矣、景時愧赧、報賴朝曰、醜虜極

大日本史

卷一百九十六

列傳

十

口慢罵、無復它語、賴朝知景時無禮、更命重忠、重忠親爲設坐、徐問曰、武夫爲虜、自古有之、不足以爲恥、雖我二品亦嘗受辱六波羅、然一旦崛起、蕩平天下、足下雖在禁虜、豈終淪沒、足下驍名冠六郡、故將士以獲足下爲功、相爭不決、此輩優劣、係足下一言、執足下者鎧馬何如、願聞之、維平曰、足下非所謂畠山殿邪、應接有禮、不類前人驕傲、不得不爲足下言、捉僕者、擐黑絲甲、騎鹿毛馬、其後衆

人蜚集、無所記憶、重忠入報之、賴朝乃知爲實政、遂屬維平於重忠、善遇之、陸奧平定、賴朝論功行賞、三浦義村等賞賜頗厚、賜重忠葛岡郡、其地狹小、重忠竊語所親曰、我雖承前鋒命、而大木戶之戰、則他人先我、我知而不禁者、欲分功於等夷耳、見其疇賞、果如我意、東鑑賴朝嘗分將士座次爲三行、重忠與三浦梶原同爲第一、其見重如此、源平盛衰記賴朝薨、賴家嗣立、以重忠忠直、遺言保護焉、建仁

大日本史

卷一百九十六

列傳

十一

二年、賴家密命比企能員圖北條氏、事露、北條時政誘殺能員、能員子姪女婿據世子一幃、第拒守、重忠與義盛等諸將從北條義時攻之、敵兵殊死戰、諸將稍卻、重忠簡精兵衝突、敵不能支、火宅而死、元久元年、實朝娶婦、重忠長子重保與北條政範等往京師迎之、重保候平賀朝雅、重忠朝雅俱時政女婿、而重忠妻其前妻子也、重保與朝雅飲而忿爭、坐客和解而止、朝雅猶蓄餘怒、惡重保父子

於妻母牧氏、牧氏銜之、陰構於時政、時政欲殺重忠、與稻毛重成謀、重成承意告重忠謀叛、於是時政竊與義時時房議、二子諫曰、重忠屢建勳績、專秉忠直、故將軍素知其誠款、託以後嗣、而能員之難、去彼附我、豈非重子婿之好邪、今有何怨懟、驟蓄異圖、大人輕信、單辭暴加誅殺、如或悔之、其可追乎、先覈其真偽、然後圖之、亦未晚也、時政怫然而起、牧氏聞之、使人謂義時曰、重忠異謀已成、吾憂

大日本史

卷一百九十六

列傳

十二

禍及家國、告之遠州、何意汝阿姦田、曲庇重忠、豈以繼母故、欲令吾爲讒人乎、義時懼而從之、先是稻毛重成以計召重保於鎌倉、時政以實朝命遣兵圍重保第、重保奮戰而死、重成又遣其子某於菅谷、結重忠曰、鎌倉有變、宜急來會、重忠信之、將赴鎌倉、時重忠二弟長野重清在信濃、重宗在陸奥、以故不相從、重忠纔率百三十餘騎就道、鎌倉募嚴、義時時房總督諸將、分道赴武藏、從軍甚夥、彌

滿山野、重忠進抵二股川、始知重保遭害、義時來擊、親恒成清謂重忠曰、大兵奄至、勢不可當、不如還武藏據要害拒之、重忠曰、臨難忘家、大將本意、況重保既死、我有何顧戀而歸鄉里、嚮者梶原景時畏死逃亡、暴骸道路、為世所笑、我既無異志、豈踐其覆轍乎、於是屯兵鶴峯、安達景盛率野田與一加治宗李等七人、挺衆來進、重忠望見曰、景盛我弓馬友也、乃麾其子重秀當之、格鬪數合、重忠摧

大日本史

卷一百九十六

列傳

十三

銳破堅、殺傷過當、宗李以下壯士多死、及晡、重忠中愛甲李隆矢而死、時年四十二、死非其罪、人皆嘆惜、○愚管鈔曰、軍人憚重忠勇猛、不敢逼近、重忠遂自殺、麾下衆或戰死、或自殺、東鑑重忠多兵、世雄於武藏、勇武絕倫、受賴朝顧託、輔賴家、時政雅忌之、欲因事除之、故及於禍、參取東鑑、愚管鈔、保曆間記、義時傳首鎌倉、時政問軍中顛末、義時曰、重忠親族多在他所、所率不過百餘騎、以是觀之、非謀叛者、豈讒構至此乎、太可憫傷、時政

默然、是日稻毛重成及子小澤重政、弟榛谷重朝、重朝子重李、秀重、竝皆所殺、重忠天資敦厚、以冲退自守、東鑑然有威嚴、等輩值重忠在傍、雖夏月避暑、肅然改容、其為人所敬憚如此、愚管鈔初訪僧高辨於杻尾、將造其居、高辨之徒遙望煙塵、謂京師火、高辨曰、不然、當有勇士來、是其兆也、有頃重忠至、談華嚴而去、東鑑又有異力、有長居者、自負其幹力曰、當今我力冠關東、所慮者唯有畠山二郎而已、

大日本史

卷一百九十六

列傳

十四

賴朝疾之、今重忠角力、重忠壓長居肩至地、骨碎氣絕、古今著聞集賴朝創永福寺、諸將手自營築、重忠與佐貫廣綱、城長茂等自挽棟梁、其功敵役徒數十人、重忠捧持大石一丈許、置之池中、賴家使波多野盛通捕景時黨勝木則宗、盛通從後抱則宗、則宗素多力、便抽右手引刀、將刺盛通、重忠適在側、伸左手握則宗臂、骨碎、盛通遂縛獲之、賴家賞盛通、有真壁紀內者、常與盛通不相得、乃告賴家曰、

捕則宗者重忠、非盛通也。賴家召問之。重忠曰：「臣實不預。退責紀內曰：『凡爲士者，以無邪心爲貴。』吾子有怨於盛通，蓋言躬自獲之，盛通驍勇，非假手於重忠者。其與物不競，皆此類也。」東鑑初，賴朝有駿馬，曰生啞。及討義仲，諸將士多欲得之。賴朝靳而不與，賜之佐佐木高綱。軍進抵富士川，重忠次于田子浦。遙聞馬嘶曰：「異哉，是生啞也。何人賜之？」從者曰：「戎馬數千，逸足亦多，而公斥言生啞，不亦泛乎？」

大日本史

卷一百九十六

列傳

十五

以蒲殿梶原之強請，猶不得賜。況餘人乎？衆亦竊笑之。重忠曰：「我耳不惑，汝等待之。」言未畢，生啞果至。衆服其聰辨。源平盛衰記子重保、重秀、僧重慶、重保稱六郎。先父見殺，重秀稱小二郎，與父同死。僧重慶建保初在日光山，陰聚亡命，事聞鎌倉。實朝遣長沼宗政捕之。宗政斬首獻之。實朝怒曰：「重忠罪不至誅，我甚愍惜。其子爲僧，縱有所謀，又何能爲？我欲生致質，其真偽，汝何不先請，而專誅殺乎？」乃罰

停府參

東鑑

大日本史卷之一百九十六終

大日本史

卷一百九十六

列傳

十六

大日本史卷之一百九十七

列傳第一百二十四

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣七

和田義盛 子義秀 孫朝盛 義盛弟義茂

梶原景時 子景季

和田義盛三浦義明孫也 和田系圖源父義平盛發記

大日本史 卷一百九十七 列傳

宗長寬二年攻安房長狹城被創還家而死

長門本平家物語 義盛居和田因氏焉稱小太郎 和田

系圖 爲人豪勇多力善射 平家物語源及源賴

朝軍于石橋與叔父義澄等赴之途聞賴朝

敗奔回軍衆以畠山重忠在路欲從間道避

之義盛不聽徑過重忠陣大呼曰我是和田

小太郎義盛也聞佐殿敗回軍子等能過則

過之重忠大怒追及于小坪坂義盛謂義澄

曰叔當分兵據鎧磨結陣而待義盛下坂逆

敵力戰以決雌雄敵兵少退夾擊破之義盛

若不利則退與叔軍合進退兩利義澄從之

重忠使人請戰重忠部將榛澤成清說義盛

和解義盛許之將罷兵而歸先是義盛弟義

茂以事往鎌倉義盛遣使告重忠兵至義茂

聞報馳歸三浦兵望見麾而止之義茂不知

和成直衝重忠軍義盛更命馳傘連招義茂

不曉奮戰愈力義盛不得已帥兵馳援之義

澄亦出鎧磨赴之路極狹隘衆魚貫而進重

大日本史 卷一百九十七 列傳 二

忠軍望見以爲援兵大至散走者多義盛等

來勝進擊重忠部將本田親恒榛澤成清又

申前議義盛乃罷兵而還入衣笠城以其地

不便守戰欲守奴田義明不聽語見義明傳

間一日重忠率江戶葛西等族來攻三浦黨

拒戰不利乘夜走安房海上遇賴朝相見懼

甚岡崎義實告義忠隕命義澄亦白義明死

節狀歎嗚咽義盛進曰人誰不死況戰士

以死自期悲泣何爲今顛沛之際君臣相遇

宜商略大計立取富貴鄙語曰願食者先器往歲上總介藤原忠清領東國侍奉行諸士

日夜伺候其門承色拜趨威權甚重義盛常

歆羨之異日君成大功願得補此職賴朝笑

而諾源平盛衰記及東國漸平論功行賞遵舊約

擢義盛補侍所別當以故征討密議莫不預

知東鑑後從源義經擊源義仲又攻平氏於一

谷壽永三年從源範賴赴西海參畫軍事壇

浦之戰又隸義經率部下兵離陣獨進親執

大日本史卷一百九十七列傳三

弓矢遙射海上船一矢及二百餘步著平知

盛船舷箭幹甚偉知盛見而大駭義盛頗誇

其能揚扇麾海上知盛命仁井親清親清從平家物

語○本書作宗長射之矢汰義盛兜鍪傷後騎軍中

突其卻為敵所射義盛恥之乘輕舸進射多

所殺傷源平盛衰記文治五年從賴朝攻藤原泰

衡破熱借山軍泰衡庶兄西木戶國衡退走

義盛追及之國衡旋騎控弓將射義盛先注

射中其左膊國衡被創而走畠山重忠部下

獲其首獻之賴朝甚悅義盛進曰臣實射殺

之重忠不服賴朝命取國衡鎧檢之鏃孔甚

大非他人所及重忠不敢爭建久元年賴朝

朝于京師奏官功臣十人義盛仕左衛門尉

數年又增加食邑結城朝光為梶原景時所

讒義盛等勲舊六十六人作連名書辨其誣

枉罪狀景時就大江廣元請啓賴家廣元意

欲和解過不得通義盛詰其遲滯廣元以實

對義盛讓曰卿為關東耳目畏景時而抑衆

大日本史卷一百九十七列傳四

怒豈理也哉聲色俱厲廣元許諾書遂上景

時由是獲罪初景時欲補侍所別當以義盛

居職未得便時其遭喪數日不出請暫假其

職言之甚切賴朝難違其意遂許之待義盛

之出解之而景時巧詐百端不肯解職至是

義盛復職後請任上總國司實朝稟政子政

子曰故將軍有制諸士不得仕牧守今任之

者非我所知也實朝猶豫不決義盛再裁書

就大江廣元請之詞甚激切實朝報曰我有

所思、姑俟之。義盛喜謂必得所望、而三年不得。義盛使子義直謂廣元曰、所請不獲、願還前書。廣元以告、實朝怒其輕慢、然以其宿老優容之。實朝嘗選近臣有勇力者、番直便室北面、又欲擇老練戎事者以備顧問、特命義盛及伊賀朝光同直焉。建保元年、衆親衡謀滅北條氏。義盛子義直、義重姪胤長黨之、事覺見收。義盛時在上總、聞變馳歸、直上謁幕府、自敘己家功勞、贖二子罪。實朝釋之。義盛

大日本史

卷一百九十七

列傳

五

大悅而出。明日又率宗族九十八人詣幕府、列于南庭。就廣元切請赦胤長。實朝以其爲首謀不聽。北條義時命金窪行親、安藤忠家、縛胤長屬法吏。三浦族盡覲之。義盛深愧之。杜門不出。胤長遂謫陸奥。其第在荏柄。近幕府、便出入。近臣多欲得之。故事沒入第宅者、皆賜其同族。故義盛就五條局請之。實朝聽焉。義盛大喜、遣人守其家。未幾更賜北條義時。義時割與行親忠家、遂守者。義盛聞而怒、

由是忿怨日深。潛圖滅北條氏。聚親戚朋友、日夜計議。歲餘、與土屋義清、橫山時兼、古郡保忠等相結。欲待時發。會義盛逐所崇信僧人咸異之。以謂佯爲放進。潛詣伊勢、祈軍事於大神宮。流言嗷嗷。內外疑懼。實朝使橘公氏于其家廉察之。義盛出接之。誤落烏帽。其狀似隕首。公氏以爲凶兆。義盛謂公氏曰、吾家以故將軍之元從、恩遇優渥。言無不聽。請無不許。故將軍棄世未二十年。所言不從。所

大日本史

卷一百九十七

列傳

六

請不許、無復面目立于世。是以不出。豈謀反哉。時保忠、義秀等在内。檢閱器仗。公氏粗察之。還告狀。於是幕府下令召集將士。再遣刑部丞藤原忠李、諭義盛罷兵。義盛報曰、臣非有怨於幕府。義時蔑視故舊。傍若無人。子弟輩恚之。欲往問狀。臣數諭之不聽。衆議既決。非臣力之所能制也。後數日遂舉兵。義時聞之入幕府。乃攻幕府南門。分攻義時廣元家。既而合圍幕府四面。義秀排門而入。其鋒甚

銳衆不能支、俄府中火起、炎焰漲天、義時奉
實朝出避之、使子泰時拒之、義盛兵殊死戰、
昏至曉、勝敗不決、泰時勵衆力戰、義盛兵疲
矢盡、退軍于前濱、府兵來勝追擊、絕其餉道、
義盛飢困、會橫山時兼率兵來援、義盛兵又
振、擊走府兵、欲復攻幕府、泰時時房等分扼
諸路、義盛不能進、會義直戰死、義盛哀慟曰、
吾事已矣、戰勝亦奚爲、神思昏憤、爲江戶能
範從兵所殺、時年六十七、保曆間、義盛與泉親衡同舉

大日本史 卷一百九十七 列傳 七

兵、以建曆二年敗死、誤、軍遂潰散、閭族死亡、唯義村兄
弟以歸幕府得免、東鑑長子常盛稱新左衛門、
次義氏稱二郎、次義秀、次義直稱四郎左衛
門、次義重稱五郎兵衛、次義信稱六郎兵衛、
次秀盛稱七郎、次義國稱八郎、皆與父同死、
義秀獨脫、東鑑和田來國、義國據來國、尊卑分、云、常盛死、于承久之亂、
義秀稱朝夷名三郎、驍勇矯健、膂力絕倫、賴
家嘗遊小坪、聞義秀善泅、欲觀其技、義秀入
海游泳、往還數遍、遂深沒不見、少選捕三鮫

魚而出、衆皆驚愕、及義盛攻幕府、義秀排門
進入南庭、力戰搏鬪、勁捷如神、所向無前、擊
殺五十嵐小豐次、葛貫盛重、新野景直、禮羽
運來、高井重茂等、傷北條朝時、遇足利義氏
于政所橋、欲與之搏、義氏躍馬踰隍、義秀馬
疲不能踰、轉從橋上追之、鷹司冠者朝秀遮
擊義秀、竟逸義氏、義秀欲復向幕府、遇武田
信光于若宮大路、將接戰、信光子信忠欲救
父、馳當義秀、義秀心嘉之、舍而不校、小物資

大日本史 卷一百九十七 列傳 八

政轉鬪而前、義秀擊殺之、凡當其鋒者、莫不
隕命、古郡保忠土屋義清亦賈勇死戰、所向
披靡、府兵殆不能支、既而義清中流矢死、義
盛兵敗、保忠亡至甲斐自殺、義秀帥五百人
駕船走安房、不知其所終、或曰戰死、時年三
十八、東鑑此故以爲安房有朝夷郡、蓋義秀初居
赴高麗、平氏來國亦載此事、延寶中使人問
義秀事蹟、於對馬守宗義、真質之朝鮮、報曰、
朝鮮金山浦、義秀朝夷名三郎、義秀祠、見在、土人時祭
之、東鑑義秀朝夷名三郎、義秀祠、見在、土人時祭
事、見安貞元年、如義秀亦或然、平但、以義
秀爲朝夷、所生者、誤、說見今并兼平傳末、常

盛子朝盛平氏系圖

朝盛為右兵衛尉平氏系圖稱新兵衛尉有膂力

練達戎事好和歌善蹴鞠為源實朝所親昵

及義盛舉兵朝盛心知其非不能諫止深以

為憂將為僧逃避其夜入謁實朝會實朝月

下開宴朝盛作和歌上之實朝甚稱賞之面

賜數所地頭職朝盛拜而出不歸家直詣僧

舍薙髮改名實阿彌陀佛赴京師留書於家

曰近日之議勢不可中輟犯君不忠遺親不

大日本史 卷一百九十七 列傳 九

孝忠孝不可兩全故捨世事而委身釋門耳

朝盛為適孫長於軍事義盛欲賴濟事聞之

大驚如失左右手命義直追之及於手越驛

乃曉譬之與俱還鎌倉實朝未知義盛有異

謀聞而甚憫之使人慰問義盛及其還又遣

使召入朝盛披僧衣上謁其寵眷如此既而

同親族攻幕府兵敗脫走○按本書以朝盛載死籍中而前書

其道去則載死籍者承久之亂屬官軍東鑑官

軍敗績潛匿得免安貞元年就擒於京師東鑑

漏義盛弟義茂平氏系圖

義茂稱小二郎驚猛多力小坪之戰不知和

成率七騎深入鏖戰敵兵披靡及義澄自鎧

磨出兵重忠兵益散走義茂意氣揚揚獨杖

弓而憩重忠部將綴太郎與弟五郎以驍勇

聞離羣同進注矢將射義茂曰何不相搏決

勝負太郎棄弓矢而進義茂摔倒之斬首五

郎繼進義茂又斬之太郎子小太郎射義茂

義茂佯為被創謂曰汝矢不能洞我鎧我奔

大日本史 卷一百九十七 列傳 十

馳兩日困憊不能戰汝宜手刃以報父讐小

太郎信之揮刀進擊義茂急起捉之又斬之

提三首上馬大呼曰欲戰者來重忠怒將親

搏之義茂射倒其馬義盛義連等來援義茂

重忠殆不免既而解散祖義明聞而喜予佩

刀賞之源平盛衰記及賴朝平定東國足利俊綱

黨于平氏賴朝使義茂擊之義連及葛西清

重宇佐美實政副之未至俊綱家眾桐生六

郎斬俊綱而降義茂馳使傳首於鎌倉并縛

送六郎東後墜馬而死和子重茂稱高井

三郎武力邁人及義盛舉兵獨歸幕府與義

秀遇相搏墜馬不克而死時府兵能與義秀

相抗俱墜馬者唯重茂一人而已人嗟惜之

義茂弟義長生胤長胤長稱平太東以善射

間和嘗從賴家獵伊豆斬巨蛇於窟中東

及義盛死實朝殺胤長於陸奥東

梶原景時稱平三東父景清稱五郎平

鎌倉景政之後也源平盛衰記○永圖諸

大日本史 卷一百九十七 列傳 十一

梶原或云高祖鎌倉權大夫景茂始稱梶原而與景政別族但平氏永圖一本為景政後

者與本書一谷戰為人材武狡獪隱隱有口條合故今從之

辯嗜和歌源賴朝起兵於伊豆景時從族人

大庭景親聚兵攻之賴朝戰敗走土肥杉山

景親等率眾踵其後賴朝與土肥實平潛匿

山中景時知而不言給景親曰此處無人跡

乃俱登傍峯而去賴朝因得脫○按源平盛

此異說見賴朝傳及賴朝聲勢漸振關東將士望風服從景親懼而來降賴朝殺之景時就實平

乞降賴朝赦而舉之愛其才幹日親任之東

及殺平廣常密命之景時景時設計與廣常

雙陸伺間斬其首賴朝壯之愚壽永三年

源範賴源義經率諸將討源義仲景時隸義

經軍源平盛義經及安田義定等馳信

報捷倉卒間諸將所報多不詳審獨景時書

備具生虜姓名首級員數賴朝再三稱善東

是月遣範賴義經攻一谷以實平為侍大將

屬範賴以景時屬義經監軍事初畠山重忠

大日本史 卷一百九十七 列傳 十二

從義經至京師後隸範賴景時恃寵輕易將

士獨專軍令義經不悅景時去屬範賴實平

代屬義經重忠亦恥受事於景時帥眾屬義

經○按東鑑景時重忠俱在範賴部下考前

景時率諸子向城東門生田森範賴謂景時

曰城險而堅今我兵寡不可猝拔宜待後繼

景時傳令軍中源平盛義子景高聞之曰將軍

號令何誤夫臨戰陣不顧親子競先而進者武夫之常也豈可待他人繼至而坐視其戰

哉南都本平乃挺身薄城門力戰於是景時

帥長子景李等五百餘騎謹譟而進城兵二

千餘騎圍擊之血戰而退景李深入景時謂

為敵所獲勒兵二百餘騎復入城中大呼奮

擊城兵崩駭無敢近者乃與景李相值景時

大悅躬自搏戰手斬城兵真鍋四郎乃歛兵

而退世傳謂之梶原二度驅是時景時折梅

花挿腋平氏諸將望見稱其風流南都本平

平盛衰記○長門本平家物語曰景李梅

花於腋而戰時有一人稱本三位使唱一句

大日本史 卷一百九十七 列傳 十三

曰古知奈區毛美由流毛濃加奈佐久良我

利景李下馬廢成曰伊計登利斗羅年多迷

斗於母弊波文治元年義經將擊平氏於鎮

與此不同西治舟師於渡邊福島景時欲船設逆櫓義

經黜其議景時銜之平家物語源平盛衰記

渡邊福島據平家物語義經纔帥舟師五艘冒風濤抵屋島攻而拔

之後五景時等軍二百餘艘繼至義經進

攻平氏於海上景時請為前鋒義經不許景

時評語曰此人非將帥之器義經大怒將手

刃之景時起曰吾唯以鎌倉殿為主君耳叩

刀而前三浦義澄等遮隔其間解諭而止平家

語物景時害義經功奉書於賴朝報軍中奇瑞

曰屋島城陷日神兵現於我陣三月二十日

夜臣之從者夢石清水神使示書曰至未日

平家死矣既而果然又參州軍人獲巨龜參

州繫簡放之及平氏滅日龜泛我舫前有白

鵲翔舞船上又有白旗一旒見空頃吏消滅

是非神明祐我者邪然判官自以為功高自

矜伐不恤軍士人人危懼臣屢諫之不聽反

大日本史 卷一百九十七 列傳 十四

觸忌怒常欲因事中傷臣臣願得蚤還鎌倉

賴朝得書而怒西海平定景時還鎌倉尋與

土肥實平同為近畿總追捕使初賴朝與叔

父備前守行家有隙行家去賴朝依源義仲

及義仲敗義經鎮京師與之密相往來賴朝

益疑義經背已乃使景李傳命義經討行家

而偵伺義經動息景李還報曰初造豫州豫

州稱疾不見銜命至密不可以人通故經一

兩日造之豫州乃梯几引見面貌憔悴有灸

瘡數所、臣傳嚴旨、豫州曰、行家非偏裨所能制、吾待病愈、徐圖之、卿宜以此反命也、賴朝曰、彼黨行家、故詐稱病耳、景時從而媒孽之、曰、臣揣度其情實、不為無謀、人一日不食、一夜不眠、身已憔悴、雖灸幾所、瞬息可灼、經日而見、得非構計詐病乎、其黨備州、無可疑者、

東鑑

景時又讒曰、方今平氏殲滅、天下之權在將軍、臣竊料驍勇智謀、天下無判官之對、拔

一谷、陷屋島、英謀奇策、冠絕一世、他日為將

大日本史

卷一百九十七

列傳

十五

軍患者必此人也、賴朝聽信其言、召會諸將、議擊義經、諸將皆口無敢對者、賴朝不懌、命之景時、景時自圖不敵、遜辭曰、將軍使臣討判官、非計也、臣素與判官有隙、若遽西上、判官聞之、必將邀擊、適足損將軍之威、制人者以不戰而勝為上、願命之他人、出其不意、

盛衰記

賴朝乃遣土佐房昌俊襲義經、反為所

殺、於是釁隙益甚、後遂陷義經者、皆景時之

謀也、

東鑑源平盛衰記

畠山河越等諸將莫不惡之、

源平盛衰記

正治元年、賴朝薨、賴家嗣職、景時譖

結城朝光於賴家曰、朝光常懷怨望、誹謗當世、有忠臣不事二君之言、是何等語、宜蚤除之、朝光聞而大懼、造其所、善三浦義村、問計、義村乃與和田義盛等相議、悉會耆宿於鶴岡社、同盟連署六十六人、訴景時誣告、中原仲業文墨之士、與景時不相能、因使其作疏、草成讀之、至養雞者不畜狸、義村擊節歎賞、賴家以其書示景時、景時不能辨晰、將親族

大日本史

卷一百九十七

列傳

十六

奔其邑一宮、子景茂有寵於賴家、獨留鎌倉、賴家宴於比企能員家、景茂從之、賴家謂之曰、汝父擅權、陵蔑諸將、諸將皆怒、時仲業行酒、景茂對曰、臣父海荷故幕下殊遇、幕下謝世後、上失所賴、今何所恃而縱肆哉、仲業筆端利軼鋒刃、辭色不撓、人稱其對、未幾、景時潛還鎌倉、賴家怒、使義盛等逐之、毀宅捨永福寺、景時復走一宮、竊設戰備、明年正月、舉族赴京師、賴家遣能員等追擊、景時父子行

到駿河清見關、會蘆原小二郎飯田五郎等羣聚習射將歸、見而怪之、欲殺之、景時馳而過、衆急追之、景時度不可免、還戰、狐崎斬飯田四郎、既而吉香友兼友兼名據尊卑分朕吉川家傳等來擊、父子皆敗死、明日衆獲景時父子首於山中、梟之路、先是景時謂子弟曰、駿河吉香友兼勇冠一國、吾得過其門、則無復可患焉、果爲所殺、景時弟刑部丞朝景因北條氏降、賴家赦而不罪、後與義盛作亂敗死、初景時蒙

大日本史

卷二百九十七

列傳

十七

譴、謀立武田有義爲將軍、竊通書於有義、有義許之、有義弟信光將按驗之、至有義宅、有義覺而逃去、賴家又聞勝木則宗黨景時、收而鞫問、則宗服曰、景時使臣移書西海黨類曰、景時奉密敕管鎮西、宜來會京師、於是景時叛謀愈露焉、景時怙賴朝父子之寵、欺罔陵侮、無所不至、遂取破滅矣、子長景李、次景高、景高稱平二左衛門尉、景高二子長景員、稱荻野二郎、次景繼、稱三郎、罹家門禍、沈淪

編戶、及實朝襲職、愛其謹慤、竝召之幕府、景繼嘗侍實朝、誤滅燈火、即夜亡命入永福寺爲僧、實朝憐之、遣使曉喻、景繼不見使者、晦跡而去、承久元年實朝行大臣拜賀、預定隨兵、小山朝政及弟結城朝光在選中、而丁家艱、更以景員及二階堂行村代之、賴朝嘗定令、凡選隨兵以譜第弓馬容儀三者不備、竟不得預、景員仕途淹滯、特中此選、時人榮之、次景茂稱三郎兵衛尉、有子曰家茂、與土屋

大日本史

卷二百九十七

列傳

十八

宗遠有隙、承元中爲宗遠所殺、次景國、次景宗、次景則、次景連、竝與父俱被殺、東鑑景李稱源太、爲左衛門尉、最善騎射、賴朝嘗選親臣十一人直寢室、景李預焉、東鑑賴朝有二駿馬、曰生唆、曰磨墨、及遣諸將討源義仲、景李面請賴朝曰、戰陣所貴、無過於馬、臣無健馬、願賜生唆、直濟宇治河、先登破敵、賴朝以景時嘗有德於已、難拒其子之請、然意惡其不遜、乃謂之曰、生唆我所備緩急、諸將累

請不與、磨墨亦駿逸、今授之汝、景李拜謝而
出、既而賴朝以生啖賜佐佐木高綱、景李與
諸將赴京師、行抵駿河浮島、景李視諸將馬、
皆不及磨墨、乃謂金子家忠曰、此馬骨法如
何、家忠稱贊不容口、景李大悅、適見生啖來、
以爲所賜必範賴義經、否則獻法皇也、就問
馬卒、乃云賜佐佐木高綱、景李忿然曰、將軍
何待士之偏邪、吾當與高綱交刃而死、高綱
尋至、以溫言紿之、景李意解、及抵宇治河、繼

大日本史 卷一百九十七 列傳 十九

高綱先登、一谷之戰、與父弟俱力戰、斬菊池

高望、源平盛衰記文治中從賴朝擊藤原泰衡、軍

至白河關、賴朝奉幣於關明神、謂景李曰、汝

得無思能因之疇昔乎、景李即對以和歌、景

李與父景時弟景高竝善和歌、其所作多在

人口、東鑑源平盛衰記與父同敗死、年三十九、東鑑

大日本史卷之一百九十七終

大日本史卷之一百九十八

列傳第一百二十五

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣八

天野遠景 仁田忠常

下河邊行平 第政義

葛西清重

大日本史 卷一百九十八 列傳 二

八田知家

首藤經俊 弟俊綱

金子家忠

熊谷直實

天野遠景姓藤原、出自木工助爲憲、祖景澄

稱入江權守、尊卑分脈、景澄父父景光、稱

藤內、世居伊豆天野邑、因氏焉、遠景初爲內

舍人、天野亦稱藤內、尋爲民部丞、中務、天源

賴朝起兵、遠景往屬焉、與工藤茂光、土肥實

平等俱擊平兼隆有功、石橋之役、賴朝窘急、

遠景與諸將力戰、數合、賴朝遂得脫、旣而伊

東祐親將赴駿河、戮力平氏、遠景覺之、生禽

祐親、抵黃瀬川、會于賴朝、東壽永中、賴朝欲

使源義仲送子義高質於鎌倉、命遠景及岡

崎義實、往越後說義仲、遠景見義仲、曲陳利

害、義仲從之、遂護義高而還、原平盛三年、賴

朝欲殺一條忠賴、誘致之府、張宴行酒、豫命

工藤祐經斬之、臨期祐經有難色、小山田有

大日本史 卷一百九十八 列傳 二

重察之、搗其二子進將擊之、賴朝又命遠景、

迫殺忠賴、忠賴從士山村小太郎等、露刃衝

突、守衛兵士多被創、小太郎將擊遠景、遠景

擲魚板仆之、從者就斬之、是歲從源範賴、擊

平氏於西海有功、賴朝賜書嘉之、尋爲鎮西

守護、文治二年爲筑紫奉行、又爲數所地頭

職、及源義經西奔、賴朝疑其支黨有匿鬼界

島者、三年遣宇都宮信房於鎮西、令與遠景

俱擊之、先是薩摩人阿多忠景獲罪匿於島

中詔筑後守平家貞討之、○本書作家風濤

險惡不能進而還、至是遠景遣人至島偵探、

具得要領、四年上書賴朝曰、臣既使人伺鬼

界島、攻取實為不難、因募鎮西兵士、應者甚

鮮、信房欲徑往襲之、臣以其兵寡固止之、願

賜教書以發、會攝政兼實等聞之、諭賴朝曰、

外征之師、近世無聞、恐有害無利、卿宜思之、

賴朝乃止、已而信房具圖海路曲折、送之鎌

倉、賴朝覽之意決、遂命遠景信房攻之、島人

大日本史 卷一百九十八 列傳 三

降附、事竣歸鎌倉、祝髮更名蓮景、建仁二年

比企能員謀滅北條氏、北條時政令遠景及

仁田忠常發兵襲之、遠景曰、殺一老夫、何煩

兵為、可召而誅也、乃召能員、遠景忠常衷甲

執刀在戶內、覘能員至、突出斬之、建永中遠

景具錄治承以降戰鬪之功、希冀恩澤、實朝

不省、東鑑子政景稱六郎、為和泉肥後守、天野系圖

仁田忠常稱四郎、伊豆人、曾我物語、名據東鑑、今書作忠綱

事賴朝見親近、從範賴擊平氏於西海、賴朝

賜書褒獎、東鑑從獵於富士野、曾我祐成兄弟

來襲、忠常擊斬祐成、曾我物語及殺能員、又從諸

將攻一幅殺之、已而賴家密令忠常及和田

義盛誅時政、會時政招忠常賞其勞、從者怪

其久不出、以為事泄遇害、歸家告之、第五郎

及六郎乃攻義時於政子所、不克、縱火而死、

忠常途聞變馳赴之、為加藤景廉所殺、東鑑

我物語載忠常之死與此異、今從本書

下河邊行平、鎮守府將軍藤原秀鄉之裔、父

大日本史 卷一百九十八 列傳 四

行義、小山政光之弟、為下總下河邊莊司、因

氏焉、尊卑分脈行平隸屬平氏、而竊通心於源賴

朝、聞源賴政奉以仁王起兵、遣使伊豆、具告

其狀、賴朝大悅、後論將士功、以行平為莊司

如故、養和初、小山朝政破信太義廣於野木

社、行平引兵赴援、擊義廣於古我、又破之、時

鎌倉草創、民情疑懼、賴朝命行平及北條義

時結城朝光等十人、每夜入直寢室、以為警

衛、其見親近如此、從賴朝詣鶴岡、有左中太

常澄者爲舊主長狹常伴謀刺賴朝竊混儀從中賴朝見而怪之言未發行平擒以獻賴朝悅曰今日事急矣卿善處之我賞此功將聽所請行平曰臣所知邑每年貢馬百姓苦之請得蠲免賴朝曰凡有功見賞其所以爲榮者爵祿耳卿之所求不亦異乎即令下總廢別當速蠲之壽永中從源範賴擊平氏於西海尋召還鎌倉獻良弓酒饌賴朝問曰西征將士皆乏糧食至有逃歸者卿長役踰年

大日本史

卷一百九十八

列傳

五

而贈遺豐贍得無納賄賂乎行平曰臣在西海匱乏殊甚以器械易軍食及赴豐後諸將皆假船於參州臣賣所著甲別雇一小舸身不戎衣直進入陣斬美氣敦種時有鬻此弓者製造甚精臣欲得之以獻脫衣買之酒食則留守家士之所齎若猶有疑則質問于諸將賴朝嘆其困恤賜酒謂曰卿有忠勲將賞以守護往日卿所經歷處欲得何地行平曰願賜播磨其佳勝有須磨明石賴朝諾而不

果文治中京師多盜賴朝遣行平及千葉常胤往鎮之常胤有病行平先到京師即夜分兵索捕獲盜八人斬而梟首其治倣北條時政之所爲而不聞于檢非違使廳羣盜驚怖皆逃去尋歸鎌倉從賴朝擊藤原泰衡與畠山重忠攻破西木戶國衡於熱借山及泰衡奔匿賴朝遣行平小山朝政等迹到物見岡索泰衡至則泰衡又逃因悉殺其兵數十人行平精射藝建久初還居下總賴朝親作書

大日本史

卷一百九十八

列傳

六

召之使賴家學射由是恩眷益渥又賜書以行平子孫永擬門族初賴朝征泰衡使諸將各獻武器命行平製鎧曹曹後附笠幟賴朝異曰笠幟當在鎧袖行平曰祖先秀鄉之製也士之臨戰必期先登自呼其名使敵聞知之又設笠幟使吾軍自背後見之以爲標如移置於袖則在將軍意爾賴朝善之東子行綱爲左衛門尉尊卑分脈弟政義

政義稱四郎擊信太義廣有功賴朝賜常陸

南郡政義患郡多課役、訴於賴朝、賴朝下書常陸目代曰、政義外掌軍務、內勞政事、故賞以南郡、而聞每歲公課繁滋、百姓愁苦、自今以後、正稅之外、勿有徵發、是歲從源範賴擊平氏于西海、無何鹿島祠官中臣親廣訴政義掠神宮所領橋鄉、賴朝召政義與親廣面決、親廣言政義非、政義不爭、賴朝笑曰、爲何官屈、生平之勇何在、政義曰、臣聞鹿島之神保護勇士、可不敬畏哉、臣雖有辭、不敢自陳、

大日本史

卷一百九十八

列傳

七

文治中河越重賴坐源義經事、政義爲重賴婿、以故收食邑、政義有臂力、賴朝造永福寺、使諸將親輸土木、政義與畠山重忠等押梁材、力兼數十人、觀者駭焉、東鑑

葛西清重武藏人、姓平、秩父之別族也、秩父

別當武基之弟曰武常、武常生常家、常家生

康家、稱豐島三郎、康家生清光、稱豐島權守、

清光生清重、稱葛西三郎、平氏系圖、參取源平盛衰記、按清重之先、世居武藏、父祖皆稱豐島、而清重稱葛西、葛西在下總、蓋清重兼有其地、因氏焉、

重之先、世居武藏、父祖皆稱豐島、而清重稱葛西、葛西在下總、蓋清重兼有其地、因氏焉、

勇武而愛物、沙石集源賴朝之敗奔安房也、撤

小山朝政下河邊行平及清光清重募兵來

會、特諭清重曰、汝固效節於源氏矣、書當時

清重未屬賴朝、此云效節者可疑、然小澤承

望之戰、賴朝之族皆與焉、而清重姓名獨無

所見、則其既輸款於賴朝、然後考、然介居于江戶

河越、恐進退難決、宜早航海而來、辭意尤懇、

賴朝赴上總、遠近來屬者甚衆、而江戶重長

以嘗黨於大庭景親、不肯來降、賴朝遣使招

重長、明日又遣使於清重、令清重誘殺重長、

大日本史

卷一百九十八

列傳

八

江戶葛西同族也、賴朝謂清重無貳心、故命

圖之、既而賴朝率兵入武藏、清重與清光先

來屬、亡幾重長與族人畠山河越等、亦皆來

降、東鑑、源平盛衰記、爲清重所重、長來降、

可證、今賴朝命遣浮橋之事、據本書考之、其說

皆不取、賴朝將奪重長地、賜之清重、清重辭

曰、益封賜邑、將以庇族類、一身腴瘠、非所問

也、今江戶氏於臣爲族、如有罪奪地、則願授

之他人、賴朝怒曰、汝不受賜、汝邑亦將收之、

力所能及、然不當受而受之、臣亦不肯也、賴朝感悟、乃不收重長地、沙石集 本年今姑作於此

賴朝討佐竹秀義而還、途過武藏、以九子莊

賜清重、館于其家、清重令其妻親執膳供之、

壽永三年、從源範賴擊平氏於西海、有功、賴

朝賜書褒之、文治中、從賴朝擊藤原泰衡、畠

山重忠等既破熱、借山之軍也、賴朝將以翼

朝踰山攻城、約束既定、時重忠為軍鋒、清重

與三浦義村等六騎、夜潛過重忠營、踰山先

大日本史

卷一百九十八

列傳

九

登、直突城門、城兵拒戰、清重手殺獲數人、陸

奧平賴朝令家臣在奧者悉棄、清重節度、又

使清重領平泉郡內檢非違使所事、是役也、

賴朝以清重之功居多、屬以重寄、更割伊澤

盤井壯鹿地數所、以賞之、賴朝還鎌倉、留清

重鎮撫陸奧、是歲陸奧禾稼不登、加以兵革、

民不安業、賴朝使清重賑給窮民、清重設互

市、通有無、國中太治、賴朝感賞、及泰衡故將

大河兼任起兵于出羽、轉入陸奧、賴朝命諸

將擊之、千葉胤正請曰、葛西清重驍勇絕倫、

臣嘗共事、效功於上總、今願與之俱、賴朝許

之、時清重猶在陸奧、迺下書從胤正擊兼任、

兼任敗走、清重馳使告狀於鎌倉、且奏將士

功、既而賴朝以伊澤家景為陸奧留守、凡陸

奧之事、專令清重家景奉行焉、建久初、從賴

朝朝于京師、賴朝薦為兵衛尉、初賴朝選親

臣有武幹者十一人、每夜入直寢室、清重預

焉、後狩于那須野、又選親臣便弓馬者二十

大日本史

卷一百九十八

列傳

十

一人、今獨得帶弓矢、清重復預焉、○按曾我

重從獵于富士野、逐鹿墜崖、聞馬不得動、○按曾我

重緩轡徐下、人馬無所毀傷、見者駭歎、賴朝

嘉其精藝、授常陸小栗邑、然本書富○按曾我

士野之獵、不載清重名、故今不取、凡出入

莫不隨從、其在陸奧也、其母在家而疾、賴朝

遣使訪問、且報之、清重其見親遇如此、承元

中與千葉三浦等族入京、直瀧口、東和田義

盛之亂、清重力戰有功、沙石集後為壹岐守、雖

髮稱壹岐入道、承久之役、以耆宿不從軍、與

大江廣元等留鎌倉、參決軍謀、調遣兵士、迨

伊賀光宗等作亂，人心勾勾，鎌倉騷然。政子命清重及小山結城諸將協力鎮撫焉。東鑑子清親爲伯耆守，朝清稱三郎左衛門，時重七郎左衛門，重村河內守。秩父系圖，參取東鑑，○系圖一說重村作秀清

八田知家姓藤原，稱四郎下野人，其先出自關白道兼，父宗綱爲下野守，稱八田權守，生

知家，知家爲左衛門尉，筑前守。尊卑分脈，本書曰知家

本源義朝子，爲宗綱養子，未知是非，實戶系圖曰知家，母宗綱子朝綱女，稱八田局，平治

大日本史 卷一百九十八 列傳 十一

之亂，知家匿宗綱家，宗綱養爲子，然保元物語有下野人八田四郎，則先是知家既在下野可知，而東鑑云宗綱女嫁小山政光，爲賴朝乳母，疑系圖由此致誤，故今不取，保元之亂，屬源義朝，伴元賴朝起兵，知家兄宇

都宮朝綱在京師，知家往歸賴朝，從範賴義經，擊平氏於西海，文治中賴朝擊藤原泰衡，以知家及千葉常胤別爲東海道將帥，率常陸下總兵，會于遇隈河，有戰功，及泰衡亡，其叔父樋爪俊衡降，賴朝命幽于知家營，俊衡年甚高，自就擒，絕無言語，日夜誦佛經，知家

本崇佛，故深愍之，請賴朝赦之，建久元年賴朝將朝京師，諸將悉會，而知家未至，賴朝爲之不發，及午乃至，賴朝讓之，知家謝曰，前驅後隊，命何人也，賴朝曰，前驅已命畠山重忠，而後隊未得其人，知家請命千葉常胤，賴朝從之，乃發，其見親任如此，知家之邑與多氣義幹邑接界，爭勢相惡，會賴朝獵富士野，曾我祐成兄弟復父讎，遠近騷擾，知家聞變，將往，乃謀陷義幹，竊使人誘義幹曰，知家將來

大日本史 卷一百九十八 列傳 十二

襲，當爲之備，義幹以爲信，勒兵自守，又遣使謂義幹曰，聞將軍狩獵有戒，諸將悉集，我將與公俱行矣，義幹益疑而不聽，知家至富士野，見賴朝，譖義幹有姦謀，賴朝召義幹，與知家辨晰，義幹不能自明，遂得罪，賴朝薨，賴家嗣，知家與北條時政大江廣元等參決政事，東鑑後薙髮號尊念，清和源氏系圖卒，子知重，宗政知尚，時家，尊卑分脈知重稱小田氏，養和初賴朝選善射者直寢室，知重預焉，建久初從賴朝入

朝以父故除左兵衛尉後為常陸介宗政稱

穴戶四郎左衛門和田義盛之亂與義秀格

鬪不克死之東鑑知尚自有傳時家稱高野氏

除伊賀守尊卑分脈文永中為評定衆關東評定傳曾

孫知宗及其二子時知貞知相續為六波羅

頭人時家弟義勝有子曰家長知家養為子

稱中條氏尊卑分脈為評定衆關東評定傳除出羽守

承久之難幕府宿老皆留鎌倉家長預焉東鑑

首藤經俊刑部丞俊通子也其先出藤原秀

大日本史 卷二百九十八 列傳 十三

鄉秀鄉玄孫公光為相模守生公清公清生

助清居參河為主馬首號首藤生助道東鑑

資從源賴義陸奥役有勇名所謂七騎之一

也助道生親清親清生義通○本書一說號

山内○首藤家譜云俊通始任刑部丞生俊

通為瀧口尊卑分脈○首藤家譜一說曰俊

通家出為公光養子歷任上野介下野守通

家在任生子扶滿歸京過美濃席田郡守司

守部資信請為己子名曰資清及長稱首藤其姓

來歷與本書異然本書一說亦云稱首藤其姓

考保元元年從源義朝屬禁旅力戰有功尊卑分脈

元物語保平治之亂義朝敗走平氏軍進擊之

俊通力戰而死平治物語參取尊卑分脈經俊稱瀧口三

郎亦任刑部丞敘從五位下源賴朝起兵安

達盛長傳檄諭經俊經俊倨傲不禮之大言

曰人至貧賤喪心失守以佐殿之軍微欲擊

隆盛之平氏譬如垤壤與富士爭高老鼠瞞

猫兒頭上物非其人而與其謀我不為也遂

從大庭景親攻之東鑑參取源平盛衰記按盛衰記俊綱子三郎利

大日本史 卷二百九十八 列傳 十四

氏謂第四郎利宗曰云云考尊卑分脈及首

藤系圖俊綱無子東鑑亦無所見盛衰記石

橋之戰載俊綱朝將士姓名有瀧口三郎經

俊則東鑑為經俊事者為得故今參取二書

射中賴朝鎧袖後降賴朝賴朝欲殺之經俊

母賴朝乳母也自詣幕府哀訴曰先臣助道

仕八幡殿為廷尉禪室乳母夫世有勞平

氏之難俊通從頭殿暴骸沙土經俊之黨干

景親為一時全身計耳當時抗將軍者今多

遭赦宥願以祖先之功贖經俊罪賴朝不答

乃出鎧示之鏃在袖截篋仍留誌姓名處母

垂泣而出、既而賴朝赦之、壽永三年與波多

野泰通大井實春、擊信太義廣于伊勢、利取

山、獲其首、東鑑文治元年源義經敗走、其將伊

勢義盛來襲、經俊拒戰破之、遂斬義盛、源平盛衰

記元久元年平氏餘黨舉兵於伊賀伊勢、經

俊時為兩國守護、兵寡不能拒守、棄守護所

而走、平氏遂略二國、平賀朝雅擊而平之、經

俊亦收散卒助之、實朝責經俊奪其職、東鑑嘉

祿元年死、年八十九、系圖子通基、幼名持壽

大日本史 卷一百九十八 列傳 十五

丸、稱中山六郎、平賀朝雅獲罪於鎌倉、敗走

松坂、通基射殺之、東鑑首藤系圖、經俊弟俊

綱、尊卑分脈

俊綱、保元元年與父俊通從源義朝、力戰有

功、保元物語平治之亂、源賴政陣六條河原、按兵

不進、義朝子義平、惡其觀望、率俊通等精兵

進突其陣、俊綱中矢將墮馬、俊通厲聲曰、所

傷纔一矢、汝何不之忍、俊綱勉強據鞍、義平

命齋藤實盛曰、俊綱創中要害、壯士可惜、莫

為敵獲、實盛乃拔刀擬俊綱曰、子創重不可

活、御曹司不欲令敵獲、卿寧死我手乎、俊綱

感喜曰、將軍年少、不圖待士之厚、至於此、乃

受刃而死、平治物語俊綱弟俊秀、幼孤、園城寺僧

慶秀收為弟子、及長、勇敢有膂力、以仁王敗、

從而南行、敵兵追及光明山、王中流矢而薨、

俊秀苦戰、殺傷十餘人、遂奔奈良、源平盛衰記長門本

平家物語○諸本平家物語並云、俊秀力戰而死、

金子家忠、稱十郎、其先出自平高望、父家範

大日本史 卷一百九十八 列傳 十六

居武藏金子邑、因氏焉、村山系圖保元元年家忠

屬源義朝、襲白河殿、攻為朝所守西河原門、

自呼姓名而前、為朝怒曰、彼不避我矢、我愛

其勇、挈彼來、我見其面、高閒四郎前而交搏、

家忠倒之、四郎兄三郎將斬家忠、家忠刺殺

三郎、并斬四郎、首藤家末前欲射之、為朝曰、

勇士也、舍之、我他日得志、以彼為臣、保元物語平

治之亂、屬義平、攻六波羅、力戰刀折、乞之安

達、遠基、遠基無副、取從士佩刀授之、家忠大

喜進入敵軍、多獲首級、平治及三浦義明據

衣笠城、家忠與畠山重忠等率家屬三百攻

之、奮勇血戰、鎧上矢如蝟毛、遂奪二門、義明

為具杯酒犒之曰、今日之戰、多是武藏相模

之精銳、而卿尤為勇壯、請快飲、奮戰、家忠杖

弓三飲、謝使者曰、我志氣增倍、拔城在頃火

矣、踊躍而進、義明嘆曰、壯士也、可謂一人當

千、命義盛射之中、藤平實國將斬之、家忠弟

餘一近、範肩家忠而去、三浦餘一急迫之、近

大日本史 卷一百九十八 列傳 十一

範棄家忠反戰、餘一度其不可當而逃、近範

追及斬之、又肩而去、後家忠與近範歸源賴

朝、數從軍焉、源平盛子家高為大藏丞、家高

子時家稱六郎、承久之難、屬北條氏有戰功、

村山 系圖

熊谷直實稱二郎、鎮守府將軍平貞盛後也、

祖左衛門尉盛方、嘗侍北面、坐法誅、時父二

郎大夫直貞尚幼、與乳母亡、至武藏、依小澤

氏、及長、膽勇過人、熊谷鄉有巨熊為害、鄉閭

患苦之、相共定約曰、能殺熊者、立為黨長、直

貞年十六、入山殺熊、鄉人喜為私黨旗頭、因

以熊谷為氏、直實幼失所怙、與兄直正、育於

姨夫、久下直光家、熊谷直實慷慨剛直、嘗代

直光番直京師等輩、以代人輕侮之、直實不

堪抑屈、不請直光、而仕中納言平知盛、直光

怒奪其所有地、直實還鄉、會源賴朝起兵、直

實與大庭景親等攻之、後降賴朝、按熊谷

實曾約與梶原景時俱降、及賴朝逃、真名鶴

崎將自殺、直實以其嘗與景時有約止之、及

大日本史 卷一百九十八 列傳 十八

景時追至、直實遂申前議、照賴朝賴朝政佐

千尾、與東鑑盛衰記異、姑存備考、賴朝政佐

竹秀義、直實與平山李重等赴之、先登斬獲

其功居多、賴朝褒異之、下教書復直光所奪

地、今世地頭職、東鑑壽永三年從源義經、攻源

義仲、義仲撤宇治橋備之、軍至河上、李重應

募、先登橋架、澀谷重助佐佐木定綱繼之、直

實亦將趣之、子直家年十六、繼父而進、直實

戒之曰、橋架陷危、我尚難之、汝幼弱、譬之核

未堅、宜俟眾兵至、相憑而濟、直家笑曰、兒豈

秋果乎、何有核之堅脆、大人每苦風眩、宜須兒扶、乃俱登橋架、直實發矢、殪義仲兵藤太兼助、源平盛衰記曰、按異本、平家物語、一谷舉先登橋架者、不載直實父子。

之役、義經將至、鶴越、直實夜潛、謂直家曰、我嚮濟宇治河、心欲先登、為佐佐木高綱所先、

深以為憾、明日進逼城門、以遂吾志矣、直家曰、營中不見平山季重、疑彼亦有此志、九郎

殿亦每欲為士卒先、今從九郎殿、安得先登、大人宜速發、直實悅、於是父子轉向城西門、

大日本史 卷一百九十八 列傳 十九

時天未曙、父子自呼姓名挑戰、城兵從櫓上連射如雨、城門未開、謂徒死無益、父子暫憩、

季重果至、會城中奏樂、直實嘆曰、搢紳之徒、風流如此、我與此輩相殺、何不幸也、既而門

開、季重先入、直實父子繼之、城兵平盛、副藤原忠光及弟景清等、精銳二十餘騎、圍之、直

家中矢、向父請拔、直實曰、創不重、我亦不暇、汝姑待、復馳血戰、諸軍進擊、城遂陷、平氏逃

于海、直實追及斬平敦盛、源平盛衰記曰、按本書下文曰、直實

請殺敦盛首於義經、并其所攜笛送敦盛、父經感、事頗可疑、且東鑑等諸實錄無所見、故大取、李重者、姓日奉、平山系圖、稱平山武者、所為右衛門尉、東鑑、後賴朝論一谷戰功、曰、直實雖夙

至城門、先入者季重、乃以季重為第一、源平盛衰記、賴朝觀流鏑馬於鶴岡、命直實樹的、直實

憤恚曰、射者騎馬、樹者徒步、似有優劣、臣不敢奉命、賴朝曉諭曰、擇器從事、我初非優劣

之、且樹的非賤役、新日吉祭御幸之日、樹的者瀧口本所衆也、是則樹的不貴於射者乎、

大日本史 卷一百九十八 列傳 二十

今存其故實、汝勿拒、直實固不從、賴朝怒削其邑、建久三年、與久下直光爭地界、賴朝親

裁決之、詰難數回、直實素訥、不能自辨、明大怒曰、梶原景時黨援直光、巧言先入、其以臣

為曲宜矣、所證文書無所用、乃投之庭上、走出西侍、拔刀斷髮、瞋目大呼曰、吾不復詣于

此矣、遂不還家、馳馬而西、賴朝聞之、遣人處處遮留、直實將赴京師、路值走湯山僧專光、

苦諫復初、直實不肯、東鑑、遂走京師、投新黑谷

僧源空爲弟子、更名蓮生、黑谷上人傳居數年來

鎌倉謁賴朝、自言專歸佛乘、及談兵法武藝

之要、聞者感歎、賴朝苦留之、不聽而去、以承

元二年九月十四日死、豫知死期、告之直家、

直家奔赴之、果如其言、○黑谷上人傳、爲建久二年死直家

稱小次郎、賴朝嘗謂小山政光曰、直家本朝

無雙勇士、東鑑直實亦嘗賜下文、稱曰日本第

一剛者、神皇正統記父子共見知獎如此、承久之

難、從北條時房射戰於勢多、直家曰、敵未可

大日本史 卷一百九十八 列傳 三十一

破、衆何不休、乃與衆卧地、飛矢雨下、堅卧不

動、時房亦命罷戰、承久記子直國稱平内左衛

門尉、戰死勢多、東鑑、承久記

大日本史卷之一百九十八終

大日本史卷之一百九十九

列傳第一百二十六

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣九

中原親能

大江廣元 子時廣 李光

三善康信

大日本史

卷一百九十九

列傳

二

藤原行政

傳曰、不有君子、其能國乎、自古戡定禍亂、初立基業者、非有羽翼爪牙之臣、安能恢弘其功烈哉、源賴朝建府鎌倉、熊虎貔貅之徒、雖有破堅挫銳之勞、而不能文墨議論緣飾治體也、乃延搢紳有吏才者、授以釐務、政成于內、兵強于外、遂能誅鋤平氏、匡寧王室、豈非剛柔相濟之效邪、大江廣元、三善康信、藤原行政、實爲選首、平盛時、源邦業、中原經久、藤

原邦通等、簿書期會、各輸其能、然皆自京師

往爲之用、如杞梓皮革、自楚往也、雖楚有材、

晉實用之、興隆之象、誰能遏之、其曹有政所

問、注所之署、政所號令、賞罰之所出、問、注所

受辭訟之所也、問、彼此之言、注記取決之謂

也、政所有別當、有令、有寄人、問、注所執事掌

之、及北條氏奸政、置評定衆、參畫軍政、罷問

注所、置引付、分隊置頭、有第幾番之名、既而

又復問、注所、與引付並置、參互詳覈、子孫克

大日本史 卷一百九十九

列傳

二

續其緒、此數子者、強霸府而弱王室、功罪不

能相掩、拔其尤者、撰次爲傳、

中原親能、明法博士廣李子也、玉海、源平盛衰記、明法

經、明後改姓藤原、有幹事稱爲齋院次官、源

賴朝起兵、往從之、東鑑、甚被仕遇、玉海、壽永三

年賴朝置公文所、與藤原行政、安達遠元等

爲寄人、尋從源義經入京師、奏事於俊白河

法皇、賴朝欲藤原兼實爲攝籙、親能與前權

中納言源雅賴有舊、就喻其意、兼實遂得攝

政、玉海西海之戰、屬源範賴、參謀軍事有功、賴

朝特贈書賞之、遷式部大丞、東鑑文治二年賴

朝命居六波羅、守衛京師、帝王年記修閑院六

條殿、課功諸國、與大江廣元董役、其在京師、

督朝廷糧運、時有所上奏、或讒之賴朝曰、親

能挾私、抑留貢物、及被詰問、失陳謝辭、賴朝

問其故、親能不辨明、只呈所上奏、草案、賴朝

悟其誣罔、遂得釋、久之遷掃部頭、累敘正五

位下、賴朝爲右近衛大將、廷臣在關東者、各

大日本史 卷一百九十九 列傳 三

有分職、親能掌辭訟、往來京師、隨事辦理、建

久二年賴朝置政所、親能爲公事奉行、後白

河法皇遷法住寺殿、以賴朝故召親能廣元、

上殿賜劍、東鑑七年再往六波羅守京師、帝王年記

記親能妻爲賴朝女三幡乳母、三幡殤、親能

薙髮名寂忍、賴家實朝時居六波羅、與佐佐

木定綱等守衛京畿、承元二年卒于京師、年

六十六、東鑑

大江廣元中納言匡房曾孫、式部大輔維光

子也、大江家世業儒、多聞人、廣元幼爲掃部

頭中原廣季所子養、○本書廣季作廣秀、今據玉海除目大成鈔訂

之、冒中原氏、後奏復本姓、頗涉文史、有籌略、

源賴朝起兵、往從之、以薦爲安藝介、壽永三

年始置公文所、廣元爲別當、綜理政事、頃之

爲因幡守、待遇愈隆、討伐平氏之際、庶務殷

湊、章奏文移多所草創、賴朝與叔父行家弟

義經有隙、文治元年奏請朝廷捕之、不能獲、

賴朝患之、廣元議曰、世既澆、李、姦、穴、日、熾、東

大日本史 卷一百九十九 列傳 四

海道以幕府鎮壓、寧靜無虞、他道遼遠、不易

制服、屢起屢征、差發東兵、則軍需浩繁、民戶

凋弊、不如國衙置守護、莊園置地頭、隨發逮

捕、則不勞而自治矣、賴朝大喜、奏請得之、分

遣將士、置守護地頭、東鑑自此兵馬之權盡歸

賴朝、朝廷遂衰矣、神皇正統記增鏡賴朝以爲功、賜

肥後山本莊、時關西承平之亂、武士橫恣、

誅求百姓、或自稱地頭、奪社寺邑戶、廣元往

京師乞院宣、繩檢澄汰、凡幕府每有重事奏

請舍命往來、皆被允可、諳練朝章、明達政事、賴朝得振耀武威、號令天下者、廣元三善、康信等功居多、賴朝爲近衛大將、置政所、廣元爲別當、東鑑敘正五位下、任明法博士、兼左衛門大尉、爲檢非違使、關白兼實曰、彼世儒流、仕途所由、不可出大外記明法博士也、而帶大尉、爲檢非違使、非選除紊亂乎、朝廷不聽、玉海後白河法皇幸賀茂觀祭、廣元扈從、賜廐馬舍人、明年辭三官、久之任兵庫頭、賴朝薨、

大日本史

卷一百九十九

列傳

五

北條政子最重之、與北條時政義時連署教令、賴家實朝時、每有背叛及疑議、與康信參預決之、遷掃部頭、大膳大夫、比企能員圖滅北條氏、事泄、時政欲誅之、就廣元詢之、廣元對曰、僕自故將軍時、毗輔府政、至戎事得失、則非僕所能辨、誅與不誅、宜在賢筭、時政悟其旨、乃起還家、令天野遠景等殺能員、及遠景獻策、再召廣元、廣元謂謀議既訖、而再招我、人情難測、恐變出意外、悉屏僕御、獨使飯

富宗長從、竊謂之曰、有變速斬我、既至時政宅計畫、能員遂被殺、和田義盛舉兵攻北條義時、廣元與義時奉實朝避之法華堂、協謀勦力、獎諭將士、遂破殺義盛、尋敘正四位下、任陸奥守、患目困劇、難髮、法名覺阿、後鳥羽上皇討義時、諸將或曰、據足柄箱根之險、以待王師、廣元以爲不可、首陳畫策、義時決意犯京師、諸將欲待兵集而發、廣元勸北條泰時單騎上道、既而軍大集、遂陷京師、語在義

大日本史

卷一百九十九

列傳

六

時傳、廣元與三善康信等在鎌倉、經理軍國事、會雷震義時廚、養卒震死、義時大懼、招廣元問曰、今抗兵犯闕、遇此災咎、得非天譴邪、廣元曰、君臣構兵、勝敗在天、濟否宜委之天、災變何足畏、且以既往驗之、此在關東爲佳、瑞文治中故將軍討藤原泰衡、雷震行營、軍大得利、宜命卜筮以驗天意、陰陽家皆曰吉、義時心稍安、既而官軍大敗、上皇播遷、益爲北條氏所親愛、東鑑嘉祿元年卒、年七十八、東鑑

脫漏子親廣時廣宗光李光忠成子孫綿延世

事幕府親廣自有傳宗光為掃部助子政茂

為引付眾歷右近衛將監刑部權少輔忠成

補藏人歷左近衛將監刑部權少輔累敘從

四位下為評定眾關東評定傳坐兄李光事罷職

鑑東

時廣為左衛門尉補藏人實朝為近衛大將

將拜賀于鶴岡社時廣俄還鎌倉充前驅禮

已畢欲再往京師二階堂行村為請實朝不

大日本史 卷一百九十九 列傳 七

悅曰時廣已挂名院中籍而還鎌倉何須再

往京師其意豈薄關東邪時廣因行村謝曰

臣在朝廷非本意特欲除廷尉耳今聞拜賀

來充前驅請復往京師以遂宿志再歸幕府

以効忠勤行村不敢復啓時廣以情懇北條

義時義時為言之見聽東鑑子泰秀亦補藏人

任左衛門大尉為檢非違使兼甲斐守為評

定眾關東評定傳

李光為左近衛將監補藏人敘從五位下實

朝薨薤髮名西阿東鑑關東評定傳從承久

三年從北條泰時入京師尾張川之戰別攻

鶴沼與神地賴經戰破之泰時進逼京師與

三浦義村攻淀芋洗與大納言藤原忠信參

議藤原信能等戰破之後為評定眾三浦泰

村之難李光將赴幕府其妻泰村妹也妻泣

止之遂從其言出援泰村與幕府兵戰敗同

三浦族自殺子光廣任右兵衛尉與弟三人

從父戰死東鑑子孫稱毛利氏毛利圖

大日本史 卷一百九十九 列傳 八

三善康信為中宮屬敘從五位下其母源賴

朝乳母也以故屬心賴朝賴朝在伊豆康信

一月三遣使報京師消息由此賴朝雖在遐

外得審朝廷舉動平氏聲息源賴政勸以仁

王令諸國源氏討平氏既而王及賴政敗死

清盛欲盡滅源氏以除後患康信特遣宗人

康清勸賴朝避難于陸奥賴朝遂決意起兵

康信薤髮法名善信世謂大夫屬入道賴朝

已定關東累召之壽永三年來鎌倉輔軍政

爲問注所執事、初賴朝設問注所於幕府、衆人喧囂、賴朝稍厭之、及熊谷直實與久下直光忿爭、遂移之康信家、正治元年設問注所於郭外、康信爲執事日久、聽決詳當、府無冤結、文治五年賴朝擊藤原泰衡于陸奥、授留務、在賴家實朝時、爲關東宿望、北條政子及義時父子皆推重之、有僧源性善算術、賴家令政所徵諸國田簿、使源性校頃畝、欲計治承養和以來將士新給莊園、每人限五百町、

大日本史

卷一百九十九

列傳

九

收其贏餘以與新進近習、命既下、大江廣元以下老臣皆憂之、計無所出、康信苦諫、事遂寢、承久三年後鳥羽上皇討北條氏、義時集將士議之、康信興疾而至、與廣元定議、發軍向京師、康信留在鎌倉、既而疾劇、辭執事、政子以子康俊代之、是歲卒、年八十二、東鑑子康俊、行倫、康連、康俊任右兵衛尉、民部丞、遷加賀守、爲問注所執事、評定衆、子康持、康有、康持任民部少丞、遷備後守、爲問注所執事、引

付衆、東鑑子政康任民部少丞、遷加賀守、爲評定衆、康有任勘解由判官、遷美作守、亦爲問注所執事、評定衆、難髮法名善有、東鑑評定行倫爲大舍人允、康信攝別曹、賴朝命視局務、東鑑子倫重任權少外記、大和對馬守、爲評定衆、關東評康連任民部丞、遷阿波權守、爲問注所執事、評定衆、東鑑關東評定傳、子康宗任民部丞、伊勢權守、爲問注所執事、評定衆、子孫稱太田氏、關東評定傳

大日本史

卷一百九十九

列傳

十

藤原行政、遠江守爲憲之後也、父行遠稱白尾三郎、保延中坐殺遠江國司流尾張、尊卑源賴朝起兵、行政往而從之、○尊卑分脈曰、按李範者即熱田大官司也、蓋行遠在尾張娶李範妹生行政、而李範女則賴朝之母、故行政從賴朝也、然他無明證、附以備考、歷出雲權守山城守、敘從五位下、任主計允、民部少丞、爲政所執事、稱二階堂、二子行光、行村、東鑑尊卑分脈、稱行光掃部允、民部丞、爲政所寄人、頃之任信濃守、爲政所執事、子孫稱信濃、子行盛、歷民

部少丞左衛門少尉遷紀伊權守為政所執

事難髮法名行然為評定眾子行泰行綱行

忠行泰民部少丞筑前加賀守為政所執事

參取東鑑、尊卑分北條時賴難髮行泰念其

舊好與二弟及結城朝廣三浦光盛等俱祝

髮法名行善以披剃不啓幕府蒙譴鑑行綱

歷左衛門少尉伊勢守為政所執事與兄行

泰同時難髮法名行願行忠任彈正忠檢非

違使左衛門少尉參取東鑑、關行忠雖以文

大日本史 卷一百九十九 列傳 十一

臣進頗有武幹寶治初隸北條時定攻三浦

泰村奮戰過人斬獲居多鑑與二兄同時難

髮法名行一行光弟行村補檢非違使左衛

門少尉任隱岐守為侍所司源實朝薨難髮

法名行西為評定眾參取東鑑、關子孫稱隱

岐子基行行義行久行方惟行尊卑分基行任

左衛門少尉美姿儀工騎射實朝拜右大臣

行拜賀禮于鶴岡社選儀從基行請曰身事

幕府名列文臣常懼為武臣所輕侮也今遇

此大禮可謂千載一遇若得充隨兵則子孫

永易仕籍以為武臣實朝許之難髮法名行

阿東鑑行義任左衛門少尉出羽守三浦泰村

之難力戰有功難髮法名道空參取東鑑、關

曾孫貞藤見北條高時傳行久任左衛門少

尉常陸介法名行日行方歷式部丞大藏少

輔為引付頭評定眾關東評惟行任式部少

丞尊卑分

大日本史卷之一百九十九終

大日本史 卷一百九十九 列傳 十二

大日本史卷之二

列傳第一百二十七

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十

北條泰時

伊賀光季 弟光宗

北條泰時、右京權大夫義時長子也、幼名金

大日本史

卷二百

列傳

一

剛、稱江馬太郎、嘗徒步出遊、過多賀重行、重

行不下馬、賴朝聞而大怒、誚重行曰、禮者不

可別老少、因人而加敬焉、如金剛非汝儕輩

也、重行詐稱無是事、賴朝愈怒、質問泰時、泰

時懼重行獲罪、對如重行言、賴朝嘉其能掩

人過、賜劍褒獎、年甫十三、召之幕府、手親加

冠、名賴時、後改今名、及長寬厚詳雅、識量過

人、賴朝薨、賴家襲職、驕奢倦政、與嬖幸日夜

蹴鞠、建仁元年大風洪水、損傷禾穀、泰時私

謂中野能成曰、蹴鞠風流之戲、將軍好之宜

矣、然而可與時用舍、方今災變荐臻、民有菜

色、宜引司天博士、問咎徵之所自、恐懼戒慎

以答天意也、而今不之恤、日在戲場、與狎客

周旋、甚非攸宜、建久中故將軍欲限百日遊

海濱、因司天告天變遽止、將軍既荷重任、舉

動可不慎乎、下方被親信、蓋承聞諫止、能

成白之不報、會伊豆北條大饑、泰時往而視

之、將發、僧觀清來告曰、將軍聞前語、慍公踰

大日本史

卷二百

列傳

二

父祖而易言、爲公計者、稱病暫避北條、則不

過旬日而得解、泰時曰、非敢納諫、攄愚衷於

近習耳、如欲唯吾、何論避不避、吾明日有事

赴北條、既已戒行、非因子言而然也、乃出行

李示之、賴家亦不之罪、先是北條氏飢、泰時

出米貸之、至秋當償子本、而遭風不能辦、相

率欲流亡、泰時抵北條、悉會通負者、出券焚

之、且酒食之、與人米一斗、父老大悅、東鑑建曆

元年任修理亮、關東評定傳、將建保初和田

義盛謀滅北條氏、誘土屋義清等舉兵、分爲三隊、一圍幕府、一圍義時家、一圍大江廣元家、廣元方招客張宴、聞變出赴幕府、守衛單弱、將士惶駭、泰時與弟朝時及足利義氏等率兵禦之、義盛子義秀多力善戰、府兵披靡、適會兵士赴難者縱火、府第悉燒、（明）月記曰、廣元坐客來醉縱火、未知孰是、實朝避之法華堂、義盛乘銳進攻、自昏徹曉、義盛士卒精銳、無不一以當百、泰時勵將士、身犯鋒鏑、義盛少卻、陳于前濱、

大日本史

卷二百

列傳

三

泰時勒兵守中下馬橋、遣足利義氏及八田知尚等追擊之、翌日橫山時兼來與義盛合兵三千、欲徑攻法華堂、義氏及近江守源賴茂等遮路、義盛不能前、廻戰于若宮大路、千葉成胤及相模武藏之衆聞變赴援、時義秀與義清古郡保忠聯騎驅馳、府兵屢卻、泰時遣使法華堂曰、吾軍雖多、敵兵猛厲、宜施方略、實朝大驚、召廣元、奉願書於鶴岡、既而義清中流矢死、義盛軍燬、父子遂敗死、亂平、賞

泰時功、賜陸奥遠田郡地頭職、泰時辭曰、義盛素無蓄怨於公、第有憾於臣父、而爲叛亂、幕府將士多死傷、臣爲父除寇、供子職而已、何賞之有、願以所賜與將士、彼此皆得其所、實朝曉諭再三、乃受、（東）鑑頃之爲式部少丞、（關）東評定兼讚岐守、固辭不就、（帝）王編年記、累進從五位上、歷駿河守、轉武藏守、（關）東評定傳、承久三年、後鳥羽上皇將討義時、義時聞之、召泰時曰、事既如此、預定計畫、泰時曰、昔平清盛罔若

大日本史

卷二百

列傳

四

虐下、故將軍受詔掃殄、上下安堵、自爾以來、幕府相承、世奉朝廷、不敢失墜、今無罪被討者、豈非議者之謬、宸聽邪、然普天之下、無非王土、今悍然與抗、非臣子之義、宜束身詣闕、唯命是聽、天威尚不霽、舉族就刑、亦何憾焉、儻蒙赦宥、晦迹山林、以保餘生矣、義時沈默良久曰、如汝之所言、改正國治、明主在上之事也、上皇登極之後、政令乖亂、人懷愁怨、其僅免荼毒、幕府所管耳、如幕府陵夷、政出一

塗則柰蒼生何、自下剽上、雖冥譴之可畏、固非爲一已謀、代天下之憂而憂耳、如能得志、廢昏立明、鞏皇基於萬世、則宗廟之靈、豈不鑑此心哉、且我非敢震驚宮闕、特欲除誤國之佞幸已、汝速發、乃使泰時報北條政子、明忠傳政子命泰時及北條時房、北條朝時、舉兵西上、泰時時房出東海道、東鑑承既而泰時單騎道還、義時驚怪、泰時曰、號令部署既聞命矣、若乘輿親征、則何以自處、義時良久曰、

大日本史

卷二百

列傳

五

善乎問也、若遇乘輿、可免曹弛弓、委身下吏也、諸將督師則努力效死、有進勿退、軍如失利、我不能復見汝矣、增鏡於是與朝時等分道竝進、上皇遣將士于美濃尾張、據守險要、當東海東山二道、別遣兵于越中、守北陸道、五月泰時自東海道、武田信光、小笠原長清等、自東山道進、信光等攻破大井戶、大内惟信敗走、大豆渡等守將望風潰散、山田重忠守洲股、回軍拒戰、泰時擊走之、與信光長清合

軍竝進、廷議再分遣諸將於宇治、勢多、淀、芋洗、時房攻勢多、重忠臨水拒守、時房戰不利、斂兵而退、泰時攻宇治、佐佐木廣綱與熊野奈良僧兵一萬餘騎守之、時雨甚、泰時駐粟子山、承久記將待旦發、三浦泰村冒夜進兵、夾河射戰、足利義氏繼進、泰時恐二將輕進、反爲所敗、東鑑承將繼發、雨益甚、軍中鎧馬霑濡、士卒委頓、縮頸簇立、以身抗官軍、皆懷疑懼、泰時神色自若、勵衆而進、承久記官軍

大日本史

卷二百

列傳

六

撤橋、士卒緣架進、死者浸多、泰時休兵平等院、先使芝田兼義探水淺處、兼義歸報、牧島可渡、東鑑承於是兼義春日貞幸、佐佐木信綱、中山重繼、安東忠家等、連轡進濟、兼義貞幸馬中矢而斃、貞幸沒水幾死、從者救之、泰時手灸之、得蘇、時雨餘水漲、武藏相模兵士溺死者八百餘人、官軍乘勝鼓譟、泰時召子時氏曰、我軍將不利、是大將授命之秋也、汝可速濟、時氏與六騎濟、泰時亦將濟、貞幸控

馬而諫、不聽、貞幸紿曰、擐甲而濟、莫不沈沒、

請卸甲、泰時下馬、將釋甲、貞幸乃引馬而去、

泰時竟不得濟、東鑑義時聞之以爲貞幸之功、

勝於先登、既而兵五百餘踵時氏進、傷痍甚

多、承久記尾藤景綱撤民屋舍爲筏、軍皆得濟、

官軍不能禦、前中納言源有雅、參議藤原範

成等敗走、時氏追擊大破之、毛利季光三浦

義村攻淀芋洗破之、時房亦克勢多、官軍一

時崩潰、東鑑胤義重忠歸奏、上皇閉門不內、諸

將或自殺、或逃亡、承久記東鑑、京師遂陷、上皇

宣諭泰時、歸罪廷臣、語在義時傳、泰時與時

房入居六波羅、綜理政務、因藤原忠信源有

雅等、其餘搢紳及武士屬官、軍者多置而不

問、務從寬裕、東鑑遂承義時意、廢幼主、立後堀

河帝、徙上皇于隱岐、土御門上皇于土佐、順

德上皇于佐渡、東鑑承久記、百、泰時居六波

羅、四歲、元仁元年、義時卒、泰時歸鎌倉、嗣爲

執權、與時房同輔賴經、而泰時以遭喪、未經

月、不欲就職、議之大江廣元、廣元曰、公荷重

寄、居幕僚之上、安危隆替之所繫、不可一日

曠、延至今日、猶可謂緩、泰時乃起視事、東鑑北

條政子將割義時莊園與諸子、命泰時注擬、

泰時多分諸弟、自取甚少、已而政子問曰、汝

何自取甚少也、泰時謝曰、身備執權、何求之

有、唯以撫諸弟爲意而已、政子嗟歎久之、東鑑

參取太平記明惠傳、泰時繼母藤原氏與兄光宗謀奉

女壻藤原實雅爲將軍、以所生子政村爲執

權、光宗等日夜計議、人或聞其謀告之、泰時

曰、是誣妄臣信、然懼有因事媒孽爲亂階者、

不許任事數輩之外出入已家、初賴朝命時

政守護京師、東鑑爾後每遣親信相代、以爲常、

參取東鑑帝至是以京畿新定、人心易動、搖

遣時氏及從弟時盛於六波羅、警衛京師、東鑑

總畿內西海軍事、從是擇子弟俊秀者迭爲

之、而兩六波羅遂爲常職、參取將軍執權光

宗兄弟往來所親三浦義村家、或至繼母所、

大日本史

卷二百

列傳

七

大日本史

卷二百

列傳

八

互作誓約、侍婢微聞其語、告泰時曰、雖不知本末、而有不相渝之言、蹤跡詭秘、誠可怪也、泰時曰、彼約兄弟不相渝、用敦天倫之親、善莫大焉、光宗奸謀滋甚、訛言盈街、政子往義村家曉諭之、翌日義村謁泰時曰、故權大夫過嘉義村勲勞、冠陸奧四郎、待愚息泰村如子生、追念恩眷之隆、公與四郎何分輕重、所願寧靖無事而已、頃光宗等竊懷異圖、僕處中間、潛折其謀、亦義村所以奉效也、泰時殊

大日本史

卷二百

列傳

九

無喜愠之色、神守自若、徐曰、下官無纖芥於政村、豈有所愛憎哉、然羣疑煽起、將士競集、政子奉賴經徙泰時家、數日議決、遂實雅、流光宗黨與一切不問、東鑑嘉祿元年北條政子薨、泰時與時房執政、後置評定衆、須衆議決焉、關東評定傳一日鎌倉無故驚擾、將士揚旗、擐甲奔湊幕府、及泰時之門、殆數百騎、泰時使平盛綱尾藤景綱等馳出海濱、呼曰、有反者、士卒從後至、稻瀨河、盛綱等顧而諭曰、實無

變、將以弭諸君喧噪耳、今不稟命、擅興兵甲、果何謂哉、若無異心、宜及夜未明速獻其旗、於是應聲獻旗者二十餘人、翌日泰時召見曰、緩急用命、信義可嘉、然爾後慎勿妄動搖、乃悉還旗、記其姓名遣焉、寬喜中諸國大饑、發米九千石、救濟貧民、又停美濃大久禮等千餘町田租、設場株河驛、賑給流民、其欲依親故者、量行程與資糧、願住者命所在莊園收視、東鑑士民就富家借糧者、待明年豐熟還

大日本史

卷二百

列傳

十

本、泰時償其息、身無莊園及貧者、子本俱償、減損膳羞、衣服器皿、因舊敝而用、節儉刻苦、以身先人、太平記嘉禎二年進從四位下、尋兼左京權大夫、東鑑關東評定傳、施德惠、整法令、謙虛接衆、至質曲直、不假強宗豪族、武田信光與海野幸氏爭上野信濃之界、幸氏有證驗、泰時直幸氏、有人或告信光怨望、謀擊泰時、泰時曰、畏人之怨、不分曲直、則焉用執政矣、信光於我何爲、建保中和田義盛率

族人數十、乞姪胤長命、我先人不唯不允其請、面縛胤長、過義盛前付吏、後雖舉兵叛、不能及時奪去者、豈非以無私曲之故哉、信光駭懼、送誓書、載子孫永不蓄異心、泰時因示諸將、皆徵誓書、泰時友愛敦睦、嘗居評定所、聞有寇圍朝時宅、徑馳救之、及還平盛綱諫曰、公當為天下自重、輕仇赴難、非所宜也、縱為朝家之寇賊、可先覘形勢、為之方略、盛綱等奉命足辦、不慎將來、恐招譏來禍、泰時曰、大日本史 卷二百 列傳 十一

人之居世、親親為大、人將殺吾弟、坐視不救、人謂我何、是非招譏之大者哉、朝時為寇所圍、在他人則為小事、在我則不減建保承久之難、朝時聞之益敬重焉、泰時在職既久、講習治體、聽決平允、與玄蕃允三善康連議定憲令五十條、謂之貞永式目、暇日講射、教督子孫、引文士談論政務、戒孫經時曰、為治由文、汝須留意、東鑑仁治三年、四條帝崩、無儲貳、赴至鎌倉、泰時適與時房歡飲、起席歎曰、天

位至重、神人所主、吾如籍默、使廷臣專定策、則安危未可知也、乃閉戶沈吟、幾忘寢食、意在立土御門帝皇子、然不敢自決、謁鶴岡社探籌、果協其所念、於是遣秋田城介安達義景于京師立之、義景道還曰、佐渡院皇子既立、則將如之何、泰時曰、善哉、問也、煩卿為此也、若然廢之、義景入京師、見前內大臣源定通、悉達泰時意、遂立土御門帝皇子、是為後嵯峨帝、參取增鏡、保曆間、是歲六月卒、年六大日本史 卷二百 列傳 十一

十、關東評定傳、將軍執權次第、平氏系圖、五代、東平、帝王物語、為寬元年卒、誤、歷代皇紀、為年六十餘、帝王編年法、名觀阿、保曆間、執權號常樂寺、將軍執權次第在職十八年、政平訟理、眾庶樂業、而自量涯分、不登顯位、又不為宗親將士求官職、神皇正統記、十八、每有除拜、常懷挹損、四位之命至、召陰陽助安倍忠尚、姓據安、曰、我無功勞、冒進崇班、恐難令終、宜禱神明、以保寵錫、因祭泰山府君於家庭、銳意政治、每赴廳堂、未嘗不先眾而往也、每

戒守護地頭、不得怙勢奸職、遭國司領家訴者、召至六波羅按問、不卽赴召、啓狀鎌倉、宿衛京師後期者、展代償之、身在鎌倉、帶衛府內舍人而不服王事者、入錢於官有差、以清廉自處、無聲色娛翫之好、關焚茅、繕橋梁、苟利於民、知無不爲、與諸將遊番宿直幕府、及老益勗、值宿直、家僮奉筵而進、叱卻之曰、褻物不宜設於公堂、汝爲人侍臣、尚不辨是禮乎、嘗詣法華堂、拜堂下、寺僧請登堂、曰將軍

大日本史

卷二百

列傳

十一

在世日、不得輒近、薨後、豈易禮節乎、東下總地頭嘗與領家爭租稅逋欠、泰時親聽訟、及共訴陳、領家所言得要領、地頭抵掌曰、我負矣、人笑其屈之速、泰時曰、我聽訟久矣、縱令非理、反覆論辨、僥倖萬一、是訟家之常態也、前汝之所陳、非全無其理、一聞領家之言、遽自屈伏、亦可稱也、感嘆拭淚、領家亦感之、緩地頭逋負半、沙石集泰時一日早出、途見刀傷而死者、與評定衆議、遽馳人搜索四方、捕得

血濡衣者、鞫問伏其罪、卽因博奕而殺人也、遂下令嚴禁博奕、東鑑三河本野原曠莫、行人迷路、泰時令土人植柳、行旅得便、民思之如周人愛甘棠、東鑑泰時愛民力、不營土功、家第牆版疎薄、窺見室家、或謂之曰、築土牆設塹、以備不虞、如何、泰時曰、牆塹之設、雖小舉勞民費力、且我事君無失、身家得全、如失天命、雖鐵牆何補之有、聞者稱其有識、沙石集初泰時謂人曰、吾在京師、與梅尾僧高辨語、

大日本史

卷二百

列傳

十四

高辨曰、君不見夫治病者乎、良醫能察其原、審寒熱之所中、然後投劑、莫不立愈、世之爲治者、不察其原、濫行賞罰、則姦僞益作、風俗日偷、欲爲之治、未由也已、譬之庸醫、不知病原之所在、妄施治療、欲治其疾、疾愈重、治之不成、由人有欲心、欲心一萌、衆禍競起、足下執政柄、躬自率勵、何不成之有、我又問曰、雖一人勉行之、衆衆不從何、曰是不難、在足下之心耳、古人有言曰、其身直則影不曲、其政

正則邦不亂、正也者無欲之謂也、足下心誠能存之、則人人薰德而知足、不勉而行、治可

庶幾矣、一有爭訟者、則自反而痛懲、不可加

罪於彼、譬如身不正而惡影曲、不正身而欲

罪影、其可得乎、我承乏為執權、獲免罪戾、高

辨之力也、明惠傳及卒、都鄙無貴賤、若喪父母

焉、百鍊鈔參取保曆間記子時氏、時實、平氏系圖時氏從五

位下修理亮、承久之戰、從泰時敗王師、愛禮

將士、有父風、元仁元年與掃部助北條時盛

大日本史 卷二百 列傳 十五

鎮六波羅、分治南北、寬喜二年免歸、是歲卒、

年二十八、東鑑四子經時、時賴、為時、時定、平氏系圖

時賴自有傳、為時從五位上、時定從五位下、

竝遠江守、時氏弟時實為其下所殺、東鑑

經時稱彌五郎、文曆元年補小侍、所別當、尋

拜左近衛將監、東鑑關東評為評定眾、關東評

評定仁治三年泰時卒、經時襲執權、關東評

寬元元年除正五位下、為武藏守、將軍傳

四年以疾讓職、弟時賴剃髮、尋卒、法名安

樂、將軍執權號蓮華寺、平氏系圖經時善射、嘗敗

于藍澤、注髀箭射熊、應弦而斃、東鑑二子皆為

僧、曰隆政、賴助、北條系圖

伊賀光李、佐藤朝光長子也、朝光歷左衛門

尉、檢非違使、為伊賀守、老練武事、實朝嘗選

近習驍勇、番直便室北面、特命朝光及和田

義盛加直、以備燕閒諮訪、朝光女為北條義

時後妻、北條尊卑分脈按尊卑分脈作以故父子得恩遇

建保三年朝光卒、義時親臨監喪事、光李為

大日本史 卷二百 列傳 十六

左衛門尉、檢非違使、東鑑稱伊賀判官、東鑑帝

久記、承久初實朝遭害、先是藤原李時守護

京師、聞變、薙髮出家、義時虞京師有變、遣光

李警衛焉、尋遣大江親廣俱鎮京師、東鑑三年

後鳥羽上皇將討北條氏、召親廣、光李、光李

得藤原公經之報、既知有急、對曰、頃日兵馬

羣集、流言盈巷、臣職在警衛、有事當先聞知、

而未聞詔命、今而召臣、臣竊惑焉、敢辭、再敷

曰、事當面敷、邇來勿違、光李曰、承命赴敵、臣

之分也、輒入宮闕、非臣所知也、不往、從者勸走于鎌倉、光李曰、吾職在警衛、而禍發先逃、何以自贖、且今所在梗塞、欲走可得乎、與其斃道路、自遺醜名、不如致死於此、以明無貳、時從者多逃逸、留者纔二十七人、長子光綱年十四、稱壽王冠者、光李曰、汝尚幼弱、宜投託所親、待長仕幕府、光綱曰、大人死節、兒何忍去、光李悅、明旦開京極二門、開高辻土門而待、及午、官軍來攻、從者逆拒、官軍不進、欲

大日本史

卷二百

列傳

十七

斫京極門、光李叱從者令開左衛門尉間野、時連先登、光李射之、時連反走、檢非違使三浦胤義進呼光李為朝敵、光李曰、汝欺君倡亂、吾詳知之、猶何饒舌、今吾不舍汝、射中其弓、光綱見檢非違使佐佐木高重至、挾矢謂曰、初君加我冠、約為子婿、今將死、敢還所賜矢以訣、射中胸、而年少臂弱不徹甲、高重憐之、流涕而去、官軍競入、從者散亡、唯贅田三郎與第四郎力鬪、三郎重傷自殺、光李縱火

其家、先殺光綱投火、而自潰腹、伏其屍焚死、贅田四郎亦自殺、承久光李子光綱、李村、東鑑

時重、尊卑政子、召見光李孤兒四人、流涕慰撫曰、汝等皆肖其父、勉勵忠貞、勿墜家聲、東鑑

李村嘉祿中、泰時承政子意、以光李故、采地常陸鹽籠莊與李村、東鑑時重為檢非違使、

尊卑光李弟光宗、分脈光宗為左衛門尉、稱伊賀二郎左衛門尉、東鑑

尊卑建保末、置侍所司五人、光宗為其一、分脈承

大日本史

卷二百

列傳

二十八

久初遷政所執事、後授朝官為式部丞、初北條義時娶光宗妹為後妻、生政村及女、女適參議藤原實雅、以故召實雅侍幕府、及政村加首服、義時以三浦義村勲舊宿將、請使加冠、因相親暱、東鑑元仁元年、義時疾篤、泰時在六波羅未還、義時妻與光宗謀廢賴經、立實雅為將軍、以政村為執權、而光宗兄弟操威福之柄、光宗與弟朝行、光重密結將士、義時卒、有流言曰、武州自京師還、將殺諸弟、人人

懷危懼、及泰時還、鎌倉騷擾、光宗兄弟屢至義村家、道路頗爲怪、又聚義時妻所居共誓、泰時頗知之、置而不問、旬餘近國兵驟至、殆填城市、政子夜潛至義村家、諭曰、自武州還、道路誼譁、如聞光宗兄弟頻出入卿家、咕囁耳語、是何等事、豈欲除武州以奪其權乎、承久之變、雖屬天命、武州之功莫大焉、奧州數戡禍亂、以鞏基業、可襲職爲關東棟梁者、非武州而誰、嚮無武州則衆何能自保、卿與政

大日本史 卷二百

列傳 十九

村親如父子、非無協同之疑、宜善爲調護、義村謝不之知、政子作色詰責曰、卿欲擁政村以作亂乎、將爲匡救之計乎、居一於此、義村對曰、陸奧四郎非有他腸、唯光宗等妄意構造、臣當力加切責、申以誓言、政子乃還、又旬餘將士擐甲建旗競走、徹夜漸定、政子與時房奉賴經徙泰時家、屢使使督責義村、既而呂之曰、吾抱郎君在於此、卿不宜外、可速來侍、義村不能辭、又呂小山結城等諸將曰、主

將幼弱、下有逆謀、吾雖老病無益於事、而諸君何無意保故將軍之餘緒哉、輯睦戮力、何虞之有、數日親臨論決曰、光宗等欲奉藤原實雅爲將軍、事已發覺、但實雅朝貴、難私處刑、宜奏請於朝、奧州妻與光宗等皆當流、其餘黨與一無所問、既而逐實雅於京師、朝行光重與式部太郎宗義、伊賀左衛門太郎光盛等從而逃、政子還館、奪光宗邑五十二所、屬其舅二階堂行村囚之、遂流信濃、幽義時

大日本史 卷二百

列傳 二十

妻於北條、命六波羅執朝行光重等流鎮西、廷議奪實雅官流越前、東鑑參取保曆間記、光宗至謫所薙髮、法名光西、明年政子薨、泰時以修冥福、召還光宗等、授光宗舊邑八所、東鑑脫漏、既而皆任使之、光宗爲評定衆、關東評定傳、武家補任、以正嘉元年卒、時年八十、關東評定傳子宗義、宗綱、宗義左衛門尉、子光政、山城守、尊卑分脈爲引付衆、關東評定傳、武家補任、宗綱左衛門尉爲評定衆、子光泰亦評定衆、尊卑分脈

大日本史卷之二百終

大日本史

卷二百

列傳

三十一

大日本史卷之二百一

列傳第一百二十八

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十一

北條時賴 青砥藤綱

北條時宗 子貞時

北條時賴時氏子也、北條系圖小名戒壽、稱五郎、

大日本史 卷二百一 列傳 二

嘉禎三年加首服於祖父泰時第、將軍藤原

賴經親爲加冠、命名、東鑑尋拜左兵衛少尉、東鑑

關東評定傳遷左近衛將監、敘從五位上、東鑑寬元

二年賴經讓職於子賴嗣、四年時賴代兄經

時執權、東鑑時賴從父光時得寵于賴

經、密謀代時賴襲其職、保曆間記於是人情兇懼、

衆無故集鎌倉、民負擔而避之、時賴乃使兵

遏入幕府者、夜半士咸擐甲揚旗、分入幕府

及時賴第、至明騷動弗已、時賴設兵戒備、賴

經遣使時賴第、時賴拒不入、光時知不可免、

剪髮請罪、時賴迺流之伊豆、東鑑遂廢賴經、保曆

間記使三浦光村等護送于京師、光村在

賴經前涕泣、潛有欲迎復之志、及還其謀益

切、密運致私邑甲仗、將作亂、兄泰村知而不

禁、東鑑時賴外祖父安達景盛與泰村爭權相

惡、因告其有異志、時賴以泰村勲舊有姻戚、

布心信任、遇待優厚如故、乃與其子駒石凡

約爲父子、會時賴往泰村家、泰村族人畢集、

大日本史 卷二百一 列傳 二

各託治具、入內不出、舉措異常、時賴始怪之、

夜間有擐甲聲、慮其有變、聞出而還、泰村驚

懷解謝、時賴潛遣人察其動靜、益知其有異

圖、命嚴守備、近國兵士爭先會集、泰村懼、遣

使謝罪、請罷兵、時賴許之、乃令衆徹備、貼書

曉諭、加以誓辭、泰村感喜、報未至、俄而景盛

使孫泰盛率兵攻之、泰村錯愕、出兵應之、時

賴不得已、遂命掃部助北條實時、守衛幕府、

遣弟時定、將兵擊之、放火於泰村鄰舍、風猛

火熾、泰村兵不能支、東鑑舉族出走法華堂而

自殺、東鑑五代帝王時賴奏事京師、令諸國

守護地頭就所在索捕泰村親黨、遣大須賀

胤氏、東素還、襲殺泰村妹夫千葉秀胤父子

於上總一宮、東鑑寶治元年召六波羅鎮將相

模守北條重時、執權連署、東鑑將軍建長元

年重時轉陸奥守、時賴代為相模守、東鑑將軍執

關東評三年進正五位下、東鑑關東賴經怒

為時賴所廢、聚兵京師、應之者頗衆、東鑑事

未發、會佐佐木氏信連長久連僧了行等、時

賴命鞠之、悉得其情、東鑑保誅竄久連等、東鑑

廢賴嗣還京師、迎宗尊親王為鎌倉主、東鑑將軍

執權、又養關白兼經女、納為親王妃、東鑑帝

記、康元元年時賴嬰病薙髮、法名道崇、號覺

了坊、嘗創最明寺於山內、至是退居養病、以

男時宗幼、委其職於武藏守北條長時、猶參

知軍政、東鑑一日諏訪某規伊具四郎從鶴岡

歸、射殺之於途、時昏黑不知主名、執諏訪考

大日本史

卷二百一

列傳

三

問備至、久之不能決、時賴召諏訪、屏人謂曰、

伊具遭害、主名久不立、然汝家僮言、事出於

汝、府議既決汝死、而今雖回避、多端、不可得

也、宜以實告、則更得生路、諏訪感泣、自首曰、

伊具前掠奪僕邑、故僕報怨也、遂命梟之、東鑑

關東評時賴既解職、恐諸國吏或有挾私害

民者、身自羸服、陽為遊僧、間行四方、潛察風

俗、有人抱冤結者、就問事狀、增鏡乃云、我

嘗仕鎌倉、為子訴焉、自作書與之曰、持到鎌

倉、其人從之、寃遂得解、增鏡行抵攝津難波浦、

日暮投宿、其家屋壁傾頽、有老尼獨居、躬親

爨炊進飯、時賴見尼不慣賤役、怪而問之、尼

潛焉垂泣曰、我家世食斯邑、不幸喪夫失子、

門戶殄瘁、遂為人所奪、無所告訴、孤棲二十

餘年、財保殘軀而已、時賴憫之、及歸鎌倉、命

復其舊邑、太平記其餘所歷之地、察問辨覈、隨

其善惡、以行賞罰、由是郡國守宰、人自脩飭、

風化歸厚、戶口豐安、增鏡弘長三年卒、年

大日本史

卷二百一

列傳

四

三十七、東鑑、關東評定傳、時賴深信禪教、粗通其旨、

為宋僧道隆、初建長寺於鎌倉居焉、臨終著

衲衣、上繩牀、坐禪作頌曰、業鏡高懸、三十七

年、一槌打碎、大道坦然、後深草上皇遣使弔

喪、諸將士無親疎、悲慕慟哭、難髮者甚眾、至

下令諸國守護、禁難髮者、其得士心如此、東鑑、

時賴見泰時卒後、綱紀廢弛、獄訟滋興、太平記、

鏡、其在職所施行、一守貞永式目、遵賴朝父

子三代將軍舊制、東鑑、士庶歛然靡服、天下稱

大日本史 卷二百一 列傳 五

治矣、增鏡、嘗上書將軍賴嗣、勸其兼講文武、乃

擇縫殿頭中原師連、安達義景、小山長村等

數人、置賴嗣左右、以備顧問、寫貞觀政要一

部、裝而進之、屢試將士騎射、校其能否、東鑑、性

儉素、食不貳味、一夕燕居、會族父宣時來、時

賴手舉酒曰、獨飲不若與卿共之、樂也、奈深

夜無下物何、宣時即起入厨、照紙燭索殘醬

侑之、終夜對飲、盡歡而止、其淡薄如此、徒然

七子時輔、時宗、宗政、宗時、政賴、僧時嚴、宗賴、

時輔初名時利、平氏系圖、稱三郎、為式部大輔、文

永初居六波羅南方、將軍執權次第、時輔母賤、北條系圖、

時賴以時宗為家督、時輔心常不滿、及時宗

襲職、恥為之下、潛蓄異圖、事覺、保曆時宗命

北條義宗擊之、時輔拒之而死、五代帝王物語、

傳、時宗併殺其黨與、時宗自有傳、宗政右近

衛將監武藏守、為評定眾、弘安四年卒、關東評定

傳、子師時、時宗養為子、為相模守、代貞時執

權、參取平氏系圖、應長元年卒、北條系圖、將

大日本史 卷二百一 列傳 六

宗時遠江守、政賴號三郎、平氏系圖、時嚴號櫻田

禪師、其子治部大輔貞國、元弘之亂、敗死於

鎌倉、太平記、宗賴修理亮、弘安初為鎮西守護、

出居長門、卒于鎮、北條系圖、

青砥藤綱上總人、父曰藤滿、弘長初時賴詣

鶴岡齋宿、夢神告之曰、汝欲致治、須用青砥

某、既覺、明日下午書徵藤綱、給食邑數所、藤綱

怪問其故、即告以實、藤綱辭曰、佛經譬無實

相、曰如夢幻泡影、今以夢用僕、他日又以夢

斬僕邪、夫無功受賞、是謂國賊、臣未有微効、不敢當、時賴賢其言、益敬異焉、奏授左衛門尉、爲引付衆、有人與德宗領爭田者、其辭直、而衆咸憚時賴、遂以田屬德宗領、太平時稱北條氏家督曰德宗、梅松論藤綱覆議其事、以其田歸本主、本主喜、裹錢三百貫、密置藤綱庭內而去、藤綱忿曰、斷訟持平、豈特爲汝邪、苟以我公平邪、相模殿宜見賞獎、汝之貨焉得汚我邪、以錢還于其家、嘗夜行過滑川、誤

大日本史

卷二百一

列傳

七

墜十錢於水、藤綱遽命從者、以五十錢買炬、照水撈錢、竟得之、或嘲其失大得少、藤綱輒蹙曰、甚矣子等不用意於經世也、十錢雖少、失之則永損天下之貨、五十錢雖損於我、亦益於人、彼此六十錢、其爲利不亦大乎、聞者歎服、藤綱歷仕時賴及時宗、食邑數十所、家富於財、立身清約、衣食麤惡、刀室不繫、每出一人持木刀從後、及授官、應佩衛府太刀、藤綱不爲裝飾、只加弦袋而已、性好施、所入俸

悉振給貧困、其在職廉潔剛直、不憚權貴、於是姦吏歛迹、人人自飭、一時風俗、翕然頓改、至今談鎌倉美績者、咸稱時賴時宗、蓋藤綱多所補益云、太平記

北條時宗小名正壽、稱相模太郎、時賴子也、

北條甫七歲、冠于宗尊親王府、宗尊賜名時宗、幼習射、蚤以能著、弘長元年、宗尊觀射於

極樂寺第、命小笠懸衆皆以不諳射儀辭焉、時賴召時宗命之、時宗騎而臨場、一發中的、

大日本史

卷二百一

列傳

八

時年十一、宗尊賞歎不已、時賴悅曰、斯兒固有繼業之器、東鑑是歲拜左馬權頭、叙從五位下、文永元年、連署、二年、以勞進從五位上、兼但馬權守、尋遷相模守、將軍執權次第、參取帝王編年記、關東評定三年、宗尊近習陰謀殺時宗、事發、時宗與北條政村等議、廢宗尊、還京師、立其子惟康、東鑑五年、辭左馬權頭、相模守如故、初時賴薨、時宗尚幼、北條長時、北條政村相繼攝執權之事、至此時宗爲執權、將軍執權次第、關東評定傳

元國因高麗獻書求通使時宗奏之朝廷取參

關東評定傳五代帝王物語廷議命前權中納言菅原長

成草答書長成官據下時宗議時宗以謂蒙

古書辭無禮不宜報遂卻之五代帝王物語八年高

麗遣使告元國來寇既而元遣趙良弼持書

來責朝貢時宗皆因大納言藤原實兼奏之

後嵯峨上皇與公卿議謂宜以長成所草書

少加修飾為答參取吉續記然亦遂不報五代

帝王物語蓋以時宗不聽故不遣答書也十一

大日本史 卷二百一 列傳 九

年冬元寇西陸鎮西將士拒戰却之歷代皇

愚童建治元年元又使杜世忠何文著撒都

魯丁等造長門室津時宗命收杜世忠等致

之鎌倉悉斬之關東評定傳乃以北條實政為筑

紫探題節制軍務帝王編年記簡鎮西將士鎮戍

邊海權停京都大番省減國用休息民庶豫

為之備關東評定傳明年春將發兵征高麗即令

西海及山陰山陽南海諸道修戰艦備器械

野上文書既而元將夏貴范文虎使周福樂

忠來又捕斬之博多關東評定傳弘安四年元大

興軍遣其將范文虎等率舟師寇太宰府關

評定傳一代要記歷代皇紀范文虎據元史時宗使宇都宮貞綱

將中國兵禦之宇都宮未到海風暴發元兵

悉覆沒一代要記歷代皇紀關七年時宗卒

年三十四法名道果號寶光寺子貞時平氏

將軍執權次第貞時小名幸壽北條弘安五年為左馬權頭

將軍執權次第七年襲父執權時年十四明

大日本史 卷二百一 列傳 十

年除相模守參取平氏系圖帝王外親安達

泰盛與子宗景恃恩驕蹇內管領平賴綱爭

勢欲相排陷陰懇於貞時曰乃者宗景安稱

故右大將之胤擅冒姓源氏是其志欲為將

軍也貞時納其言按驗有狀發兵誅泰盛父

子悲夷族黨賴綱意望不厭圖以中子安房

守為將軍而貞時不之知也後數年賴綱長

子宗綱告其謀貞時乃誅賴綱及安房守流

宗綱于佐渡已而召還襲父職後又以罪配

于上總保曆正應二年廢將軍惟康親王送

還京師奉皇弟久明親王立為將軍增三年

北條時輔子與三浦賴盛謀叛貞時捕而誅

之保曆五年高麗使其臣金有成來東國言

宜更通信於元不則有復用兵之事公卿救

貞時召有成拘留不遣元遂絕窺覷國念

正安三年累進從四位上尋辭職薙髮法

名崇演號最勝園寺應長元年卒年四十一

參取平氏系圖將軍執貞時慕尚祖時賴治

大日本史卷二百一列傳十一

迹辭職之後躬披僧衣遊歷郡國察風觀俗

訪民疾苦時前內大臣源通基蒙譴於後宇

多上皇通基名據奪食邑屏居田廬貞時至

京偶過其廬愛其閑寂徘徊久之值有人出

貞時問主人姓名其人具告并道見擯之由

貞時曰大臣負冤如此盍告鎌倉申理乎曰

吾儕亦嘗言之大臣以為揚上之非以伸已

之枉非臣子之義縱使吾門戶坐此滅絕命

大慙悔復通基食邑貞時風餐野宿備嘗艱

苦凡三歲而還太平初後嵯峨帝崩後後深

草上皇與龜山帝生嫌隙神皇正統上皇遣

使諭時宗增曰先帝素志未必廢正嫡立庶

流也增鏡時宗即質諸大宮院始知先

帝意專屬龜山帝然以不可奪而止神皇正

及後宇多帝即位上皇憤懣將削髮時宗聞

之惻然因議曰雖先皇意專屬龜山帝然推

本而言則後深草帝先皇之嫡長而在位亦

大日本史卷二百一列傳十三

無失德置儲貳宜在後深草之胤遽奏龜山

上皇以後深草帝子熙仁親王為後宇多帝

東宮熙仁親王既立是為伏見帝增帝竊為

固位之計密諭貞時曰乃者方龜山帝在位

以卿祖先遷後鳥羽帝於隱岐切齒思報焉

時無釁可乘不敢輕動若今俾其孫子臨御

日久人心歸嚮則必不利於卿朕賴先皇之

後復承大統、遂與帝合謀、立後伏見帝、梅松論

於是後宇多上皇不悅、遣左中辨藤原定房

於鎌倉、讓貞時曰、國不可有二主、如何數違

先帝詔、吉續記、左中辨貞時遂定策、使後深

草龜山二帝之後、限十年迭立、因先立上皇

皇子、循序相傳、時後伏見帝立僅三年、俄讓

位于後二條帝、事遂定、而元弘之亂實胎於

此矣、參取梅松論、子高時、泰家、自有傳、

大日本史卷之二百一終

大日本史 卷二百一 列傳 十三

大日本史卷之二百二

列傳第一百二十九

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十二

北條高時

金澤貞將 二階堂貞藤 安東聖秀 藤範聖遠

長崎高重 工藤基 五大院宗繁

北條高時幼名成壽丸相模守貞時之子也

大日本史

卷二百二

列傳

一

敘從四位下平氏為左馬權頭正和五年代

北條基時為執權時年十四文保元年除相

模守系圖將軍執權高時為人舉止無度特

以宗嫡襲世職增鏡保始委政妻父秋田時

顯內管領長崎圓喜喜或二人合心協謀一

遵泰時約束頗稱無事及圓喜以老廢罷使

其子高資代之高資乘藉主暗專行胸臆作

威福無有所憚海內怨憤衆情日離保曆而

高時昏亂滋甚日夜以酣飲為事嘗見犬鬪

庭上大愛悅之索諸將吏家及課百姓出以

充租賦遠近獻致積至數千頭饗以梁肉被

以珠繡載以籃輿役民舁之道路遇者下馬

俯伏每月十二度分朋縱鬪召會諸將觀以

為樂其羣吠狺狺震地如爭尸者聞者皆惡

之京師有田樂戲盛行高時多召優人付諸

將各養一人每宴飾進作戲自高時已下競

解衣裳以為纏頭竟席積成丘堆其費不貲

時人皆謂其不終焉太平元亨元年後宇多

大日本史

卷二百二

列傳

二

法皇遣使言致政於帝高時奉旨從之增正

中元年秋帝謀討北條氏事頗漏高時大驚

遣使執致中納言藤原資朝藏人頭藤原俊

基于鎌倉增鏡保曆高時將謀廢立帝欲

紓其患遣中納言藤原宣房下賜誓書喻以

宸衷無他高時乃改前議謝曰朝廷之事固

非臣等所敢議也上還其書○按太平記云

時使齋藤利行讀之二階堂貞藤諫曰天子

賜誓書於武臣自古未見其例因辭無受而

正中三年死、則其明年釋俊基還京師、增鏡、太平
說妄誕、今不取、記遷資朝於佐渡、公卿補任嘉曆元年春罹疾危

篤、長崎高資勸罷執權、毛利家天正薙髮號

崇鑑、系圖、保曆間記高資以素與金澤貞顯

相好、援以代之、高時弟泰家患不得繼職、薙

髮自廢、高時疾瘳、怒將殺貞顯、貞顯懼、亦薙

髮、不出視事、時羣下爭髡剃以慕效之、保曆間記

圓頂者盈府庭焉、時以為不祥兆、毛利家天正

記高資又以己意推赤橋守時為執權、保曆間記

大日本史 卷二百二 列傳 三

北條維貞為連署、將軍執衆益不服、保曆間記是

春皇太子薨、朝廷遣大納言藤原定房來言、

繼代斷矣、宜依後嵯峨帝遺命、高時不奉旨、

遂請立本院皇子量仁親王為皇太子、參取神皇

正統、梅松論、二年春陸奧人藤原季長、年及季長名讓

結城、文書與其族五郎爭事相訴、高資兩納其賂、

久不判決、二人遂相攻擊、高時遣兵討之、無

功、是後高時稍不平、高資所為、元德二年秋

密命長崎高賴圖之、事洩、乃委罪高賴、流之

于陸奥、保曆間記先是帝召僧圓觀、文觀於禁內

咒咀高時、高時聞之、執致圓觀、文觀、忠圓、案

問得實、至是遠遷圓觀等、太平記元弘元年高

時再執致藤原俊基、於是帝專與護良親王

等議討關東益急、增鏡、太平記、元弘元年據增鏡會後伏見

法皇亦遣使具告朝廷之謀、高時乃會諸將

諮計、衆相視未敢言、長崎高資進曰、前者明

公不果廢立、所以貽此患也、為今之計、莫如

速遷車駕、遠流大塔宮、預謀搢紳、執處斬罪、

大日本史 卷二百二 列傳 四

事乃定矣、二階堂貞藤諫曰、國權東移、殆百

六十年矣、威服四海、榮傳累世、其故無他、以

輸忠貞於王室、而布德惠於庶民也、今者拘

廷臣、流僧徒、此為已甚、又復放天子、竄座主、

人其謂之何、神祇在上、可無自畏、且使我兵

威實強、雖朝廷有異處分、誰敢與之、古曰、君

雖不君、臣不可以不臣、宜益效臣節、靡懈、則

天威亦安得不霽哉、高資作色曰、文武之用

緩急異勢、孔孟之道、非今日宜言、不速決、有

勅討我、悔何及矣、承久之事、明公所當則也、

高時卒從其言、秋遣二階堂貞藤及城越後

守二人名率兵三千至京師、至則帝潛出闕

幸奈良、宣言車駕如延曆寺、高時又發大佛

貞直、金澤貞冬、足利尊氏以下六十三將、以

武藏相模伊豆駿河上野五國兵二十餘萬

赴之、本書云、高時聞正成等起兵、乃遣貞直

本作十是時帝在笠置、北條仲時、北條時益

遣兵圍行在、而楠正成據赤坂、櫻山、茲俊起

大日本史 卷二百二 列傳 五

備後、太平貞直等攻陷笠置及赤坂、元弘日

光明寺藏茲俊亦自殺、高時乃命幽帝于六

波羅、遣二階堂貞藤、秋田高景、奉皇太子即

位、是為光嚴院、太平二年春、高時獻帝

以僧服、請薙髮、不聽、太平遂遣長井高冬、請

新主宣旨、遷帝於隱岐、增鏡、太平長井高冬、

貞胤、小山秀朝、佐佐木高氏、以兵五百護送、

太平守護佐佐木清高、率本國及出雲兵

士更番防衛、太平遷尊良親王於土佐、尊

澄親王於讚岐、夏、殺參議平成輔于相模、足

助重範於京師、中納言藤原資朝于佐渡、中

納言源具行于近江、藏人頭藤原俊基于鎌

倉、遷大納言藤原師賢及僧聖尋于下總、前

權大納言藤原公敏、參議藤原季房于下野、

中納言藤原藤房于常陸、僧俊雅于長門、時

楠正成復赤坂城、出也、四天王寺、北條仲時

北條時益、尋遣兵攻之、不利、高時遣宇都宮

公綱助之、護良親王城吉野、太平正成

大日本史 卷二百二 列傳 六

城千劔破、增鏡、梅赤松則村起播磨、高時又

使義子阿曾時治及大佛高直、二階堂貞藤

等、率大兵分而攻之、太平又移書諸國將士、

並會其軍、太平三年春、遷皇子恒性於越

中、遣人殺之、諸門時治陷赤坂城、太平貞藤

陷吉野、太平與高直併兵、圍千劔

破彌月、高時遣使促戰、高直等盡力急攻、不

能下、既而帝出隱岐、御船上山、西國將士爭

歸、左近衛中將源忠顯、赤松則村連兵討六

波羅於是高時使名越高家足利尊氏將兵
 西上半衛京師半攻行在夏高家與則村戰
 山崎見殺尊氏降官軍尊氏之行也將攜家
 以從軍長崎圓喜勸高時使其為誓書留質
 妻及子千壽王于鎌倉至此尊氏果歸順千
 壽王潛逃亡高時乃馳人往察尊氏動止道
 逢六波羅使聞其歸順而還由是鎌倉人心
 恟恟高時謀發武藏上野安房上總常陸下
 野六國兵屬泰家西上乃徵軍糧于郡縣以

大日本史

卷二百二

列傳

七

新田義貞領邑素富課以錢六萬貫遣吏督
 急義貞先已通意官軍斬吏梟之高時大怒
 議罷西師專攻義貞兵未發義貞起兵先至
 武藏野高時更遣金澤貞將將上總下總兵
 出下河邊以扼敵後櫻田貞國長崎高重等
 以武藏上野兵拒入間河貞國與義貞戰殺
 傷互多退陳久米河次日又戰敗退分陪高
 時乃遣泰家往援泰家戰破義貞明日戰更
 大敗太平記時小山秀朝千葉貞胤並應義貞

逆擊貞將于鶴見敗之梅松論諸軍
 遂引還鎌倉太平記會六波羅潰卒至始知
 仲時時益敗死京師為官軍所復上下失措
 知不可支矣聞一日義貞放火三道來逼居
 民齋財四方逃竄高時遣金澤越後將監某
 北條基時于假妝坂大佛貞直于極樂寺坂
 赤橋守時于巨福呂坂以拒之守時軍先敗
 沒義貞軍進入山內而貞直疾戰斬敵將大
 館宗氏餘眾退走即夜義貞自將精兵赴極

大日本史

卷二百二

列傳

八

樂寺貞直營據阪道樹鹿角至海岸多泛巨
 艦以便傍射敵不得過至曉海水俄退二十
 餘町艦皆漂去義貞因直馳入鎌倉守兵皆
 潰而眾軍踵進所在焚蕩會風暴發火皆內
 向煙燄漲空俄頃延及高時居第高時自以
 千餘人擁衛妻子逃入東勝寺東勝寺乃其
 先塋所在時已諸軍崩潰死傷降亡略盡高
 時終自殺時年三十一北條系圖北條家譜
圖應長元年元年生及保曆元年從死者八百七十

餘人於鎌倉自殺者六十餘人作六一長子邦

時幼名萬壽麻呂稱相模太郎被捕誅年十

五幼名及年是月誅筑紫探題北條英時於

筑前淡河時治於越前越中守護名越時有

於本州長門探題北條時直出降時直尋病

死先是大佛高直二階堂貞藤長崎高貞等

解千劔破圍退于奈良七月謀犯京師官兵

來攻高直等困蹙披剝乞降悉縛送京師禡

僧服斬之阿彌陀峯特免貞藤尋亦謀反被

大日本史 卷二百二 列傳 九

誅明年高時族人僧憲法據飯盛城赤橋重

時據立烏帽子城記太平家臣本間某蒞谷某

起鎌倉將軍執權規矩高政規矩異本太平

本別載規矩絲田貞義貞義天正本太平記

西源院本起筑紫尋皆敗死北條氏自義時

別載貞義別載貞義泰時上戴天子中擁將軍圖以併移其柄智

力挾制世濟其姦殆將百年宿將名族畏風

奉命漸執臣僕之禮不敢支吾宗黨親戚延

蔓盤互為守護地頭者蓋八百餘人及勤王

師起高時授首前後夷滅幾無噍類乃祖之

計甫就而旋墜神皇正統記次子時行自有傳

金澤貞將北條氏之族父貞顯為修理大夫

始稱金澤北條系圖貞將為六波羅南方任

越後守轉武藏守將軍執權後逆擊新田義貞

于武藏不利又戰山内身被七創還見高時

于東勝寺高時賞其力戰授以相模守長門

筑前兩探題署狀與之兩探題重職也相模

守北條氏世襲官號也貞將感喜乃書狀背

大日本史 卷二百二 列傳 十

曰棄我百年命報公一日恩懷之馳赴敵陳

而死記太平子忠時左近衛將監家為越後守

義貞入鎌倉率兵三萬距假妝坂記太平軍敗

與父戰歿家

二階堂貞藤藤原行政之後也二階堂以才

學見稱記太平為檢非違使兼出羽守薙髮改

名道蘊系圖及北條高時圖行廢立貞藤

諫之切至高時不能用命攻護良親王於吉

野城力戰七日未下部將有吉野執行嚴菊

丸者、素諳地形、請夜繞軍、後夾擊之、貞藤從之、城陷、村上義光、佯為護良死之、貞藤得其首、送之京師、既而知其非是、進襲高野山、索捕護良不得、乃移兵會大佛高直、攻千劔、破城、不能拔、後與高直等出降、帝素知其名、特原不殺、命食其舊邑、無幾謀叛、伏誅、太平記

安東聖秀、秀一作賢新田義貞妻之伯父、與義貞兵戰于稻瀨河、敗還、高時已逃東勝寺、府舍焚蕩、將士悉散、聖秀慷慨曰、堂堂百年跡、何

大日本史 卷二百二 列傳 十一

無一人留死節之屍哉、從殘兵百餘騎、就焦址將自殺、義貞妻適贈書勸降、聖秀怒謂使者曰、臨危逃死、恥莫大焉、姪女生士家為士家婦、不知廉恥、何以教子孫哉、然彼女子固不足怪、義貞若知義者、當叱而止焉、何教我反邪、何爾夫婦之相似也、以書併握刀、櫛以自殺、太平記

鹽飽聖遠、官兵入鎌倉、聖遠謂養子忠賴曰、養子據汝猶未從仕、宜逃為僧、薦我冥福、忠

賴曰、闔家生活、誰非君恩、寧論已仕與未仕邪、即剗腹死、聖遠乃設椅、趺坐、作偈曰、五蘊非有、四大本空、一作提持吹毛、截斷虛空大火聚裡、一道清風、引頸令次子忠年斬之、忠年亦自殺、太平記

長崎高重、稱次郎、高資之子、勇武絕倫、與諸將共拒新田義貞于武藏、晝夜力戰、被傷、及敗、持所斬首級、馳歸示高時、祖父圓喜見之、喜曰、我常患汝不肖、數加訓誨、今乃知誤、益

大日本史 卷二百二 列傳 十二

努力以報主恩、既而義貞大軍入鎌倉、數道競攻、諸將相繼戰歿、軍士星散、無復陳伍、高重乃挺身馳突、四應所抵、皆披、更騎易刀、手殺凡三十餘人、還見北條高時曰、戰非不力、如諸將皆敗、何、主公無為、以身辱冠手、今臣更欲快意一戰、以資冥間攜手之話、忍死見待、乃乘愛馬名兔雞、往謁僧士雲、立揖于庭曰、如何是勇士、恁麼事、士雲答吹毛急用、不如前、高重大悅、太平記出門謂殘兵曰、子等勞

矣、請從此辭、衆不肯、相呼死而前、天正本高

重因命釋幟鞘刀、混入敵中、意得義貞刺之、太平記

敵有識之者、麾兵環圍、高重知事不就、縱橫

奮擊、已而從士皆死、殘兵纔八人、與俱止、高

重引還、敵追急、高重返戰十餘、至東勝寺、至

則高時方行酒、與左右訣、高重徑入、引飲者

三、屬盃攝津道準、準一作集割腹先斃、道準笑曰、

有此下物、誰得以量小而辭、滿酌盡其半、以

傳諏訪直性、直一作真割腹死、直性徐三醢訖、勸

大日本史

卷二百二

列傳

十三

高時曰、年少輩奏伎相侑、臣雖疲乎、安得不

少酬、請以此肴、推次見致、割腹抽刃、以置高

時前而死、太平記長崎圓喜乃言、我年老、當爲

主公啓行、自刺不殊、諸本太平記其孫新右衛門

某從傍刺之、已亦割腹倚圓喜尸而死、新右

衛門乃高重之弟、時年十五、太平記

工藤某、稱新左衛門、每歎高時怠政、時事日

非、累諫不聽、乃去隱高野山爲僧、誓不復出、

及鎌倉滅、往弔其處、府第丘墟、彌望茂艸而

已、乃慨然作懷舊和歌、後周遊諸國、天正本

五大院宗繁爲右衛門尉、高時納宗繁妹爲

妾、生子邦時、及敗以託宗繁、宗繁諾之、即日

出降新田義貞、已而義貞厚購北條氏餘黨、

宗繁計我親斬送此兒、恐不爲衆所齒、不如

藉人下手、自取告訴之賞也、乃給邦時曰、聞

有人告郎君處者、明日逮者將至、請促避之

伊豆、臣且留此、告以不知、不可則自殺以滅

大日本史

卷二百二

列傳

十四

跡、邦時信之、從一奴、乘夜而逃、宗繁馳告義

貞、執事船田義昌、與軍士共追捕之、相模川、

義貞深惡宗繁所爲、欲誅以懲不臣、宗繁聞

之亡匿、無所容舍、後卒餓死路上、太平記、參取天正本

大日本史卷之二百二終

大日本史卷之二百三

列傳一百三十

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十三

北條時房 子時直

北條朝時

北條重時 玄孫赤橋守時

大日本史 卷二百三

列傳 一

北條政村

名越高家

淡河時治

大佛貞直

大佛高直

北條時房初名時連稱五郎義時弟也元久

中歷遠江駿河守為武藏守敘從五位下北條

和田義盛之亂時房力戰以功食上總飲

富莊遷相模守東鑑承久三年義時命泰時時

房稱兵向京師比抵遠江有官兵十餘人過

時房軍前時房悉斬之梟路左山田重忠等

與延曆寺僧兵撤勢多橋拒守時房前鬪不

利會泰時破官軍于宇治時房與泰時來勢

長驅入京師東鑑承久記鎮六波羅南方將軍執權次第

系兼伊勢守護及義時卒還鎌倉與泰時同

執權連署尋兼修理權大夫辭相模守累進

正四位下參取東鑑將軍執權次第承久之役戰士有不

得賞者時房數以為言而不見聽乃請納私

大日本史 卷二百三

列傳 二

邑四所頒與有功東鑑嘗在家置酒會泰時

暴病家人皆曰盍往視之時房不聽曰吾今

日為娛樂者以武州之存也武州一旦不諱

我將辭職遠遁豈得復快飲乎歡譁自若東鑑

補仁治初卒關東評定傳因居第號大佛子

時盛時村資時朝直時直時盛事在子淡河

時治傳朝直以大佛為氏建長元年評定所

始置引付頭人以朝直為之歷相模武藏等

守遷遠江守敘正五位下文永元年卒關東評定

傳

子朝房、宣時、朝房稱武藏太郎、系圖嘗為父

所逐而屏居、聞三浦泰村作亂、不及擐甲、單

騎赴之、泰村兵爭欲斫之、戰甚苦、兵士來救

得免、東鑑後為備中守、系圖宣時初名時忠、歷武

藏陸奥守、敘從四位下、弘安中執權連署、宣

時子宗宣、孫維貞、嘉元嘉曆間、相繼執權連

署、參取將軍執權次第、帝王編年記

時直遠江守、元弘初北條高時署為長門探

題、之任未幾、厚東宗西高津道性等來攻、時

大日本史

卷二百三

列傳

三

直與手下兵乘艦東走、之任以下、據天送間、正本太平記

高時伏誅、將往筑紫、會筑紫探題北條英時

亦為少貳貞經所滅、時直窮蹙、降于貞經、島

津貞久因僧俊雅奏請貸死、俊雅稱峯僧正、

帝外戚也、笠置之陷、高時執流之長門、及乘

輿還京、俊雅權管九州事務、謂時直曰、禍福

倚伏、吉凶無常、昔吾處流日、被卿陵辱、不料

復有今日、我將報卿以貫一死、因遣使奏狀、

帝為俊雅特免時直、復其食邑、太平記孫時俊

安藝守、亦為高時將拒王師、及高時誅、時俊

與男左京亮貞俊出降、尋見誅、系圖、太平記

北條朝時、泰時弟也、稱名越氏、系圖有權略、

臂力過人、嘗偷源實朝妻侍兒、奔于駿河、歲

餘實朝釋其罪、召還鎌倉、和田義盛之難、朝

時帥兵與朝夷名義秀接戰、東鑑尋拜式部丞、

關東評定傳承久之役、與結城朝廣佐佐木信實

率兵四萬、經北陸道抵越後、官軍宮崎定範

據蒲原之險、瀕海樹鹿角、伏弩以待、朝時乃

大日本史

卷二百三

列傳

四

獲牛七八十頭、東炬於其角、乘夜放之、士卒

從後譟噪、牛怒奔突、官軍大駭、以為敵至、伏

弩皆發、牛多死傷、弩不能復繼、軍因得過而

西、朝時乃督眾直前進、攻志保黑坂柵、皆拔

之、轉關入京師、參取東鑑、承久記與泰時會、歷周防

越後、遠江守、敘從四位下、東鑑、關東評定傳為評定

眾、尋辭職、系圖薙髮法名生西、寬元三年

卒、東鑑、關東評定傳有七子、光時、時章、時長、時幸、時

兼、教時、時基、光時為越後守、系圖為將軍藤原

賴經所親幸、以故驕心漸萌、及北條時賴執權、光時不悅、以為時賴於吾祖義時為曾孫、族屬疏遠、不宜居勢任、因陰圖除之、保曆而事發覺、時賴遣兵將誅之、光時方在幕府、度不免、剪髮遺時賴謝罪、遂流伊豆、東鑑、保曆間、記時章任尾張守、為引付眾、評定、傳薙髮法名見西、文永九年北條時宗兄時輔叛誅于京師、教時與之通謀、時宗遣兵士殺之、誤并殺時章、時宗哀死非其罪、捕兵士五人誅之、保曆間、記

大日本史 卷二百三 列傳 五

幸為修理亮、及光時獲罪自殺、葉黃、記北條重時朝時弟也、平氏、圖為修理權亮駿河守、寬喜中代北條時氏居六波羅北方、遷相模守、累進從四位上、東鑑寶治元年還鎌倉、執權連署、遷陸奥守、尋辭職削髮、法名觀覺、創極樂寺退居焉、弘長元年卒、年六十四、參取、東鑑

北條子長時、時茂、義政、業時、忠時、北條、圖長時、左近衛將監、居六波羅北方、康元元年還鎌倉、為武藏守、將軍、執權、次第、帝、王、編、年、記、東、鑑進從五位上、

將軍、執權、次第、東、鑑及北條時賴辭職、以時宗幼、攝執權之事、將軍、執權、次第、東、鑑兼侍所別當、東、鑑文永元年卒、關東、評定、傳、將子義宗駿河守、居六波羅北方、平氏、圖文永中時宗命殺北條時輔、帝、王、編、年、記義宗子久時號赤橋、為武藏守、居六波羅北方、久時子守時、平氏、圖時茂稱常葉氏、北條、圖為陸奥守、康元元年代兄長時居六波羅北方、將軍、執權、次第、終于任、一代、要、記義政初名時量、食信濃鹽田、因氏焉、北條、圖文永中為引付眾、又評定

大日本史 卷二百三 列傳 六

眾、為駿河守、執權連署、遷武藏守、病辭職、削髮改名政義、適居信濃善光寺、業時歷越後駿河武藏守、為評定眾、弘安中執權連署、轉陸奥守、關東、評定、傳孫基時正和中攝執權之事、平氏、圖同高時自殺、北條、圖子仲時自有傳、忠時左近衛將監、關東、評定、傳

赤橋守時嘉曆中代北條高時執權、為相模守、將軍、執權、次第、保曆、間、記、諸、本、太、平、記、作、盛、時、今、從、本、書以妹妻足利尊氏、元弘三年新田義貞攻鎌倉、守時將

兵六萬出拒于巨福呂坂巨福呂坂據諸異本戰數十合士卒死亡略盡謂餘衆曰軍固有百敗而一勝者今我軍雖敗北條氏之命豈必窮於此乎然我尊氏姻戚恐相州疑我義當速死以示無貳心乃自殺從死九十餘人太平記
家本北條家本金勝院本南都本作八十餘人西源院本三百八十餘人
北條政村稱四郎鑑東重時弟也寬喜中爲式部少丞累歷右馬權頭敘正五位下爲評定衆東鑑關東康元元年執權連署爲陸奥守評定傳
大日本史 卷一百一 列傳 一七
攝越後國務遷相模守文永中代北條長時攝執權之事除左京權大夫進正四位下及北條時宗爲執權復連署十年卒年六十九參取增鏡將軍執權次第爲人沈默溫雅善關東評定傳帝王編年記
和歌播紳重之稱爲東方遺老及卒龜山帝遣使弔其喪吉續子時村宗房政長時村初名時遠爲左近衛將監文永中爲評定衆遷陸奥守建治三年入京師居六波羅北方爲武藏守數年還鎌倉進從四位下關東評定傳將軍執

權次 正安三年執權連署平氏系圖將軍執權次第帝王編年記北條宗方之叛時村欲誅宗方并除師時等而專其權未發爲宗方所襲殺平氏系圖保曆間記
一代要記時村孫熙時曾孫茂時皆執權連署高時之敗茂時自殺參取將軍執權次第平氏系圖宗房稱四郎爲土佐守政長式部大輔攝津守竝爲評定衆平氏系圖關東評定傳
名越高家遠江守朝時五世孫遠江守貞家子也高家爲尾張守北條系圖元弘之役北條高時命高家及足利尊氏等往京師禦官軍高家別將兵向山崎與赤松則村戰於久我畷高家年少盛飾鎧仗先衆而前則村兵望之知其爲主將爭赴之高家手斬數人徐下馬拭刀血而憩則村兵伺射之中額而死從兵死亡皆盡太平記子高邦爲左近衛將監足利尊氏歸順攻六波羅高邦將兵拒於神祇官戰敗而退天正本太平記神祇官據見行本不知其所終
淡河時治北條時房之孫也父時盛爲掃部

權助越後守、東鑑、將軍、判六波羅南方、執權

次家在佐介谷、因稱佐介氏、東鑑、後改今氏、平太

記時治為右京進、北條系圖、平記、進作元、太及後醍醐

帝討北條高時、時治適為越前牛原地頭、集

兵防遏北軍、聞六波羅敗、部下多逃散、平泉

寺僧徒乘敝來攻、時治知勢不敵、與其妻訣、

沈二子於水、潰腹而死、妻亦赴水死、太平記

大佛貞直、陸奧守宗宣孫、民部少輔宗泰子

也、為右馬助陸奧守、北條系圖、後醍醐帝之幸立

大日本史 卷二百三 列傳 九

置北條仲時等遣兵攻之不克、北條高時命

貞直及足利尊氏等將兵往援之、遂陷笠置、

轉攻赤坂城、拔之而還、參取保曆間記、元弘、日記、裏書、光明寺藏

增鏡、及新田義貞攻鎌倉、貞直又將大兵

拒極樂寺坂、為義貞將大館宗氏所敗、退入

營、貞直家士本間某稱山城左衛門、嘗以事

黜而家居、聞貞直與敵戰、率手兵百餘人奮

戰、遂斬宗氏、貫首于刃、見貞直謝曰、冀以微

效、獲宥前過、從黃泉、為幸大矣、遂自殺、貞直

大感奮、明日復出戰、義貞軍自稻村崎入、貞

直兵三十餘人知其不可抗、相率自殺、貞直

奮曰、勇士死則戰死耳、奈何自殺、乃帥二百

餘人縱橫衝突、遂冒脇屋義助陣而死、太平記

大佛高直、陸奧守維貞子也、為右馬助、保曆間記

元弘之役、將大兵攻楠正成於千劔、破城、阿

曾時治二階堂貞藤亦引兵來會、正成拒守、

高直等每戰輒敗、死傷無算、乃欲繼而取之、

布營環圍、因多會倡妓、博奕酒茶、賦詠以慰

大日本史 卷二百三 列傳 二

軍士、有部將叔姪二人、握槊爭道、相刺而死、

其下二百餘人亦相率刺死、是以軍氣益衰、

既而出戰、復大敗、會近郡民兵應護良親王

令、出沒梗糧道、軍士大困乏、多潛逃還、及六

波羅敗、高直等乃解圍退走、為官軍所夾擊、

奔保柰良般若寺、適乘輿還京、源定平楠正

成來討、太平記、參取梅、松論、保曆間記、高直等皆披僧衣、率

眾出降、定平縛之、送於京師、伏誅、太平記

大日本史卷之二百三終

大日本史卷之二百四

列傳第一百三十一

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十四

北條泰家

北條仲時北條時益

北條泰家稱四郎高時同母弟也太平記同母弟據保

大日本史

卷二百四

列傳

二

曆間初名時利為左近衛將監北條系圖高時罷

執權泰家次當襲職而內管領長崎高資擅

以金澤貞顯為之泰家母聞而憤恚命泰家

削髮更號惠性保曆間記惠性據太平記北條系圖元弘三年

名越高家戰死京師足利尊氏應官軍高時

乃徵武藏上野等六國兵屬泰家將西上未

發新田義貞起兵來攻高時遣櫻田貞國長

崎高重等逆擊見敗退次分陪於是命泰家

率兵援之黎明使弓手三千人堵進雨射義

貞軍擾因縱兵乘之義貞大敗泰家意驕謂

彼軍中必有斬送義貞者也乃下營而息眾

咸卸甲解鞍邀妓縱飲會相摸人三浦義勝

集兵屬義貞明旦義貞以義勝為先鋒卷旗

而進偵卒來報泰家乃曰有之三浦族人被

徵赴軍今乃來耳眾以為信然不復設備俄

而義貞義勝薄營鼓譟泰家錯愕棄營而奔

義貞追甚急比抵關戶幾及橫溝某安保道

堪等○本書西源院本及梅松論堪作潭數百人返戰死泰家

大日本史

卷二百四

列傳

二

賴得免還義貞遂入鎌倉高時逃葛西谷泰

家家臣諏訪盛高戰敗而還勸泰家自裁泰

家屏人語曰敗亂至此皆由家兄素行而自

速之耳然數世惠澤在人苟餘慶未盡天其

永絕其胤乎萬壽前已託五大院宗繁汝往

取龜壽善匿以圖後舉盛高泣訣萬壽龜壽

高時子邦時時行之小字也泰家乃召左右

二十餘人誡曰汝等度吾行遠速火第為自

盡狀因卧篋輿覆以汚血衣南部太郎伊達

六郎爲舁夫服舁之二卒被甲乘馬效新田氏軍號裝爲護送人而出所留士乃縱火其屋出呼曰主旣死矣衆二十餘人割腹而斃軍士三百人亦同死泰家遂遁陸奥後潛來京師匿權大納言藤原公宗第蓄髮更名時興稱刑部少輔日與公宗謀作亂建武二年公宗遂使時興將近畿兵北條時行將關東兵名越時兼將北國兵謀同時犯京師旣而事覺公宗伏誅時興遁太平記不知其所終

大日本史

卷一百四

列傳

三

北條仲時相模守基時子爲越後守元德二年與北條時益俱鎮六波羅仲時居北方時益居南方時益越後守時敦子爲左近衛將監平氏系圖將軍執權次第○按太平記元德二年爲元弘二年而元德至元弘元年常葉範貞併鎮兩六波羅者誤元弘元年北條高時遣二階堂貞藤及城越後守率兵三千西上二將據天正本令仲時時益廢帝害護良親王書未啓函事洩太平記帝潛出宮使大納言藤原師賢詐稱乘輿如延曆寺增鏡太平記仲時時益不之覺明

旦將遣貞藤等遷車駕於六波羅會延曆寺僧豪譽來告駐蹕于本寺太平記○豪譽異人神明寺藏書殘篇云六波羅吏仲時時益乃遣小田時知時知姓據卑分率兵大索禁中帝果不在增鏡於是執大納言藤原宣房中納言藤原公明權中納言藤原實世前參議平成輔等光明寺藏書殘篇增鏡遷法皇新院及皇太子量仁于六波羅遣近江守護佐佐木時信及海東仲家仲家名據毛利家本天正本將萬餘人攻延曆寺仲

大日本史

卷一百四

列傳

四

家敗死時信等僅脫而還旣而聞車駕在笠置楠正成櫻山茲俊竝舉義旗復遣時信軍于大津以備延曆寺使檢斷糟谷宗秋隅田通治通治名據金勝院本○本書治或作倫又業率兵十餘萬圍笠置城堅未拔太平記會大佛貞直足利尊氏率東國兵至即遣攻笠置光明寺藏書殘篇參取元弘日記裏書陶山義高小見山氏真氏真名據毛利家本天正本太平記從五十餘人夜冒嶮巖緣藤葛而上會雨暗甚密從邏卒後周觀諸營有誰何者輒答云

巡夜、更戒守者而過、至行殿傍、縱火誼噪、外
兵以為有內應、鼓譟相應、聲震山谷、官軍驚
潰、帝與藤原師賢、藤原藤房、源具行等潛出
圍、將幸赤坂、貞直等追獲帝及文武諸臣僧
徒一百六十人、太平記、一百六十人、據毛利
家本、○按本書云、宗秋部下
陶山義高、小見山某、開貞直等來援、乃先登
火城、然據保曆間記、元弘日、記裏書、光明寺
藏書殘篇、笠置寺緣起、詳載貞直等入京、及
攻城之日、故今從增鏡、保曆間記、不取本書
說、
仲時時益將兵擁車駕御六波羅南方、光
略藏書殘篇、皇年代
略紀、增鏡、太平記、特縱藤原藤房、源忠顯
大日本史 卷一百四 列傳 五
給侍、拘親王公卿以下于諸將家、太平
記、使大
佛貞直、足利尊氏等、攻楠正成於赤坂城、明
光
寺藏書殘篇、○太平記云、貞
直等途聞笠置陷、直趨赤坂、正成焚城、佯死、
櫻山茲俊兵散自殺、仲時時益使湯淺定佛
守赤坂、明年受高時意、遷帝於隱岐、親王已
下悉行遷殺、既而正成攻降定佛、進屯四天
王寺、時近國兵士大集于六波羅、仲時時益
恃其強盛、意易之、乃遣隅田通治及高橋宗
康、將五千餘人、宗康名據金勝院本、○本書
宗康或作通俊、西源院本作

十、攻四天王寺、大敗而還、再遣宇都宮公綱
攻之、正成引軍而退、當是時、護良親王城吉
野、赤松則村起播磨、楠正成守千劍破赤坂
二城、高時乃發國郡兵數萬、使阿曾時治、時
治
名據北
條系圖、大佛高直、高直名據保曆間記、二階
堂貞藤等、總督至京師、明年仲時時益分遣
諸將、時治向赤坂、貞藤向吉野、高直向千劍
破、時治攻城十餘日、守將平野將監以衆出
降、仲時時益盡斬以徇、諸城官軍聞之、守拒
益固、貞藤尋陷吉野、與時治併兵、會高直俱
攻千劍破、攻擊百方、軍常不利、士卒死亡過
半、吉野義徒更相聚起于後、斷其餉道、軍中
氣大沮、仲時時益復遣宇都宮公綱助之、不
克、時方徵發山陽諸國兵士、遂為赤松則村
所破、其首帥伊東惟羣等遂降、惟羣名據
金勝院本、則
村還據備前三石山、扼山陽山陰二道、守護
加治貞李攻之、貞李名據
金勝院本、亦敗、則村兵勢大
振、進據攝津摩邪山、仲時時益計待四國兵

至攻則村、會伊豫人土居通治得能通言起

兵、擊敗長門探題北條時直、於是四國路梗、

乃遣佐佐木時信及小田時知、將五千餘人

攻則村、○本書為開帝幸船上而遣二人、然

幸船上則二十八日也、故今書於此、大敗而還、仲時時益以四

方擾攘、警急日聞、懼有乘間奪乘輿者、下書

隱岐守護佐佐木清高、益嚴防備、既而帝潛

航海幸船上山、鎮西響應、仲時時益乃再遣

兵一萬攻赤松則村、又敗、則村乘勝放火而

大日本史 卷二百四 列傳 七

進、都下繹騷、士卒逃散殆盡、仲時時益撞鐘

集兵、會者數百、亦皆吏胥、不慣兵、僅能扶騎

奔走而已、仲時見眾無鬪心、以為坐而待敵

非計、乃遣隅田通治、高橋宗康、將二萬餘人

○天正本拒于桂川、大敗、則村進入京師、新

主及後伏見花園二上皇、促駕入六波羅、居

北方、仲時時益悉兵出、軍七條河原、則村整

陣不進、縱火亂呼、仲時等見敵寡、遣通治宗

康、將兵三千餘陣于八條、陶山高高、通名、據天正

本○番馬蓮華寺通河野通治二千餘人、赴

蓮華王院、高通以為所將兵烏合、不可用、乃

分眾屯八條、鼓譟為援、與通治率精騎數百、

出蓮華王院東、則村欲與八條兵戰、高通等

從後掩擊、則村步兵疲困、遂敗走、時通治宗

康、與左衛門佐藤原忠俊、忠俊名據金勝院本戰于朱

雀街、幾卻、通治欲救之、高通止之曰、今設助

彼而得勝、彼竟不謂藉我力、還將欺罔誇人

耳、須其勝負已判、而救之、未晚也、既而通治

大日本史 卷二百四 列傳 八

等敗走、高通通治馳救敗之、則村更收殘兵

督戰、高通通治又擊敗之、通治宗康士卒縱

殺居民、收其首、務誇張功級、以邀賞、翌日悉

梟之於六條河原、榜赤松圓心者有五、京師

為之語曰、貸用人首、果生息子、圓心分身、寇

無窮已、圓心即則村也、則村又集散卒、營于

八幡山崎、扼水陸兩路、京師商賈不通、糧運

日艱、仲時時益使兵五千餘攻山崎、不利而

還、延曆寺僧徒復起、奉護良親王、令旨來攻、

兵號十餘萬、仲時時益以爲僧徒步戰、可以騎兵破之、便分七千騎爲七隊、擊前掩後、或退或進、以困僧兵、乘其疲攢矢射之、僧徒敗走、仲時時益更以邑十三所施延曆寺、而僧中貴者、人給便近一二所、以祈難平、實啗以利而離其謀也、由是屬款者稍多、然猶慮其或復叛、使佐佐木時信等將兵三千、軍于紇河原備之、陶山高通河野通治等拒赤松則村于京南、大敗之、斬首八百餘、左近衛中將

大日本史

卷二百四

列傳

九

源忠顯奉恒良親王來攻、仲時時益起樓櫓於京西、令兵士乘陴防之、會街中火起數處、煙焰蔽日、士卒驚顧、官軍乘之競進、時信等以兵五千拒戰、更大破之、裨將太田守延戰沒、忠顯引還、仲時時益恃戰勝稍懈、適驍將結城親光、俄拔歸官軍、自是將士逃亡相繼、仲時時益累使告急高時、高時卽遣名越高家、足利尊氏等來援、旣而高家與赤松則村戰于久我、暇敗死、尊氏歸順、與則村及源忠

顯等、併兵反攻六波羅、先是遣諸將攻千劔破、久之未拔、六波羅兵寡、救援路絕、仲時時益議謂、平地不便據守、乃鑿塹築壘、分兵六萬爲三、拒尊氏於神祇官前、則村於東寺、忠顯於竹田、旣戰輒敗、退保六波羅、官軍進薄壘、忠顯兵火門急攻、會僧兵拒藤原雅忠於五條卻之、旣而城兵夜開門爭逃、不可制止、在者僅千餘、糟谷宗秋謂仲時時益曰、城不可守、賴東面圍未合、宜奉車駕赴鎌倉、以圖

大日本史

卷二百四

列傳

十

後舉、仲時時益然之、卽夜縱出皇后以下城中婦女、挾新主上皇、新院皇太子東走、時益先驅、途與士卒相失、獨糟谷時廣從之、時廣名棟金勝院本、民兵四面雨射、流矢中時益頸、墜馬而死、時廣亦自殺、皇太子以下四散、不知所之、有流矢中新主左肘、陶山高通吮其血、扶上馬行、已而天曙、又遇民兵數百於途、戰破之、從士行亡、留者六百餘人、宗秋前驅、仲時護新主、佐佐木時信爲後拒、明日至番馬嶺、民

兵夾路持滿以待、宗秋擊破其先鋒、而後軍數千迤邐據嶺、宗秋顧矢竭、兵疲、莫可爲計、因入路傍佛舍、待仲時至、謂之曰、我力尚能一戰也、而土岐吉良之屬皆去、從足利氏、聞我東下、必出兵爲梗、今以寡弱出此畏途、恐難輒過也、請與時信謀、退歸近江、據守要害、以待鎌倉之援、仲時曰、我亦已慮之、但時事如此、雖時信亦不可保其無他也、然今日之事、當從諸君計耳、頓兵待時信、時信適後、途

大日本史

卷二百四

列傳

十一

聞仲時已敗死、送款於官軍、仲時度時信已叛、勢不可免、乃謂從士曰、諸君不遺平昔之好、周旋至此、而命窮力竭、無以相報、惟當持我首降源氏、謝過免咎也、遂刳腹而死、太平記年二十八、蓮華寺宗秋以下從死四百三十人、太平記蓮華寺過帳、東寺仲時子友時、北條家譜不知所終、

大日本史卷之二百四終

大日本史卷之二百五

列傳第一百三十二

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十五

足利高經

子義將 石橋和義

上杉憲顯

上杉重能

今川範國

子範氏 貞世 兄子賴貞 弟範滿

大日本史

卷二百五

列傳 二

足利高經或稱斯波與尊氏同宗曾祖家氏

宮內少輔泰氏之長子北條朝時之外孫也

為中務權大輔尾張守祖宗家左近衛將監

父家貞稱尾張二郎亦皆北條氏之出也高

經小字千鶴麻呂稱尾張孫三郎歷右馬頭

敘從四位下任修理大夫兼尾張守尊卑分脈為

越前守護太平記斯波系圖建武二年與尊氏同反

官軍來討尊氏失利高經與土岐賴遠等破

官軍於竹下遂進陷京師延元元年尊氏再

逼車駕於延曆寺高經在越前斷官軍北路

餉道及帝還京師新田義貞奉皇太子如金

崎脇屋義助新田義顯投瓜生保杣山城高

經承尊氏旨誘降保義助義顯遁走金崎高

經因併保兵與高師泰俱圍金崎保弟重等

推脇屋義治復起兵於杣山保悔降尊氏拔

營逃還杣山高經踵進為保所敗還復與師

泰圍金崎明年城陷高經縱火燒之縱火據島津文

書部下島津忠治執皇太子於蕪木浦即護

大日本史

卷二百五

列傳 二

送至京師義貞義助兵復起于後高經還陣

越前國府作三十餘砦連綿控制時方隆冬

北越沍寒士卒手凍不堪大戰兩軍相持久

不決三年二月雪消諸路漸通義助率輕騎

按視要害高經諜知即遣出羽守某等圍之

○金勝院本作細川孝基而義貞義助殊死

戰死條作義續一書矛盾今不取

戰細川某等敗退義助兵火靖江氏家義貞

望見縱兵馳至高經與弟家兼家兼名據率兵三千赴之阻河而陣義貞兵渡河進高經

盡銳當之戰酣、義貞別軍繞出高經後、悉焚府中屋舍、高經駭走、欲保新善光寺城、追騎急逼、不能入城、直奔足羽、保黑丸城、家兼遁若狹、於是諸城望風出降、義貞乘勝攻足羽、高經禦戰累捷、義貞助復大發兵、刻日期必拔、時城兵僅三百、高經謂眾寡不敵、而諸道既斷、棄城走亦不可得、方今之計、唯有死守爾、太平記城主朝倉廣景奮曰、公言是矣、戰守之法、願方略如何耳、兵之寡固非所憂也、

大日本史

卷二百五

列傳

三

天正本太平記、廣景名據朝倉系圖、乃築七城于足羽、藤島之間、益固守備、先是平泉寺僧徒屬義助守三峯城、至是遣使曰、頻年延曆寺與我爭藤島莊、今以地見歸、我當出兵為援、高經大喜、報書許之、且言事濟別有厚賞也、僧徒利之、乃擇健者五百人守藤島、義貞分兵攻之不利、乃親率輕騎馳救、時日已晚、高經使細川某、鹿草某將兵三百援藤島、道遇義貞、使弓手蔽楯射、箭中義貞額、義貞自刎、越中人氏家

重國

○異本

作光範

探求其首於淖中、併獲其所帶

雙刀及小錦囊、還示高經、高經意謂酷似義

貞面、嘗記其左眉上有箭瘢、流血驗之果然、

且囊中有帝手詔、乃使重國函其首傳于京

師、葬骸於佛寺、明年脇屋義助將畑時能攻

諸砦、乘夜至黑丸城、據高射下、將待後繼而

拔城、上木家光言於高經曰、嚮彼不諳地勢、

左中將之所以敗死、今我兵多降、為彼鄉導、

而時能勇壯無前、我部下誰能敵之、且城孤

援絕、欲共爭鋒、非計之得、不如少退避銳也、

眾皆然之、即夜燒五城走加賀、依富樫介、本

書關保那谷城、那谷城據天正本尋與高師治將兵七

千餘、圍時能于鷹巢城、晝夜攻戰數十合、時

能中矢而死、於是官軍終殪、北國悉為尊氏

之有、實高經之力矣、初義貞之死也、高經獲

其佩刀、所謂鬼切鬼丸、而源氏嫡嗣所傳也、

尊氏遣使索之、高經吝惜不出、更燒爛他刀

而與之曰、嚮納刀於長崎佛寺、值災被燒、或

大日本史

卷二百五

列傳

四

訐之、尊氏大恚、以故不賞其功、高經居常怏怏不樂、會尊氏與弟直義有隙、及足利直冬起兵、高經應之、從戰神南及東寺、既而直冬兵敗西走、太平記高經歸于越前、圖太圖再舉、尋薙髮號道朝、尊卑分脈正平十六年、執事細川清氏歸順、攻足利義詮不利、先是義詮數遣使厚禮招高經、高經遂率子氏賴、義將等出降、太平記○國太曆為義詮以清氏屬官軍、求其代而難其人、先是氏賴娶佐佐木大日本史 卷二百五 列傳 五

高氏女、時高氏為義詮所親重、威權無二、衆咸希其意、以執事擬氏賴、義詮意亦嚮之、而義將乃後妻所生、高經鍾愛、欲其得職、乃密擿氏賴之短沮之、盛稱義將為人、義詮性素無斷、人之所言易聽、從、遂以義將為執事、時義將年尚弱、高經代行其事、時人以其耆宿、想聞風采、而為政嚴刻、無復忌憚、初尊氏令諸國守護年輸軍賦五十分一、高經更下令增為二十分一、由是失望於諸將、時方修五條橋、今川家命佐佐木高氏董役、課京師每戶率錢以給其費、愆期不成、高經故出私財代造之、不日而就、高氏甚愧、常思所以報之、二十一年高經置酒於義詮家、豫約諸將、高氏亦豫焉、至期高氏不往、更多從妓樂、遊大原野、廚饌帳具、窮極華侈、都下傳為盛事、高經聞而銜之、欲中以法、未得其隙、時高氏不輸軍賦者兩歲、高經乃罷其攝津守護、削多田莊、義詮創別第于萬里小路、今諸將助大日本史 卷二百五 列傳 六

知之矣、吾亦為衆所逼、業已至此、莫如之何

也、卿其為我暫就國以避諸將之怒、高經乃

退、既而佐佐木氏賴率兵入京師、高經亦聚

家族、欲圖一決、義詮使僧覺濟○北條家本

木覺作光、而載曉諭再三、即夜高經與子弟

將騎三百馳還越前、義詮不得已嚴兵為之

備、高經留家臣二宮貞家貞家名據率兵五

百、陽為欲戰狀、義詮兵驚亂、貞家計高經行

已遠、縱火而走、縱火據毛利黎明至長坂、追

大日本史 卷二百五 列傳 七

騎已至坂下、貞家秣馬示間、敵知有備引還、

高經抵越前、據杣山城、將經略北國、義詮遣

畠山義深等七千餘人圍之、高經乘城固守

歲餘、二十二年秋暴病死于圍中、初高經為

守護累歲、收國中寺社封戶之半、分給家臣

食邑、併奪東大寺封戶河口莊、僧徒嗷怒、奉

春日神木入京、置高經宅前、訴之、後光嚴院

詔納神木於長講堂、而廷臣咸憚高經、無敢

言者、訟不斷三年、既而怪異屢見、時人為之

怖懼、尋高經家火、資財蕩盡、高經忽然不以

為意、隨燒復作、制度倍前、居未幾罹禍、人以

為神譴焉、太平記五子家長、氏經、氏賴、義將、義

種、家長稱孫次郎、○太平記次敘從五位下、

尊卑為陸奥守、延元二年邀擊中納言源顯

家于鎌倉杉本、不克而死、參取尊卑分脈、太平

間記、○分脈一說氏經為民部少輔左京大

夫、尊卑正平七年為筑紫探題、抵豐後、菊池

武光來攻、氏經使子松王丸率少貳賴尚等

大日本史 卷二百五 列傳 八

七千人邀戰于長者原、敗還、氏經退保高崎

城、又為武光所圍、歲餘不解、氏經脫走還京、

剃髮為僧、不知所之、初氏經赴任、殲于兵庫、

每船載妓、識者知其必敗、太平記氏賴敘從五

位下、為左衛門佐、尊卑及弟義將為執事、鬱

鬱不樂、削髮出家、太平記號信琪庵主、系圖義

種為伊豫守、尊卑高經愛之、太平正平十

義將善和歌、印本高經愛之、太平正平十

七年、代細川清氏為執事、太平尋從高

經走越前、據栗屋城、及高經死、義將請降、足利義詮釋之、是歲義詮薨、義滿嗣立、太平記始改執事爲管領、義將罷管領、印本尊卑分脈建德元年、桃井直常遣其子直和出軍於越中、長澤義將以本國守護、與富樫某俱擊之、斬直和、花營三代記明年直常再舉兵于越中、義將又併能登兵擊破之、花營三代記、參取太平記、○太平記以破直常功爲守護者、天授五年、再爲管領、尊卑分脈、花營三代記元中八年罷、尊卑分脈、東寺長者補任明德四年、又爲管領、應永五年罷、尊卑分脈每侍義滿、隨事開導、多所匡益、義滿嘗觀犬追物曰、此武事不可廢、然奈街縶之變、義將曰、衆人傷則患止一身、明公傷則患及四海、嘗有罪人、義滿欲毀其家、義將從容謂曰、古罪人第不毀、曰何以知之、對曰、昔平康賴自流所召還、作歌曰、布流佐斗能、能伎能伊多麻珥、古計牟志氏、於毛比志保、杼波、毛羅奴津伎加奈、以是觀之、古之處罪、不毀其家也、義滿皆納之、附錄日官左衛門

大日本史

卷二百五

列傳 一九

大日本史

卷二百五

列傳

十

佐治部大輔、聽昇殿、尊卑分脈、斯波系圖爲越前越中能登信濃佐渡若狹等守護、削髮更名道將、號雪溪、世稱勘解由小路、斯波系圖十五年義滿薨、敕贈太上法皇位、義將以爲人臣贈位至法皇、古未有也、遂勸義持辭之、東寺修持行日記十七年卒、斯波系圖稱法華寺、印本尊卑分脈、附錄子義重初名義教、○分脈教歷治部大輔、右兵衛督、尊卑分脈、斯波系圖應永十二年襲管領職、印本尊卑分脈、世斯波系圖以斯波細川畠山稱三管領、參取文祿清談、土岐家聞書石橋和義初名氏義、稱尾張三郎、與足利高經從祖兄弟也、祖義利稱廣澤太郎、父義博稱吉田三郎、和義歷從五位下、左近衛將監、左衛門佐、參河守、尊卑分脈從足利尊氏反、犯京師、尊氏之走筑紫也、慮爲官軍所追襲、留和義於備前、○本書或作尾張氏賴與田井飽浦松田内藤福林寺諸氏據三石城、築寨于甲斐河、塞船坂杉坂之隘、以扼斷水陸、新田義貞將兵西征至播磨、遣弟脇屋義助攻船坂、不能進、

會兒島高德應義貞舉義熊山、約期日前後
攻船坂、和義以敵起國內大懼、乃分遣三石
船坂守兵三千攻熊山、脇屋義助兵由間道
出三石驛西、船坂兵不意敵至、以為吾兵自
熊山還也、不復設備、義助兵縱火鼓譟、船坂
兵不能支、委棄器械、緣山逃潰、和義不得出
救、義助已奪船坂之嶮、遣江田行義于美作、
大井田氏經于備中、攻諸城、親留攻三石城、
和義等相持旬日、官軍糧乏勢屈、未能拔諸

大日本史

卷二百五

列傳

十一

城、赤松則祐至筑紫、勸尊氏速出兵、尊氏乃
引兵東上、義助棄圍而去、和義從尊氏入京
師、及高師直謀除足利直義、和義與子宣義
及足利高經等率兵警衛直義第、會尊氏直
義講和、和義以前黨于直義、懼得罪於尊氏、
削髮更名心勝、以自解禍、太平記正平十六年
足利義詮授以若狹守護、若狹州守護次第與今富莊
為食邑、今富莊守護主次第明年山名時氏遣其將
小林重長略丹波、守護仁木義尹屯和久拒

之、義詮遣和義及遠江守護今川貞世等發
兵往助之、重長兵勢頗動、和義等難之、至篠
村建營柵、不輒進、重長糧盡自退、因引還、太平記
不知其所終、子棟義陸與守、義幸宮内少
輔、尊卑分脈宣義治部大輔、太平記
上杉憲顯内大臣、藤原高藤之裔、高祖清房、
承久之難、薙髮侍後鳥羽帝於隱岐、尊卑分脈
家譜、曾祖重房為修理大夫、從宗尊親王居鎌
倉、始食丹波上杉莊、因氏焉、上杉家譜父憲房任

大日本史

卷二百五

列傳

十二

兵庫頭、○頭或作助薙髮號道欽、○欽或作勳足利尊
氏上杉氏之出而憲房之甥也、以故最見信
重、參取尊卑分脈上杉家譜雖太平記尊氏之歸順也、首引憲
房計議、憲房乃贊成之、因從西上路過參河、
尊氏又使憲房就吉良貞義謀之、貞義亦盛
獎其事、尊氏始召諸將告策、難太平記遂討滅北
條氏、尊氏甚賞其功、授以上野守護、論松官
軍東下、憲房與細川和氏等勸足利直義逆
拒之、遂從尊氏入京師、太平記戰于四條河原、

以其首預密議、力戰遂死之、

難太平記、參取上杉家譜、

顯敘從五位上、爲民部大輔、

分服與兄重能

從直義拒官軍于手越河原、又從尊氏入京

師、太平記尊氏之走筑紫也、塗遣憲顯于石見

與本太平記既而尊氏再舉犯關、憲顯以石見兵

進、會于備後、從入京師、及鎮守府大將軍源

顯家擊鎌倉、憲顯與細川和氏等拒于利根

川、戰敗而退、顯家遂與北條時行、新田義興

并兵進攻、憲顯等又失利、擁義詮出走、顯家

大日本史 卷二百五 列傳 十三

義興等西上、憲顯竄于相模、招發武藏上野

兵、與諸將追至美濃青野原、與義興及宇都

宮公綱遇、殊死戰、衆寡不敵、遂敗走、正平四

年足利基氏爲東國管領、憲顯與高師冬並

爲執事輔之、太平記、正平四年授上野越後

伊豆守護、上杉家譜初重能爲高師直所殺、憲顯

等深仇之、及足利直義歸順、欲誅師直兄弟、

憲顯子能憲代父在上野、○本書以能憲爲

杉家譜喜連遙應直義、將攻鎌倉、憲顯聞之、

僞稱擊能憲、將兵馳至上野、與之合、回進至

武藏、東國兵士來歸者甚多、高師冬挾基氏

來擊、於路軍變、師冬敗死、明年憲顯入京師、

從直義北走、轉至鎌倉、尊氏親來擊、屯薩埵

山、直義遣憲顯及石塔義房、石塔賴房、將大

兵分路並進、圍薩埵山、時尊氏兵勢甚弱、憲

顯等易之、合圍數重、待其自潰、衆有請戰者、

又不許、已而援兵競至、憲顯大懼、乃走信濃、

諸將潰散、直義由是竟致敗滅、會新田義宗

大日本史 卷二百五 列傳 十四

奉宗良親王據笛吹嶺、憲顯率兵出屬之、從

與尊氏戰、不利、憲顯驍卒有長尾彈正、根津

小次郎者、並謀刺尊氏、彈正被髮、小次郎傷

面、各揭死首于刀鋒、陽爲尊氏兵士、深入其

軍、有問之者、卽應曰、獲新田氏首級、將以獻

將軍、距尊氏僅十餘步、尊氏兵覺之、聚圍、二

人知事不成、揮刀亂斬、所觸糜碎、遂突圍而

退、憲顯復還信濃、時帝出御男山、憲顯奉詔

從新田義宗入援、路聞男山已陷而還、太平記

足利基氏深思舊勲、乃宥其罪、再授以越後

守護、○喜連川系圖為憲顯自至錄倉歸舊

守護芳賀禪可不受代、發兵攻憲顯、憲顯與

戰數月、大敗之、禪可僅以身免、無幾基氏遂

徵憲顯為執事、禪可復出兵要之於板鼻、基

氏聞之親擊禪可滅之、憲顯得開道馳至基

氏軍、與俱還鎌倉、太平記、參取喜連川系圖基氏死、其子

氏滿為管領、憲顯執事如故、時氏滿尚幼、近

郡之兵多背畔者、憲顯奉氏滿擊而平之、喜連

大日本史 卷二百五 列傳 十五

川系 正平二十三年死、時年六十三、憲顯嘗

於伊豆創國清寺、世因號憲顯曰國清寺、○按

畠山國清亦為基氏執事、管伊豆守護、則寺

或國清所創、而以憲顯亦葬于此、仍襲為其

法號、今無所七子憲將、憲賢、○賢或能憲

考、姑書于此憲顯弟重行子、憲春、憲英、憲方、憲榮、憲將任

兵庫助、憲賢稱越後次郎、早死、能憲為伯父

重能養子、憲春任刑部大輔、上杉仕足利氏

滿為執事、上杉家譜、喜及氏滿有異謀、召憲春計議、憲春固諫不聽、乃還家作書諫之、辭

意懇到、書成自殺、氏滿見而驚悔、為寢其計、

而事頗泄、氏滿乃贈書義滿、告無佗志、事由

此得解、憲春之力也、錄倉大草子○上杉家

密承義滿憲英初名憲定、歷兵部大輔藏人、

為陸奥守、憲方為右京亮、任安房守、及憲春

死為執事、憲榮家稱葛見、為右近衛將監、出

紹兄憲賢後、任越後守、仕足利義滿、為僧而

終、上杉家譜、參取喜連川系圖

重能本姓宮津氏、憲房之甥也、父曰道宏、○

大日本史 卷二百五 列傳 十六

或作為勸修寺別當、重能幼為憲房所子養、

上杉仕伊豆守、上杉家譜、元弘之亂、北條高

家譜足利尊氏犯京師、尊氏竊謀歸順、軍到

時遣足利尊氏、太平記鏡驛、重能與細川和氏披帝所賜詔書示尊

氏、以贊成之、後朝廷遣新田義貞討尊氏、尊

氏奔入建長寺、將剔髮、重能密與足利直義

謀、矯作帝討尊氏詔書、以激成其叛、事具尊

氏傳、遂從尊氏入京師、將兵拒官軍於出雲

路、不利而還、乃從尊氏西走、太平尊氏再以

兵犯京師、抵室津、留候風、時直義已過陸、軍期太急、一夜有西風帶雨而至、尊氏喜以為便也、將發、衆尚難之、乃召諸舟棹卒問之、僉謂月出風將轉、重能舟有老手曰孫七、謂曰、此風甚可慶也、月出雨止、而風勢益順、雖少勁急、不足為慮、可以起碇也、尊氏大嘉其言、授之以左衛門尉、即命解纜、果如其所料、梅論尊氏入京師、據東寺、義貞來攻、呼尊氏求戰、尊氏將出應之、重能牽袂諫之曰、義貞孤

大日本史

卷二百五

列傳

十七

軍深入、以徼一時之功耳、將軍豈可自輕乎、尊氏然之而止、重能素與畠山直宗善、疾高師直兄弟專權、謀代執時務、密使僧妙詰勸直義除之、直義納其言、遂定誅師直之計、事敗、尊氏流重能直宗於越前、以謝師直、師直潛使八木光勝誘殺重能、太平二子顯能、能憲、顯能歷修理亮、民部大輔、上杉家譜及尊氏之與直義講和、師直師泰從歸京師、圓太曆、太平記、喜連川系、顯能以其父讐也、於路要殺之、尊氏大

怒將誅之、直義營救、乃免其死而流之、國太能憲、憲顯之子、上杉家譜、喜重能養之為子、上杉家譜、○太平記、家稱宅間、上杉為藏人、為憲顯養子、今不取、家稱宅間、上杉為藏人、左衛門尉、太平兵部少輔、上杉家譜、喜重能之死、能憲有志復讐、上杉家譜、及足利直義歸順、能憲應之、高師冬來擊、軍潰、諏訪隆種應能、憲擊殺之、太平憲顯死、足利氏滿以能憲朝房並為執事、子孫皆世其職、稱為兩上杉、連川系、圖、上杉家譜、鎌倉大草子、

大日本史

卷二百五

列傳

十八

今川範國、○尊卑分稱五郎、足利尊氏族也、祖曰國氏、足利泰氏之姪、參取尊卑分脈、今據分脈、領參河今川莊、因氏焉、難太國氏生基氏、即範國父也、今川家譜、基氏嘗曰、諸子中可總領吾家事者、必松丸也、松丸範國小字也、兄賴國早死、範國為嗣、嘉曆中薙髮、法名心省、難太尊氏以範國為遠江守護、常樂延元元年秋、尊氏陣于東寺、官軍絕其糧道、軍食日匱、範國與官軍戰阿彌陀峰破之、尋

與仁木義長拒官軍於四宮河原、三年春與
桃井直常等擊鎮守府大將軍源顯家於青
野原、直常敗、範國更進擊、手斬數人、退憩杭
瀨民舍、時風雨夜暗、範國部下恐官軍來襲、
勸入吉良滿義黑地川軍、範國不許、米倉某
放火焚其舍、範國不得止而去、尊氏賞其功
以爲駿河守護、與采邑數十、時範國以赤鳥
爲笠號、及戰得利、以爲神助、遂命子孫用之、
難太平記太正平中從高師直破楠正行於四條畷、

大日本史

卷二百五

列傳

十九

又從尊氏擊足利直義於薩埵山、太平元中

元年死、時年九十、常樂初足利直義手越河

原之敗、細川定禪勸之戰死、範國固諫而避

之、難太後直義與官軍戰豐島河原見敗、平太

從尊氏奔兵庫、入佛堂將自殺、範國勸之、

定禪固持不可、因上舟赴筑紫、直義德範國

定禪救已、而怪其所見前後各不同、難太平記範

國四子範氏、貞世、氏兼、仲秋、氏兼後改直世、

爲彈正少弼、越後守、尊卑分脈、改、直世據印本、

範氏歷中務大輔上總介、尊卑分脈、尊氏擊直義、
戰近江及薩埵山、範氏從有功、太平正本後從
足利義詮犯吉野、與佐佐木氏賴等陷平石
城、太平子泰範爲上總介、領駿河半國、難太平記
山名氏清畔足利義滿、義滿遣泰範及佐佐
木滿高拒之東寺、明德記

貞世爲左京亮伊豫守、今川家譜、太平記、花

敘正四位下、尊卑分脈、足利義詮授遠江守護、正

平十四年從義詮犯吉野、太平尋從細川清

大日本史

卷二百五

列傳

三十

氏拒官軍於東寺、再戰再勝、遂破之、此行也

清氏召貞世與同行、及有功、清氏約還論其

賞、貞世深相要結、後貞世請遠江笠原濱松

二莊、清氏不肯、綱自請而領之、貞世忿歸遠

江、及義詮疑清氏之叛、以貞世素與清氏善、

謂爲其黨也、時清氏數招貞世弟直世、欲因

申理、直世不肯往、清氏嘆曰、貞世若在不使

吾負冤至此也、範國聞之說義詮曰、賤息貞

世與彼友善、急召貞世、就彼謀事、因刺殺之、

則事不至大患、義詮從之、遣使召貞世、途聞清氏已奔若狹、遂進至京師、義詮善之、平難太

十六年清氏歸順、與楠正儀等來逼京師、佐

佐木高秀將五百騎迎拒、忍常寺、貞世將參

河遠江兵七百餘屯于山崎、清氏至忍常寺、

高秀不戰而潰、清氏等乘機而進、貞世亦慮

不可支、退陣于鳥羽秋山、餘軍望風敗走、清

氏等進入京師、義詮竟走近江、無幾又從義

詮攻京師克之、太平後削髮號了俊、尊卑分

大日本史 卷二百五 列傳 二十一

平建德二年足利義滿以貞世爲鎮西探題、

尊卑分應永二年據吉川家傳、擊菊池武光、以兵寡不

得進、義滿命大內義弘吉川經見援之、應永

記吉川與共進至肥後、與武政戰于水島不

利、又與大友親世大內義弘等將兵數千攻

菊池武朝、大戰詫間原、殺傷頗多、會將軍宮

將兵奄至、將軍宮貞世敗退、菊池武天授元

年與少貳冬資戰于肥後、斬之、代時諸

島姦民乘鎮西之騷亂、屢侵高麗、高麗遣使

請禁侵掠、貞世遣僧信弘報曰、遁逃之徒、多

不遵我令、未易遽禁也、高麗又遣大司成鄭

夢周來、極陳古今交隣利害、貞世厚待之、乃

命還島民所虜尹明安遇世等數百人、且禁

其侵掠、夢周又贈書請贖國民沒爲人奴者、

書辭懇惻、貞世又命還一百餘人、東國又策

鎮西之便宜、條列以進、義滿答書許行其事、

始義弘從貞世還自京師、密說曰、我視今之

爲政、弱者無罪、動而得咎、强者犯法、措而不

大日本史 卷二百五 列傳 二十二

問、如公之貴盛、實無所顧慮、然一旦或蹉跌、

必取笑於當世、宜早爲良圖也、方今大友氏

九州之豪族、而荷公之恩日久矣、若公欲有

事則彼必不辭、然後徇中國九州之地、連據

盤結、將軍不得加兵問罪也、自全之計、莫踰

于此、貞世不從、乃諭之曰、我弟仲秋已與兄

有姻好、如窮厄互相救助、則亦不必豫相要

約也、至若私作朋黨、負公爲身、則非我之志

也、卿能竭忠貞以存奉公之志、何失食邑之

憂卿其勿過慮也、義弘深恨之、常謀陷害貞世、代爲探題、乃因義滿左右讒構之、初貞世所條陳鎮西事宜、既施行者、義滿多更改之、由此鎮西將士疑貞世私意行事也、竟爲離沮、會足利滿兼叛義滿于鎌倉、義弘遙應之、以滿兼書來招、貞世卽封呈義滿、尋義弘叛、以兵至和泉、義滿急召貞世還京師、謂曰、吾固負卿、恥相見也、貞世意竊喜以爲鎮西處置乖張之由、必可得而白也、然義滿終不問

大日本史

卷二百五

列傳

二十三

而止、或又讒之曰、貞世子弟從士在遠江者、多與滿兼、故雖蒙召、願望趑趄、至今而始至也、義滿復信之、悉奪嚮所與書、急命歸于鎮西、貞世已知被疑、不復赴任所、直歸遠江、自是漸恨義滿、雖不往屬滿兼、心竊與之、觀望時變、義滿怒、欲先討貞世、既而滿兼事和解、其黨貸而不問、貞世不自安、退居藤澤、義滿以其密邇鎌倉、恐復勸滿兼作亂、命居遠江、久之義滿念貞世前功、召至京師、赦其罪、貞

世居常無聊、嘗歎太平記多紕繆、著書駁之、號曰難太平記、應永末死、難太平記、按諸書不詳貞世死年月、而本書結末言其忠中風、蓋尋死也、貞世善和歌、兼好文學、所著有落書鈔、落書露顯、今川雙紙、九州合戰記、貞世初見弟仲秋爲政不善、作家訓誠之、其言剴切、仲秋爲悛行、世傳其書號了俊壁書、今川記○今所行今川狀、初範國欲以駿河與貞世、貞世以兄範氏嘗欲之、固讓不受、及範氏死、貞世復讓於範氏子氏家、範國

大日本史

卷二百五

列傳

三十四

甚奇之、臨終遺言、命貞世幹掌門族事、氏家亦深感貞世恩、臨死遺命、以領國與貞世子貞臣、貞世固執其志、不肯受之、適氏家無息胤、其弟泰範爲僧居建長寺、貞世請使還俗、襲氏家職、足利義滿爲分駿河、給半于貞世、半于泰範、管領細川賴之嘆其廉讓爲難及也、而泰範反疑貞世自請取之也、於是欲更奪遠江、譖貞世有貳志、義滿命以遠江與仲秋、難太平記貞世四子貞臣、貞繼、言世、貞兼、尊卑分脈

貞臣從四位下伊豫守、今川家譜左京大夫、貞繼

亦為伊豫守、言世左馬助、貞兼左京亮、或左作

右貞世弟仲秋、本名國泰、後改賴泰、又更今

名、為左衛門佐、明德記中務少輔、尊卑分天

授中從貞世赴鎮西、擊菊池武國大敗績、菊池

武朝元中八年山名氏清畔足利義滿、義滿

親將擊之、以仲秋監軍事、明德記後薙髮更名

仲高、印本尊卑分為刑部少輔、小手差

範滿、範國弟也、印本尊卑分為刑部少輔、小手差

大日本史 卷二百五 列傳 二十五

原之戰、範滿適疾不能騎、乃扶上馬、縛兩足

于逆韃、出戰死、難太平記

賴貞、範國兄、賴國子也、今川家譜印本尊卑

作賴賴國為式部大輔、難太平記建武中從官軍

討北條時行於相模川、戰沒、難太平記賴貞歷從

五位下式部丞、尊卑分刑部大輔、為駿河守、難太

平記今川家譜、延元元年尊氏再犯京師、賴貞率丹

後但馬兵、與仁木賴章先諸將入京師、破官

軍於竹田、梅松論尋率但馬若狹兵圍金崎城

不利、明年高師泰聞里見時成等為金崎繼

援、又遣賴貞將二萬餘人扼要路、宇都宮紀

清黨來戰、賴貞射卻之、瓜生天野齋藤小野

寺繼至、賴貞敗退、後從高師直與桃井直常

戰於京師、太平記

大日本史 卷二百五 列傳 二十六

大日本史卷之二百五終

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史 卷二百五 列傳 二十六

大日本史卷之二百六

列傳第一百三十三

權中納言從三位源光閔 修

男權中納言從三位綱條 校

玄孫權中納言從三位治保重校

將軍家臣十六

細川和氏顯氏弟賴春從弟顯氏直俊

細川和氏稱八郎太平記其先出自足利義康、

義康長子義清居信濃、稱矢田判官代分尊卑

大日本史 卷二百六 列傳 二

居信濃據源平盛衰記源義仲起兵、義清引兵赴丹波、

平忠度不戰而退、海玉及平氏據屋島、義清與

海野幸廣等將兵七千源平盛衰記作五千屯備中

水島、將攻屋島、為平重衡等所敗、與弟義長

等力戰而死、源平盛衰記又云、義清治承之亂、屬源賴

政戰死誤義清生義實、義實生義季、義季居參河

細川、稱細川二郎、義季曾孫曰公賴、生和氏

賴春、尊卑分脈和氏為阿波守、尊卑分脈元弘之

役、足利尊氏密圖歸順、和氏與上杉重能俱

贊成其計、及攻六波羅、尊氏欲四面圍之、和

氏曰、兵窮則守必固、不如開其走路、尊氏善

之、為紆圍一角、敵兵果相爭出降、尊氏乃令

和氏及弟賴春等將兵討北條高時于鎌倉、

途聞新田義貞已誅高時、取鎌倉、便往下野、

擁足利義詮入鎌倉、和氏自嫌後期無功、將

讎攻義貞、梅松論初義貞取鎌倉、聞首級於鶴

岡社、因啓神庫、展視寶器、有二引兩旗、二引

兩者足利氏旗號、相傳源義家遺物也、和氏

大日本史 卷二百六 列傳 二

等傳聞、為義詮乞之、義貞拒而不與、和氏等

欲因之生事、時關東新平、士歸義貞者相踵、

以故不得輒發、乃大宣揚尊氏之得朝獎、以

扇擾衆心、於是將士稍去義貞、歸義詮、和氏

等竭心綏撫、因留輔義詮居鎌倉、義貞大恚

之、由此新田足利始生嫌隙、和氏從尊氏討

北條時行有功、及尊氏反于鎌倉、和氏又與

上杉重能為之謀主、太平記遂從而犯京師、尊

氏之走筑紫也、使和氏率其族留于讚岐、讚岐

據諸異本太平記攻略四國數月尊氏再犯京師和

氏等率舟師從戰于兵庫又戰于京師並有

功後復與賴春師氏俱輔義詮居鎌倉論梅松

會鎮守府大將軍源顯家來討和氏等出拒

於利根川戰敗而退記太平興國三年死年四

十七分尊卑和氏嘗著夢想記敘當時事難太

其書託宿菅廟論細川氏功頗為溢美而子清

氏賴夏清氏自有傳賴夏出為仁木賴章養

子分尊卑和氏弟賴春

大日本史

卷二百六

列傳

三

賴春稱源九郎為刑部大輔任讚岐守分尊卑

細川足利尊氏犯關賴春與兄和氏等從之

尊氏軍敗走兵庫會周防長門兵至使賴春

等領之拒官軍於瀨河賴春殊死戰又敗被

創尊氏遂逃于筑紫賴春從和氏留居讚岐

尊氏再犯京師賴春與諸將累拒王師論梅松

尋攻中務卿尊良親王于金碕城陷之興國

初脇屋義助將官軍平伊豫入守國府亡幾

義助病卒賴春聞之以為機不可失即率兵

七千餘攻破河江城進赴世田城官軍別將

金谷經氏以兵三百許逆擊于千町原賴春

望之謂曰是皆精銳將逼我決死也宜疲而

斃之乃戒飭士卒分眾為三隊親將其前隊

經氏兵來衝之賴春佯披避之經氏又擊破

一隊後隊兵接戰遂大敗之斬首二百餘級

經氏僅以十餘騎脫去遂進陷世田城守將

大館氏明死之正平三年從高師直與楠正

行戰破之初賴春屬直義後從尊氏攻直義

大日本史

卷二百六

列傳

四

太平記從尊氏以下尊氏命為侍所七年足

據天正本利義詮據東寺王師來襲賴春率兵三百餘

赴援○本書或途與和田正忠楠正儀戰馬

驚墜地有三卒逼斬之賴春臥斬二人方起

一奴踵至援槍撻之中喉而死記太平時年五

十四家譜作四十九賴春善射後醍醐帝

嘗講射馬場殿召賴春充耦十發皆破的又

命乘矢亦中賞賜衣物賴春上和歌謝之帝

益嘉歎細川子賴之賴有賴元詮春滿之賴

之自有傳賴有右馬頭賴元為兄賴之養子、詮春讚岐守左近衛將監滿之兵部少輔備中守護賴春弟師氏為掃部助分傳從弟顯氏

顯氏稱小四郎○本書或作賴氏父曰賴貞分傳建

武中從足利直義居鎌倉會北條時行倡亂

至武藏女影原賴貞力疾赴戰而死太平記

○梅松論曰賴貞時有疾浴相模溫泉顯氏從直義走至參河馳人報狀賴貞曰我不幸罹疾聞賊起至不得效力安以殘喘累汝曹死節之念乎言訖對使者伏刀而死未知孰是

大日本史 卷二百六 列傳 五

顯氏任陸奥守兵部大輔分傳顯氏○分傳顯氏○分傳顯氏○分傳

少為引付頭分傳從足利尊氏陷京師又從

奔筑紫戰于多多良濱太平記顯氏○梅松論曰

是既而與弟定禪抵京師與新田義貞等戰

有功論正平二年將兵攻楠正行于河內

抵譽田遇伏大敗退保天王寺顯氏與正行

戰于教興寺夜為正行所襲敗還于京未知孰是尊氏遣山名時氏

援之竝潰而還太平記顯氏家于京師錦小

路及直義為高師直所訴停職徙居焉太平記

卑分其歸順也顯氏從之與俱攻尊氏及和

議成從直義還京師直義奔越前太平記顯氏

承尊氏旨往喻直義解兵顯氏直義拘之不

遣命與畠山國清桃井直常拒尊氏於八相

山不利顯氏與國清又諫直義與尊氏講和

委政于義詮直義大然之出與尊氏相見直

常固沮不可和議再敗太平記顯氏取事不

諧欲削髮為僧尊氏聞而止之因從還京師

顯氏七年義詮據東寺拒官軍和田正忠楠

大日本史 卷二百六 列傳 六

正儀火七條坊市而進顯氏率兵百餘赴之

與戰而敗僅與七騎還讚岐得兵三千○見

太平記或再至京師與諸將往攻男山諸將

方戰于園殿口佐羅科太平記顯氏火民家夾

擊官軍不戰而退遂與細川清氏進營如法

經塚湯川莊司二百人相率來降男山陷而

還顯氏七月出家明日死顯氏顯氏能

和歌顯氏好禪嘗以軍事抵甲斐參慧林寺

僧疎石甚崇信之遂薦于尊氏云顯氏四子

繁氏、業氏、氏之政氏、繁氏爲式部丞、正平中爲伊豫守、足利義詮命鎮撫九國、先往讚岐調戰艦、崇德院堂領亦課軍糧、未發暴病而死、世以爲帝所祟、太平記、堂領、業氏和氏子、顯氏養爲子、兵部大輔陸奧守、氏之賴貞、李子、亦爲顯氏養子、伊豫守、政氏左近衛將監、尊卑分脈顯氏弟定禪、

定禪少而削髮爲鎌倉若宮別當、任律師、稱卿律師、尊卑分脈、太平記、北條時行之亂、定禪與兄

大日本史 卷二百六 列傳 七

顯氏從足利直義走至武藏狗庭原、傍郡兵應時行來攻、勢甚銳、定禪督士卒殊死戰、敗之、金勝院本、太平記、後往居讚岐、及足利尊氏反犯

京師、以書招之、定禪即起兵應之、軍于鷺田莊、高松守將舟木賴重來討、賴重氏據、舟木系圖、次屋

島、定禪夜襲大敗之、於是四國人士悉歸定禪、備前人飽浦信胤、田井信高亦起兵應定

禪、據備中福山城、定禪勢益張、延元元年以兵東向、遇赤松範資于途、相率而進、是時尊

氏已至大渡、與新田義貞相持、脇屋義助亦壁于山崎、以拒尊氏、定禪範資先攻義助、走之、義貞遂棄大渡而退、定禪追敗新田義顯、長驅入京師、車駕已幸延曆寺、定禪等即縱火焚宮闕、太平記、參、取梅松論、尊氏命定禪與兄顯氏等往至園城寺、以僧徒急犯行在、時鎮守府大將軍源顯家發陸奧兵赴行在、軍勢甚熾、將來攻園城寺、定禪等大恐、累發三使請益兵、尊氏不許、定禪等出拒唐碕、見敗、退戰于

大日本史 卷二百六 列傳 八

園城寺、又敗、遂退還京師、義貞等乘之來攻、尊氏兵大敗、棄京師而遁、定禪深憤之、謂士卒曰、京師不守、吾曹之由、可不一戰以雪恥乎、料新田氏之軍已疲、不可復用、而餘兵皆志在金帛、必四出劫掠、襲之則克、即夜簡兵三百、縱火返闕、義貞等敗走、追斬其部將數人、尊氏復入京師、太平記、於是定禪勇警軍中、後與義貞戰于兵庫、又大破之、遂從尊氏戰于京師、定禪功居多焉、梅松論、又以兵攻阿彌

陀峯破官軍而還太平記、梅松論、弟僧皇海、直俊、皇

海若宮別當參取梅松論、清和源氏系圖、稱三位房、尊卑

直俊爲民部少輔印本尊卑分脈、稱帶刀先生、尊卑

梅松論、延元中從顯氏定禪戰于京師、義貞敗

退、衆議欲攻阿彌陀峯、直俊曰、阿彌陀峯之

敵皆近畿烏合、據城而戰、固其所欲也、宜先

擊竹田敵、回兵由木幡稻荷、襲阿彌陀峯、腹

背夾攻、破之必矣、守殿當出兵七條、要其走

路也、乃與顯氏等攻竹田、直俊與二騎先進、

大日本史 卷二百六 列傳 九

排門而入、身被重創、衆繼進急攻、官軍陷水、

溺死略盡、還抵阿彌陀峯、自營後衝之、直義

亦進兵當其前、官軍狼狽不戰而逃梅松論、後

與大塚惟正戰於河內、敗死尊卑分脈、和田系圖、裏書、文書

大日本史卷之二百七

列傳第一百三十四

權中納言從三位源光國修

男權中納言從三位綱條校

玄孫權中納言從三位治保重校

將軍家臣十七

畠山國清弟義深

仁木賴章弟義長

石塔賴房吉良滿貞

大日本史卷二百七

列傳

小笠原貞宗

畠山國清六世祖曰義純左馬頭足利義兼

子也尊卑分脈初北條時政殺女壻畠山重忠以

女再醮義純與以重忠食邑因為畠山氏畠山

系父家國為尾張守尊卑分脈國清歷左近

衛將監阿波守左京大夫為修理大夫尊卑分脈

太平記建武二年從足利直義拒新田義貞於

矢矧鷺坂明年從足利尊氏戰于京師遂從

奔筑紫與直義擊菊池武敏破之又從尊氏

攻延曆寺有功為紀伊守護太平記延元元年

攻大冢惟正於八木不克和田系圖正平四

年代高師泰據河内石川砦與楠正儀相持

國清族直宗與上杉重能嫉高師直譖於直

義直義信之謀滅高氏族事泄師直廢黜直

義殺直宗重能居亡幾尊氏庶子直冬據肥

後師直勸尊氏親擊之師直為軍後直義承

間走大和依越智某國清徹石川營率千餘

人叛趨直義六年直義使桃井直常攻尊氏

大日本史卷二百七

列傳

義詮于京師尊氏軍敗奔于西海直義乃遣

石塔賴房追之戰于播磨光明寺反為所圍

國清率三千餘騎救之尊氏解圍而去將赴

兵庫國清賴房相遇御影濱敵軍大喊來薄

國清伏兵連射尊氏不能支與師直等走保

松岡城旦暮將陷會饗庭氏直潛出城詣國

清營議和氏直名據國清給答曰錦小路殿

每賜書誠僕我舉非讐將軍欲略懲師直兄

弟耳汝宜體此意臨戰勿妄害執事兄弟也

其書今存、因舉數通示之、氏直歸報、於是和議成、師直師泰出降、見殺於途、記太平既而嫌

隙又生、國清從直義奔越前、與細川顯氏、桃

井直常拒尊氏於八相山、不利、國清顯氏勸

直義再講和、直義從之、將出與尊氏會、為直

常所沮而止、國清顯氏忿其議不成、乃去從

尊氏、本國太曆天正改直義於薩埵山、直義戰

敗走伊豆、尊氏遣國清及仁木賴章等、誘致

于鎌倉幽之、遂酖殺焉、記太平先是尊氏置次

子基氏于鎌倉、為關東管領、及尊氏破新田

義宗、還京師、留國清為鎌倉執事、喜連川後

薙髮號道誓、喜連川分勝、畠山、記太平圖、十三年武

藏上野土豪將挾新田義興起兵、國清以計

誘殺義興、是時尊氏即世、長子義詮新立、人

懷危懼、皆以為義詮基氏終不相好也、國清

兩貌視之、因圖乘機、逞兵專威權、說基氏曰、

頃來人謂將軍兄弟不相容、必生兵釁、臣請

借兵南侵、以解嫌疑、基氏善之、十四年命發

關東八國兵、國清欲先收人望、徧詣諸將士、

卑辭布款、啗以厚賞、將士悉應之、遂大舉赴

京師、兵號二十萬、○國大曆器械精新、軍容

甚盛、諸豪貴夾路競觀、行在為之震動、乃與

義詮分道南侵、明年義詮頓軍尼崎、國清進

陣津津山、逼官軍、官軍五百餘騎出降、數與

官軍相挑、縱兵抄掠、遂攻陷數城、楠正儀退

入金剛山、國清輒與義詮引軍還京師、初國

清西上、嫉仁木義長專權、密圖除之、至是引

與義長素相惡者細川清氏等、晝夜酣讌、寢

至款洽、乃說之曰、今日與諸君飲、有何所隱、

僕西上、實為誅義長也、彼其所為、慢棄神佛、

耽嗜漁獵、蔑幕府、犯法令、日者吉野之役、我

勝則憂、我敗則喜、此意竟謂何如、我願為將

軍除之、在坐悉同其謀、會和田正忠、楠正儀

發兵將攻畠田城、國清託防禦、與同謀者率

兵七千、先馳赴天王寺、正儀等輒退、國清

本無意與官軍戰、因駐寺中數日、遂返兵攻

義長比至京師、義長既東走、既而官軍復起、
攻紀伊和泉河內諸城、京畿繹騷、一時大亂、
歸谷國清、國清好著狐皮蔽腰、時人惡之、作
狐媚歌譏之、優倡兒女唱者滿街、國清懼禍
及、潛逃還鎌倉、義長部下參河守護代西鄉
某與吉良滿貞舉兵于矢矧、尾張人小河某
等應之、築寨小河、竝扼其歸路、國清聞關、僅
而得歸、初國清之南寇、將士資糧乏絕、多亡
歸者、國清已還鎌倉、悉沒其食邑、將士訐之

大日本史

卷二百七

列傳

五

不聽、主吏偶啓其事、輒黜罰之、十六年將士
千餘人相率造基氏、請罷國清、基氏乃數其
構內難之罪逐之、國清與諸弟及從士三百
餘人赴伊豆、路宿小田原、土肥掃部助來襲、
國清拒卻之、遂入伊豆、與二弟分據三津金
山修禪寺三城、○北條家本三津作三戶、北條家本南都本金山作長濱、
明年基氏遣平一揆以兵三萬來攻、平一揆
與葛山備中守因事相爭、國清家士遊佐神
保等覘知之、乘夜襲之、敵互懷疑懼、不戰引

還、基氏乃自出陣箱根、遣新田義一將兵攻
之、義一名據喜連川系圖國清勢窮、火三津金山城、走
保修禪寺、初國清執事十餘年、其妹爲基氏
妻、由是權勢薰灼、關東將士莫不趨附、及起
兵之日、無一人赴難者、雖親舊亦多離叛、糧
食日乏、欲計出走、恐無所容、乃歎曰、吾悔殺
新田義興也、因固守數月、基氏詐遣使招降、
國清遂著僧衣出降、遣弟義深于基氏營、自
留居伊豆府數日、基氏將掩殺國清等、遣兵

大日本史

卷二百七

列傳

六

梗路、夜有人告國清曰、聞明日將有異處分、
國清輒目弟義熙、義熙名據尊卑分脈、○天正本作國熙、毛利家本義
國、僞爲近出、令一奴持刀、徒步奔藤澤佛寺、
寺僧給以馬二匹、僧二人、晝夜馳至京師、匿
七條佛寺、又去居宇治、憑楠正儀請歸順、正
儀卻而不奏、○西源院本爲朝議不許遂竄大和山城、之
間而餓死、記太平子義清任左近衛將監、島山
阿波陸奥守、弟義深、尊卑分脈
義深稱三郎、尊卑分脈、島山系圖尾張能登越中河內

和泉紀伊守、畠山尋為伊豆守護、從國清居

鎌倉、及國清被逐、從奔伊豆、明年基氏招之、

偽許復伊豆守護職、義深造基氏箱根營、俄

聞國清出亡大驚、不知所出、詣結城直光請

救死、時基氏將撤陣還、直光盛義深于大櫃、

穴底通氣、擔而從、鎧函後、遂得脫去、後居京

師、足利義詮免其罪、授越前守護、與諸將攻

足利高經於杣山、數月高經死、其子義將出

降、越前平、義深在任、頗有治績、太平天授五

大日本史 卷一百七 列傳 七

年死、尊卑分脈年四十九、常樂初義深聞國

清出奔、密為逃計、其臣遊佐性阿知其狀、欲

令人不覺、故與左右飲博戲笑、以混其迹、比

行已遠、事稍洩、兵士忽至執之、性阿乃披僧

服而走、道為人所覺、入逆旅而自殺、太平譽

田性意亦義深之臣、走至駿河、為今川範國

所執、其子彌三郎往請代死、性意視之謂非

己子、彌三郎固爭不已、範國怒而兩釋之、利

家本天正 義深子基國、深秋、尊卑

仁木賴章稱二郎三郎、其先出足利義清、義

清孫寶國居參河仁木、稱仁木太郎、寶國玄

孫義勝生賴章、賴章歷任周防伊賀守、左京

大夫、兵部大輔、尊卑分脈足利尊氏起兵、

賴章與弟義長每從軍、及尊氏反、賴章與新

田義貞戰於矢矧、鷺坂不利、尋從尊氏破官

軍於竹下、遂入京師、及尊氏奔筑紫、遂遣還

賴章于丹波、與久下長澤荻野波波伯部等

據高山寺城、太平尊氏再入京師、賴章與今

大日本史 卷一百七 列傳 八

川賴貞率丹波但馬兵先抵京師、義貞攻尊

氏東寺營、賴章與上杉重能等擊卻之、梅松

新田義顯據金崎、賴章率丹波美作兵由鹽

津往攻之、正平中從高師直與楠正行戰于

四條畷、又從與桃井直常戰于白河、尊氏西

遁、留子義詮於石龜寺、使賴章義長佐之、從

義詮入京師、時尊氏與弟直義內不相和、以

故賴章兄弟及細川賴春、土岐賴康、佐佐木

高氏、石塔賴房、上杉憲顯、桃井直常等各分

黨與逃歸國、賴章託浴溫泉奔有馬、義長奔伊勢、及尊氏東擊直義、賴章兄弟從攻直義於薩埵山走之、又從尊氏與新田義宗戰于小手、差原有功、足利直冬將攻尊氏、山名時氏應之、時賴章為尊氏執事、以丹波守護佐野城、時氏率兵過城下、賴章畏其鋒不出、尊氏與直冬桃井直常戰于京師、賴章率丹波丹後兵三千陣于嵐山、賴章恒懦、觀望成敗不敢進、後從義詮犯吉野、太平記十三年、

大日本史

卷二百七

列傳

九

髮號道環、

尊卑分

明年死、

尊卑分

年六十一、

尊卑分子義尹、

本書或

為中務少輔、

兵部大

輔、尊卑分、補丹波守護、山名師義遣小林

重長略丹波、

義尹出陣和久、

告急義詮、

義詮

遣諸將助之、重長不戰而退、太平記、告急初

賴章養細川和氏子賴夏為子、

本書或

為清氏子、

稱

三郎、左京權大夫、中務少輔、賴章弟義長、

義長稱二郎四郎、

歷任越後守、

右馬權頭、

修

義長稱二郎四郎、歷任越後守、右馬權頭、修

義長稱二郎四郎、

歷任越後守、

右馬權頭、

修

義長稱二郎四郎、歷任越後守、右馬權頭、修

義長稱二郎四郎、

歷任越後守、

右馬權頭、

修

義長稱二郎四郎、歷任越後守、右馬權頭、修

理亮右京大夫、尊卑分、梅松論、足利尊氏與菊池武敏戰于多多良濱、尊氏軍鎧馬不備、足利直義以宗像宮司宗像政弼所給鎧與義長、政弼名據、義長擐之、挺前力鬪、手斬數人、由是軍氣百倍、武敏敗走、義長及一色賴行追擊至肥後、賴行名據、武敏出奔、乃進攻內河、義直八代城走之、尊氏攻京師、義長及賴行留鎮筑紫、尋歸京師、梅松論、參、尊氏與新田義宗等相打于金井原、義長與賴章分

大日本史

卷二百七

列傳

十

手下兵三千伏叢薄間、既而尊氏敗走、新田

義興脇屋義治縱兵窮追、義長乃突起奮擊、

義興等俄作魚鱗陣、義長亦整陣當之、斬獲

甚多、義興義治敗走、自尊氏起兵、義長屢立

戰功、為參河伊勢伊賀等四國守護、食邑數

百所、為人兇殘、賞罰任意、驕恣特甚、嘗詣鶴

岡、殺人於社中、又戕男山神人、其在伊勢、豪

占神戶三郡、祭主訴之京師、後光嚴院命尊

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

氏下書責還、義長怒、祭主訴已、肆意漁獵於

神路山五十鈴川、曾不經意、太平在京師侵

奪細川清氏宅地、清氏怒欲相攻、尊氏和解

而止、圖太又怒參河人星野行明在國擅屬

清氏、沒其邑、又規奪土岐賴康佐佐木氏賴

之邑、以故諸將惡之、會足利義詮犯吉野、使

義長以兵三千出陣西宮、作兵五百畠山國

清亦率兵西上、素嫉義長、圖為之所、而義長

欲自專功、忌國清兵盛、冀其沮敗、聞國清先

鋒戰于龍門山、抵掌笑曰、使汝諸軍露體脫

走、亦可以為一快、已而國清還京師、陰聚諸

將謀殺義長、會官軍攻譽田城、國清託應援

與諸將赴四天王寺、議返攻義長、義長聞之

說義詮曰、聞國清清氏分兵至自四天王寺、

是欲藉口于臣而圖亂也、請為之備、義詮曰、

此訛言也、事若實、我與卿誅之、誰敢抗者、義

長大喜、籍兵得七千餘人、言曰、國清十萬兵、

焉得若許精強、乃遣姪賴夏率二千餘人守

四條大宮、遣弟賴勝于東寺、率一千餘人火

民屋、勒兵自備、恐義詮通意於國清、與賴夏

率兵護義詮第、抑絕内外、自為執事、請綸旨

教書討國清清氏、即夜義詮與佐佐木高氏

謀而逸去、黎明義長賴夏請義詮出見將士、

怪義詮不在、閉門大索不獲、於是眾情離沮、

皆遁去、留者僅三百餘人、敵軍稍近、義長不

知所為、聞道奔伊勢、賴勝逃丹後、賴夏逃丹

波、尾張人小河某東池田某據小河莊、參河

守護代西鄉某及吉良滿貞張陣矢矧、並應

義長、皆相繼敗、石塔賴房集伊賀伊勢兵、

推義長叔父義住為將、義住名據毛利家本、

脈、分脈陣近江葛木山、與佐佐木氏賴等

戰、義住敗降、義長在伊勢、擁兵三千餘人、至

是逃亡甚多、僅以五百餘人據長野城、佐佐

木氏賴土岐賴康來攻、相持二年、義長軍食

日縮、族黨多降、迺遣使吉野歸順、二十年又

請降、義詮思其舊功、宥罪還京師、太平

後削髮、天授二年死、後愚昧子滿長為右馬

別記

助尊卑分脈

石塔賴房、足利氏之庶流也、足利泰氏養孫

賴茂爲子、稱石塔四郎、賴茂生義房、義房生

賴房尊卑分脈、賴房爲右馬頭、中務大輔尊卑分脈、太平

記、足利直義謀殺高師直、事敗出奔大和、匿

越智某所、賴房與越智勸直義歸順太平記

奉詔討足利尊氏、將兵據男山以窺京師、既

而尊氏走于播磨、書寫山、直義乃遣賴房及

上杉朝房將兵追擊之、屯光明寺、與尊氏相

大日本史 卷二百七

列傳 十三

持、會高師泰自石見還、援尊氏、軍勢復振、賴

房請益兵于直義、俄而尊氏來攻、賴房等力

戰、連破之、直義又遣畠山國清上杉義依爲

援、尊氏退陣兵庫、賴房又擊破之、尋從直義

奔越前、尊氏將兵來擊太平記、賴房與桃井直

常逆戰近江八相山、被敗、賴房匿觀音寺城、

太平記、既而與父義房從直義於鎌倉、拒尊

氏于薩埵山、軍敗而降、義房在鎌倉、竊懷異

圖、會新田義興等將攻鎌倉、以書招之、義房

欲應之、召賴房謂曰、薩埵山之敗、忍死祈生、

身爲降將、爲仁木細川等所屈辱、悒悒涉日、

今將屬新田氏、建功當世、貽榮子孫、汝宜與

俱、賴房愕然變色曰、爲人臣懷貳心、士之所

恥、僕深爲將軍所倚賴、常思報之、自古父子

構兵、亦各爲其主也、吾不可不告之于將軍、

父子恩義既絕、不敢再見矣、遂去從尊氏軍、

太平記、此爲義基事、後歸順、授刑部卿尊卑分脈、太平

記、足利直冬、山名時氏、細川清氏相繼請命、

大日本史 卷二百七

列傳 十四

詔許之、遣賴房及吉良族將兵助之、又俱討

細川氏、春等于攝津、尋與楠正儀等攻赤松

光範、多田部城、火其街市而還、太平記、後

復叛與吉良義真降于足利義詮、毛利家本

記、平

吉良滿貞、參河吉良人也、難高祖長氏足

利泰氏之弟、稱吉良太郎、尊卑分脈、祖貞義任左

京大夫上總介、父滿義左兵衛佐中務大輔、

滿貞稱吉良三郎、歷任左京大夫治部大輔、

尊卑分脈足利尊氏之謀勤王以貞義為其

族祖也先使上杉憲房來報貞義力贊其計

難太平記族祖遂舉族從之後皆從尊氏反

正平七年帝御男山滿貞與石塔賴房將兵

五千自駿河入援神樂岡之戰又俱屬官軍

與細川清氏戰破之滿貞二字據毛利十五

年畠山國清東走滿貞與參河守護代西鄉

某率兵要之矢矧適義詮以大島義高為守

護滿貞與戰而敗遂叛降義詮十六年與宇

大日本史 卷一百七 列傳 十五

都宮黑田族禦官軍於大渡太平後薙髮改

名省堅尊卑分脈

小笠原貞宗幼名豐松稱彥五郎信濃人也

左京大夫長清六世孫父宗長信濃守貞宗

敘從五位下為右馬助治部大輔信濃守補

信濃守護參取尊卑分脈小笠原系管領飛

驛遠江等國事元弘之役應北條高時拒官

軍既而歸罪自效帝敕貞宗發信濃飛驒兵

從新田義貞戰于武藏野鎌倉皆有功小笠原家

講建武二年足利尊氏反於鎌倉又從義貞

討之後叛降尊氏及帝幸延曆寺尊氏進軍

犯之貞宗率甲斐信濃兵至勢多延曆寺僧

徒徹橋拒之乃陣野路扼官軍漕路五字據

脇屋義助來攻逆擊敗之據鏡山官軍來攻

又敗之退陣伊吹山告之尊氏會尊氏議出

兵近江斷官軍漕輓乃使佐佐木高氏來援

梅松論按貞宗目安鈔貞宗是歲辭近江

守護蓋以貞宗辭職高氏請之尊氏兩從之

也今不貞宗既破官軍以功管領近江及高

大日本史 卷一百七 列傳 十六

氏至自稱請尊氏獲近江貞宗大失望弁而

赴京師參取諸本已而義貞奉皇太子保金

崎城尊氏乃命貞宗發信濃兵往攻之貞宗

勒銳兵八百冒險力戰不利而還鎮守府大

將軍源顯家破鎌倉西上貞宗又發兵追之

至美濃與芳賀禪可共拒於自貴渡大敗僅

脫而還太平其家世傳射藝騎乘之法至貞

宗最極其精妙後醍醐帝為聽昇殿因師習

之帝嘗欲知坐鞍之法令貞宗騎親就其鞍

上探試之、乃大稱賞、命畫工圖而藏祕府焉、
又嘗受其射法、謂其騎射之巧、得之於天也、
乃賜書褒為武人師表、以王字銘其旗、後改
為菱、小笠原家譜○按本書及小笠原系圖
並云、貞宗此時敘正三位、公卿補任等
故書所不載、初帝以犬追物、害生類、敕廢之、
貞宗以為步射之與騎射、於武事不可偏廢、
而馳逐之習、以犬追物為最要、遂上書光明
院請復之、敕許之、小笠原家譜、貞宗晚自著
貞宗目安鈔、家譜、并作之序、誡子孫、其略曰、吾家世傳弓

大日本史 卷一百七

列傳 十七

馬術、自兵部以來、至左京兆自成一家、犬追
物、草鹿等法、是其所新定、驅妖魅而護國家、
師將府以制寇賊、不可無此術、凡吾子孫、宜
慎重無失也、兵部貞純親王、左京兆長清、並
貞宗遠祖也、子孫能遵遺訓、世以其術顯、小笠原家譜
貞宗與今川某伊勢某二人議定武家
禮節、集成一書、題曰三儀一統、小笠原傳甚
崇信禪教、從元僧正澄受法、頗有所省、因難
髮改名泰山、嘗創開善寺於信濃、小笠原家譜、小笠原

圖、世呼曰開善寺入道、尊卑分脈、小笠原系圖、正平五
年死、年五十七、崇光院命其彈正臺監護華
事、世以為殊榮、所著有脩身錄、小笠原系圖、四子
政長、宗政、宗滿、政經、政長敘從五位下、為兵
庫頭、尊卑分脈、信濃守護、管領飛驒越後遠江等、
最善父祖之業、嘗授之足利尊氏、從入京師、
直武者所、因訓練兵士騎射、延元正平間數
拒官軍有功、○按本書又曰、光明院嘗失其
所愛龍鳥、命政長射捕之、政長
用鵠箭射之、乃獲鳥無傷、人益稱異焉、然其
事與東鑑小山朝村射鳥相類、蓋本書剽竊

大日本史 卷一百七

列傳 十八

以誇張政長射、藝耳、故不取、宗政稱孫二郎、宗滿稱彦三
郎、掃部助、刑部少輔、政經稱七郎、有勇名、修
理亮、彈正少弼、小笠原家譜

大日本史卷之二百七終

大日本史卷之二百八

列傳第一百三十五

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十八

鹽治高貞

佐佐木高氏

佐佐木氏賴

大日本史

卷二百八

列傳

一

細川賴之

鹽治高貞出雲人

伯耆卷
太平記

隱岐守佐佐木義

清玄孫也父貞清爲左衛門尉檢非違使始

以鹽治爲氏高貞爲檢非違使敘從五位下

尊卑
分脈補出雲守護

伯耆卷
太平記

元弘三年帝在隱

岐北條高時聞四方勤王師起令佐佐木清

高防嚴行宮富士名義綱密謀奉帝起兵帝

使義綱曉喻高貞高貞拘留不還

云義綱上錄
與

名和泰長協謀勤王泰長先來說高貞及帝
高貞不肯而逐之與本書異未知孰是

幸船上近國將士大集行在高貞與義綱率

宗族千餘騎首發兵

太平記

至八木而不進官

軍欲移兵擊之高貞急至船上謝罪官軍疑

而不內置之城外

伯耆卷

乘輿還京師使高貞

先一日率所部爲前行建武初帝創馬場殿

于高倉高貞獲千里馬進之

太平記

尋任隱岐

尊卑
分脈

二年從中務卿尊良親王討足利尊

氏戰於竹下前軍敗走高貞卽降于尊氏延

元三年脇屋義助拔黑丸城尊氏遣高貞發

大日本史

卷二百八

列傳

三

出雲伯耆戰艦三百艘攻之高貞將發俄嬰

婦禍而死初帝賜宮人于高貞尊氏執事高

師直見其有姿色數挑之不從遂欲殺高貞

奪之誣以謀叛高貞計不能免欲據國而拒

率其族三十餘人佯爲遊獵乘曉而出別使

八幡六郎某山城守宗村等二十餘人護妻

孥皆聞道奔還出雲高貞弟貞泰告之師直

高貞弟據佐
佐木家譜

師直卽告尊氏遣桃井直常大

平義尚山名時氏及子師義分道追之直常

義尚急馳及其妻孥於播磨陰山、六郎等匿子女於民屋、還鬪殺傷數十人、直常等兵士競至圍之、令衆曰、雖獲高貞、而失其婦、非執事之意也、六郎聞之、使宗村先殺高貞妻子、佯稱高貞與衆拒戰數刻、乃放火民家、相偕自殺、直常等視焚骸以爲高貞信死、引還、太平記時氏師義追高貞至山碕、有一人自後呼曰、吾執事使也、卿等宜暫留衆按轡而待、復呼曰、吾疾走喘甚、卿等來而聞命、時氏父子

大日本史 卷一百八

列傳 三

下馬遣數騎問之、其人笑曰、吾實鹽冶氏之兵來、海五郎也、適以在外、不得從主、今來死于此、欲以報地下耳、直進奮鬪傷數人而自殺、由是高貞得逸去、天正本日暮時氏宿湊川、師義特與十二騎冒夜追之、黎明及播磨賀古川、高貞第六郎自稱高貞、率左右六人還戰而死、師義復進、高貞弟某率三人亦死、高貞弟據天正本高貞遂脫還出雲、明日時氏等至、令國中曰、高貞謀叛、能殺之者破格賞之、於

是親族離心、謀殺之、高貞散遣從騎、檢要害地、獨與木村兼綱走佐佐布山、兼綱名據比天正本至宍道鄉、有一卒來告、小君既爲追兵所殺、言終自殺、高貞乃罵曰、老革師直、我必報汝、割腹而死、兼綱斬其首瘞之泥中、亦潰腹抱高貞骸而死、時氏兵認其足跡、獲高貞首、傳之京師、太平記高貞有二子、從母出走、長子與母同死于陰山、八幡六郎覓次子竊託路傍僧、俾攜至出雲、既長、便弓馬、依佐佐木氏、賴

大日本史 卷二百八

列傳 四

宗人呼爲出雲殿、天正本太平記○佐佐木其名可疑、今不取佐佐木高氏近江人、近江守信綱玄孫也、曾祖氏信稱京極氏、對馬近江守、檢非違使、祖滿信佐渡守、父宗氏檢非違使、佐渡守、高氏稱四郎、爲佐渡守、檢非違使、及北條高時難鬩、與俱落髮號道譽、參取尊卑分脈高時遷乘輿於隱岐、遣高氏與千葉貞胤等護送而還、又命殺中納言源具行於柏原、高氏見高

時淫肆日甚、竊勸足利尊氏圖之、遂從而歸

順、太平記尊氏東討北條時行、以高氏爲先鋒、

官軍累捷、時行兵退保箱根、高氏率手下兵

五百、與赤松貞範直進敗之、利家本太平記

敵又退濟相模川、阻水以待、時驟雨川方漲、

太平記高氏望之曰、踐河先登、此我家世之任

也、與弟時滿率十數騎且游且戰、時滿名據

高氏手斬二人、遂達東岸、諸軍繼進、繞出敵

後、東西鼓噪大敗之、天正本尊氏之反、官軍

大日本史

卷二百八

列傳

五

來討、足利直義請逆拒之、尊氏佯不聽、高氏

乃與上杉憲房細川和氏勸直義發軍、至矢

矧川、與吉良滿義土岐賴遠等濟水殊死戰、

既而諸將不利、退戰于鷺坂、又敗、退戰于手

越、高氏身被數創、弟貞滿戰沒、貞滿名據

者殆盡、乃詐降官軍、詐降據西及散兵稍集、

自拔赴鎌倉、尊氏出兵竹下、高氏從之、與足

利高經等先登、大敗官軍、太平記後車駕再御

延曆寺、小笠原貞宗帥兵至近江、連戰皆捷、

遂管領近江、高氏請尊氏曰、臣家世襲近江

守護、今以近江賜貞宗、臣無復面目見人、若

以本國賜臣、則臣先掃清國中、以斷坂本糧

道、使敵坐困饋饟、尊氏許之、高氏乃經若狹

至近江、梅松論、諸異本太平記、○見行本太

至近江、又與梅松論合、故今從之、軍三上山、豪

奪延曆寺及神社莊園在國中者、分與家衆、

號爲料所、諸國將領置料所自是始、於是官

軍親舊在國內者率皆離散、諸異本脇屋義

大日本史

卷二百八

列傳

六

助來攻、高氏將兵三千迎擊、志那渡、官軍半

渡、船多膠沙、高氏縱兵擊敗之、既而官軍糧

食益殫、士卒日亡、至不支焉、鎮守府大將軍

源顯家將兵西上、高氏與高師泰等逆拒黑

地川、顯家不戰南走、正平三年從高師直攻

楠、正行于四條畷、率兵二千餘陣伊駒山南

麓、正行與諸將戰數合、高氏度敵疲則必赴

師直軍、宜縱其進、從後掩擊也、既而正行後

軍進攻小旗一揆、戰酣、高氏乃縱兵下山、擊

而大敗之、正行遂戰死、太平記五年尊氏西擊

其子直冬、高氏從足利義詮守京師、時足利

直義背尊氏南走、尋出軍男山、使桃井直常

軍延曆寺、將來攻、高氏從義詮西走、參取太平記

太道遇尊氏、合兵反攻直義、高氏率兵七百

餘、偃旗卷笠號、伏中靈山、直常與仁木賴章

細川清氏等戰于四條河原而交綏、高氏瞰

之、乃下山掩擊其後、直常遂敗退、明日尊氏

西走、高氏從之、及尊氏與直義講和、復從還

大日本史

卷二百八

列傳

七

京師、從還京師據東寺長者補仕己而尊氏直義外相諧

絹、而內懷猜隙、諸將分黨各還其國、高氏亦

歸近江、及直義北走敦賀、尊氏親擊之、至鏡

驛、高氏與子秀綱高秀率兵三十會之、太平記

秀據天正本直義遣兵陣八相山以拒尊氏、高氏

與土岐參河守冒險徑進、敵搖動、因奮戰大

敗之、尊氏進營八相山、時滿與澀川直賴守

觀音寺城、會直義之黨高山伊豫守上野左

京亮共據鏡山、佐佐木信詮率兵會之、勢甚

熾、時滿告急、尊氏使高氏往援、高氏至舟岡

山、與信詮戰大敗走、敵追急、將自殺、族人加

治豐前二郎之兵志田榮重止之、自進鬪死、

高氏賴得脫走、保八尾城、直賴時滿遂棄觀

音寺城、赴尊氏營、敵勢益振、既而直義走鎌

倉、諸軍皆罷、天正本尊氏還京師、謀偽降吉

野、高氏與赤松則祐贊成其事、國太尊氏將

兵東出、窮討直義、使高氏從義詮守京師、七

年官軍來攻、義詮戰敗、高氏從走武佐寺、尋

大日本史

卷二百八

列傳

八

從攻男山陷之、是役也、山名師義力戰為最

屢詣高氏要賞於義詮、而高氏為人陰狡、狡

猾、在己上者常妬害之、好行讒間、忌師義功、

往往辭以連歌茶會、不出見、使之候立至夕、

師義大恚、與父時氏舉兵背義詮、天正本十

四年高氏從義詮犯吉野、時仁木義長為執

事、畠山國清結諸將圖殺之、高氏素惡義長

擅權、竊同其謀、國清將與諸將自攝津入攻

義長、義長乃勒兵護義詮第、抑絕内外、即夜

高氏自側門入見義詮曰義長衆之所惡將軍焉得庇之雖然諸將亦舉動專恣其心難測不如潛出以觀變也臣既具馬騎于北門請乘之脫出臣今將入與義長語使彼不覺也乃從兵百餘外來就義長議軍事移時義詮因得脫去義長遂奔伊勢降吉野自義長之敗細川清氏爲執事初義詮之南侵也尼崎近臣多以攝津守護赤松光範關供頓爲言高氏乃請義詮奪其職以自領義詮聽之

大日本史

卷二百八

列傳

九

清氏不直高氏數爲光範請還補不聽備前福岡舊頓宮藤康之所領也名勝院本坐事見削赤松則祐請而得之藤康後屬清氏有戰功清氏請義詮還賜其邑義詮聽之則祐以高氏之婿恃其勢拒命不從加賀守護富樫高家死子竹童丸幼高氏欲奪其守護以與女婿斯波氏賴清氏不肯請義詮仍以竹童丸爲守護高氏憤數爲清氏所沮抑思有報之會義詮命清氏七夕宴其它爲七百番歌

合清氏大喜盡心經營高氏聞之宅中七所設七番菜賭物七百名本非茶七十碗以請義詮更就高氏飲清氏大憤恚時清氏冠其二子於八幡宮八幡宮源氏之所宗祀以故義詮疑其蓄異志高氏知之以爲得便也會妖僧志一至自鎌倉數謁高氏高氏問曰頃間得何等施主志一曰相模守殿有所禱以願書被託得嚟錢十萬稍以資旅食高氏逼求其書憑伊勢某示之義詮伊勢以其有義

大日本史

卷二百八

列傳

十

詮死基氏滅已有天下之言疑非清氏所爲匿而不通會義詮嬰疾高氏入見曰清氏詛將軍知邪曰未也召伊勢進其書義詮大懼命修解禳天解禳據正本因度清氏必有所納于八幡宮訊諸官司果得願書其文一如與志一者然自當時皆疑其非手書也義詮自是與高氏日謀誅清氏高氏恐禍及俄稱疾赴有馬溫泉數日義詮遂發兵據新熊野清氏歸順率官軍攻義詮高氏與義詮俱走近江高

氏臨走淨掃居宅、陳名書畫珍玩酒食、戒二門僧以勞至者、既而楠正儀駐其宅、門僧出迎曰、高氏謹具酒肉以犒從者、正儀大悅、清氏欲燬宅、正儀止之、更留酒肉及鎧一副、刀一枚而去、人謂高氏高平、一賭贏正儀、刀鎧也、高氏尋從義詮還京師、自清氏之敗、足利高經管政事、高氏又與高經以事相銜、遂與佐佐木氏賴赤松則祐等設詭譎構之、高經北走越前、義詮遣兵攻之、高經死於園中、蓋終義詮世、兵革不熄、皆階高氏、然每巧於規避、竟免于禍、且尊氏之揚兵、諸將大抵觀望、易于反覆、而高氏闔族攀附、終始不渝、子弟多為效死、自勸尊氏圖北條氏、東西征行、未嘗不從、有智略、諳兵機、功最居多、以故寵遇優厚、當時莫如之者、義詮拜征夷將軍、用源賴朝使三浦義澄受將軍宣于鶴岡之故事、擇家世忠厚者為受宣使、乃以高氏孫秀詮為之、人皆榮之、而高氏恃功豪縱、無所忌憚、

一時武人擅奪人田園、脍削百姓、陵轢公卿、競以奢侈相尚、自高師直之後、高氏為之魁、興國中放鷹西郊、方還、遣奴折妙法院楓樹枝、院主亮性法親王令人呵止、奴大侮弄、更折巨枝、宿直僧俱撻而逐之、高氏怒曰、何者門主敢爾辱人、即夜與子秀綱率三百人縱火燒院、院眾狼狽、悉被捕縛、斬傷、斬傷據法天正本親王跣走僅脫、弟子亮仁法親王匿牀下、秀綱引出撻之、亮性亮仁據諸門跡譜○其本太平記曰秀綱害亮仁皇胤紹連錄諸門跡譜、延替寺訴之光明院告尊氏請得高氏父子甘心光明院心欲可其奏然播紳不得有處斷命尊氏議罪尊氏直義置而不問至明年延曆寺僧徒謀將奉日吉神輿入關尊氏不得已奏減高氏死一筆流上總山邊郡○天正本高氏以日吉神愛猿及發家士三百餘人蔽腰負鞆皆用猿皮各提寵鸞祖送至近江國分寺每所止舍盛設聲妓供帳未幾赦還又與在京豪貴六十三

人遽爲茶會、負椅披錦綉、坐虎豹皮、爲盤方

五尺、穀果綺錯、以擬食前方丈、酒三行、乃鬪

茶、賭物各百副、金香衣帛細鎧裝刀之類、倚

積如山、因縱俳優娼妓取之、又鬪奕、一賭數

千貫、太平記其家每夜所燒燭淚、例充門僧支

俸、李璣後還居近江、常樂文中二年死、年六

十八、佐佐木系圖、後深心院關白記、花營子

秀綱、秀定、定一作宗、今高秀、佐佐木秀綱仕

檢非違使、左衛門尉、近江守、敘從五位下、爲

大日本史

卷二百八

列傳

十三

侍所別當、佐佐木系圖、太平記、正平八年山

名時氏攻義詮、後光嚴院幸東坂本、義詮使

秀綱護衛、既而義詮戰敗、奉後光嚴院如美

濃、秀綱爲後拒、官軍堀口貞祐率堅田鄉兵

邀之、以秀綱嚮焚妙法院也、真野浦鄉兵望

之、謂曰、此山門之讎也、依山澤亂射、秀綱遂

戰死、太平記秀定稱四郎左衛門、正平三年從

高師直戰死、大和水越、參取常樂記、高秀稱

五郎左衛門、二兄先死、高秀因繼高氏、仕治

部少輔能登守大膳大夫、敘從五位下、佐佐木

圖爲侍所別當、太平記、元中八年冬戰死

堅田、參取常樂記、秀綱子秀詮敘從五位下、

任檢非違使、左衛門尉、分取稱近江判官、秀

詮弟氏詮稱次郎左衛門、正平中高氏代赤

松光範爲攝津守護、遣秀詮氏詮往守之、楠

正儀和田正武來攻、秀詮氏詮發兵千餘人、

欲據神崎橋拒之、守護代吉田嚴覺盛氣言

曰、前守護怯懦、動被侵掠、所以尊公代鎮、而

大日本史

卷二百八

列傳

十四

今日南軍送死、安得復效前守所爲、直須突

戰殲之、秀詮氏詮然之、率兵而進、途遇牧童、

告曰、和田氏軍五百許、方過渡邊橋、嚴覺笑

曰、縱楠家軍濟川、將併擊殲之、飲馬而息、正

儀謀知之、遣數卒行呼曰、敵西來、何不守神

崎橋、秀詮氏詮乃回軍西還、夾路皆淖泥、伏

兵左右起射如雨、衆亂且就平地、官軍縱兵

乘之、我軍大潰、嚴覺先渡橋撤版而走、秀詮

氏詮踵至、不能渡、迴戰而死、太平嚴覺後謀

奉秀詮子某廢高秀高秀覺而殺之後愚昧記

佐佐木氏賴高氏族弟也、曾祖泰綱為左

衛門尉檢非違使分脈兼壹岐守東鑑父

時信為左衛門尉檢非違使稱六角氏分脈

元弘之亂、從北條時益等屢禦官軍、六波羅

敗、降于足利尊氏太平記氏賴補近江守護太平記

記後愚昧記為檢非違使分脈尊氏反、氏賴尚幼、

據觀音寺城應之、及長每從尊氏有戰功、正

平中尊氏與弟直義構兵、氏賴中立無所依

大日本史

卷二百八

列傳

十五

倚、避居西山側、薙髮改名崇永、以子義信幼、

命弟信詮攝守護事太平記參取天後足利

直冬足利高經等攻尊氏於京師、氏賴應尊

氏、與細川清氏等禦戰、清氏被創、軍殆敗、氏

賴力戰、遂破走高經、尋從足利義詮犯吉野、

拔平石城、軍還、畠山國清與仁木義長構兵、

氏賴嘗滅高山氏、義詮賞功、悉與其故地、義

長指為已舊封強奪之、氏賴銜之、因與國清

通謀、義長走伊勢、其叔父義住率兵二十據

近江葛木山、將進攻市原城、氏賴以兵三百

沿河水、作三陣以待、而義住侮其兵寡、縱兵

競進、氏賴迎戰、大敗之、斬獲將士五十餘人、

送首京師、義住出降太平記延曆寺僧徒奉日

吉神輿入京師、訐南禪寺僧妙葩、後光嚴院

命氏賴及族人黑田高滿族人據分脈衛東

北門、僧徒來犯北門、亂入宮庭、土岐直氏等

畏神不敢進戰、氏賴力鬪、卻之、殺傷數十人、

後光嚴院賜手書褒美後愚昧記花營三代

大日本史

卷二百八

列傳

十六

洛記續建德元年死佐佐木系圖常樂記、義

正法論授年四十五義堂日正集○花營三子

記作天授年四十五木系圖作三十五

義信滿高、義信早死、滿高為左衛門尉備中

守、兼檢非違使、氏賴弟信詮○天正本太平

稱山内氏、為左衛門尉、兼檢非違使分脈佐

木系足利尊氏直義構兵、信詮屬直義、攻觀

音寺城、取之、兵勢大振天正本既而直義與

尊氏講和歸鎌倉、信詮等徹兵、各歸其國、及

直義死、屬足利義詮太平記

細川賴之稱彌九郎賴春子也、為人端厚有

謀略、好讀書、作詩歌、為右馬頭、敘從四位下、

尊卑分脈、細川家譜、太平記、細川賴之記、每從足利尊氏於陣間、

既而往備中鎮撫山陽、正平十七年細川清

氏畔足利義詮、據讚岐白峯城、以應官軍、賴

之率兵六百餘攻之、屯歌津、兵六百、慮清氏、據異本

襲其不備、遣其母結之曰、將軍誤信羣小言、

使足下有今日之舉、吾深知其逼而然也、然

自故左大臣殿來謂仁木細川兩氏為股肱、

大日本史 卷二百八 列傳 十七

委託固重、今足下遽棄親與功、忍尋干戈、天

下後世其謂之何、足下若能改圖來歸、則領

國已下事一如前日、吾為足下保之、必欲假

託事端、逞志天下、則非吾所知、姑退備中、避

足下鋒刃、清氏頗惑之、往復涉日、城壁已完、

兵眾來集、賴之終絕不與通、相持數月、料其

糧食日乏、勢漸窮蹙、即命部將新開真行陽

為進攻西長尾城、縱火沿道民家、以致清氏

軍、清氏果分兵救之、真行結陣相持、夜取捷

徑還至白峯、賴之親引兵會之、夾攻破城、遂

斬清氏、西長尾守將亦失援、棄城走、賴之因

留讚岐懷輯四國、中國人來歸者亦眾、太平記

二十二年義詮疾病、使子義滿視政事、慮其

尚幼不堪負荷、慎擇委託人、足利基氏薦賴

之為執事、當時賀其得人、參取後愚、細川賴之、細川家譜

太平記、義詮臨終謂賴之曰、我遺一子於卿、幸

能輔之、又謂義滿曰、我遺一父於汝、謹勿違

其教、細川家譜賴之由是深思輔導、夙夜黽勉以

大日本史 卷二百八 列傳 十八

至廢寢食、選士之學行醇篤、兼長武事者、薦

以充師友、日啓沃善道、至乃隱逸之士苟可

以資其匡益者、必勤勤舉之、參取細川賴之、記、野雲日伴錄

空華集、又自著戒法五章以頒與一時、一曰、戒

阿主好、二曰、戒掩親訐疎、好誣陷仇家、三曰、

戒不善善、不惡惡、用愛憎是非人、及外和柔

而內實險害、外澹泊而內實多欲、自縱驕奢、

不拘禮法、四曰、戒無功邀賞、無才貪祿、徇私

忘公、五曰、戒動掠同列之美、自冀其進用、及

受納賄賂、妄薦非才、凡人犯其法者、聽無貴賤、無親疎、互相告發、告者則大有賞、書以授義滿、師友以爲標準、伺察人物、賴之猶憂姦邪之未息、乃使髡者六人著禮服、異巾大刀、與義滿及諸將士游狎、詠謔歌舞、巧迎合其意、名曰童坊、又曰姦坊、士大夫有類其行者、則賴之密憑所親指爲士童坊衆辱之、士大夫往往恥之、折節者頗多、諂諛之風大改、賴之及義滿加首服、賴之加冠、其日任武藏

大日本史 卷一百八 列傳 一九

守、代記建德二年、義滿使楠正儀還河內、圖吉野、賴之請發諸國兵援之、諸將以爲正儀不能自保河內而來奔、矧南嚮乎、必無利也、義滿從之、賴之恥言不行辭職、退居西山、西芳寺、義滿親臨起之、遣其養子賴元率兵援正儀、諸軍屢敗王師、神器之復于京師、蓋本斯舉云、後深院、細川、賴之、記、參取、花營、三代、代、賴之過於義滿、賴之深憂之、欲使義滿收其威權、密與義滿謀、於與會日、故譴責己、因陽懈職、退居丹波、義尋轉相模守、義滿稍忌滿、遣人徵之、今不取、

賴之權盛、左右因離間之、義滿益惑之、天授五年、夏、命罷賴之職、遣還讚岐、賴之深憾小人之難退而大功不終立、臨發剃髮、改名常久、賦詩言志曰、人生五十愧無功、花木春過夏、已中、滿室蒼蠅掃難去、起尋禪榻卧清風、義滿遂命兵討之、自悔而止、參取、細川、系圖、既而深思其功、欲復相見、及如嚴島、命賴之具舟於讚岐、因過見之、與共到嚴島、足利、義滿、嚴島、元中八年、遂召賴之還、適備後大亂、遣賴

大日本史 卷一百八 列傳 二十

之攻平之、軍還、以賴元爲執事、命賴之參懷決事、其見親信如故、天下人再望其治、參取、長者補任、既而山名氏清、山名滿幸、叛義滿、來攻京師、義滿徵賴之等議軍事、使賴之及賴元等陣內野拒之、大戰走滿幸、氏清亦敗死、明年賴之疾革、使賴元言於義滿曰、頃年山名氏強梁、動違節制、臣欲及命未終而芟除之久矣、今幸已伏誅、天下誰敢拒將軍之令焉、臣死可以瞑也、但臣以蒙昧久辱重職、

常恐不堪、唯將軍善處之、言訖而死、明德時

年六十四、細川系圖○常樂記作六十九義滿自幼蒙其保

育、及長益敬重之、事無巨細、莫不聽從、其初

政之美、皆由賴之輔佐之力焉、及卒、義滿大

驚哭之、親臨其葬、扶柩送之、又手寫佛經以

薦冥福、賴之家臣有三島外記者、壯勇有謀、

兼長武伎、賴之甚愛之、引共議事、待以賓友

禮、三島深感其恩、及賴之死、刳腹殉之、其得

人心如此、明德賴之無子、清和源氏系圖○尊卑分脈載賴之

大日本史 卷二百八 列傳 三十一

子基之不書其履歷而滿之子亦有基之詳載其履歷則其為賴之子者誤故今從本書

說養弟賴元滿之為子、賴元始名賴基、為右

馬助、右京大夫、敘從四位上、為義滿執事、尊卑

分脈犯吉野、拒山名氏清、竝有功、義滿予以丹

波、參取花營三代記、明德記子孫世襲為執事、滿之阿波

守兵部少輔、為備中守護、尊卑分脈

大日本史卷之二百九

列傳第一百三十五

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣十九

高師直 弟師泰 師冬

高師直、右中辨高階峯緒之後也、峯緒九世

孫惟真、單稱高氏焉、高階系圖子孫世事足利氏

大日本史 卷二百九 列傳 二

太平記父師重爲右衛門尉、系圖師直爲尊氏執

事、任右衛門尉、元弘中尊氏起兵、從滅六波

羅、太平記尋爲武藏守、延元元年、尊氏稱兵犯

關、又從擊延曆寺僧徒於伊岐洲社破之、太平記

松論尋敗權大納言藤原師基于西山峯堂、

又拒中納言藤原隆資于東寺、不利而退、會

土岐賴直來援、師直復出戰破之、三年圍左

近衛少將源顯信於男山、顯信兄鎮守府大

將軍顯家屯界浦、師直計和泉河内本屬官

軍、顯家在彼、與和田楠諸將連謀、其勢難制

也、乃簡精兵、襲顯家于安倍野、殺之、時脇屋

義助發北國兵、將攻尊氏、以控援男山、尊氏

召師直速歸、師直慮顯信踵後、遣開放火男

山、神殿悉燒、其資糧、義助逗撓不進、官軍勢

孤糧盡、太平記師直又擊敗左近衛少將源持

定、源家房軍、院家雜記顯信力竭走河

内、義助亦引兵歸、正平二年、細川顯氏山名

時氏與楠正行戰大敗、明年正行進赴京師、

大日本史 卷二百九 列傳 二

尊氏命師直往拒之、師直以兵六萬至四條

畷、部分士卒、佐佐木高氏武田氏信武田信據

圖縣下野守等、各將一隊、自以大軍居後、下

野守與正行前隊合、敗而退、氏信進與其後

隊接戰、高氏等縱精兵突擊、大破之、正行特

以敢死士三百銳進、師直前隊細川清氏仁

木賴章等交進戰皆敗、正行乘勝奮鬪、將士

披靡退走、師直奮勵曰、師直在此、卿等棄我

去、何面目見將軍、衆稍定、正行注目師直、徑

衝其營、上山六郎左衛門高元自稱師直、手

斬五人而戰死、高元據常樂記、正行獲其首

傳弄、師直乘間脫走、正行知師直不死、欲誘

致之、遂巡斂退、師直覺而不追、高師冬出兵

尾擊、正行返戰破之、復進趨師直、相距數十

步、師直軍士星散、左右僅七八十騎、須須木

四郎諸本太平記作丹二郎收拾遺矢射之、正行等身

中數箭、不得進、悉相刺而死、師直遂進犯吉

野、縱火行宮而還、是役也、高元從師直在軍、

大日本史

卷二百九

列傳

三

適常服詣師直營、俄而正行突至、高元倉卒

不暇歸營、便取師直甲著之、師直從士忿挽

止之、師直曰、此是今日代我死者、雖則萬金

名甲、亦何愛也、顧獎高元遣之、高元深感其

言、遂代死云、師直屢建戰功、復素為尊氏所

親任、威權無比、雖宗族舊將、視其瞋笑、以為

喜懼、性亦驕淫奢侈、擅張兇威、逞其巨毒、怨

苦者多、嘗就故護良親王生母之宅、增加修

築居焉、門宇殿廊、宏麗相臨、又多奪略諸王

公卿子女、分匿數所、每夜就淫、京師為之語

曰、執事巡宮、無神不享、逼二條前關白女弟、

而生子師夏、太平記久之情好稍衰、女亦以仇

儷武人、心常不樂、大納言藤原冬信密贈書

挑之、師直聞大怒、潛遣人放火燒其第、冬信

僅而免、太平記鹽冶高貞妻有姿色、師直百

計挑之、不聽、乃欲陷高貞以奪其妻、遂誣其

反、高貞挈家走出雲、師直怒曰、恨不早發、失

此美女子也、遂請尊氏發兵追之、且囑必生

大日本史

卷二百九

列傳

四

致其妻、追兵及之、高貞妻遂死、高貞至出雲、

聞之亦自殺、其淫虐率此類也、上杉重能畠

山直宗與師直不協、每疾其所為、數言之於

直義、直義不聽、先是尊氏委政於直義、直義

常敬事僧妙喆、本書作古誤、今據鎌倉大尊紙公卿將士、施

捨奔走、一時傾都、師直兄弟常嘲笑之曰、此

僧何等才學邪、未嘗一造其門、或遇之路、騎

而過不顧、妙喆銜之、語次輒毀師直、直宗重

能因益進其說、直義納之、太平記以從子直冬

爲中國探題、備外援、

國太曆太平記

直義欲託事召

師直而收之、粟飯原清胤等始與其謀、中更

改圖、及師直就客次、清胤朕之示變、師直覺

而逃歸、其夜清胤詣師直、悉告其計、師直由

是稱疾、集兵防衛、師泰方與楠正儀相持石

川河原、師直乃遣使報師泰、都下釋騷、赤松

則村子則祐等、以兵七百首救師直、師直慰

勞曰、三條殿謀夷我族、事已逼喉、我故告將

軍、起甲誅讒者、將士多屬我、京師不足以爲

大日本史

卷二百九

列傳

五

虞也、但右兵衛佐殿在中國、必引兵來援、請

以此勞公、因贈寶刀名懷劍、則村歸播磨、過

中國路、以斷直冬援軍、旣而山名時氏今川

賴國細川清氏仁木賴章土岐賴康佐佐木

秀綱等、聞變來集、其餘黨附甚多、兵無慮五

萬、尊氏大懼、召直義共謀、時將士應直義者

僅七千、從至尊氏第、視其寂閑無兵備、稍懷

離畔、往往亡歸師直、留者僅千人、師直勢益

猛、乃進兵圍尊氏第、尊氏令人責曰、汝欲託

事以圖我乎、師直對曰、臣非有他、今日惟欲

獲讒者以明臣無罪耳、麾兵而逼、尊氏不獲

已、停直義政務、放流重能直宗、於是解圍而

退、遣兵捕妙詰、妙詰先已逃、不知所之、又命

中國兵士攻直冬、尊氏以子義詮代直義、師

直仍執事、初直義執政務、師直頗憚其嚴正、

未敢縱惡、至是直義擯廢、內外事一出於已、

驕肆益甚、遂逼殺重能直宗於謫所、又欲殺

直義、直義怖畏、剃髮屏居、師直命嚴遏其外

大日本史

卷二百九

列傳

六

交、

太平

五年從義詮攻土岐賴明、虜之歸、

國太

曆、

祇園執行日記

是時直冬在筑紫、石見人

三角入道起兵應之、師泰往攻、數月不克、兵

士應直冬者日多、西土大擾、尊氏問可遣鎮

者、師直曰、非將軍親往則不可也、何者鎮西

人士皆謂將軍與右兵衛佐殿、外雖相攻、內

或不然、是以持疑觀望、今聞將軍之至、則衆

知所向背、一時必潰散矣、尊氏納之、刻日將

發、師直欲乘機殺直義、以除後害、直義卽夜

出亡太平記師直請先索直義而後發尊氏不

聽國太曆○太平記曰直義出亡諸將聚師直第請暫留京師而索之師直不聽

與尊氏俱發既而師直聞直義在內侍原好專許

勸尊氏遺書好專圖之直義走依越智伊賀

守遂謝罪歸順於是將士蓄怒者悉往應之

天正本明年尊氏在備前聞直義起兵將回

軍擊之師直遣使召師泰令子師夏留屯備

前疾師泰至俱還師直乃與尊氏引兵還攻

桃井直常于京師破之明日尊氏軍自潰師

大日本史 卷二百九 列傳 七

直從走播磨保書寫山直義遣石塔賴房等

來攻會師泰等兵至共圍賴房於光明寺尊

氏陣引尾師直陣泣尾人以爲不祥直義又

使畠山國清等來援賴房尊氏師直邀擊之

御影濱大敗狼狽入松岡城城中狹隘兵士

填咽乃命出士卒閉城門衆患曰執事薄情

如此豈可終憑邪悉引去是以將士在城中

者亦往往逃亡始兵號二萬至是止者惟赤

松範資等僅五百餘人耳尊氏問師直曰饗

庭氏直國太曆○海老名六郎在乎曰先已亡

又問長井治部佐竹加賀在乎曰亦已亡尊

氏度不可免與師直等飲訣會氏直自畠山

國清營歸告和成師直與師泰相議曰使將

軍保赤松城已走四國又曰三條殿怨我深

矣然披削歸罪或得免也藥師寺公義曰在

昔源爲義剃髮歸罪義朝以子尚不能全之

竟灑血僧衣公今日縱爲僧出降豈有獲全

之理乎適足以取辱耳若夫欲走四國須有

大日本史 卷二百九 列傳 八

舟楫之具而今船隻不辦追兵適至誰敢力

拒且聞細川顯氏大兵在三石聞將軍赴赤

松彼必爲梗進不能至退亦失據不如以見

兵快戰以決死生也師直師泰俛首不答惟

欲忍死苟免耳公義泣歎曰途窮運盡迷而

不復一至於此乎遂薙髮號元可晦跡入高

野山國太尊氏與直義竊約將誅師直兄弟

師直等猶不覺悟髡首出降師直改名

道常國太師泰改道勝作道昭著衲衣戴笠乘

馬從尊氏後、衆彈指曰、出家功德、應救後生、而今生難免矣、師直欲與尊氏相及、舉袂掩面、疾馳而過、上杉顯能以其父讎、命兵士驅馬遮其前、三浦八郎左衛門從卒二人慢言曰、汝何物僧、敢爾被笠掩面、就褫其笠、帽巾少脫、露半面、三浦揮眉尖刀、斫之、師泰見之、將逸去、吉江時宣時宣據金勝院本太平記抽槍刺之、師泰將拔衣中刀、時宣從卒推鎧墮馬、斬之、宗族十餘人皆爲顯能兵所殺、顯能重能子也、

大日本史 卷百九 列傳 九

太平記 四子、師友、師詮、久直、師夏、師友豐前守、與父同被殺、系圖 師詮稱武藏將監、師直之死、師詮逃匿民間、山名時氏攻足利義詮、阿保忠實等推師詮爲將拒之、戰敗自殺、久直不知所終、師夏稱武藏五郎、太平記參取國太曆 師直被殺時年十三、軍士收之、給曰、子欲生乎、師夏聞父死曰、嗚呼我復何用生爲、遂被殺、太平記 十三據常樂、師直弟師泰、系圖爲兄、今據常樂記、太平記 師泰任越後守、系圖、太平記 爲尊氏侍所、天正本太平記

建武二年、從討北條時行、戰于相模河、大敗之、太平記 延元元年、別將兵攻金崎城、瓜生保等推新田義治、舉兵於杣山、師泰分遣兵六千攻之不克、明年保率兵援金崎、師泰令今川賴貞要險逆拒、大敗之、獲瓜生保及里見時成等首級、時金崎受圍日久、城中糧盡、勢日蹙、部兵或說師泰曰、頃城中不浴馬、料糧盡食馬也、攻之可拔、師泰督將士急攻、城中絕糧已十餘日、士皆困憊、執兵而不能戰、

大日本史 卷百九 列傳 十

尊良親王及新田義顯自殺、城陷、遂執皇太子歸、三年鎮守府大將軍源顯家帥大兵破鎌倉、累捷而進、尊氏與將士相議、或云、赴鎮西、集兵反攻、或云、撤宇治勢多二橋防守、師泰曰、自古撤橋防守者數矣、而未聞得捷者、何則、攻者兵力常足、守者地勢自限、兵力足者氣盛、地勢限者氣衰、所以敗也、今欲復蹈其覆轍、於計未爲得矣、請出兵近江美濃之間、掃敵于都外、尊氏納之、師泰將兵一萬至

美濃陣于黑地藤河二水之間以示必死也

顯家不能進引兵向伊勢師泰追至雲津川

不克還太平記追至已下據難興國元年尊

氏令師泰擊東國乃赴遠江攻井伊城拔之

既而宗良親王收散卒復據井伊城師泰又

圍攻數月城遂陷參取保曆開記親王走越

後李花集師泰既恃功驕奢嘗欲營別墅于東

山枝橋以管原氏墳墓在其地乞之管原在

登在登請埃移葬而取之師泰怒曰彼故惜

大日本史 卷二百九 列傳 十一

之爲辭以欺我耳即遣役夫斬木發墳遺棄

胔骸遂因其地以作別墅人或榜其傍曰奈

岐比斗能志流志能曾斗波保利須氏氏波

加奈加利計流以惠豆玖利加奈師泰意疑

在登所爲竊遣力士刺殺在登及子在弘弘在

名據菅原系圖常樂記初師泰作別墅大納言藤原隆

蔭家士過其地見役夫甚勞頗誚師泰師泰

聞而大怒追執之被以役夫服剡土掣石以

辱之見者醜之其凶虐無忌憚率此類也正

平三年改楠正儀營石川河原縱兵劫奪掃

部寮及寺祠香火邑掃部寮據悉收之又取

浮屠相輪鑄爲茶鐺軍士亦多倣之凡和泉

河內所在浮屠莫不毀破及直義事起解圍

還京師直義使使於途慰諭曰師直不稱職

自今以子代之師泰曰伐枝逮根之計我已

知之當不日而面啓耳乃率甲士三千卒七

千各持一楯戎備入京師事尋平五年攻三

角入道連取其五城國內三十二寨望風而

大日本史 卷二百九 列傳 十一

遁三角嬰城固守師泰築長圍困之明年尊

氏爲直義所破走播磨保書寫山師泰引兵

返救途與上杉朝定等戰敗之進與尊氏會

圍石塔賴房于光明寺及和議成與師直俱

被殺太平記子師世爲左近衛將監亦與父共

見誅國太師泰弟師茂爲駿河守系圖太尊

氏走筑紫菊池武敏率兵數萬來拒時尊氏

兵僅五百許軍中震懼會九州豪族松浦神

田二氏望尊氏軍以爲大衆至卷甲來降尊

氏疑非其誠心、命加防備、師茂諫曰、人心反覆、固不可測、然今日非得人、則何以得濟、設令彼復懷不服、我克以誠信接之、何不爲用、將軍必勿容疑、尊氏嘉納、從是歸降、相繼、筑紫悉景附、後不知所終、師茂弟師重太平記爲從子、今豐前守、延元元年、從尊氏攻延曆寺、戰于西坂、本大敗、被傷不得走、遂被斬梟、

太平記

師冬、師直從弟也、爲師直所子養、系圖爲參河

大日本史

卷二百九

列傳

十三

守、延元四年、足利尊氏以東方未降、命師冬

往擊之、乃將兵赴下總、攻近衛少將藤原實

寬於駒城、遂進入常陸、攻準大臣源親房於

小田城、參取保曆間、記、鶴岡社、務明年攻拔

常陸二城、鶴岡社、務、結城文書、夜襲駒城、大破之、擒實寬、

既而親房遣兵來攻、師冬拒戰不利、燒營宵

遁、參取、鶴岡社、務、結城文書、興國二年、再發兵

攻小田城、竊遣說者招誘城主小田治久、治

久來降、鶴岡社、務、結城文書、親房走關城、師冬

進圍之、分遣三戶師親、師親、金勝院、本、太平

一攻大寶城、爲源顯時所敗、結城文書、師冬更築

長圍、絕二城道、困之、時或出兵挑戰、相持三

年、城中兵潰糧盡、親房顯時遂棄城西走、師

冬移兵攻伊佐城、孤城不守、首將伊達行朝

出降、於是關東悉降、結城文書、別府文書、師冬班

師京師、鶴岡社、務、尋爲播磨守、與上杉憲顯輔

足利基氏、管領東國事、後憲顯起兵上野、應

足利直義、師冬徵發關東兵、無至者、僅率兵

五百、與基氏往攻之、軍士叛亂、擁基氏去、師

冬走甲斐、據洲澤城、諏訪隆種率兵圍之、諏

訪真親在隆種軍、請曰、執事冠我烏帽、義回

父子、不可背也、馳入城拒戰、與師冬俱自殺、

隆種、真親、據金勝院、本、太平記、師親稱三戶七郎、師冬族子

也、師冬之敗、被傷逃去、及尊氏與直義相持

薩埵山、藥師寺公義說宇都宮氏綱、推師親

爲將、以應尊氏、師親在軍、暴發狂疾自殺、太平

正記、氏綱、據天、本、太平記、

大日本史卷之二百九終

大日本史

卷二百九

列傳

十五

大日本史卷之二百一十

列傳第一百三十七

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣二十

赤松則村子範資 貞範

赤松則村初稱次郎赤松系圖 父曰茂則

系圖則具平親王之後也本或茂範

大日本史 卷二百一十 列傳

五位左衛門佐稱次世居播磨祖久範左

衛門尉始以赤松為氏尊卑分脈○按赤松

祖始稱赤松為播磨守稱曰赤松則村夙崇禪

教薙髮號圓心系圖性恢豁有大志不欲事

出人下元弘之亂子則祐賣兵部卿護良親

王令旨至則村深以為榮城本國佐用莊苔

繩山舉義奔附者千餘人乃出兵守杉坂山

里以絕山陽山陰二道三年春中國兵赴援

六波羅則村使子貞範貞範據赤松系圖拒之舟坂

山擒伊東惟羣等二十餘人悉免其死待之

更厚惟羣感恩還據三石山以為則村守由

是兵勢益振進徇傍郡縣城摩邪山守之北

條仲時北條時益遣兵五十來攻則村誘敵

嶮處使則祐等乘高連射敵軍擾動因縱兵

突戰大敗之仲時時益復發兵一萬攻之則

村欲逆擊出城途料敵軍行程謂其至當在

明日會急雨至入民屋避之敵兵奄至則村

突出血戰左右纔五十餘人眾寡不敵兵漸

大日本史 卷二百一十 列傳

殲只餘六騎則村便卷笠號混敵兵中太平

適見敵將將上馬則村佯為賤者下馬試扶

乘之敵將不悟於是復騎目敵眾為赴戰狀

欺之馳還本軍諸本太明日進攻敵于瀨川

大破之殺獲數百人乘勝夜向京師縱火民

屋照塗以行別遣左衛門佐藤原忠俊忠俊

勝院率兵向七條明日則村進至桂河敵兵

二萬臨河而陣則祐單騎先渡則村乃麾眾

悉渡敵兵奪氣不戰而走則村長驅入京師

忠俊先進縱火民舍、光嚴院避于六波羅、時
 日已昏、則村以兵寡且疲、按軍不前、俄而敵
 縱騎從後掩擊、我軍大敗、整陣復戰、又敗、遂
 走山崎、更集散卒、詐以左近衛中將源定平
 稱聖護院宮、營于男山及山崎、以扼水陸兩
 路、北條仲時北條時益遣兵來攻、則村聞之、
 率兵先發、距京師三里許、沿道置伏三所、敵
 至伏發、擁楯而射、敵不戰過、第二伏發、縱橫
 衝突、第三伏將繫斷其後、敵駭顧大潰、尋與

大日本史

卷一百一十

列傳

三

源定平僧良忠攻六波羅不利、時帝移幸船
 上、詔左近衛中將源忠顯將兵助則村、北條
 高時亦遣足利尊氏名越高家赴援、既而尊
 氏歸順、則村與高家戰久、我戰部下佐用範
 家射殺高家、敵軍崩潰、則村進陣東寺、源忠
 顯向竹田、足利尊氏屯神祇官、三面進逼、敵
 深隍聯柵、營壘相接、守備甚嚴、則村部下妻
 鹿長宗有膂力、踰隍倒障、隍為之平、則村因
 麾兵奮擊、破其外營、

源忠顯傳曰、則村
 與高家戰、則村
 與高家戰、則村

畫魚鱗、是日軍中有童謠曰、魚鱗水屬也、
 水紋也、以水敵水、故無輸贏、若加以龍者、勝
 則、及戰、大捷、今不取、即進與源忠顯足利尊
 氏俱圍六波羅、北條仲時北條時益奉光嚴
 院東走、道皆伏誅、則村之功為最焉、迺將諸
 子迎車駕於兵庫、帝駐蹕觀勞之、曰、恢復之
 功、依汝忠效、賜錦直垂、從入京師、
 圖時護良親王在志貴山、則村往從之、護良
 任征夷大將軍、帥諸軍入京師、則村將兵千
 人前驅、時朝廷定功臣爵封、異議紛紜、與奪

大日本史

卷一百一十

列傳

四

無常、論則村功、賜播磨守護職、未幾、無故褫
 職、獨食佐用莊、太平記○按赤松略譜云、因
 藤原清忠譜則村削其職、因
 大懷舛望、心常不樂、赤松略譜及足利尊氏東征、
 子貞範從之、尊氏反迹稍露、則村陰附之、會
 丹波兵起、攻守護碓井盛景、盛景求援、則村
 不應、遂以尊氏命、招集近郡兵、太平記延元元
 年、尊氏逼京師、則村範資與細川定禪率兵
 會之、赤松略譜尊氏授則村以播磨守護、
 本太則村範資與定禪大敗官軍於山崎、赤松略譜

本太則村範資與定禪大敗官軍於山崎、
 赤松略譜

松論曰、則村率兵、陣芥河、尊氏已至山崎、官會定、彈、未知孰是、

軍拒之、不得進、範資弟貞範從在尊氏軍、範

資便遣書告狀、并約戮力擊官軍、且刻戰期、

尊氏大喜、明日進與範資等合、攻脇屋義助

走之、於是官軍皆敗、尊氏進陷京師、又從細

川顯氏及高師直、與楠正行戰、譽田林四條

畷、亡何尊氏與弟直義、鬪構兵、尊氏敗走

播磨、保松岡城、範資及高師直師泰等僅五

百人從之、事平還、太平記補攝津守護職、後削

大日本史 卷一百一十 列傳 七

髮、法名世範、世稱七條赤松氏、子光範、直賴、

範實、則春、赤松系圖、範實、據太平記光範紋從五位下、為

檢非違使、信濃守、尊卑分脈襲攝津守護職、正平

中、從足利義詮犯吉野、還為佐佐木高氏所

誣陷、罷守護職、後與細川清氏拒官軍於譽

田、直賴範實則春、並為叔父則祐所養、則春、據赤松系圖

置酒為訣、範資誠直賴曰、我今將殉死于將

軍、汝尚幼、且則祐嘗欲養汝為子、宜還鄉里、

事叔父猶事我、不然為僧、薦吾冥福、直賴改

容對曰、世間是非、兒既粗辨知之、豈目視大

人死而忍生還者邪、決不奉命、神色甚壯、事

平、從父而還、山名師義入播磨、直賴塞大山

路拒之、師義不得進、轉向丹波、後為掃部助、

範實稱彥五郎、從足利義詮犯吉野、與細川

清氏先登、陷龍泉城、後歸順、與清氏攻義詮、

則祐招還、再屬義詮、太平記則春近江守、尊卑分脈

貞範為筑前守、建武二年、從足利尊氏東征

大日本史 卷一百一十 列傳 八

北條時行、時行軍敗、保箱根水、飲嶺、貞範冒

嶮、衝擊破之、時行退、阻相模河而陣、貞範與

諸軍夜潛渡河、攻走之、尋從尊氏、禦王師于

竹下、後為美作守護、太平記雞髮、更名世貞、赤松系圖

山名時氏入美作、貞範與弟則祐等拒之、

不克、太平記子顯範從五位下、出羽越前伊豆

等守、中務少輔、參取赤松系圖諸本

則祐初為僧、居延曆寺、給仕護良親王、赤松系圖

任權律師、赤松系圖、稱帥律師、號妙善、或自新拾遺集

天尊卑分脈元弘之亂、護良親王帥僧徒拒賊、僧

徒尋叛、親王走大和、則祐與村上義光平賀

三郎等從之、匿十津川半歲、復從走吉野、途

為敵所扼、則祐等悉心扶持、僅得脫、親王大

喜、與義光三郎竝稱為三傑、及親王城吉野、

收集義徒、則祐亦請令旨歸播磨、勸則村舉

義、俱守摩耶城、賊來攻、則村迎擊破之、將斂

兵還城、則祐曰、賊悉兵來戰、今已敗歸、卒勞

馬疲、我乘勢追擊、誰能拒者、六波羅可立取

大日本史 卷二百一十 列傳 一九

也、則村然之、乃進至桂河、賊新兵二萬、臨岸

為陣、則祐躍馬將渡、則村止之曰、足利忠綱

佐佐木盛綱濟宇治藤戶、由豫知淺深處也、

今上流雪消、水勢暴漲、非騎所能堪、設使馬

健得濟、惡可一人往而敵萬眾乎、則祐不聽

曰、敵多我寡、利在急戰、單騎絕流先渡、則村

兵三千踵之、賊望風潰走、則祐貞範從四騎

逐北、徑至六波羅西門、俟後軍至、西門據諸異本時

日已暮、賊兵四至、則祐貞範便撤徽號混賊、

賊覺之、令曰、赤松兵渡水而來、其鎧馬沾濕

者、悉執斬之、則祐等料不可脫、乃大叫奮擊、

從騎皆死、又與貞範相失、則祐挺身脫歸本

軍、復收散兵進戰七條、又見敗、尋從足利尊

氏反、太平記則村死、襲播磨守護職、兼備前美

作守護職、尊卑分脈正平六年、從高師直攻光明

寺城、會聞美作兵起、乃還守白旗城、尋歸順、

請奉護良親王子陸良討尊氏、明年復叛降

足利義詮、幽陸良於京師、陸良脫入高山寺

大日本史 卷二百一十 列傳 十

城、集兵討則祐、則祐迎戰、胃山敗之、十年與

佐佐木高氏從義詮、拒山名時氏於神南、太平

記義詮軍敗、將自殺、則祐高氏諫止之、時氏

乘勝競進、則祐輒起寨幕、令眾曰、汝等力戰、

效死報主、垂名竹帛、眾競進奮戰、大敗時氏、

加授備前福岡、十六年時氏將兵三千、略美

作諸城、將攻倉懸城、則祐與貞範等率兵二

千、援倉懸、山名師義別將八百騎待之、則祐

等見其兵寡、將進擊之、會阿保信禪等歸順、

將襲播磨、則祐築法華山等五城守之、遣使

讚岐求援細川賴之、據本書作賴旨、今賴之抵

備前、以兵寡不進、城陷、後則祐與諸將助作

義詮萬里小路第、坐功、緩削一莊、太平二十

四年、率姪光範等擊弟氏範於天王寺、走之、

花營三代記建德二年死於建仁寺大龍庵、常樂

子義則、義祐將則、師範、朝範、參取尊卑分脈、

子諸系圖互有異同、今不盡註義則以佐佐木高氏外孫、為

足利義滿所寵、遇則祐死、襲播磨備前守護、

大日本史 卷二百一十 列傳 十一

歷左近衛將監上總介兵部少輔、至從四位

下大膳大夫、赤松系圖義滿以赤松及山名一色

京極氏為侍所、居京師、聽斷訟獄、因稱四職、

武家補任元中中、與山名氏清戰、京師敗之、以功

加授美作守護、美作不服、率兵擊平之、明德

薙髮改名性松、義祐食攝津有馬邑、因稱有

馬氏、為出羽守、將則為左馬助、尊卑分脈元中中、

與山名氏清戰、內野敗死、明德記、亦師範為

美作權守近江守、赤松系圖朝範為肥前權守、神

南之戰、從父陣山西先敗、朝範深以為愧、欲

得敵一將相刺死、覘擊山名師義、為其從兵

所傷、眩仆、敵乃刺其喉棄去、比戰罷、遂得蘇

而還、太平記

大日本史卷之二百一十終

大日本史 卷二百一十 列傳 十二

大日本史卷之二百一十一

列傳第一百三十八

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣二十一

山名時氏 子師義 氏清

土岐賴遠 兄賴直 姪賴康

山名時氏稱小二郎八世祖義範新田義重

大日本史 卷二百一十一 列傳 一

子稱山名三郎 尊卑分脈 山名系圖從源賴朝擊平氏

有功授伊豆守 尊卑分脈 東鑑父政氏稱彌二郎時

氏歷伊豆守彈正少弼為左京大夫 尊卑分脈 山名

系圖元弘中與政氏俱從足利尊氏戰竹下又

從走筑紫興國元年與子師義追擊鹽冶高

貞於出雲殺之 天正本 太平記為侍所別當因幡伯

耆守護 山名系圖六年荻野朝忠據丹波高山寺

城尊氏令時氏率兵三千攻降之正平二年

細川顯氏與楠正行戰河內敗退尊氏再遣

時氏顯氏率兵六千戰瓜生野時氏大敗身

被七創軍士擁走顯氏軍弟兼義鬪死七年

與師義起兵伯耆抵出雲逐佐佐木高氏小

目代吉田嚴覺乃馳使吉野歸順明年時氏

與師義將兵五千自丹波大納言藤原隆俊

楠正儀等自淀竝向京師足利義詮陣神樂

岡時氏攻敗之義詮東走又破高師詮軍于

吉峯於是時氏欲待兵大集擊義詮於美濃

既而隻兵不至士卒多亡朝廷亦遣藤原隆

大日本史 卷二百一十一 列傳 二

俊管攝諸事時氏不得志遂引還伯耆官軍

亦皆罷歸京師再為敵有是時足利直冬流

落在安藝周防間時氏意以為兵不來附由

將望不重也乃奏奉直冬為大將九年督諸

軍進山陰兵望風來附足利高經桃井直常

亦起兵北國應之尊氏聞而走近江明年時

氏與直冬入京師官軍來會尊氏率兵還攻

時氏直冬等分軍拒之神南不克斂兵西還

聞義詮犯吉野懼其移兵來襲聚兵繕城為

之備、尋攻美作、取柰義能仙篠、向大見丈等
九城、獨倉懸城堅守不拔、赤松貞範出兵於
境上、謀援倉懸城、時氏遣小林重長屯星祭
嶽、過之急、攻取倉懸、十七年率兵五千抵美
作、遣子師義等將兵略備前備中、遣富田直
貞略備後、直貞敗退、師義徇但馬丹波、既而
引還、十九年時氏使人請義、詮曰、臣與將軍
舊無微嫌、今所以起兵、將討佐佐木高氏以
懲後耳、願將軍幸赦、臣擅起兵罪、賜以臣所

大日本史

卷二百一十一

列傳

三

略定諸國、則效節如前日也、義詮喜曰、山名
降則中國平、官軍衰矣、乃赦之、太平記、因授因
幡伯耆丹波丹後美作五國守護、太平記、山名
後削髮號道靜、尊卑分脈、建德二年死、山名
花營三代、子師義、義理、氏冬、氏清、時義、義數、
義繼、氏重、高義、義治、氏賴、義理爲修理權大
夫、尊卑分脈、彈正少弼、山名系圖、花
清政和泉紀伊有功、花營三代、加紀伊守護、山名
系圖、後與氏清作難、攻足利義滿、義理在紀伊、

集兵未發、氏清敗死、義理請降、義滿不聽、使
大内義弘來擊、義理兵潰、奔亡爲僧、不知所
終、氏冬爲中務大輔、因幡守護、與氏清俱起
兵、尋復降、明德、時義爲兄師義所子養、尊卑
系圖、與兄義理等攻和泉紀伊、花營三代、義數
爲上總介、與氏清俱敗死、山名系圖、義繼爲
信濃守、氏重爲右馬助、尊卑分脈、從義理攻
和泉戰死、明德、高義爲修理亮、義治爲駿河
守、尊卑分脈、氏賴事關、

大日本史

卷二百一十一

列傳

四

師義初名師氏、爲右衛門佐、太平記、山
十四、從父時氏追擊鹽治高貞、疾驅至湊川、
會日暮而止、師義謂從士曰、彼晝夜兼行、追
者安待天明、我欲侵夜尾之、騎健馬者來、輒
不告時氏而發、小林重長等十二騎從之、馳
十六里、曉及于賀古河、高貞弟六郎等七人
隔岸射拒之、師義直進、手斬六郎、悉殺餘兵、
梟首路傍、高貞乘間亡至小鹽山、又追及之、
斬從兵三人、高貞復逸去、師義以馬乏不可

馳、因留俟時氏至、與共入出雲、高貞自殺、正平七年從足利義詮犯男山、官軍斷淀橋守之、會雨水暴漲、師義從淺處濟軍、擊走之、遂與諸將俱進陷男山、初足利尊氏許以若狹、今積莊與師義而未果、尊氏卒、至是師義欲以男山戰功得其地、時佐佐木高氏爲義詮所親任、言莫不從、師義屢造請高氏、高氏嫉其功、每不出見、師義候立良久、大怒曰、我是將軍支族、爲有所求造汝、而無禮至此、吾今

大日本史

卷一百一十一

列傳 五

起兵、誅剪汝曹以取一快也、馳還伯耆、具告時氏、與俱決謀歸順、明年從時氏會官軍、攻義詮於京師、破走之、十年又與時氏入京師、義詮率高氏等陣神南山、師義以手兵及官軍數千躡險而上、短兵急接、直逼義詮軍、望見高氏旗幟大喜、謂士卒曰、我起兵、本非圖逆、只得斬此老賊以刷前辱足矣、速取其頭來、衆爭趨之、義詮縱數騎乘高下擊、軍遂大敗、士卒死者無算、小林重長單身距戰、師義

與從者返救、敵攢鏃雨射、矢中左目、洞耳後、馬傷而踣、因將自殺、河村賴秀趨扶上己馬、使福間三郎引轡去、自留戰死、師義流血入目、不知東西、連呼曰、河村河村、福間曰、河村死矣、連呼以下據西源院本曰、執轡者誰、爲我驅入敵中、與河村同死、福間佯答曰、馬正向敵矣、遂驅及本軍、師義遣使於義詮、乞賴秀首、厚葬之、又悉錄戰亡士卒、修薦於因幡佛寺、十六年略美作取數城、明年將二千餘騎略備前、

大日本史

卷一百一十一

列傳 六

松田某等城守不肯出、遣多治目某等攻備中松山城、秋庭某爲內應、高師秀棄城走、國中兵士相率降附、師義將進兵、徇播磨、仁木賴勝據但馬、乃與但馬人長某安保信禪等合兵攻之、遣小林重長以兵七百略丹波、與仁木義尹等相持、糧乏引還、後與時氏共降義詮、太平記爲小侍所、祝髮號道興、山名圖天授二年死、尊卑分脈爲三代、山名系圖常樂記、養弟時義爲嗣、爲伊豫守、尊卑分脈元中六年死、山名系圖

常樂記師義子義幸、氏幸、義熙、滿幸、山名分脈、

氏清爲民部少輔、任陸奥守、爲丹波守護、山名

圖與兄義理犯吉野、以功加和泉守護、三花營

記明弟時義在但馬、縱恣尤甚、義滿將擊之、

會時義病死、子時熙氏之等益橫暴、氏清構

之於義滿、義滿命氏清及滿幸擊平之、已而

時熙氏之潛入京師、哀訴曰、臣實無罪、罹族

人讒毒耳、義滿憫之、會氏清設宴宇治、請義

滿、義滿欲諭氏清、釋時熙等、滿幸聞之、謂氏

大日本史

卷一百一十一

列傳 一七

清曰、將軍諭吾、吾安得不聽、不若稱疾、氏清

從之、滿幸恣掠上皇給邑、義滿與書諭之不

聽、上皇使者至、滿幸遣人逐之、義滿大怒、將

奪守護、命令還國、滿幸還丹後、義滿遂釋時

熙等、滿幸憤怒、來和泉見氏清曰、嚮將軍命

我討彼、今又釋彼、必將討我、請先發、氏清許

之、義滿聞之、將發兵、氏清詐獻誓書謝之、乃

往紀伊、見義理告計不可、強之乃可、於是氏

清帥兵發和泉、滿幸發丹後、氏清進至男山、

謂其將小林某曰、嚮新田左中將扶翼南朝、

名冠天下、吾乃其族也、於取天下乎何有、且

我嘗請錦旗於南朝獲之、今當揭此旗、○尊

脈曰、氏清號受南朝詔小林流涕曰、今日之

舉、臣知其敗、何則、背恩蔑上、何以能濟、臣欲

逃則傷勇、欲戰則傷義、臣寧戰死、小林乃與

義數先驅至二條大宮、與大內義弘戰、殺傷

相當、義數謂小林曰、何不擣將軍陣、遂竝進、

不克而死、氏清聞之曰、吾必死於二人死所、

大日本史

卷一百一十一

列傳 一八

進至大宮、與時熙等戰破之、一色詮範等來

擊、氏清遂敗死、滿幸從內野進、戰敗逃走、德明

記初時氏每誡諸子曰、我子孫必有叛者、元

弘以後、吾居上野山市、與農夫雜處、艱阻備

嘗、今也身享溫飽、將軍之恩深矣、然猶或有

侈心、至於子孫、不復知君父之恩、驕逸縱恣、

必有爲上所疑者矣、後果如其言、難太

土岐賴遠稱七郎、其先出源賴光、賴光子賴

國爲美濃守、子孫居美濃、尊卑賴遠六世祖

光信仕鳥羽上皇、所謂四天王之一也、爲左衛門尉、兼檢非違使、任出羽守、至從五位上、始居土岐、因氏焉、父賴貞北條貞時之外孫、便弓馬、能和歌、任伯耆守、削髮號存孝、賴遠任彈正少弼、爲美濃守護、尊卑分脈、上岐系圖、建武二年、足利尊氏反於鎌倉、官軍分道來討、賴遠從足利直義拒於矢矧川、敗還、聞官軍來迫、與足利高經佐佐木高氏等夜馳至竹下、衆僅百許、兵數據諸異本、太平記、味爽、尊氏至、賴遠等仍

大日本史

卷二百一十一

列傳 一九

爲先鋒、擊中務卿尊良親王走之、太平記、延元元年、又從走筑紫、從直義拒菊池武敏於多良良濱有功、諸異本、太平記、遂從入京師、據東寺、官軍來討、尊氏使賴遠等拒之、賴遠與大納言藤原師基左衛門督藤原實世戰、五條大宮破之、時新田義貞逼東寺、賴遠還與諸軍俱衝義貞陣後、圍之數重、義貞僅而免、三年、鎮守府大將軍源顯家擁衆西上、上杉憲顯桃井直常追至美濃、賴遠率兵出會洲股、諸將

議曰、料彼軍比抵宇治勢多、將軍必撤橋拒之、吾曹乘後來攻、莫不克矣、賴遠曰、敵兵在前、縱之令去、尾擊其後、諸君自爲計則善矣、人謂之何、僕唯有戰死而已、直常曰、善、衆議乃定、賴遠直常併兵陣青野原、與顯家大戰、見敗、更集敗卒、突少將源顯信陣、馳驟奮鬪、賴遠直常被創、從兵略盡、賴遠退保長森城、尊氏遣兵逆拒顯家于黑地河、太平記、賴遠出躡其後、顯家不能進、遂道伊勢而去、難太平記、明

大日本史

卷二百一十一

列傳 二十

年、脇屋義助在越前、復北國數十城、足利高經棄黑丸城而逃、尊氏遣諸將三道竝進、援之、賴遠率美濃尾張兵從大野郡進、與高經等攻杣山城拔之、義助走美濃、保根尾城、賴遠與姪賴康又攻拔之、賴遠累立大功、恃勢驕肆、興國三年、與二階堂行春會射、今比叡馬場、終日劇飲、連騎夜還、路逢光嚴院自伏見殿還、行春聞前驅稱警蹕、乃下馬俯伏路左、賴遠醉甚、罵曰、今時能令我避路者誰、前

驅曰、田舍人無禮、不知院之幸臨乎、賴遠笑

曰、院邪、犬邪、院犬音訓相近果犬當射之、麾其徒環

車射之、折輓斷輻、具極侵辱、直義聞之大怒

曰、必處此曹于極刑、以懲將來也、賴遠行春

懼、各遁還國、直義將遣兵討之、行春入京師

自首、賴遠自知罪首不可免、謀起兵拒之、而

族人皆從直義命、莫應之者、賴遠潛抵京師、

因僧疎石乞赦死、直義不聽、斬之六條河原、

當時武人恃功專橫、凌轢搢紳、習為風俗、其

大日本史

卷一百一十一

列傳

十一

在遐陬者、唯知有尊氏、而不知有院、天子也、

聞賴遠遭刑、相戒不敢為無禮、稍知上下之

分焉、太平記賴遠子氏光、光明、直賴、光行、氏光

稱今峯氏、任左馬頭、尊卑分脈○太為仁木

義長、義子、圖籍其勢力、奪從兄賴康食邑、義

長賴康由是有隙、太平記光明稱外山氏、為遠

江守、直賴稱外山氏、為近江守、光行稱今峯

氏、為駿河守、賴遠弟賴明為兵庫頭、剔髮法

名周濟、尊卑分脈賴遠之被誅、賴明以不預事原

歸美濃、正平二年、從山名時氏、細川顯氏、擊

楠正行、賴明與佐佐木氏、賴別陣安部野、時

氏為正行所敗、退、高師直擊正行於四條畷、

正行奮鬪、諸軍披靡、賴明力戰被傷、退而過

師直前、師直曰、勇者亦為退乎、賴明乃迴馬

犯陣而死、太平記○天正本、太平記曰、正平

義詮親將兵來攻、周濟戰敗、出降、義詮縛還

京師、斬于六條河原、與本書異、按園太庵、周

濟作周讀、祇國執行、日記、周濟、而本註曰、

今不

大日本史

卷一百一十一

列傳

十二

賴直稱惡源太、太平記賴遠兄也、為藏人、任左

衛門尉、尊卑分脈與父賴貞俱從足利尊氏、

據東寺、將兵出拒官軍于三條河原、會中納

言藤原隆資來攻東寺、乘勝焚樓櫓、時尊氏

分遣將士于諸路、麾下兵甚少、殆不能支、賴

貞在側、嘆曰、賤息若在、不使敵至此也、賴直

適至、賴貞迎而言曰、事急矣、汝往卻之、賴直

聲喏起出、尊氏呼還、解佩刀與之、賴直往羅

城門側、雨射官軍、手斬數人、官軍為之退走、

太平記

賴康賴遠兄賴清之子也尊卑分脈土岐氏

世以桔梗花為旗號門族強盛每行軍結為

一隊呼為桔梗一揆太平初賴遠為其宗長

純攝之及被刑賴康代之尊卑分脈為美濃

尾張伊勢守護任美濃守尊卑分脈伊勢作伊豫

正平初足利尊氏擊其弟直義於鏡驛賴康

率兵二千從焉七年官軍復京師足利義詮

東奔近江太平記賴康率美濃尾張等兵往會

大日本史 卷一百一十一 列傳 十三

之軍勢大振天正本遂從義詮入京師與諸

將共圍男山陷之太平記明年山名時氏與

官軍攻義詮於京師賴康與山名師義戰二

條河原條河原不利亡其族九十餘人遂

從義詮走美濃十年與仁木義長從尊氏攻

京師與桃井直常赤松氏範戰七條河原一

日數十合敗直常等走之又從諸將與官軍

戰七條細川清氏奮鬪被創賴康兵五百騎

與佐佐木氏賴進救之大敗官軍遂結營薄

東寺官軍勢挫不復出戰棄東寺退太平記及

尊氏卒賴康祝髮更號善忠尊卑分脈十四年從

義詮犯吉野初仁木義長子養賴遠子氏光

竊謀奪賴康采地與氏光賴康心常銜之聞

畠山國清圖義長因贊成其計義長遂奔伊

勢賴康族東池田兩氏與小河中務丞據尾

張小河城應之賴康遣弟直氏率兵擊之斬

中務丞賴康又與佐佐木氏賴率兵七千圍

義長于長野城相持二年義長遂出降太平記

大日本史 卷一百一十一 列傳 十四

賴康歷刑部少輔大膳大夫尊卑分脈土岐

至從四位下聽昇殿為管領尊卑分脈天授五年

島田某讒賴康於足利義滿鎌倉大義滿將

發兵來擊既而獲解花營三元中四年死年

七十稱建德寺尊卑分脈無子土岐聞書

滿貞為賴行子據本書說則土岐系養姪賴

行為嗣賴行稱刑部大夫為大膳大夫尊卑分脈

土岐後叛足利義滿敗亡土岐子康政任大

膳大夫為伊勢守護賴康弟賴雄賴忠康貞

直氏（本書所載名有異同，今不盡注）賴雄號楫斐，為出羽

守，子賴行承賴康後，賴忠初名賴世，號池田，

為美濃守，刑部少輔（尊卑分脈，土岐系圖），便弓馬（尊卑分脈），

賴行之作亂，賴忠與子賴益擊之，有功，義滿

命為土岐家督（土岐系圖），賴益任左京大夫，戰於

尾張美濃之間，屢敗敵（尊卑分脈，土岐系圖），

何時（蓋從父）以功為美濃守（土岐系圖），由是土岐

氏再顯（土岐系圖），康貞善射（土岐系圖），世呼為惡五郎，

（太平記，土岐系圖）正平七年從賴康與官軍戰荒坂，

（大日本史 卷一百一十一）列傳 十五

山路險隘，官軍雨射，我兵不能前，康貞挺身

直前與和田正忠鬪，為正忠所殺（太平記），直氏

為伊豫守，宮內少輔（尊卑分脈，太平記），足利義詮犯

吉野，直氏與兄賴康從焉，直氏與細川清氏

等別將攻龍泉城，諸將以城險不敢逼，相持

數月，直氏謂部下戶藏尚守曰：「吾望龍泉上

多烏鳶，是必虛城，兵法所謂飛鳥不驚，上無

氛氣，必知敵詐而為偶人也。」試以部下特取

之，乃急拔營馳赴，細川清氏赤松範實相繼

至，與直氏兵破柵而入，守兵果既遁，僅留麿

卒百許人，不戰而潰散，乃火城而還（太平記，戶藏尚守），

（守據天）後剔髮號信慶（尊卑分脈），

（正本）

大日本史卷之二百一十一終

（大日本史 卷一百一十一）列傳 十六

大日本史卷之二百一十二

列傳第一百三十九

權中納言從三位源光圀 修

男權中納言從三位綱條 校

玄孫權中納言從三位治保重校

將軍家臣二十二

大友貞宗

少貳貞經子賴尚

小田治久

大日本史卷二百一十二 列傳一

結城親朝

伊達行朝

千葉貞胤

大内義弘

荻野朝忠

大友貞宗豐後人、鎮守府將軍藤原秀鄉之後也、五世祖能直嘗為中原親能所子養、後

復本姓、始以大友為氏、尊卑分脈○大友系圖以能直為源賴朝

子、今不取、說見賴朝傳為左近衛將監、大友系圖事源賴朝

見寵遇、從討藤原泰衡有功、又從獵富士野、

會曾我祐成與弟時致復父讎、營中大擾、賴

朝欲親出拒、能直爭而止之、賴朝嘉其忠誠、

東鑑尋授豐前豐後守護、為鎮西奉行、又任豐

前守、兼檢非違使、子孫襲為守護奉行、世雄

西土、父親時為左近衛將監、武部大輔、長子

貞親拒蒙古有功、早死、貞宗因繼兄後、為左

近衛將監、左衛門尉、兼近江守、襲守護、薙髮

號具簡、參取尊卑分脈、大友系圖元弘中帝在船上、貞宗

大日本史卷二百一十二 列傳三

與菊池武時少貳貞經竊納款、既而武時圖

誅、筑紫探題北條英時遣使來告、貞宗顧望

不肯出兵、武時進襲英時、貞宗反援英時、殺

武時、及官軍克六波羅、貞宗懼得罪、又與貞

經合謀、共攻英時、殺之、延元元年足利尊氏

犯京師、求援於貞宗、貞宗與大内弘世、厚東

宗、西將兵船三百隻應之、會尊氏兵敗、退陣

于湊川、貞宗從足利直義、回拒官軍、不利、貞

宗見軍連敗、不可更戰、勸尊氏曰、少貳貞經

在筑紫、素傾心將軍、臣等船隻甚多、願速駕

赴筑紫、發九國兵來攻、再勝可期矣、尊氏從

之走筑紫、菊池武俊迎戰于多多良濱、貞宗

復從直義擊破之、太平記及尊氏再向京師、貞

宗復從直義、攻拔福山城、梅松論○太平記

鳥尊氏友船、據此則貞、進戰湊川、直義為楠

正成所迫、太平記貞宗與諸將力戰、遂克之、北

源院本太平記尋與諸將拒新田義貞於東

寺卻之、太平記子貞載、氏泰、大友貞載為左近

大日本史

卷二百一十二

列傳 三

衛將監、大友圖、號立花、大友從新田義貞

討足利尊氏於鎌倉、太平記路潛送款尊氏、梅

論竹下之戰、乃降尊氏、反擊破官軍、明年從

尊氏入京師、會結城親光佯乞降、尊氏命貞

載受之、為親光所斬而死、太平記○梅松論

載裏創、持親光頭見尊氏、尊氏貞載無子、以

弟宗匡為後、大友圖、氏泰從脇屋義助拒足利

尊氏於山崎、諸軍敗績、遂降尊氏、太平記

一本云、氏泰正尊氏授以源姓、歷大炊助、武

部丞、大友圖及足利直冬奔肥後、太平記大友族

與諸將屬之、後再降尊氏、日圓太曆、祐國、行

書大友、今無所考、氏泰無子、以弟氏時為後、氏

時為刑部大輔、正平中歸順、尋復降義詮、大友

平記、大友圖、太平記

少貳貞經筑前人、也、五世祖賴平為大友能

直祖景賴養子、補武者所、稱武藤、尊卑分

圖云、賴平父賴、高祖資賴善弓馬、為源賴朝

所愛寵、從擊藤原泰衡有功、少貳任筑前守、

大日本史

卷二百一十二

列傳 四

○大友圖為鎮西守護、任太宰少貳、子孫世襲

其職、居太宰府、因以少貳命族、食岩門鄉、尊

貳分、祖經資延元初與菊池武敏戰于筑

後豐福有功、文書代父盛經為筑後守、卒於鎌

倉、貞經襲祖先職、薙髮曰妙慧、少貳家譜、元

弘中帝幸船上、貞經與大友貞宗菊池武時

通謀、奏請討北條氏綸旨、帝聽之、賜以錦旗、

武時將擊筑紫、探題北條英時遣使報之、貞

經聞京師之戰、官軍不利、即斬其使、與貞宗

俱援英時、遂殺武時、及官軍復京師、貞經大懼、遣使與貞宗約結、同攻殺英時、以自贖、太平記

記足利尊氏之反也、適貞經二子從在鎌倉、

尊氏因遺書貞經誘之、已而尊氏犯京師、大

敗、乃與弟直義西奔、將赴太宰府、貞經多備

馬仗待其至、遣子賴尚等率銳卒數百往迎、

并製錦直垂、奉尊氏兄弟、菊池武敏邀擊破

賴尚、進至太宰府、貞經兵寡不能支、武敏縱

火盡焚其所備戎器、貞經保內山佛寺、會女

大日本史 卷一百一十二 列傳 五

壻原田某逼貞經、女壻據西河院本太平記欲俱出降、貞

經不肯、乃謂士卒曰、我荷將軍倚賴、殊重、今

聞其臨境、遺賴尚奉迎、而挫衄至此、何面目

見將軍乎、即與眾百餘人刳腹而死、少子僧

宗應毀戶為薪、火其屍、亦投火中而死、參取太平記

記、梅松論、貞經臨命、囑寺僧戒賴尚等曰、汝曹勿

為我誦經修薦、唯善輔將軍濟霸業、此是大

佛事矣、昔三浦義明知源家將興、效死衣笠、

使褒賞延子孫、我將為義明、汝曹慎勿忘吾

言也、尊氏聞其死、甚悼惜之、哀感左右、賴尚由是益被恩遇云、梅松論子賴尚、

賴尚襲任太宰少貳、為筑後守、敘從五位上、

參取武藤條圖、太平記、貞經之舉兵也、北條英時使長

岡惟幸來察變、惟幸名據金勝院本貞經稱病不見、惟

幸更詣賴尚、則視士卒方製楯、砥鏃、謂其果

有謀也、伺其出就坐、拔佩刀前刺、賴尚素拳

捷、舉棋勾打之、與惟幸交搏、左右競集、亂刺

惟幸殺之、賴尚遂與父俱討殺英時、後將兵

大日本史 卷一百一十二 列傳 六

迎足利尊氏軍、比過水木渡、菊池武敏奄至、

悉擊殺後騎、賴尚阻水不能還救、太平記奔會

尊氏于赤間關、從至蘆屋津、軍中已傳貞經

死、尊氏召問之、賴尚恐沮軍氣、說對云、或不

然、乃前導至宗像大宮司政弼家、政弼名據金勝院本

太平記賴尚進陣、襲尾濱、尊氏聞武敏大兵來

屯博多、即夜召賴尚議計、賴尚曰、宰府之戰、

貞經輒失利、以賴尚不在而守兵寡少也、雖

然、貞經素諳本國地形、料其既間道脫出也、

將軍明日進兵、則管內諸郡兵爭先來屬、武敏孤軍不足多慮、賴尚一人之力足以制之也、聞者稍強膽、進至多多良濱、賴尚望武敏兵盛、請尊氏直義曰、敵兵雖眾、今當來降、欲抗我軍者、不過其麾下三百、賴尚奮死蕩之、則敵是風前埃耳、及戰降者相屬、武敏遂敗走、尊氏之取筑紫由此戰也、尊氏直義至太宰府、始知貞經之死甚哀、直義為持喪、禁軍士喧譁、不出帳數日、賴尚齎酒肉往謝曰、伏

大日本史

卷二百二十二

列傳 七

義伏節、人臣之常分、公之垂意及此、榮幸為甚、然軍機難緩、請速出視將士、因自起勸酒、直義為之強飲而罷、尊氏將入寇、至備後議進取策、或云將軍兄弟宜同舟進、賴尚曰、此舉天下之成敗係焉、聞敵多攻中國諸城、先擊破之、略可成功耳、若兩將舟師偏進、則誰能掃陸路兵者乎、將軍宜由海、守殿由陸、而進、賴尚督陸軍前鋒、血戰卻敵、用此供亡親之佛事也、尊氏壯其言從之、○大正本太平記以賴尚所議

為得平秀光言賴尚乃以二十兵從直義而進、湊川之戰大有功、遂入京師、率九國兵攻延曆寺、戰敗而還、梅松論已而新田義貞來討尊氏於東寺、賴尚與大友貞宗、厚東某等拒破之、名和長年戰沒、太平記、梅松論、大友貞宗、厚東某等拒破之、名義前鋒、攻官軍于阿彌陀峯、破之、後還筑前、尊氏與以米邑數所、併贖錦直垂、直義又贈以愛馬、以勞其前後功、梅松論正平中賴尚為菊池武光所攻、勢窮降之、一色直氏攻賴尚

大日本史

卷二百二十二

列傳 八

於古浦城、賴尚戰大敗、賴武光之援得免、乃貽血書謝之、及武光討畠山重隆、重隆名據金勝院本令賴尚發兵相援、賴尚輒叛、與阿蘇大宮司宇治惟時、惟時名據阿蘇仕文書通謀、舉兵太宰府、明年武光奉征西將軍懷良親王來攻、賴尚隔筑後川而陣、武光進濟川、賴尚退陣大原、夜為武光所襲、大敗、明日苦戰數十合、又敗、死者凡三千餘人、遂退保寶萬嶽、尋與大友氏時逆擊武光於杵椎、又敗、足利義詮以斯波

氏經爲筑紫探題援之、賴尚氏時從氏經子

松王戰、長者原、又敗、賴尚退據岡城、與武光

相拒、久之死、太平記三子直資、太平記冬資、

賴澄、尊卑分脈直資襲爲少貳、與二子戰、死、大

原、尊卑分脈冬資任少貳、建德中、足利義

滿遣今川貞世還鎮西、適冬資在京師、從而

西、天授元年、軍于肥後、爲貞世所殺、花營三代記

賴澄越後守、及冬資死、歸順、任少貳、爲探題、

參取尊卑分脈、武藤系圖、阿蘇社文書、

大日本史 卷二百一十二 列傳 九

小田治久初名高知、八田知家七世之孫也、

父貞知常陸介、世食常陸小田地、爲著姓、尊卑分脈、小田系圖、治久爲尾張權守、尊卑分脈、貞知或作貞宗、

文、元弘元年、從關東軍于笠置、轉攻楠正成、

城、光明寺藏書、及帝遷隱岐、治久與佐佐木高

氏等護送、太平記北條氏滅、治久歸順、無幾

任宮內權少輔、尊卑分脈、結城文書、足利尊氏之

反也、本國將士多黨之者、太平記治久據小田

城、與尊氏黨相抗、延元二年、鎮守府大將軍

源顯家西上、途由下野、別遣侍從源顯國自

常陸進、治久出屬之、佐竹義春出兵遮路、即

擊卻之、源田進會顯家于途、今川明年顯家

戰沒、元弘口記、治久還據其城、分兵守志

筑城、時前常陸大掾平高幹應尊氏在石岡

城、治久遣兵攻之、常陸稅所文書、是歲、準大臣源親

房漂至常陸、治久迎之入城、供給經年、結城文書、

朝廷特授治久左近衛權少將、小田系圖、按

中將、今據太平記、仍兼常陸介、小田系圖、爲本

大日本史 卷二百一十二 列傳 十

國守護、結城文書、尊氏患關東將士多勤王、使高

師冬來圍小田城、保曆間、記、結城文書、師冬更

遣平高幹攻志筑城、數月不能拔焉、常陸稅所文書、

師冬密使說者啗治久以利、治久方倦戰、及

聞其說、竊懷二心、親房察知之、馳檄請援於

結城親朝、親朝觀望不來救、治久遂決意引

敵入城、親房奔保關城、治久既降師冬、師冬

變前約、奪其守護、削其邑、停延元己後所任

之官職、仍舊稱宮內權少輔、治久大失望、再

有歸順之意而不果、結城正平七年從尊氏

軍、與新田義宗戰于笛吹坂、敗之、太平是年

死、田治入略涉書史、有文才、空華治久家

世相傳、始祖知家源義朝庶子、為藤原宗綱

所養、尊卑冒藤原氏、至是請尊氏改為源氏、

小田子孝朝為讚岐守、小田後難髮曰

惠尊、小田弘和中足利氏滿自將兵

攻小山義政、孝朝為先鋒有功、元中中義政

子若犬丸舉兵、氏滿擊敗之、若犬丸亡匿野

大日本史

卷二百十二

列傳 十一

田等忠捕其黨一人致之鎌倉、有司鞫問、因

曰、小田孝朝父子竊黨若犬丸、以故隱在其

家、氏滿將收孝朝、孝朝率其子二人及信太

某等據男體山、氏滿使上杉朝宗攻之、城在

山頂、尤為嶮絕、孝朝拒守甚力、鎌倉兵多被

創、踰年而不能拔、氏滿遣使諭孝朝曰、汝速

出降、則宥其罪、食邑仍舊、我不敢食言、孝朝

遂出降、子五郎不肯出、五郎率餘眾據

男體山、鎌倉兵乘曉霧急擊之、城兵狼狽、五

郎火城、與眾百餘人共自殺、孝朝以先出降

得免、參取鎌倉大草、應永二十一年死、孝朝

善書及和歌、子治朝先父死、孫持家嗣、小田

結城親朝稱七郎、上野介宗廣長子也、結城

家譜、為參河守、元弘三年帝在隱岐、遙救

宗廣及親朝、討北條高時、宗廣在鎌倉、應護

良親王令、與諸將俱攻鎌倉、克之、時親朝留

守陸奥白河邑、聚與羽兵以備不虞、亂平、以

功賜糠部郡九戶邑、結城及鎮守府大將軍

大日本史

卷二百十二

列傳 十二

源顯家至鎮、親朝為評定眾、兼引付頭人、預

議國政、建武二年為白河高野嚴瀬

安積四郡及近接諸邑檢斷、尋任大藏權少

輔、延元二年為下野守護、賜高野郡地以賞

前功、有賊兵據陸奥五百河、源顯家發兵討

之、令親朝援之、無何為大藏權大輔、授從四

位下、結城明年顯家復鎌倉西上、宗廣從之、

留親朝鎮本國、既而顯家敗死、宗廣亦病死

伊勢、親朝心懷危懼、太平及準大臣源親房

漂至常陸、通謀親朝、俱擊敵、四年、擊敵于長

福、皆敗之。結城文書興國元年、鎮守府大將軍源

顯信至陸奥、入親朝城。元弘日進將入府、爲

石塔義房所遮、不能進、遂與義房相持、親朝

遣兵救之、帝嘉其功、就拜修理權大夫。結城文書

明年、與子顯朝從顯信、攻義房、拔其城。結城文書

文書、阿蘇四年、源親房在關城、承制以親朝

爲上總守護。結城文書初、宗廣之死也、遺言誠親

朝以必誅賊、以故親朝初竭力制敵、既而官

大日本史 卷二百二十二 列傳 十三

軍連喪將帥、往往叛去、親朝亦度勢不可支、

頗懷異心。太平記、結城文書及親房據小田城、爲敵

所圍、乞援親朝、親朝許之不果、親房走保關

城、數遣手書求援、激勵切至、親朝終不應之、

是歲、遂叛降足利氏、於是親房棄城西走、關

東相次陷沒。結城家譜正平初、足利尊氏遣吉良

貞家鎮陸奥、尊卑分脈因發兵擊源顯信、時親朝

罹病、遣子顯朝從貞家擊顯信于靈山、宇津

城頗有功、尋死、三子長顯朝、彈正少弼、次朝

常、參河守、次朝胤、左兵衛尉、初皆竭力王師、

後與親朝俱叛去、及源顯信再發兵入陸奥、

顯朝朝常等竊應之、圖舉義、不果、返從吉良

貞家攻顯信走之。結城文書

伊達行朝、陸奥人、伊達系圖、結城文書常陸介藤原時

長後也、時長仕源賴朝、食常陸伊佐地、有女

曰大進局、爲賴朝所幸、生一男、以故時長得

親近、薙髮曰念西、文治中從賴朝討藤原泰

大日本史 卷二百二十二 列傳 十四

衡于陸奥、軍次熱借山、時長與子爲宗等先

登、敗伊達郡敵壘、爲宗獲信夫莊司佐藤元

治、陸奥平、賴朝以伊達郡與時長、因氏焉、爲

宗號常陸冠者、爲皇后宮權大進。東鑑子孫世

居陸奥、伊達系圖、結城文書與結城親朝

等同年、後爲宮內大輔、結城文書與結城親朝

等同列評定衆、兼引付職、預聽與羽訴訟、建武二年

長倉行朝擊敗之、元弘日進將入府、爲

家西上戰于園城寺太平記延元二年顯家令

行朝等討五百川賊乃併田村莊司兵俱擊

平之結城文書再從顯家西上時芳賀禪可據宇

都宮城叛顯家遣行朝等攻之圍攻三日遂

降之太平記後顯家戰沒又從源親房至常陸

親房據小田城行朝據伊佐城及高師冬來

攻親房走保關城師冬環而攻之數年糧盡

城陷敵盡兵來圍伊佐城行朝厲眾拒守參取

結城文書別府文書既而其族在陸奥者與結城

大日本史 卷二百一十二 列傳 十五

親朝俱降敵結城文書行朝度孤城難支遂出降

師冬常陸柳所文書正平三年死伊達行朝好和歌

其所詠多入教撰諸集續千載和歌集新拾遺和

歌集新後拾遺和歌集行朝伊達行朝同撰者

部類曰二階堂行朝伊達行朝撰者

同姓亦皆善和歌共入教撰諸集撰者

同姓名無分別改伊達行朝名作朝村以收

集中子宗遠彈正少弼○按相馬文書曰正

入陸奥與國府時伊達飛驒前司田村宗遠

莊司等皆屬焉飛驒前司蓋宗遠也宗遠

子政宗伊達圖為大膳大夫剃髮曰圓孝伊達

結城文書○鎌倉應永七年在鎌倉有憾于

足利滿兼與葦名滿盛竊謀作亂逃還陸奥

結城文書據赤館舉兵鎌倉大草子鎮將足利滿貞命

陸奥將士擊之結城文書不能克九年足利滿兼

遣上杉氏憲將兵攻之政宗擊卻之滿兼更

遣大兵圍攻政宗力盡出降鎌倉大草子

千葉貞胤下總介胤綱玄孫也襲稱千葉介

千葉圖為修理大夫作者部類元弘元年從大佛貞

直攻楠正成赤坂城光明寺藏書殘編二年北條高

時遣貞胤等護衛車駕至隱岐太平記明年新

大日本史 卷二百一十二 列傳 十六

田義貞起兵貞胤往從之擊高時將金澤貞

將于鶴見破之梅松論建武中從討足利尊氏

屢有戰功及帝幸延曆寺貞胤將兵護衛源

顯家自陸奥勤王貞胤率兵屬之太平義貞

攻園城寺貞胤與伯父宗胤先登奪門而前

宗胤力戰沒于陣太平記十尋從皇太子赴

北國遇雪失路適遇足利高經軍貞胤士卒

皆飢凍不能復鬪眾欲自殺高經遣使招之

貞胤遂與部下五百騎降之正平初從高師

直與楠正行戰于四條畷太平六年死于京

師常樂記、十年六十一、子氏胤襲稱千葉介、

利直葉圖敘從五位下、能和歌部類正平六年足

利直義據男山、氏胤往屬之已而又從

尊氏與直義戰于薩埵山、追擊上杉憲顯等、

戰早河尻敗、明年復從尊氏與新田義宗戰

于笛吹坂敗之太平十八年病死于美濃

大內義弘稱孫太郎、周防人也、姓多多良氏、

其先正恒以大內為氏、自十世祖盛房世任

周防權介、父弘世授從五位上、大內元弘建

武間、乘亂攻取周防長門之地、以勤王師、正

平十九年叛降足利義詮、因授二國守護、太平

記後加授石見守護、大內家譜長門前守護厚東

駿河守恨失封、與菊池武光攻弘世、弘世聞

之、襲擊武光於豐後大敗、偽降得免而還、不

顯言其狀、多齋金帛赴京師、賂義詮左右、盛

得聲譽、太平義弘驍勇絕倫、好和歌、年

十六、與今川貞世略筑紫、前後二十餘戰、遂

平鎮西、應永為左京權大夫、敘從四位上、襲

守護、足利義滿加授豐前守護、大內家譜及山名

氏清叛義滿、義弘與氏清驍將小林某戰、

四條大宮斬之、義滿褒賞、授以和泉紀伊守

護、既而山名義理在紀伊、義滿命義弘擊之、

義理不戰而遁、明德時官軍日衰、境土縮削

勢不能支、明年義弘詣吉野行宮議講和、議

成、神器入京、皇統歸一、義弘與有力焉、應永

四年義滿命義弘赴西海、與少貳菊池等族

戰克之、應永後難髮號有繫、喜連川家譜作佛

實雄彊富盛冠於天下、時三管領頗張威福、

忌義弘功、義弘亦恃功驕驚、不為之屈、由是

義弘所為、三管領每沮激之、文祿及義滿營

居于北山、使諸將助作、且令曰、使士卒充役、

義弘曰、我卒可役于弓矢、不可役于土木、義

滿雖不之罪而大恚之、義弘亦不自安、日件

滿雖通謀足利氏滿、欲東西稱兵、刻期入京、

其意蓋在劫義滿除三管領也。六年義弘至界浦，遣使報義滿，尊道法親王以義滿意，遣使召之，不往。義滿又遣僧中津諭之，義弘乃與眾議，所以答之。子弘茂弘茂據一本進曰：大人身有六國，亦已榮矣。今將軍遣使諭大人，其意甚厚，宜改圖奉命。平井備前亦諫之，杉豐後曰：大計既立，豈可中止乎？義弘然之，乃見中津曰：臣嘗助今川豫州，航海殄敵，而九州平矣。氏清之亂，臣斃其驍將，折其凶鋒。

大日本史

卷二百一十二

列傳 十九

而賊黨敗矣。劍璽天朝寶器，非秦璽之可比。臣倡和議，還之京師，而南北一矣。此皆臣之功也。然將軍嚮命臣伐少貳，陰令彼圖臣，臣果何罪？今聞將軍將奪臣封國和泉紀伊，臣又何罪？且召臣至京，此欲誅臣也。中津曰：將軍豈令少貳謀君乎？至於奪兩國，特巷議耳。果何所徵？君之功高矣，宜以遜退保之。義弘曰：師勿言，已與鎌倉殿約，將問罪於營中。待來月二日入見將軍，乃振衣而起。中津還報，

於是義滿遣細川賴之畠山滿家等擊之。義弘聞義滿出陣東寺，乃至石津，北向一拜還界浦，多設樓櫓，為守禦備。應永一日禱於住吉社，巫俄發狂騰跳曰：義弘之計，猶雪著爐。義弘笑曰：我以寡破眾，猶雪滅火。文祿清談無幾諸軍來攻，義弘出戰，殺傷無算。至夜半罷，既而諸軍又圍界浦，縱火上風，風烈火熾，城兵多死。義弘乃馳赴敵，縱橫衝突，所向摧靡。欲遇滿家決，滿家兵圍之，從兵悉死。義弘身被

大日本史

卷二百一十二

列傳 二十

重創，不能復鬪。大呼曰：身是無雙驍將，大內義弘也。攜我首去，示之將軍，遂為滿家所殺。弘茂將自殺，平井備前止之，使降，乃以兵三百降。應永子孫世領數州，雄於西土。大內家譜荻野朝忠稱彦六丹波人也，後醍醐帝在船上，朝忠與族人集眾勤王，從左近衛中將源忠顯攻六波羅，不利。朝忠與安達祐秀兒島高德等招集敗卒三千餘人，還丹波，據高山寺城。未幾，足利尊氏舉義篠村，朝忠不欲屬。

之、別與高德等由若狹進入京師、及尊氏反、
朝忠與久下長澤波波伯部族推仁木賴章
為將以應之、尋以事怨望尊氏、興國六年兒
島高德奉新田義治起兵、竊遣使說朝忠、朝
忠從之、又據高山寺城、謀刻日同舉事、尊氏
聞之、使山名時氏攻之、時氏為長圍絕糧道、
朝忠不能保、遂出降、太平記為丹波守護、國本
任尾張守、正平三年從高師直戰於四條畷、
太平記七年春國人舉兵攻朝忠、朝忠敗走、
大日本史 卷二百一十二 列傳 三十一

國本後不知所終、

大日本史卷之二百一十二終

大日本史卷之二百一十三

列傳一百四十

權中納言從三位源光圀 修

男權中納言從三位綱條 校

玄孫權中納言從三位治保重校

文學一

王仁

船辰爾 葛片廣成

紀清人

大日本史 卷二百一十三

列傳

十

山田御方

高丘河内

太安萬侶

百濟倭麻呂

下毛野蟲麻呂

刀利宣令

下毛野古麻呂

調老人

伊與部馬養

大倭長岡

陽侯真身

矢集蟲麻呂

鹽屋古麻呂

山田銀

大倭小東人

守部大隅

越智廣江

背奈行文

大日本史 卷二百一十三

列傳

二

調古麻呂

清村晉卿

紀古麻呂

稻原東人

榮井叢麻呂

武以創業、文以守成、猶陰陽寒暑之不可偏廢也。國朝武德風播、文教後興、自應神受百濟之貢、天智學周孔之道、風化大行、品物咸亨、庠序學校于州縣、經史子集于府庫、釋菜

大日本史

卷二百一十三

列傳

三

于成均策試于禮闈獎學勸學學館之設皆所以教育英才薰陶德業也科分四道選重二曹上行下效文武脩舉爾來聖主典學乙夜之覽弗懈絃誦盛于弘仁天長奎璧聯乎延喜天曆鄧隆之治卓越前古薦紳髦彥勃焉蔚興然至其流弊徒驚於記誦詞章之習而不能反窮理盡性之原故以文藝名世者頗多而以儒學弘道者幾希如其文之體格亦拘於偶儷聲律而不能爾雅近古蓋由沿襲隋末唐初綺靡彫琢之風也苟有豪傑之士起而倡之則雖凌軋晉魏頡頏漢周亦不難也易曰觀乎天文以察時變觀乎人文以化成天下聖人用責之道至矣若吉備真備阿倍仲麻呂揭藻騁才播名異域清原夏野菅原道真寅工熙載垂光竹帛其餘名流鉅公黼黻徽猷著於事業者皆自立傳今取專以文藝稱者撰次作文學傳

王仁○古事記作和通音讀相通今百濟人其祖

大日本史

卷二百一十三

列傳

四

曰狗狗先曰鸞出自漢高祖狗始至百濟因家焉續日本紀王仁博通經籍應神帝十五年百濟使阿直岐○古事記作阿知吉師來貢良馬帝即命之養焉阿直岐能通經傳皇太子師之帝嘗問阿直岐曰汝國博士有賢於汝者乎對曰有王仁者是國之秀也帝即遣荒田別巫別徵之王仁遂從而來日本紀獻論語十卷十字文一卷古事記於是皇太子從學焉日本紀王仁能通和語仁德帝即位作和歌賀之曰那彌波豆彌磋玖邪虛廼波那布由語茂利伊摩烏波瑠倍斗磋玖邪虛廼波那世與陸奧米女安積山歌並稱為和歌父母焉古今和歌集序仁德帝即位履中朝建內藏收官物令王仁與阿知吉師錄其出納古語拾遺孫曰阿浪古首書首文忌寸武生宿禰古志連栗栖首櫻野首等皆王仁之後也姓氏錄書首據日本紀文忌寸續日

船辰爾本姓王其先百濟人初應神帝命荒

紀本

田別求有識者於百濟其國主貴須王以其
孫辰孫王○一名應之隨使入朝帝嘉之以

為皇太子師大闡儒風其子太阿郎王為仁

德帝近侍太阿郎王生亥陽君亥陽君生午

定君午定君有三子長味沙次辰爾次麻呂

續日本紀桓武紀○辰孫王當應神帝時荒
田別得之百濟而為太子師其事大類王仁

疑非別人也欽明帝十四年幸樟句宮辰爾
而今無所考

奉敕數錄船賦即以辰爾為船長因賜姓船

史船連乃其後也○姓氏錄以船連為太阿
郎王三世孫智仁君之後

大日本史 卷百十三 列傳 五

智仁即辰爾敏達帝元年高麗上表召諸史

訓讀相通讀之不能通曉辰爾為解釋文義帝獎諭曰

勤乎辰爾懿哉辰爾非汝之好學誰能解之

者自今之後近侍官中復詔責東西諸史曰

汝等業何無成汝等雖眾不及辰爾又高麗

上表用烏羽字跡不可別辰爾取其羽蒸之

飯甑以帛印之文字盡見始得讀焉帝大嗟

異之○十訓抄曰讀鳥羽表或
以為史師明事未知何據白猪膽津者

辰爾之甥也欽明帝三十年春詔膽津檢白

猪田部丁籍是歲四月遂定其籍結為田戶

帝嘉其功賜姓白猪史尋拜田令副山田瑞

子敏達帝三年遣大臣蘇我馬子於吉備國

益置白猪屯倉及田部即以其田部名籍授

之膽津日本

葛井廣成本姓白猪史敏從六位上為大外

記養老中為遣新羅使賜今姓續日本紀嘗奉試

對策問曰禮主於敬以成五別樂本於和以

抱八音節身陶性之用寔由斯道御世安民

大日本史 卷百十三 列傳 五

之義既盡於焉雖因世損益而百王相因利

用禮樂已有前聞未決優劣庶詳其別對曰

臣聞三才始闢禮旨爰興六情漸萌樂趣亦

動固知陰禮之作基綿代而自遠陽樂之開

肇邃古而實遐但結繩以往杳然難述書契

而還炳焉可談原夫禮是肥國之脂粉樂即

易俗之鹽梅揖讓堯舜率斯道以安上千戈

履發抱茲緒以化下美善則丹蛇赤龍之瑞

自臻和諧則黃竹白雲之曲彌韻所以高暨

天涯、共日月而俱懸、遠遍地角、與山川而齊峙、辟水火之利物、方梨橘之味口、縱無姜生之制地、而有夏氏之應天、則敬異之旨、悉卷親同之跡、偏舒、誠乃俎豆之業、鐘鼓之節、於理終須行兩、在義寧容廢一、又問曰、李耳嘉遁、以示虛玄之理、宣尼危難、而修仁義之教、或以為精、或以為麤、其理如何、庶聽所以、對曰、竊聞眷山林以披黃緇、道德之玄教也、是則柱下之風、入皇朝以拖青紫、仁義之敦儒

大日本史

卷一百十三

列傳

七

也、彼則司寇之訓、故清虛之理、煥二篇而同春日、折旋之蹤、明五經而類秋月、誠能拯蒼生之沈溺、繼皇風之絕廢、伏惟聖朝德光萬寓、化高五岳、動植苞其亭育、翔走荷其陶鑄、烈風五日、曾不鳴條、崇雨一旬、終無破塊、復乃南蠻裸壤、占青靄以航海、北狄章身、蹈白雲以梯山、巍兮藹兮、其化如此、猶懼聃丘之教、未備污隆、玄儒之旨、有虧雄雌、思欲分其條目、辨其精麤、竊以玄以獨善為宗、無愛敬

之心、棄父背君、儒以兼濟為本、別尊卑之序、致身盡命、因茲而尋、鹽酸可斷、經國集天平中進外從五位下、新羅來聘、廣成與多治比土作往筑紫、檢校供客之事、上言、新羅使改調稱上毛、書尾注物數、替之舊例、大失常禮、太政官處分召水手已上、告以失禮之狀、放還其使、歸為備後守、累進從五位上、寵遇甚篤、車駕幸廣成宅、宴飲留宿、授廣成及妻縣犬養八重正五位上、勝實初為中務少輔、續日本紀

大日本史

卷一百十三

列傳

八

紀清人、清或作淨和銅中與撰國史、靈龜元年褒學業賜穀百石、養老初再賜穀百石、為文章博士、詔山田御方、山上憶良、越智廣江、高丘河內、鹽屋古麻呂、刀利宣令等十餘人、每退朝侍東宮、尋以學優堪為師範、賜純絲布、天平中歷右京亮、除治部大輔、再兼文章博士、帝幸難波宮、清人等留守平城、至從四位下武藏守、勝實五年卒、續日本紀山田御方、日本紀御方作御方、懷風藻作三方、訓讀通、魏司空王

昶後也。姓氏初為浮屠學于新羅持統帝時

還俗授務廣肆。日本文武帝初授正六位下

慶雲中嘉學術賜布鈔鹽穀和銅中進從五

位下為周防守養老中進從五位上為文章

博士六年坐賊詔曰周防前守山田史御方

監臨犯盜理合除免先經恩降赦罪已訖依

法備職家無尺布朕念御方負笈遠方遊學

蕃國歸朝之後傳授生徒文館學士頗解屬

文如不矜若人墮斯道歟宜特加恩勿使徵

大日本史

卷百十三

列傳

九

賊續日本紀後至大學頭懷風藻

高丘河內本姓樂浪父沙門詠天智帝時自

百濟投化河內初為播磨大目造正倉和銅

中賞功進位一階賜絕十匹布三十端養老

中為文章博士神龜初改賜今姓天平中為

右京亮班京都百姓宅地為造宮輔營紫香

樂離宮改伯耆守勝寶中至正五位下大學

頭子比良麻呂少遊大學博涉書記寶字中

為越前介遷內藏助兼大外記藤原仲麻呂

謀反比良麻呂上變褒授從四位下神護初

賜勳四等尋兼遠江守景雲元年兼右衛士

亮至內藏頭改連賜宿禰姓。本續日本紀

太安萬侶神八井耳之後也。姓氏慶雲

初敘從五位下和銅中進正五位上。本續日本紀授

勳五等奉敕撰古事記初天武帝患諸家所

藏載籍頗傳虛偽終失其真時有稗田阿禮

年二十八博聞強識多諳上世舊事因命錄

其所記將以修帝紀既而登遐歷持統文武

大日本史

卷百一十三

列傳

十

朝其舉不果至是帝欲繼成其志安萬侶奉

敕採撫阿禮所傳上自開闢下至小墾田朝

錄為三卷上之。古事記序靈龜中進從四位下為

氏長尋為民部卿養老七年卒。本續日本紀

百濟倭麻呂其先百濟人。姓氏慶雲中奉試

對策問曰數步之內空流蘭蕙之芳十室之

中獨伏麒麟於樞而羽毛難辨遂昧楚雞玉

石易迷浪珍燕砮况復顯師愷悌被輕於魯

公馬氏方員見重於魏主帝難之旨其斯謂

歟鑒識之方宜陳指要對曰竊以赤帝文明

知人其病素王天縱取士其失然則珍珎辨

矣蓬性不可量矣鳳雛別也草情豈堪識也

但無求不得負鼎朝殷扣角入齊擇必所汰

四凶翦虞二叔除周況今道泰隆雄德盛導

焉○隆雄導焉歲星所談○疑仰占風雨而

欸○疑豎亥兩步○疑盡入堤封之限遂使少微

一星應多士之位大雲五彩覆周行之列不

驅愚去不召賢來巍巍蕩蕩合其時歟又問

大日本史 卷二百十三 列傳 十一

伏閭之臣精勤徹夜還珠之宰清儉日新瞻

彼二途兼之非易如不得已何者為先對曰

臣聞蒞百寮而頌二柄宰九州而班六條捐

金投玉虞舜之清儉矣櫛風沐雨夏禹之精

勤矣加以揚震作守陳神知於枉道馮豹為

郎待天渙於閭前飛譽目前揚美身後但清

者稟根自天勤者守株由己又飲水留犢之

輩經疎史少駕星去虎之徒古滿今多臣器

非宋寶宇是燕石豈堪決前後之源唯竊折

梗概之枝經國敘正六位上為但馬守卒年

五十六懷風藻

下毛野蟲麻呂嘗奉試對策問曰既號天龍

無足而走還稱地馬無翼而飛雖逐時文異

而如泉利同豈可起詐之子擅放西蜀之偽

乾沒之夫專行東吳之私欺濫羣小罔冒公

司屢煩丹筆徒闌黃沙謂爾進士應識公方

懲茲不軌用何能爾對曰竊聞沙石化為珠

玉良難可以療飢倉廩實其坻京唯易迷以

大日本史 卷二百十三 列傳 十一

濟命○蓋是知寫圖而前猶事飲血調律而

後誰不食穀自太公開九府之制管父通萬

鍾之式龍文錯於郭裏龜冊入於幣間白金

馳其奸情朱仄競其濫制西蜀銅岳徒擅佞

倖之門東晉金溝遂滿奢之室姬景舍輕

單穆陳擁子之譏劉文放鑄賈生致轉禍之

談寔由棄耕桑之務爭刀錐之末伏惟聖朝

握天鏡紐地鈴德音被於有截至教翔於無

垠銜禾之獸屢臻見穰之鱗荐集今欲既停

起詐之功終斷治鎔之途誠使三農叶節千箱盈庾淮陽高枕追長孺之芳趣耶谷送歸發祖榮之清輟則銖文曷惑錙貫無訛頓屏磨屑之風永絕炭挾之俗又問周孔名教興邦化俗之規釋老格言致福消殃之術既為內外相乖又為精麤一揆定其同不覈此真詭對曰竊以眇觀列辟繞電履翼之皇逃聽風聲洞八連三之帝雖歷代千古而源仍畫一但隨時之便不齊救弊之術亦異原夫玄

大日本史

卷二百十三

列傳

十一

涉清虛契歸於獨善儒抱旋折理資於兼濟是以麟泣降跡刻魯冊之秘典狼跋垂教闡周編之雅錄至如白毫東輝演打刺之道紫氣西泛望凝玄之期斯誠事隱探蹟之際理昧鉤深之間然詳搜化俗之源曲尋消殃之術既淺淄澠之疑○淺疑亦有涇渭之派但學謝贏金徒迷同不之義詞瞋屑玉寧述真詭之旨○疑養老中至從五位上文章博士歷式部員外少輔○續日本紀大學助教卒年三十六

懷風藻

刀利宣令○萬葉集作土理音讀嘗奉試對策問曰設官分職須得其人而行殊輕重能有短長委任責成非當覆餗授受之略可得聞乎對曰竊以天垂七政辨星紀於三百地陳八座條儀式於三千所以敕異東西調四時於玉燭治兼刑德齊萬機於金鏡者也百臣分職虞公致肅肅之美十亂當朝周王有濟濟之盛士會還肆眾盜去於晉郊太叔為政羣奸

大日本史

卷二百十三

列傳

十四

聚於鄭蒲輕重短長略可言焉伏惟皇朝化平日域德及天崖執禹麾而招能坐堯衢而訪賢逃周避漢之臣雁行於丹墀遊穎隱箕之夫鱗次於絳闕無為軼於觀象有道籠於垂衣是知鈞漢同載木運祚於七百指鹿成佐金精滅於二世得其人興畫一之歌非其任有尸素之譏案此而論粗當分別但東魯天縱猶迷兩兒之對西蜀含章莫辨一夫之問至於授洪務○此句疑脫字維帝難之況乎末學

淺志、豈能備述、又問烈火炎岳、畏之者歸魂、

○歸魂二字疑有訛柔水襄陵、狎之者遂往、是以東里

遺猛烈之言、西門盡嚴明之事、然臧孫爲政、

端木作訕、廉范蒞官、雲中起詠、寬猛之要、冀

敘厥猷、對曰、竊以飛龍不息、健猛之用顯矣、

行馬無疆、順寬之利亨焉、稟天地之氣者人

也、含喜怒之諍者情也、稟同含異、理宜寬猛、

猛能禁斷、子產有烈火之喻、寬是兼愛、廉范

放夜作之令、沛公入洛、義帝許其寬容、仲由

言志、素王樂於行行、既載於經、亦見於史、義

有二途、其揆一也、但理髮解繩、前史美論、以

寬濟猛、往聖格言、是以水避高而赴下、民去

急而就緩、因水民之赴就、明寬猛之梗概、欲

使著絃之夫、擁篲寬容之庭、佩韋之臣、東帶

太平之運、集經國養老中詔每退朝侍東宮、續

本至正六位上、卒年五十九、懷風藻

下毛野古麻呂、豐城入彥命五世孫、多奇波

世君後也、姓錄敘直廣參、文武帝初、與撰律

令、續日本紀大寶元年改授從四位下、爲右大辨、

與講新令、二年參議朝政、尋詔曰、下毛野古

麻呂、伊吉博德、調老人、伊與部馬養、與定律

令、宜議功賞、賜古麻呂田十町、封五十戶、封

戶止身、田傳一世、又加賜二十町、進從四位

上、慶雲中爲兵部卿、和銅元年改式部卿、召

見公卿、嘉奉職、進古麻呂正四位下、二年爲

大將軍、○按爲大將軍、未詳其故、當時巨勢

征越後蝦夷、麻呂爲陸奧鎮東將軍、佐伯石湯、爲

除拜亦在此時乎、今無所考、十二月卒、續日本紀

大日本史卷一百三十三 列傳 十六

調老人、其先百濟人、姓錄老人持統帝時、拜

撰善言司、日本紀後爲大學頭、懷風藻卒、大寶初

贈正五位上、追賞撰律令功、賜其子功田十

町、封百戶、封戶止身、田傳一世、續日本紀

伊與部馬養、○日本紀其先出自火明命

後少神積命、三代實錄貞觀四年馬養持統帝時、拜撰

善言司、日本紀後爲皇太子學士、至從五位下、

卒年四十五、懷風藻大寶中追賞撰律令功、賜

其子功田六町、封百戶、封戶止身、田傳一世、

其子功田六町、封百戶、封戶止身、田傳一世、

其子功田六町、封百戶、封戶止身、田傳一世、

其子功田六町、封百戶、封戶止身、田傳一世、

其子功田六町、封百戶、封戶止身、田傳一世、

馬養嘗為丹波與謝郡司、作文記水江浦島

子事、傳于世、釋日本紀引丹後風土記

大倭長岡、神知津彥命後也、神知津彥神武

朝以功為大倭國造、姓氏子孫世職、父曰五

百足、敘從五位上、為刑部少輔、長岡襲為國

造、少好刑名之學、兼能屬文、靈龜中入唐請

益、多所發明、當時言法令者、皆就質之、續日本紀

養老中藤原不比等重修律令、令義長岡刪

定二十四條、賜功田四町、勝實中改姓忌寸、

大日本史 卷一百一十三 列傳 十七

賜宿禰、寶字初累進正五位上、傳功田於子、

尋為民部大輔、兼坤宮大忠、補左京大夫、遷

河內守、為政苛刻、吏民患之、進從四位下、罷

官就第、又為右京大夫、以老辭職、景雲二年

賀正之宴、詔特侍殿上、鬢髮未衰、進退無忒、

帝問曰、卿年幾、長岡對犬馬之齡方八十、帝

嘉嘆者久、乃進正四位下、明年卒、續日本紀

陽侯真身、姓氏姓氏陽作楊、侯或作其先出

自隋煬帝後、達率楊侯阿子王、姓氏真身養

老中與刪定律令、賜功田四町、天平初敕授

弟子二人漢語、出為豐後守、時河內攝津、爭

河堤、奉敕檢察、遷但馬守、至從五位下、續日本紀

天集蟲麻呂、姓氏伊香色雄命後也、續日本紀

養老中與刪定律令、尋為明法博士、以刪定

之勞、賜功田五町、天平中授外從五位下、歷

大判事大學頭、寶字初傳功田於子、續日本紀

鹽屋古麻呂、姓氏今從類聚國史懷風藻葛城

襲津彥命後也、姓氏養老中與刪定律令、尋

大日本史 卷一百一十三 列傳 十八

為明法博士、又以刪定之勞、賜功田五町、寶

字初傳其田於子、天平中授外從五位下、坐

藤原廣嗣事配流、後赦還、續日本紀為大學頭、懷

山田銀、姓氏銀或養老中與刪定律令、今義授

外從五位下、改姓史賜連、為明法博士、兼主

計助、出為河內介、續日本紀銀明律令、後之學法

律者推為準的焉、文德實錄

大倭小東人、養老中與刪定律令、賜功田四

町、天平中小東人及大外記大倭水守等、改

姓忌寸、賜宿禰、為刑部少輔、坐藤原廣嗣事

左遷、○本書不載何國守或介、今無所考、尋召還為西海道巡

察使、次官、攝津亮、勝實中遷參河守、寶字初

至正五位上、續日本紀

守部大隅、○大隅或作大角、訓讀通、本姓鍛冶造、文武帝

初、與撰律令、元明元正朝、累進從五位上、歷

刑部少輔、為明經第一博士、養老中與越智

廣江、背奈行文、調古麻呂、天集蟲麻呂、鹽屋

大日本史 卷二百一十三 列傳 十九

古麻呂、山田御方、紀清人、下野蟲麻呂等十

餘人、並以學優堪為師範、特敕賜純絲布、鐵

神龜中進正五位下、賜今姓、上表乞骸骨、優

詔不許、賜絹純各一十匹、綿一百屯、布四十

端、續日本紀至正五位上、大學博士、卒年七十三、

懷風藻

越智廣江、饒速日命之後也、錄姓氏養老中為

明經第一博士、詔每退朝侍東宮、續日本紀至從

五位下、刑部少輔、兼大學博士、懷風藻

背奈行文、養老中為明經第二博士、神龜中

授從五位下、續日本紀至大學助、卒年六十二、懷風藻

嘗作歌譏刺倭人、世傳誦焉、萬葉集調古麻呂、養老中為明經第二博士、續日本紀後

為皇太子學士、至正六位上、懷風藻

清村晉卿、唐人、本姓袁、天平中隨遣唐使而

歸化、年未弱冠、通文選爾雅音、為音博士、景

雲初幸大學、釋奠、授晉卿從五位上、歷大學

頭、日向守、寶龜末為玄蕃頭、賜今姓、延曆中

大日本史 卷二百一十三 列傳 二十

為安房守、續日本紀

紀古麻呂、父大人、續日本紀天智帝時為御史大

夫、日本紀贈正三位、續日本紀古麻呂有文才、賦望

雪、言十二句詩、卒年五十九、懷風藻子飯麻

呂、續日本紀公卿補任、○日本紀天平中藤原廣嗣

作亂、為副將軍討平之、尋為右大辨、及廢太

宰府、飯麻呂奉命、移官物於筑前國司、為畿

內巡察使、出為常陸守、勝實中歷太宰大貳、

大藏卿、右京大夫、西海道巡察使、寶字初轉

左大辨、任參議、兼紫微大弼、與改官號、遷義部卿、除美作守、六年授從三位、以疾乞骸骨、

未幾薨、續日本紀

樗原東人、右京人、該通九經、號為名儒、文德實錄

仁壽二年初授正六位上、天平中累進從五位下、

續日本紀為駿河守、勝實初於部內廬原郡多胡

浦、獲黃金獻之、帝喜曰、勤哉臣也、因取勤臣

之義、賜姓伊蘇志臣、續日本紀實字初進

正五位下、續日本紀孫家譯、延曆中改賜姓滋野

大日本史 卷二百十三 列傳 二十一

宿禰、文德實錄弘仁末改賜朝臣、三代實錄

敘從五位上、為尾張守、文德實錄子貞主自有傳、

榮井養麻呂、其先高麗人、姓氏錄天應元年授

正五位下、延曆初為造法華寺長官、陰陽頭、

養麻呂經明行修、清慎夙著、齡既八十、尤為

後進所推服、朝廷優賞、特賜純布米鹽、續日本紀

大日本史卷之二百一十三終

大日本史卷之二百一十四

列傳第一百四十一

權中納言從三位源光圀 修

男權中納言從三位綱條 校

玄孫權中納言從三位治保重校

文學二

石上宅嗣

淡海三船

菅原古人 玄孫淳茂 淳茂孫輔正 三人六世孫文時

大日本史

卷一百一十四

列傳

孫爲長

菅野真道

賀陽豐年

善道真貞

藤原關雄

小野篁 孫道風

春澄善繩

豐階安人

紀安雄

石上宅嗣左大臣麻呂孫中納言乙麻呂子

也性朗悟有姿儀好學博涉經史善屬文工

草隸稱德朝累官至參議敘從三位兼式部

卿光仁帝之立預定策寶龜初出爲太宰帥

居無幾遷式部卿任中納言六年請改姓物

部朝臣尋兼皇太子傳中務卿十年敕復本

姓明年轉大納言天應元年進正三位尋薨

年五十三遺言薄葬詔贈正二位自寶字以

後善文者世推宅嗣與淡海三船並稱性愛

大日本史

卷一百一十四

列傳

三

山水每遇所適攬筆成篇其詩賦數十首傳

于世嘗捨其宅創阿闍寺寺內建一院藏儒

書名曰芸亭自作記有欲就閱者則聽之其

院今存焉續日本紀○高僧傳要文鈔云宅

寺東南造芸亭院築山穿沼植竹栽花其

西南構禪門東北建方丈室嘗作三藏讚附

入唐使送之唐唐內道場僧飛錫嘆

曰毘羅邪有長者子日本國有維摩詰

淡海三船作三葛野王孫父曰池邊王三

船初爲諸王勝寶三年賜姓淡海真人尋爲

賜姓、欲入唐而學、以八歲爲藤原仲麻呂所病、不果、居常修梵行、八歲爲藤原仲麻呂所譖、囚於衛士府、出爲尾張介、授正六位上、寶字中爲山陰道巡察使、尋進從五位下、歷參河守、文部少輔、八年遷美作守、爲造池使、修近江陂池、仲麻呂反、欲據近江、先遣使調發國中兵馬、三船時在勢多、與判官佐伯三野謀、縛使人及同惡者、以功授正五位上、勲三等、爲近江介、遷中務大輔、兼侍從、神護二年、賜功田二十町、傳其子、尋補東山道巡察使、

大日本史

卷二百一十四

列傳

三

景雲初、加兵部大輔、既還、列所判事狀上之、不稱旨、責授太宰少貳、寶龜中、稍遷刑部大輔、歷大判事、爲大學頭、兼文章博士、進從四位下、延曆初、兼因幡守、爲刑部卿、四年卒、年六十四、三船爲人聰敏、博涉羣書、善屬文、名高于一時、續日本紀嘗奉敕定神武以來謚號、釋私記、引其後裔、濱成高主及同族九人、貞觀中、賜姓淡海朝臣、三代實錄

菅原古人、阿波守宇庭子也、菅原本姓土師

宿禰、敘正六位上、寶龜末、進外從五位下、天應元年、爲遠江介、進從五位下、與族人道長等十五人上言、土師之先、出自天穗日命、其十四世孫曰野見宿禰、乃臣等遠祖也、昔在垂仁帝之世、古風尚存、葬禮無節、每有凶事、多用殉埋、于時皇后薨、梓宮在庭、帝顧問羣臣曰、後宮葬禮、爲之奈何、僉曰、一遵倭彥王子故事、野見宿禰獨進曰、臣竊惟殉埋之禮、殊乖仁政、實非益國利人之道、臣請權宜以

大日本史

卷二百一十四

列傳

四

襄事、因率土師三百餘人、取埴造諸物象進之、帝甚悅、號曰埴輪、所謂立物是也、此乃往聖之仁德、先臣之遺愛、垂裕後昆、生民賴之、式觀祖業、吉凶相半、若其諱辰、掌山祭日、預吉、如此供奉、允合通途、今則不然、專預凶儀、尋念祖業、意不在茲、望請因所居地名、改土師以爲菅原姓、許之時、兄安人在任、所不改姓、延曆初、奏請賜姓秋篠朝臣、續日本紀古人儒行高世、不與俗苟合、卒後家

人兄據

古人儒行高世、不與俗苟合、卒後家

無餘財諸兒寒苦續日本紀延曆中追賞侍讀

勞給其男四人衣糧令勤學業也續日本紀給學

料始于此公卿補任古八人卒年諸書無所

十按續日本紀延曆四年敕故遠江子清公

介管原古人據此系圖誤故不取

曾孫道真別有傳玄孫淳茂

淳茂道真子也系才藻頗有父風大江匡房

嘗謂儒家不墜家聲者唯都在中及淳茂等

三數人耳江談淳茂夙舉秀才對策及第為

文章博士歷兵部丞大學頭右中辨任式部

權大輔敘正五位下系宇多法皇嘗賞中秋

於亭子院召文人賦詩淳茂作序本朝法皇

見淳茂詩嘆曰恨不使故右相見之渤海貢

使裴璆來朝時淳茂迎接以詩與璆酬酢初

貞觀中璆父題奉使來朝與道真唱和至是

淳茂詩言及先人時事璆讀而感泣淳茂與

璆兩世邂逅世以為奇江談淳茂子在躬從

四位上系勸解由長官在躬子輔正公卿

輔正天曆四年舉秀才補文章得業生尋對

策及第補右少辨歷兼大學頭東宮學士文

章博士公卿以文藻播聲當時為圓融帝侍

讀古今著天元中任太宰大貳長德二年任

參議尋兼式部大輔進正三位公卿敦康親

王始讀書輔正陪宴其應教詩曰頽齡八十

有餘霜未見神聰似我王遺老愚言君記取

一經造次不應忘本朝寬弘六年薨年八十

五公卿嘗在筑紫至安樂寺憾無浮圖創多

寶塔乃安胎藏界五佛藏法華經千部名東

大日本史卷百二十四列傳六

御塔招置僧眾自撰寺務法規三卷藏諸寺

庫後人建祠道真祠側祭之古今著稱北野

宰相壽永三年贈正二位公卿今著聞集古人

六世孫文時系

文時淳茂兄右大辨高規子也系文才博洽

名聲震當時源英明源為憲大江匡衡等皆

請文時竄改其辭賦江談天慶五年對策及

第歷內記辨式部大輔進正四位下加文章

博士兼尾張權守村上朝上封事言禁奢侈

停賣官懷遠人言甚剴切本朝嘗會皇孫源

保光第賦詩曰此花非是人間種再養平臺

一片霞大江朝綱詩曰此花非是人間種瓊

樹枝頭第二花朝綱笑曰後世必以子與吾

稱為一雙江談應和中帝遊冷泉院召文人

賜花光水上浮題文時作序日本有云誰謂

水無心濃艷臨兮波變色誰謂花不語輕漾

激兮影動唇為世所稱本朝文粹和一日內

宴命羣臣賦宮鶯囀曉光帝詩曰露濃緩語

大日本史 卷一百一十四 列傳 七

園花底月落高歌御柳陰自謂諸才子不及

既而文時獻詩曰西樓月落花間曲中殿燈

殘竹裏聲帝以為絕作乃召文時問其優劣

文時曰聖作非臣所及帝數問不已徐曰聖

作實下於臣一等帝笑而然之江談今晚

年官路滯塞天元初頻請敘從三位本朝四

年遂敘之尋薨年八十四公卿稱管三品本朝

粹子雅熙輔昭系並有文學輔昭最著文才

不減父祖江談任大內記系朱雀上皇十訓按

誤鈔今訂之嘗召文人賦詩命輔昭作序留之

院中而不遣蓋慮文時有所竄定也及文出

人皆服其秀逸本朝文人粹十古人十三世孫為

長系

為長大學頭長守子也元曆正治間舉秀才

試策為大舍人助右衛門少尉任檢非違使

累歷式部少輔大內記遷文章博士為侍讀

任式部權大輔進敘從三位為大藏卿嘉禎

中任參議兼勘解由長官至正二位寬元四

大日本史 卷一百一十四 列傳 八

年薨年八十九公卿善書工和歌練達朝廷

典故正徹搢紳之士推為國家重器公卿補

戶建保中侍上皇讀貞觀政要明月又以平

政子請譯以國字貞永式和所著有文鳳鈔系

寺書子長貞公良長成高長皆有文學系

菅野真道本姓津連其先出自百濟辰孫王

續日父曰山守真道寶龜中歷少內記近江

少目公卿延曆四年以左兵衛佐兼東宮學

士九年至圖書頭兼伊豫守是歲與左中辨

百濟仁貞治部少輔百濟元信中衛少將百濟忠信上表言真道等本系出自百濟國貴須王貴須王者百濟始興第十六世王也夫百濟太祖都慕大王者日神降靈奄扶餘而開國天帝授籙總諸韓而稱王降及近背古王遙慕聖化始聘本朝是則神功皇后攝政之年也其後輕島豐明朝御宇命上毛野氏遠祖荒田別使於百濟聘有識者國主貴須王恭奉使旨擇採宗族遺其孫辰孫王本書按

大日本史

卷百十四

列傳

九

一名知隨使入朝天皇嘉焉特加寵命以為皇太子之師於是始傳書籍大闡儒風文教之興誠在於此難波高津朝御宇以辰孫王長子太阿郎王為近侍太阿郎王子灰陽君灰陽君子午定君午定君生三男長子味沙仲子辰爾季子麻呂從此而別始為三姓各因所職以命氏焉葛井船津連等即是也逮于他田朝御宇高麗國遣使上烏羽之表羣臣諸史莫之能讀而辰爾進取其表能讀巧

寫詳奏表文天皇嘉其篤學深加賞歎伏惟皇朝則天布化稽古垂風弘澤浹乎羣方叡政覃於品彙故能修廢繼絕萬姓仰而賴慶正名辨物四海歸而得宜凡有懷生莫不抃躍真道等先祖委質聖朝年代深遠家傳文雅之業族掌西庠之職真道等生逢昌運預沐天恩伏望改換連姓蒙賜朝臣於是敕因所居賜今姓明年兼治部少輔是秋管内獻白雀因進正五位下續日本紀歷治部民部大輔

大日本史

卷百十四

列傳

十

公卿補任及營新京與右少辨藤原葛野麻呂班宅地日本紀遷左兵衛督為造宮亮十六年兼伊勢守公卿補任嘗奉敕修續日本紀至是成超進正四位下類聚國史日本紀略為左大辨再兼伊豫守加勘解由長官未幾遷左衛士督歷兼相模但馬守二十四年任參議大辨學士如故明年兼太宰大貳大同二年為山陰道觀察使兼刑部民部卿轉右大辨兼大藏卿進從三位遷東海道觀察使兼左大辨歷宮内大

藏卿弘仁初兼近江守復參議遷常陸守尋致仕薨年七十四

公卿補仕

真道嘗爲桓武帝創

道場於山城愛宕郡八坂鄉承和中子永岑

奏言亡父所建道場一區雖其疆界接八坂

寺而其形勢猶宜別院由是道俗號八坂東

院伏望限以四至別爲一院置僧一口永俾

護持許之永岑仁明朝爲主殿頭齋院長官

兼豐前守敘從五位上

續日本後紀

賀陽豐年右京人也諳精經史射策甲科兼

大日本史

卷二百二十四

列傳

十一

操守義無所屈撓自非知己不敢造接大納

言石上宅嗣禮待甚厚延居書齋數年之間

博究羣書識者皆以爲洽博過釋道融御船

王延曆中任東宮學士平城帝踐祚敘從四

位下拜式部大輔時女謁屢行英賢見排豐

年獨懷素志玄默自守及帝傳位遷御平城

守職不追從以故得不預亂因辭職自退嗟

峨帝惜其材任播磨守在職三年移病歸京

居宇治別業弘仁六年卒年六十五贈正四

位下時人謂天爵有餘人爵不足矣初豐年

病在宇治聞故老語仁德帝與宇治稚郎相

讓之事甚高其義託執柄之臣請陪葬焉及

卒敕許之豐年嘗詣友人小野永見命筆賦

詩曰白眼對三公權貴惡之其操守如此

後紀

善道真貞右京人父伊與部家守伊賀守真

貞十五歲入學居數年諸儒推其才行補文

章得業生大同中課試登科任山城少目弘

大日本史

卷二百二十四

列傳

十一

仁中兼大學助教授外從五位下爲博士尋

以明經進一階歷兼越前大掾相模權介天

長初遷大學助歷陰陽頭進從五位上表請

賜姓善道宿禰進正五位下遷阿波守以與

撰令義解不赴任承和中累進從四位下以

明經宿儒賜攝津島上郡荒田九段尋爲東

宮學士真貞以三傳三禮爲業兼善談論而

不學漢音至於教授用世俗踏訛之音情在

進取不能恬退久之拜此官及皇太子廢貶

備後權守、帝愍其年老、不幾召還、諸儒奏言、當代讀公羊傳者、唯真貞而已、今而不傳、恐斯學遂墜、乃命真貞於大學講之、後卒于家、年七十八、續日本後紀

藤原關雄、參議、真夏子也、少屬文、天長初奉文章生試及第、性好閒退、常在東山舊居、耽愛林泉、時人呼為東山進士、承和初淳和上皇嘉其為人、特詔徵之、關雄不獲已而起、帝待以優禮、從事左右、尋任勘解由判官、司務

大日本史

卷二百一十四

列傳

十三

繁劇非其好也、數月遷少判事、授從五位下、仁壽初累遷為治部少輔、兼齋院長官、以病請罷不允、三年卒、年四十九、關雄好鼓琴、淳和上皇賜秘譜、由是稍得其妙、又能草書、敕題南池雲林兩院壁、文德實錄

小野篁參議、岑守子也、弘仁中岑守為陸奧守、篁隨父赴任、日慣馳馬、後還京師、不復事學業、嵯峨帝聞而歎曰、斯人之子、而猶為弓馬之士乎、由是慚悔、始志于學、十三年奉文

章生試及第、天長中歷巡察彈正少忠大內記式部少丞、進從五位下、除太宰少貳、尋丁父憂、哀毀過禮、明年起為東宮學士、拜彈正少弼、文德實錄與清原夏野等奉敕撰令義解、今義解承和初除美作介、公卿補任為遣唐副使、兼備前權守、任刑部大輔、累進正五位下、及使唐借正四位上、三年引見紫宸殿、賜綵帛臂布、又御紫宸殿、賜錢御被一襲、赤絹被砂金、篁請授小野神從五位下、既發遭風破船、不得

大日本史

卷二百一十四

列傳

十四

進而還、四年再赴唐、初定使船次第、大使藤原常嗣所乘居第一、號太平良、最為堅硬、第二船篁所乘次之、第一船毀壞、常嗣欲奪篁船、奏請換次第、許之、篁忿恚曰、朝議不定、二三其言、受命之日、分配已定、今翻以朽損與我、論之人情、是為逆施、有何面目以率下乎、篁家貧親老、身亦疴病、當汲水採薪致匹夫之孝耳、遂稱病篤、不復上船、作西道謠刺遣唐之事、多犯忌諱、嵯峨上皇見而大怒、令論

其罪、帝下敕曰、小野篁身奉綸旨、出使外境、而稱病不行、准據律條、可處絞刑、今特宥死罪一等、處之遠流、因免為庶人、竄于隱岐、在路作謫行吟七十韻、當時稱誦之、數年召還、帝愛其文才、歲餘詔復本位、尋為刑部大輔、除陸奥守、入為東宮學士、兼式部少輔、進從四位下、為藏人頭、藏人頭據公卿補任十四年任參議、兼彈正大弼、嘉祥初轉左大辨、兼信濃守、為班山城、田使長官、兼勘解由長官、歲餘進從

大日本史

卷一百一十四

列傳

十五

四位上、以病歸家、文德帝即位、加正四位下、授近江守、參取續日本後紀、文德實錄、明年病瘳、復為左大辨、未幾病動不朝、帝甚愍之、屢遣使視之、賜錢穀、就家授從三位、及困篤、命諸子曰、氣絕則殮、莫令人知、薨時年五十一、世稱野相公、篁事母至孝、家素清貧、俸入皆施親友、文章冠絕當時、草隸有二王之迹、後世模楷焉、初在太宰府、唐人沈道固者、時居鴻臚館、聞篁有才思、數以詩賦相唱和、常美其富艷、德文

實錄、野相公弘仁中帝幸河陽館賦詩一聯云、閉閣唯聞朝暮鼓、登樓遙望往來船、以示篁、篁曰、聖作甚佳、但改遙作空最好、帝愕眙曰、是白樂天之句、遙本作空、朕聊試卿、適見卿與樂天詩情相同也、時樂天集始至、藏在秘閣、人未得見、以故大為帝所稱美、其精詩如此、平生所作、往往有與樂天句格相似者、世以此重之、然為人不羈、好直言、不為當世所容、忌其才者、呼為野狂、以篁狂音相通也、

大日本史

卷一百一十四

列傳

十六

故篁有暗作野人天與性、自古狂官世呼名之句、江談鈔○相傳下野足利學校、篁嘗讀書處、上杉憲實創為學校、聖廟傍有一室、安篁木主、子保衡、葛絃、小野系圖○本書今見存焉、子保衡、葛絃、以葛絃為篁弟、今姑從一說、俊生、系圖、古今和歌集目錄、保衡正五位下、陸奧阿波守、葛絃正四位下、太宰大貳、系圖、練達政事、世稱循吏、菅家文章、藤俊生從五位上、刑部大輔、葛絃子好古、道風、三代實錄、好古自有傳、道風善書、適勁神逸、冠絕今古、歷事醍醐、朱雀村上三朝、至正四位下、內藏權頭、系圖、扶略記、

醍醐帝酷愛其書、及造醍醐寺、使道風書榜、
一楷一草、初擬揭楷書於南門、而終榜草書、

道風大喜曰、嗚呼賢主哉、蓋以其得意在草
書也、古今著聞集又命書行草法帖各一卷、使僧

寬建持往唐、蓋欲播其美於異邦也、扶桑略記其
餘殿壁題字、宮門扁榜、道風所書甚多、日本略記

晚患中風、手顫、筆勢彌生奇體、古今著聞集嘗為
橘直幹書奏疏、村上帝常置坐側、會禁闕火、

帝顧左右曰、直幹之疏存否、不復問他、十訓抄
大日本史 卷二百十四 列傳 十一

今著聞集、康保三年卒、年七十一、日本略記凡其
書一行隻字、人競求之、不得者以為恥、其為

世所貴如此、鏡後世稱道風及藤原佐理、藤
原行成曰三蹟、尊卑分脈俊生子美材、古今歌

集目亦工書、菅家後集有文才、日本略記從五位上大
內記、系圖古今和歌集、醍醐帝讀羣書治要、美材

為尚復、日本略記延喜二年卒、菅家後集古今
春澄善繩、字達本、姓猪名部造、三代實錄伊香我

色乎命之後也、姓氏錄伊勢貞辨郡人也、達官

之後、移隸左京、祖財麻呂貞辨郡少領、父豐
雄周防大目、善繩幼而明慧、骨格非常、財麻

呂奇之、加意撫養、傾產無所惜、弱冠入學、手
不釋卷、所閱覽多口誦、博洽多通、妙於藻思、

明敏兼人、時之學者無能及焉、天長初及第、
補俊士、四年為常陸少目、以秩俸充學資、五

年賜姓春澄宿禰、後改朝臣、停俊士之號、補
文章得業生、七年對策、詞義甚高、式部省評

處之丙第、是歲春內記闕、帝雅重士、虛此職
大日本史 卷二百十四 列傳 十八

以俟善繩、是夏擢第、補少內記、尋轉大內記、
授從五位下、十年為東宮學士、仁明帝立、兼

攝津權介、承和中遷兼但馬介、進從五位上、
及嵯峨上皇崩、皇太子見廢、善繩以學士左

遷周防權守、十年遷文章博士、講范曄後漢
書於大學、解釋流通、無所淹滯、諸生質疑者

皆得解惑、三代實錄尋兼備中介、十四年帝設莊
子竟宴、先是帝受莊子于善繩、是日引善繩

于清涼殿賜酒、執弟子之禮、分莊子篇、令左

右近臣賦詩、管絃交奏、酣暢為樂、賜御衣二襲、是月又讀漢書於清涼殿、續日本後紀 嘉祥初

授正五位下、兼備中守、三代實錄 齊衡元

年為刑部大輔、三代實錄 奉詔與菅原是善

大枝音人等、評品文人所上重陽詩、明年奉

詔修國史、三年講晉書、帝親受讀焉、文德實錄 天

安元年為伊豫守、兼右京大夫、二年進從四

位上、貞觀初任參議、為式部大輔、進正四位

下、兼播磨權守、遷近江守、三代實錄 十一年

大日本史 卷二百十四 列傳 十九

國史成上之、三代實錄 十二年為讚岐守、疾病、詔

及其生存、授從三位、時太政大臣良房在直

廬、脫朝服贈加其身、時人榮之、薨年七十四、

三代實錄 善繩性周慎謹朴、不以所長加人、

為文章博士時、諸博士各自名家、更以相輕、

短長在口、弟子亦立門戶、常有爭言、善繩恬

退、謝遣門徒、終不為謗議所及、雅信陰陽、多

所拘忌、每有物怪、杜門齋禁不通人、乃至一

月之中、門扉十閉、家宅不治垣屋、口罕言死、

弔問遂絕、及登清要、齋忌稍簡、家不引賓客、

唯對子姪耳、年老聰明不衰、文章加麗、貞觀

中追改策判、進為乙第、二子具瞻、魚水並位

至五品、無繼家業者、三代實錄

豐階安人、河內大縣郡人、本姓河股公、彥坐

命之後也、三代實錄 至御影改今姓、安人少

穎悟有局量、以好學早知名、涉獵史傳、最精

漢書、承和五年除少內記、轉大內記、嘉祥元

年敘外從五位下、明年遷東宮學士、文德帝

大日本史 卷二百十四 列傳 二十

立、授外從五位上、三代實錄 仁壽元年為丹後權

守、累陞次侍從、及詔春澄善繩講文選、安人

為都講、文德實錄 二年上疏言、安人貫河內國、未

除公字、伏請移籍京華、亦為真人、於是詔賜

姓真人、貫左京、齊衡元年為尾張權守、三年

轉圖書頭、天安中為掃部頭、遷大學頭、尋為

東宮學士、兼美濃權介、清和帝即位、授正五

位上、貞觀三年拜刑部大輔、是歲卒、時年六

十五、三代實錄 為尾張權守、文德實錄

紀安雄、本姓刈田、其先讚岐人也、至安雄改
今姓、移隸左京、父種繼仕仁明帝、至大學助
教、從五位下、帝崇經術、屢引儒士、以相論討、
常召大學博士御船主及種繼、論經義、主執
禮、種繼舉傳、難擊往復、遂無折角、時有阿刀
根繼伴長、並善相撲、天下無雙、帝號主爲長、
種繼爲根繼、以戲之、安雄幼以學行稱、性寬
綽柔順、始補得業生、天安中爲大學直講、貞
觀中累進從五位下、轉助教、專精經業、頗開
文辭、時撰修格式、敕擇有識者、安雄預焉、爲
勘解由次官、兼下野介、進從五位上、遷主計
頭、元慶初出爲武藏守、政貴簡惠、吏民安之、
秩滿歸京、除鑄錢長官、兼周防守、聲績減於
武藏、仁和二年卒、年六十五、三代實錄

大日本史

卷一百二十四

列傳

三十一

大日本史卷之二百一十四終

大日本史卷之二百一十五

列傳第一百四十二

權中納言從三位源光圀 修

男權中納言從三位綱條 校

玄孫權中納言從三位治保重校

文學三

都良香

橘廣相

島田忠臣

大日本史 卷二百一十五

列傳

一

大藏善行

藤原佐世

紀長谷雄

巨勢文雄

善淵永貞

三統理平

惟宗公方 孫允亮

都良香左京人初名言道祖桑原秋成大和

介外從五位下父貞繼父貞繼據古今弘仁

中與兄腹赤請改姓都宿禰承和中為主計

頭嘉祥初叙從五位下貞繼累歷吏部諳練

舊儀後任此職者必咨訪而行焉文德實錄腹赤

有文藻才名彰著嗟峨帝時屢侍宴賦詩及

渤海使來與副高景秀唱和又與信濃守仲

雄王等撰文華秀麗經國集文華秀麗兼熟朝典及

編集內裏式亦預焉本書序至正五位下文章

博士日本紀略良香博聞彊記善屬文弱冠入學

此時士習矜伐妍媸不分良香嫉之著辨薰

大日本史 卷二百一十五 列傳 二

猶論曰人有賢愚物有美惡人以賢才為賢

物以美體為美是故人中有人人之有賢才

者名高物中有物物之有美體者價貴庸詎

謂無賢愚於人無美惡於物乎若然則曲阜

尼丘比培塿而無別紫蘭紅蕙混蕭艾而不

分求之空論何其謬乎觀夫草之有薰猶猶

人之有賢愚薰也猶也生一園之中共有枝

葉賢也愚也居二儀之間共有頭足人或不

辨謂無異同彼一賢一愚而世不以為異此

或香或臭、而人猶以為同、遂使賢愚一貫、曾無等差、香臭一氣、時有混亂、當此之時、能視者視之、而別人之賢愚、能聞者聞之、而辨草之香臭、否則白藏九月、驚飆加振、擊之威、玄英三冬、嚴霜致殺、伐之暴、徒蘊酷烈之氣、與凡藁而盡耳、但至歲窮陰律、音入陽爻、羣木榮於林、百卉秀於野、本臭者亦自臭、初香者亦自香、此為稟性不同、含氣有素、遂則臭者生於道路、牛羊之足踐其萌芽、香者薦於宗

大日本史

卷二百一十五

列傳

三

廟鬼神之口嘗其氣味、今之君子若能杜絕鵲鳩之啄、今久其芬芳、鋤除莠莠之根、無雜其穢惡、不同器而藏、當異處而種、美惡香臭、可得而明焉、都氏文集、對策及第、聲譽益著、本朝文粹、對策及第、聲譽益著、時論謂其文章得之天性、都氏文集、江談鈔、對策時、春澄善繩、為問頭博士、言道誘其侍女、得試題之草本、據作神仙策、遂取科第、有三壺雲浮、七萬里程、分浪、五城霞、遷正六位上、少內記、貞觀十四年、與平李長、為掌渤海客使、奏曰、姓名相配、其義乃美、若非佳令、何

示遠人、請改名良香、許之、敘從五位下、尋為大內記、文章博士、兼越前權介、十八年大極殿災、詔諸博士、議皇帝廢朝、及羣臣從政以否、良香與大學頭巨勢文雄議曰、春秋穀梁傳、新宮災、三日哭、新宮者何、禰宮也、三日哭哀也、其哀禮也、又漢建元六年四月、高園使殿火、帝素服五日、元鳳四年五月、孝文廟正殿火、帝及羣臣皆素服、又漢元封六年十一月、栢梁臺災、永始四年四月、長樂宮臨華殿

大日本史

卷二百一十五

列傳

四

未央宮東司馬門皆災、後漢承和元年十月、承福殿火、魏青龍二年四月、崇華殿災、晉太康十年四月、崇賢殿災、梁普通二年五月、琬琰殿火、延燒後宮屋三千間、據此等文、園廟火災、必有素服盡哀之禮、至如宮殿之災、無有變服廢朝之文、但春秋昭十八年、左氏傳曰、五月、宋衛陳鄭皆火、三日哭、國不市、異苑曰、魏文侯御廩災、素服避正殿五日、羣臣皆素服而哭、謹按古之諸侯、有如此之災者、或

有變服致哭之義、今折中而論之、宜三日廢朝、皇帝及羣臣不變常服、唯盡憂戚之意、詔從之、元慶元年陰陽寮奏、四月朔、夜日當食、豫下四道博士、議食在夜當廢務以否、良香議曰、按經傳諸史、太陽虧損、君避殿移時、百官廢務、自有明文、不煩更載、此謂晝日之食也、至于夜食暗傷之理、不見避殿廢務之義、但春秋穀梁傳、莊十八年春王三月、日有食之、不言日、不言朔、夜食也、鄭君釋曰、一日一

大日本史

卷二百二十五

列傳

五

夜、合為一日、今朔日日初出、其食有虧傷之處、未復、故知此日以夜食、夜食則亦屬前月之晦、謹按一日一夜、合為一日、其食有虧傷之處、然則若食及復、在丑刺前者、當屬前月、以為晦食、晦日廢務、若食及復、在寅刺後者、當屬來月、以為朔食、朔日廢務、且如雖食在丑刺、而虧傷之處、至寅若卯、未及全復、則晦朔兩日、竝須廢務、古之與今、其事各異、何者、古之曆家、未知豫推日食之術、唯見虧傷、然

後知食、設有夜食、不由得知、後代曆家、以術推理、豫知食否、毫毛不差、故唐開元禮云、太陽虧、有司豫奏、其日置五穀五兵於大社、皇帝不視事、百官各守本司、不理務、過時乃罷、如唐禮文、不論晝夜、有司豫奏、今豫知夜食、豈得以在夜不救之乎、既能救之、豈得準平日舉政事乎、然則不問晝夜、必當廢務、從之、是歲賜姓朝臣、三年卒、三代實錄年三十六、古今和歌

大日本史

卷二百二十五

列傳

六

氣霽風梳、新柳髮、冰消浪洗、舊苔鬚、樓上有歡賞聲、時人異之、又遊竹生島、得三千世界眼前畫之句、對未成、島神賡曰、十二因緣心裏空、子在中、有文才、為越前掾、在任與渤海使裴瑆交遊、臨別贈詩、瑆大稱之、朝議欲詰私交外國人、聞其為瑆所稱、釋而不問、江談鈔橘廣相字朝綾、左大臣諸兄五世孫、父峯範若狹守、公卿補任、橘氏系圖廣相幼而有文名、九歲許昇殿、乃賦詩曰、荒村桃李猶應愛、何況瓊林

華苑春江談長而博學貞觀中補文章生為

越前權少掾補藏人對策及第為右衛門大

尉敘從五位下除文章博士辭不就歷東宮

學士民部少輔公卿補任五條太皇太后崩議喪

服未決遂從廣相議渤海使來奉教宴使人

賦詩三代實錄敘從五位上為右少辨學士如故

公卿補任皇太子讀千字文廣相侍讀三代實錄轉左

少辨兼美濃權守以學士勞超授正五位上

遷式部大輔藏人頭元慶中為勘解由長官

大日本史卷二百一十五 列傳 七

右大辨公卿補任光孝帝即位進從四位上帝讀

文選又侍讀三代實錄尋兼文章博士任參議轉

左大辨宇多帝即位廣相與左中辨藤原有

穗左近衛中將藤原時平左衛門佐藤原高

經等侍殿上關白基經辭職廣相草詔有以

阿衡之任為卿之任語基經不悅帝為解謝

之尋兼近江守進正四位上寬平二年卒年

五十四以侍讀勞贈中納言從三位參取公卿補任

扶桑略記○十訓鈔曰藤原佐世阿衡語

大狂癡蛟人繞佐世家曰阿衡因贈

中納言以慰其靈歷代皇紀亦載此事怪誕

不足取十訓鈔為聘以絹布皇紀廣相歷仕

三朝近侍左右省中眾事莫不幹理公卿補任博

涉羣書皆橫看讀過拔萃鈔纂以備遺忘獻

策之日覽一代藏經七日而竣江談有集八

卷仁和寺書目錄著朝官當唐名略鈔拾芥又嘗

奉宇多帝敕撰蹈歌記年中行事廣相初受

業管原是善江談鈔是善嘗作高雄山鐘

銘廣相序之藤原敏行書之高鐘銘世稱三

大日本史卷二百一十五 列傳 八

絕廣相初名博覽舊制不得以佛菩薩聖賢

名號為名以舍利弗別號博覽比丘父峯範

奏請改今名公卿補任子公賴善和歌後撰和歌集新敕撰

和歌集天慶中官至中納言公卿補任

島田忠臣其先出自神八井耳命姓氏錄貞觀

初為越前權少掾渤海聘使來副使周元伯

頗閑文章以忠臣能屬文假加賀權大掾就

館與元伯唱和既而任少外記授從五位下

貳、為美濃介、權行玄蕃頭事、與式部少輔菅

原道真、迎接渤海聘使裴題、三代實錄後為伊勢

介、本朝實錄宇多帝受周易於大學博士善淵、愛

成、忠臣為都講、寬平三年講畢、賜曲宴、忠臣

賦詩作序、田氏家集及卒、菅原道真作詩哭曰、自

是春風秋月夜、詩人名在實應無、菅家紀長

谷雄稱、為當代詩匠、本朝實錄關白基經亦愛其

才、厚遇之、嘗使藤原敏行書其詩五百餘篇

於屏風、田氏家集所著有百官唐名鈔、拾芥鈔

大日本史 卷一百一十五 列傳 九

大藏善行、以文學著、貞觀十七年蒙敕侍藏

人所、校定御書、又講顏氏家訓、教授左右年

少於禁中、明年講竟、賜宴於藏人所、召大學

文章生等賦詩、元慶中為少外記、敘正六位

上、三代實錄先是為土左權掾、大內記都良香狀

讓其職曰、善行等、文富春華、學收秋實、若搖

筆麟閣、洗硯鳳池、則左右得人、起居傳美、都氏

文集、本朝實錄七年為存問渤海客使、兼領客使、臨

進發辭見、賜御衣袴各一襲、仁和中轉大外

記、授外從五位下、兼播磨權大掾、三代實錄改姓

伊美吉、賜朝臣、參取三代實錄寬平中敘從五

位上、為勘解由次官、兼參河權介、大外記如

故、先是與左大臣藤原時平等奉敕修三代

實錄、延喜元年書成奏上之、三代實錄善行學

究經籍、善於教導、生徒甚多、藤原時平及弟

仲平平惟範、平伊望、藤原興範、紀長谷雄三

統理平等皆受業、雜言奉和紀長谷雄水石亭詩序是歲善

行年七十、時平會一時英俊於城南水石亭、

大日本史 卷一百一十五 列傳 十

以賀其壽、會者一十六人、時平執弟子之禮、

時人榮之、雜言奉和尋敘從四位下、任民部大輔、

延喜格序後為東宮學士、常服鍾乳丸、年滿

九十、猶有壯容、家蓄婢妾、年八十七生子、十

七年以漢書授太子、每朝侍講、無有休暇、世

人歎異、謂之地仙、政事略

藤原佐世、式部卿宇合之裔、父菅雄、民部大

輔、佐世初為攝政基經家司、貞觀中對策及

第、尊卑分脈、江談鈔、○江談鈔曰、藤原氏獻策助千佐世、今據文德實錄、天長初藤原

關雄奉文章生試及第、非舉文章得業生、補

越前大掾、十四年與大學頭巨勢文雄、燕饗

渤海使於鴻臚館、元慶中敘從五位下、為彈

正少弼、民部少輔、陽成帝始讀孝經、佐世為

都講、既而進從五位上、為右少辨、八年遷大

學頭、奏貸新錢三十貫於左右京職、以其子

錢充大學寮學生、菜資、仁和元年奏、令云、凡

學生公私有禮事、令觀儀式、又承和十二年

宣旨云、車駕行幸之日、官人引文章生等陪

大日本史卷二百一十五 列傳 十一

從、然則朝堂之儀、公私之禮、節會宴享之日、

巡狩遊獵之時、必須率學生縱觀陪從、而寮

本無幕幔、臨事多闕、諸司例給二張、領四百

之生徒、非兩幕之可容、望請賜四張、以為儲

備、從之、二年為左少辨、遷式部少輔、三代寬

平三年任陸奧守、兼大藏少輔、續本朝文粹

光至從四位下、右大辨、所著有見在書

目、行于世、昌泰元年卒、子文貞對策及

第、至文章博士、式部大輔、正五位上、子後生

亦獻策、為文章博士、子孫相繼業儒、世

稱式家云、紀長谷雄字寬、祖國守內膳正、善鑿、為

典藥頭、時東宮有疾、令國守上藥、國守啓曰、

必至瞑眩而後愈、已而東宮果苦悶、於是帝

下國守於帶刀陣、命曰、若有不諱、速斬之、既

而東宮疾瘳、國守謂人曰、若東宮疾不起、我

必誅死、遂戒子孫、令勿學鑿、父貞範彈

正忠、貞範嘗禱長谷寺生長谷雄、因名

大日本史卷二百一十五 列傳 十一

焉、紀氏生而穎敏、成童志學、十八屬文、本朝

以後、詩序受業大藏善行、未及知名、一

日諸生羣飲、賦幽人釣春水詩、島田忠臣獨

賞長谷雄詩曰、綴韻之間、甚得風骨、自是才

名日著、久之人惡之於善行、沈淪積年、貞觀

十八年始補文章生、既而遊菅原道真之門、

道真初未奇之、適見大極殿始成宴集詩、歎

曰、不意詞藻至此、後屢相唱和、本朝文粹所

序、元慶中為文章得業生、讚岐掾、時有

識之士爭好論議立義不堅或至醉舞狂歌

罵辱陵轢道真寄詩長谷雄以勸吟詩管家文草

仁和中為少外記敘從五位下寬平中累官

圖書頭文章博士兼讚岐介式部少輔右少

辨大學頭進從四位下九年為式部大輔兼

侍從博士如故公卿補任宇多帝欲遣使於唐菅

原道真為大使長谷雄為副使會唐亂而止

扶桑略記醍醐帝即位上皇敕使藤原時平藤原

定國菅原道真平季長及長谷雄侍帝以備

大日本史

卷二百十五

列傳

十五

顧問古今集

昌泰元年授帝羣書治要日本略記

是年為右大辨續本朝文粹所載藤原敦光狀轉左大辨延

喜中任參議累進從三位任中納言十二年

薨年六十八日本紀略○江談鈔及今昔物語曰長谷雄嘗至長谷寺祈任

大納言夢有人告曰汝有文才可遣他國未幾薨長谷雄文藻富瞻

為眾所推詔敕表牋多出其手世稱紀納言

又稱紀家紀家據江談鈔長谷雄能律身嘗書紳曰

靡恃人之知勿誇己之賢須懷誠與慎以思

身之全朝野群載三善清行嘗與長谷雄論文詒

罵曰自古無有無才博士今始於汝長谷雄

不校時人服其雅量惟宗孝言聞之曰龍之

鬬雖困不至斃他畜不得近之蓋謂二子才

高餘子不得與也江談鈔今昔物語及道真執政每

有文會必先屬長谷雄起草嘗侍內宴賦詩

道真執其手曰元白再生何以加焉島田忠

臣亦亟稱其文道真薨後忠臣小野美材輩

相踵而逝長谷雄獨執文柄然延喜以後詩

感其無知音題曰延喜以後詩卷本朝文粹所載延喜

大日本史

卷二百十五

列傳

十五

以後詩序文集散逸今纔存子淑望淑人淑信淑

光淑行淑聞淑方淑久淑江皆有才學多至

顯官紀氏系圖○系圖本不載淑江淑人見小野好古傳

巨勢文雄左京人本姓味酒貞觀初擢文章

得業生授正八位下對策及第加賜三階授

大內記三年賜今姓先是巨勢河守奏言文

雄款稱先祖出武內宿禰大臣五男巨勢男

韓宿禰是巨勢朝臣之祖三男平羣木兒宿

禰即文雄之祖木兒宿禰之後賜味酒臣姓

淪落被貫伊勢、至于文雄之先、改臣賜首姓、貫附左京、事煥圖牒、文雄一祖之裔、八腹之支、孤爲悴族、久隔榮途、加以酒之爲用、唯貴成禮、耽淫之失、鑒誠攸深、而今味酒爲姓、副以首字之味、○之味上疑有脫字既非吉祥、况復當爲其首乎、是以改姓之望、朝夕刺思、式微之歎、弟兄深鯁、願熙明時之景煦、入巨勢之華宗、但順祖胤之流、賜平羣之姓、而平羣之字、稱謂是凡、巨勢之文、義理堪愛、河守等謹檢本

大日本史

卷二百一十五

列傳

十五

系、已知同宗、見其所愁、理當聽許、特賜巨勢朝臣之姓、將慰沈淪族人之懷、至是從其所請、歷民部少輔、文章博士、備後權介、遷大學頭、進從五位上、先是應天門災、修造既訖、使博士議改名、竝問應天朱雀羅城諸門名義、文雄議曰、宮殿城門、火災後改名、兩漢以上、未聞有此事、魏青龍二年四月、崇華殿災、繕復之、三年七月又災、高堂隆以爲不可營造、帝不從、遂復曰九龍殿、唐天寶二年應天門

災、十一月成、改曰乾天門、本朝制度、多擬唐家、凡災火雖異、總之非休徵、修復之後、除舊號、制嘉名、不亦宜哉、洛都城門、謂應天門、按禮含文嘉曰、湯順人心、應於天、蓋取諸此、長安南面城門、謂朱雀門、大明宮南面五門、正南曰丹鳳門、夫丹鳳朱雀其義一、以在南方、謂之朱雀乎、羅城門者、周國門、唐京城門、西都謂之明德門、東都謂之定鼎門、今謂之羅城門、義未詳、但唐六典注云、自大明宮夾東

大日本史

卷二百一十五

列傳

十六

羅城複道、經通化門而入興慶宮、今按文勢蓋羅列之意、元慶中至右中辨、從四位下、兼越前守、三代實錄

善淵、永貞初名福貞、本姓六人部、火明命後也、世居美濃、厚見郡、後與弟愛成等、遷隸左京職、賜今姓、貞觀中擢直講、敘外從五位下、爲助教、兼越後介、十四年上表、請辭職、侍母病、尋進從五位上、遷大學博士、兼越中守、光孝帝讀孝經、永貞爲侍讀、進正五位下、仁和

元年卒於官、年七十三、弟愛成、貞觀中爲右

中辨、兼山城權介、帝讀羣書治要、爲都講、三

從五位上、大學博士、三代實錄、請辭職、侍聽

昇殿、爲侍讀、職原

三統理平受業於大藏善行、雜言策試及第、

朝野寬平昌泰間爲大外記、兼備中掾、越前

介、三代實錄序、二授從五位下、官職延喜中

遷大內記、兼周防權介、延喜格序、釋日本紀

預撰三代實錄及延喜格、本書時帝好學、令

大日本史 卷一百一十五 列傳 十七

藤原春海講日本紀、召一時文士侍講、延理

平亦與焉、講畢作竟宴和歌序、日本紀竟

叙從五位上、爲文章博士、二中理平嘗侍宴

賞月、賦詩有云、天山不辨何年雪、合浦應迷

舊日珠、讀師以次唱羣臣詩、至理平詩、帝命

令再三誦此句、理平感嘆、江談晚年任式部

大輔、進從四位下、作者部類延長四年卒、年

七十四、作者部類理平善詩、管原文時愛其詩、嘗

自寫其集、大江匡房亦稱爲鉅匠、其爲後輩

所慕如此、江談子元夏對策及第、爲文章得

業生、類聚符任式部丞、朱雀帝受史記於藤

原在衡、元夏尚複、外記天曆中歷式部少輔

文章博士、本朝文粹、二中歷、類爲東宮學士、

作者部類授四位、康保中卒、作者部類子篤

信亦有文才、賜學問料、紫黃記爲少內記、本

麗藻○按仁和寺舊籍目惟宗公方、其先功滿王秦始皇後也、應神朝

率衆歸化、子孫因以秦爲氏、元慶中公方祖

父直宗、父直本、奏請改惟宗、三代實錄、父祖

大日本史 卷一百一十五 列傳 十八

本朝文粹直宗至勘解由次官、三代實錄、直

本爲主計頭、二中世學法律、任明法博士、攝

巡察糾彈職、三代實錄、政事公方延長間歷

左衛門大志、任明法博士、聚符宣鈔、類爲主

計助、天慶中遷大判事、兼勘解由長官、大和

介、尋任民部少輔、要略天曆中爲左衛門權

佐、補檢非違使、二中歷、官職授正五位下、

類聚符當是時諸國衰弊、貢賦不入、帝乃立

宣鈔

制以嚴其法既而國司犯法者十餘人令法家議其罪公方論之以爲違式右弼姓以爲違敕公方曰違詔旨謂之違敕違式制謂之違式今國司所犯者非式制乎右弼曰式制亦奉敕而定之謂之違敕何不可之有二議不決事聞帝以公方言爲非使藤原文範詰問公方固執前言文範奏之敕令上疏謝過公方不聽北山鈔天德二年左遷大藏權大輔日本紀略猶兼明法博士西宮識者謂公方言

大日本史 卷二百一十五 列傳 十九

雖是而以忤帝意見貶北山鈔安和中左大臣源高明坐事貶太宰權帥既而薙髮請止京師公卿補任時議不決令公方議之公方曰凡僧尼犯罪猶且還俗處刑今臨事薙髮豈宜宥其罪乎從之政事要略公方雖不善詩賦博覽多通尤精家學當時法律多成其手要略取政事

符宜鈔本 著本朝月令以詳典故仁和寺書嘗語子弟曰延喜朝寵姬內匠藏人奏請觀白馬節會所著深紅衣露於車外深紅歷朝

所禁也檢非違使源中正取衣將裂之內匠爲和歌解其意中正不忍裂其衣而止凡掌法律者宜存此意其寬恕如此政事要略孫允亮

允亮夙有才名長於家學爲明法博士論斷精確當時法家皆出其下政事要略常悼祖

公方以違式之議忤帝意見貶密反覆其議

歷數年論說始成乃詣文範家欲論之文範

曰先帝既崩卿先人亦歿吾亦既老今日勿

大日本史 卷二百一十五 列傳 二十

復煩論辯允亮遂不得論而還江談鈔正曆中

爲勘解由次官小野宮年尋任左衛門權佐

○二中歷補檢非違使年中行事政事要略

五年宇佐社人與大貳藤原佐理爭事訴之

朝以允亮爲推問使窮問之遂罷佐理職日本紀略

長德中藤原伊周與弟隆家坐謀逆處竄

允亮爲追下使就家傳敕會中宮御伊周家

伊周兄弟不敢出允亮奏請入搜之伊周逃

匿愛宕山允亮率徒追之伊周遂赴配所古事

談四年奏請改姓、賜姓令宗朝臣、無幾兼彈

正判事、政事要略寬弘中兼河內守、政事要略敘

從四位下、為檢非違使佐、官職秘鈔佐敘四位始

于此、官職秘鈔嘗編纂父祖舊記及諸書、著

政事要略百三十卷、又著類聚判集百卷、仁和

寺書錄其日記曰宗河記、法家以為準則云、

清錄

大日本史卷之二百一十五終

大日本史 卷一百一十五 列傳 二十一

大日本史卷之二百一十六

列傳第一百四十三

權中納言從三位源光圀 修

男權中納言從三位綱條 校

玄孫權中納言從三位治保重校

文學四

大江音人

孫朝綱 維時 匡衡 定基 玄孫 匡衡

棟子時

大江音人左京人、父本主備中介、公卿補任

大日本史

卷二百一十六

列傳

二

紹運錄、音人系阿保親王子、而注其下曰、先祖本姓土師、甚無謂、又按補任、音人母中臣氏、本阿保親王女、蓋中臣氏為親王所娶、有孕而嫁、本主、然他無明證、今不可考、

音人受業菅原是善、扶桑集博學善屬文、三對

寶錄、額天長末補文章生、承和中舉秀才、任

備中目、數年坐事謫尾張、居之三年、徵歸京、

尋補少內記、公卿補任敘從五位下、轉大內記、續

本後嘉祥三年兼東宮學士、仁壽齊衡間為

次侍從、歷民部少輔、左少辨、文德實錄、公卿補任、次侍從

寶清和帝即位、進正五位下、遷式部少輔、尋

為左中辨、貞觀中累轉右大辨、任參議、八年

進正四位下、音人其先姓土師宿禰、桓武時

以外祖母族、改賜大枝朝臣、音人以謂枝大

於幹、不折必摧、大枝姓非本枝長固、子孫無

疆之義也、然先朝所賜、遽從變革、亦有所不

安、因奏請改姓大枝為大江、蓋以字異而稱

同也、許之、尋轉左大辨、兼勘解由長官、進敘

從三位、兼左衛門督、補檢非違使、別當、三代實錄

公卿補任、十七年帝讀史記、音人侍讀、元慶元年

大日本史

卷二百一十六

列傳

二

敕議上皇送皇帝書、可注御諱否、音人奏議

謹按禮經、君前臣名、父前子名、故周公告文

王、皆稱武王名、又云見似目瞿、聞名心瞿、夫

父者子之天也、故其禮節之相去、如天地之

懸隔、豈有父為子稱其名乎、夫天子之禮、雖

與庶人異、而至于父子之間、未有差別、昔太

公家令有人臣之語、漢祖善之褒賞、是則為

太公未登尊位也、雖然、漢祖以之被短於世、

又按諸家書儀、父母與子書皆云、爺告孃告、

遂無注其名者、然則書御諱、未知攸據也、謹奉敕命云、今於出敕、只書御書、不注御諱、見者不可知誰書、論之物情、理不可然、謹按摯虞決疑要云、古者臨文不諱、而今猶以為諱、嫌名不諱、而今猶以為諱、二名不偏諱、孔子母名徵在、言徵不言在、言在不言徵、今亦不偏諱、若據孔聖之前蹤、唯注御諱之一字、隨禮俗儻得其宜、從之、尋薨、三代實錄年六十七、補嘗奉敕撰弘帝範三卷、羣籍要覽四十卷、

大日本史

卷二百十六

列傳

五

又與菅原是善撰定貞觀格式、其上表及式序皆音人之所作也、三代實錄長岡京牢獄朽敝、刑徒或逃逸、音人為檢非違使、別當時移獄平安城、改立獄門、從此無復逃逸者、又作食物、予行路人、嘗曰、我為國致力多矣、子孫必有至大位者、其孫維時及七世孫匡房、皆官至納言、果如其言、江談子玉淵、千里、春潭、千古、玉淵從四位下、少納言丹波守、大日本工詩歌、十訓千里兵部大丞、正五位下、善和

歌、系春潭正六位上、紀伊掾、除日大、成鈔千古從四位上、伊豫權守、式部權大輔、系亦善詩歌、作者部類類題古詩、

朝綱玉淵子也、公卿繼父祖業、談博宏贍、詞藻典麗、夙舉文章生、對策登科、江談村上朝、

奉敕撰新國史、仁和寺書及坤元錄、日本嘗

錢渤海使裴瑒詩序曰、前途程遠、馳思於雁

山之暮雲、後會期遙、霑纓於鴻臚之曉淚、本

文粹和漢朗詠集、漢瑒大感嘆之、後渤海人謂本朝人

大日本史

卷二百十六

列傳

四

曰、朝綱既昇三公乎、答曰、未也、曰、上邦何不重才乎、其傳譽異域如此、古今著聞集又善書、與小野道風論筆法、互不相下、請村上帝品藻、帝曰、朝綱書法、不及道風、猶道風文不及朝綱也、江談歷左右中大辨、任參議、兼備前美濃等守、至正四位下、公卿天德初卒、年七十、日本二、紀略所著有後江相公集、仁和寺書世稱音人曰江相公、朝綱曰後江相公、以別之、子澄明、澄江、澄景、系澄明亦能文、對策登第、任

兵部丞本朝先父卒朝綱哀慟作文悼之有

悲之亦悲莫悲於老後子恨而更恨莫恨於

少先親之句平本朝文粹源澄江孫佐國頗善

詩文長久四年與惟宗孝言源時綱等試於

校書殿百錄鈔扶桑略記仕後朱雀後冷泉後三條

白河四朝鳥掃部頭兼越前權介佐國子通

國亦有才思受業藤原明衡朝野羣載為大藏大

輔系

維時千古第三子也夙舉文章生策試擢秀

大日本史

卷百十六

列傳

五

才補藏人延喜延長間任大學助遷文章博

士承平中為式部少輔公卿補任講文選於北曹

天慶初畢功日本紀略仕大學頭轉式部大輔兼

東宮學士天曆四年參議九年敘從三位天

德中進中納言公卿補任為人博聞彊記淹貫經

史凡遷都以來第宅變遷人物死亡年月皆

能諸記續古事談初醍醐帝敕錄前園花草名維

時用國字書之人嗤其才劣而不識漢字維

時曰我非不識之若用漢字則恐難解也及

錄進帝命改用漢字維時立書獻之人累不

能解往往來問古事朱雀村上冷泉圓融四

帝御諱皆其所撰進人以為榮江吏部集應和三

年薨年七十六詔贈從二位贈絹布錢物公卿補任

本朝略世稱江相公系所著有日觀集仁和寺書

籍子重光齊光重光至左京大夫系齊光

對策及第仕村上冷泉圓融華山一條五朝

歷式部大丞右少辨再為東宮學士補藏人

頭兼式部大輔至參議左大辨正三位永延

大日本史

卷百十六

列傳

六

元年薨年五十四公卿補任子為基定基為基從

四位下參河守系

以言玉淵孫大隅守仲宣子也系以言初冒

姓弓削後復本姓東鑑建少而受業藤原篤

茂江談鈔對策登第長保寬弘間任文章博士

本朝兼式部權大輔至從四位下寬弘七年

卒年五十六日本紀略以言沈滯年久帝欲進擢

攝政道長沮之以言愠而作詩曰鷹鳩不變

三春眼鹿馬可迷二世情古事談其雄文麗

句傳世者多、當時與紀齊名及從姪匡衡並

稱、江談鈔、本朝麗藻、本朝文粹

族人匡房論近世才子曰、

橘在列不及源順、順不及以言與慶滋保胤、

皆可謂一時之傑矣、江談鈔

匡衡重光子也、系圖、中、古為人長身鵠肩、昔、今

七歲始讀書、九歲賦詩受學于祖維時、江談鈔

及長博洽、當時無能及者、略解識緯、小、右

能和歌、今昔物語、中天延中舉文章得業生、

補秀才、天元二年對策、尋除右衛門權尉、為

大日本史

卷一百十六

列傳

七

檢非違使、中、古時人謂秀才而蒙使宣旨、

蓋特例也、小、右永觀永祚間、累歷甲斐權守

彈正少弼、遷文章博士、進從五位上、侍帝讀

書、中、古正曆中補次侍從、兼尾張

權守、長德中兼越前權守、東宮學士、為式部

權大輔、長保中至正四位下、中、古寬弘

年敦康親王始讀書、匡衡又為侍讀、日本紀略七

年兼丹波守、為侍從、中、古長和元年卒、年

六十一、日本紀略所著有江吏部集、江吏部集匡衡位

不稱才、仕途沈滯、屢有所請而不得、每歎其

輒軻、本朝文粹嘗與朝列浮舟遊大井河、各詠和

歌、匡衡歌曰、加波布禰珥、能利氏古呂能、

由玖登岐波、志豆迷流美登毛、於毛波佐利

計利、今昔物語子舉周、時棟、舉周夙對策及第、為

播磨樣、本朝文粹永延初帝幸攝政兼家第、召文

人賦詩、日本紀略舉周作序、帝褒賞、擢補藏人、續

後舉周母赤染氏、作和歌進攝政道長妻、

述為舉周求外官意、詞甚切至、道長愍之、遂

大日本史

卷一百十六

列傳

八

得任和泉守、今昔物語、在任寢疾、赤染氏憂

之、禱住吉神、丐以身代、舉周得疾瘳、後聞之、

驚懼曰、苟活我身、不利于親、豈人子之心哉、

亦往往吉禱焉、古今著聞集、長和四年

為東宮學士、榮華後三條帝龍潛之日為侍

讀、今昔物語、式部權大輔、續往生永承

元年卒、平素好佛、每見佛像、必歎歔流涕、續

定基齊光子也、夙繼家業、善文章、續往生天元

中以父祖功勞擢補藏人記小右尋任參河守

續往生傳系圖初得赤坂倡力壽寵之遂為妻而逐

其婦力壽適病死力壽據源平盛衰記定基抱屍號哭

不斂葬者數日既而稍厭惡之乃瘞焉物今語昔

因悟人生之無常會有女子賣鏡定基開匣

見之有和歌曰計布麻氏登美留珥奈美馱

能麻須加我美奈禮珥志加計乎比登珥加

太留奈定基心深愍之給物振其窮益有適

世志十訓錄古今著聞集永延二年遂下髮為僧百鍊一

大日本史 卷一百一十六 列傳 九

代要記投如意輪寺師事僧寂心續往生傳改名寂

昭寂心者即大內記慶滋保胤也寂昭出乞

食適至出妻家妻與之食而嫻笑寂昭食之

自如今昔物語又就延曆寺僧源信講道元亨雅釋書

有如宋志以母老難遠遊後告其意母曰思

愛之情莫深於母子今與汝遠別實可悲矣

然令汝究道固吾所欲也我何奪其志寂昭

大悅作願文為母修法華八講於寶寺續往生傳

長保四年遂如宋百鍊鈔日本紀略先是源信作台

宗問目二十七條至是付之寂昭質南湖僧

智禮智禮禮遇之元亨宋主延見問皇朝事釋書

寂昭請紙筆對焉獻所齋佛像宋主大悅賜

紫衣束帛館於上寺宋楊億談苑賜號圓通

大師扶桑略記今昔物語宋史談苑三司使丁

謂遇之甚渥及智禮答釋成寂昭將持而歸

謂欲留之盛言姑蘇山水之美寂昭遂留于

吳門寺使人送答釋於源信謂乃分月俸給

之後言語稍通戒律精至三吳道俗多歸向

大日本史 卷一百一十六 列傳 十

者嘗以黑金水瓶并詩贈謂宋楊億長元七

年卒于宋帝王編年記鳥八年卒年臨終詩

及和歌世傳誦焉續往生傳寂昭善書習二王法

宋人稱其字體婉美宋王洙談錄

時棟不詳其父幼而穎敏有重瞳子攝政道

長路見一童子行且讀書儀相不凡心奇之

取而歸家令匡衡子養之才學日進博通經

史十訓錄長德三年省試獻詩大內記紀齊名

摘其瑕類以故下第故事省試之日文章博

士與諸儒會式部省判定而時棟之試諸儒
不與匡衡議匡衡疏辨時棟詩實無病累齊
名評不當帝令齊名辨論齊名具書上之匡
衡復引古今駁之時棟遂得及第本朝文粹載
奉試凡二十部鈔○古仕至河內參河等守
參取朝野羣載今昔物語

大日本史卷之二百一十六終

大日本史

卷二百一十六

列傳

士

大日本史卷之二百一十七

列傳第一百四十四

權中納言從三位源光國 修

男權中納言從三位綱條 校

玄孫權中納言從三位治保重校

文學五

橘直幹

源順

橘正通

大日本史卷二百一十七

列傳

源為憲

藤原為時

慶滋保胤

紀齊名

藤原義忠

藤原明衡 子敦基

僧玄慧

朴翁

橘直幹、長門守長盛子也、橘氏受業橘公統、

類聚符宣鈔 對策及第、任大內記、為大學頭、天曆

二年授文章博士、奉敕策試文章得業生、本

略紀 八年民部大輔關直幹上書請兼任之、曰

去天曆二年、○本書作三年、今據下自大學

頭大內記、拜當職之日、所帶兩官、皆以停止、

朝家自始置文章博士之後、未聞其例、又至

同四年、三統元夏、從式部少輔除儒職之日、

不罷少輔、被賜兼字、拜除之恩、惟一、榮枯之

分不同、依人而異事、雖似偏頗、代天而授官、

大日本史卷二百一十七 列傳

誠懸運命、獨守一職、爰歷七年、今檢前例、職

經博士、見在當朝者、大江維時、博士兼任式

部少輔大學頭、同朝綱、先兼左少辨、後兼民

部大輔、紀在昌、先兼式部少輔、後兼民部大

輔、大內記、菅原在躬、兼右少辨等是也、往古

之例、不可勝計、又儒官之例、不越次第、而三

善文明、及三統元夏等者、皆是直幹之下屬

末座也、藤原國光者、直幹榮爵之後、所問之

秀才也、式部少輔、每有其闕、三人超越、遞得

拜任、又至于算明法等博士、皆帶顯職溫官、或兼二寮之頭助、為一朝之要樞、或兼警衛判斷之職、掌國典朝威之嚴、而直幹不量涯分、謬竊大業之名、既非器用、自漏明時之祿、竊見頃年之例、雖藏人所出納、太政官史生等、皆是綠袍之時、經上官諸司之溫飽、朱紱之後、潤連城數國之脂膏、堂上如華、門前成市、方今計學海之嶮難、如涉百萬里之波濤、瞻吏途之榮耀、不及五六重之倍徙、簞瓢屢

大日本史

卷二百一十七

列傳

三

空、草滋顏淵之巷、藪藿深鑱、雨濕原憲之樞者也、昔者不改其樂、今則難堪此憂、固知儒業之拙、總是數奇之源也、若深其道者、必受其飢焉、彌及末代之流、須為後昆之誡、直幹比年不奏申文、唯恃天道、亦憑聖明、然而蒼蒼之玄遠難答、瑣瑣之素懷未遂、伏惟昇殿是象外之選也、俗骨不可以躡蓬萊之雲、尚書亦天下之望也、庸才不可以攀臺閣之月、至民部大輔者、專非溫潤之地、即是恒例之

兼官也、誰為過分之榮職乎、徒銷日月、不若趨馳、望請殊蒙天恩、兼任件闕、暫慰陸沈淹屈之愁、本朝書奏、讀至依人而異事數語、帝艷然不懌、十訓鈔、古今著聞集、天德初為式部大輔、符宜鈔、天德、關、侍讀冷泉帝、二、中源順字具璿、江談鈔、大納言定曾孫、左馬允舉子也、能屬詩文、兼達和歌、歌仙傳、拾芥鈔、尊卑分歌、天曆五年帝敕順及大中臣能宣清原元輔紀時文坂上望城、就昭陽舍、選後撰和歌集、世謂

大日本史

卷二百一十七

列傳

四

之梨壺五人、又以藤原伊尹為撰和歌所別當、八雲御鈔、拾芥鈔、伊尹時為藏人左近衛少將、補帝手書敕旨賜之、順行制詞、中有雄劍在腰、拔則秋霜三尺、唯黃自口、吟又寒玉一聲之句、時人稱焉、本朝文粹、和漢朗詠集、第進士、本朝文粹、任勘解由判官、應和天元間、歷民部大丞下總權守和泉守、遷能登守、歌仙傳、宦途沈滯、憂鬱間見文辭、嘗作河原院賦、刺源融奢侈曰、彊吳滅兮有荊棘、姑蘇臺之露瀼瀼、暴秦衰兮

無虎狼、咸陽宮之烟片片、本朝文粹、和又當

為勤子內親王著和名類聚鈔十卷、據本序

雅愛橘在列文章、輯為七卷、作序傳世、本朝

又與能宣等奉敕作萬葉集訓點、詞林採永

觀元年卒、年七十三、歌仙傳、尊

橘正通字能、字能、據應和三年三右大臣氏

公六世之孫、父實利、大舍人頭、橘氏、正通少

志于學、師事源順、江談、與藤原在衡、同入大

學、情好款密、而在衡累任式部少輔五位藏

大日本史 卷一百一十七 列傳 五

人、正通僅得六位、乃寄詩抒志、有花月一窻

交昔昵、雲泥萬里眼、今窮之句、和漢朗、在衡

官爵累遷、遂進至公卿、正通稍老、歎其不遇、

心常鞅鞅、抱辟世之志、每臨文多見其意、本朝

文天祿中任加賀掾、源順、家集、尋為宮內少丞、朝本

麗藻、作者、嘗作詩序有曰、齡臣顏駟、過三代

而猶沈恨、同伯鸞、歌五噫而將去、本朝、源為

憲讀之大怪、顧正通曰、卿豈得無他意乎、正

通慨然垂淚、後果遁跡、古今著聞集、十訓、鈔、

竝曰、正通將妻、子赴高麗、國王重其才、恩遇優渥、漸至顯貴、誤也、具平親王

題其遺篇曰、文華留作荆山玉、風骨消為萬

里塵、未會茫茫天道理、滿朝朱紫彼何人、其

為時人所慙惜如此、本朝、麗藻

源為憲光孝皇子是恒曾孫、筑前守忠幹子

也、尊卑、分、受學源順、橘正通為順高第、順將歿、

不以其集授之而屬為憲、江談、舉文章生、歷

任藏人伊賀守式部丞、正曆中為遠江守、州

嚮民戶凋弊、為憲至任、撫愛有方、漸致豐贍、

大日本史 卷一百一十七 列傳 六

田疇墾闢、倍徙舊籍、頗稱能治、長德元年任

滿而歸、以功敘從五位上、而在散位二十年、

長和三年會美濃加賀二國守關、為憲上書

請任之、遂歷二國守、本朝、文粹、每赴詩筵、必

攜一囊、名曰詩囊、嘗聽講大江以言詩、入頭

於囊、吟賞不已、殆至涕泣、時人莫知其意、所

著有本朝詞林、江談、鈔

藤原為時、中納言兼輔孫、刑部大輔雅正子

也、尊卑、分、有詞藻、與藤原孝道源為憲

等齊名、而論者以為時為首稱、江談舉文章

生、歷式部丞藏人辨、尊卑分脈、式部、一條朝

越前守關為時及源國盛、竝冀望之、而左大

臣道長援國盛、因得越前、十訓為時得淡路、

今鏡絲是快快不樂、竊上書、其略曰、苦學寒夜、

紅淚霑襟、除目春朝、蒼天在眼、帝省之、惻然

不御飲膳、道長聞而大驚、俄罷國盛、以為時

代之、古事、今昔物、轉越後守、十訓長和

五年入園城寺薙髮、小右子惟規為式部丞、

大日本史 卷二百一十七 列傳 七

慶滋保胤字能、字能、本賀茂忠行子也、昔今

物語、賀茂系圖家世業陰陽、保胤夙棄其業為書生、

潛心文學、改姓為慶滋、今昔物語○按本書

改今姓、而關某姓、此說恐非、考姓氏錄等

書、無慶滋姓、今按賀茂與慶滋字義同、蓋至

為政業、書生、換其文字、而新其義也、雖無書可

證、而可推、遊菅原文時門才識、日進奉試登科、

聲名冠絕當時、善屬文、續往生傳文時嘗賜

題賦詩、自謂未工、反復沈吟、保胤適至、見其

稿贊曰、是絕唱也、君何不速獻、文時從其言

遂上之一、出果名于世、十訓具平親王好文、

常從保胤學、今一日歷問當世文人、保胤對

曰、大江匡衡、如銳卒數百、擐犀甲、策駿馬、而

過淡津之濱、其鋒森然、少敢當者、紀齊名、如

雪朝坐瑤臺而彈箏、大江以言、如白沙庭前、

翠松陰下、奏陵王舞、親王又問、足下何如、曰、

似舊上達部、駕檳榔毛車、時聞其聲、世人謂

不第其長短、而評隲允愜、古今集任大內記、

大日本史 卷二百一十七 列傳 八

兼近江掾、賀茂系圖資性慈仁、篤信佛教、身

雖立朝、而志在山林、不營居宅、常寓於人而

居、後卜地六條、構池亭、自作記述志、本朝文

嘗當朝參、塗遇一婢、泣甚哀、訪其故、對曰、妾

為主人借玉帶、路而遺之、恐得罪主人、是以

泣、保胤乃解所帶與之、今至凡犬馬類、皆善

視之、以慈悲為時所稱、集發心寬和二年遂贊

髮、改名寂心、世稱內記入道、今昔物語經歷

四方、練行精修、續往生傳時僧增賀在橫川、講止

觀保胤往聽之感激欷歔增賀叱之張拳毆

之衆愕然、寂心自若、又請臨席、泣如初、增賀

又呵之如此者再三寂心鳴咽不已增賀大

感其誠、因得悉聞其蘊奧、今鏡發長德三年

終於東山如意輪寺續傳所著有日本極樂

往生記、日本極樂往生記 姪善滋爲政、亦能詩文、續本

其父保章爲文章博士、爲政善繼

其業爲河內能登守民部大輔兼文章博士

參取賀茂衆圖作世稱善學士續本朝文粹

大日本史
卷一百一十七
列傳
九

紀齊名本姓田口後更紀氏保東四年受業橘

正通以能文聞江談一條朝任大內記兼越

中權守文本粹式部少輔記關白右賴通修法

會於東北院齊名從焉時九月十三夜月色

澄鮮賴通顧藤原齊信曰良宵豈得無朗詠

乎齊信遲回衆皆側耳少選唱念極樂之尊

一夜山月正圓之句乃齊名所作也人以爲

榮十按十本訓
書劍古
賴古
通今
作著
兼聞
家集
誤刺
故通
今按
訂今
之鉅
賞與

大江以言奉試同賦秋未出詩境詩

其斲言聯曰霜花後發詞林曉風葉前驅筆驛

程江鈔談
以言詩曰文峯按轡駒過影詞海舫

船簾落聲以言私以其草質具平親王親王

曰、白字緊要、以言因其言、改爲白駒影、而葉

落聲爲紅葉聲及二人詩出以以言爲勝長

保元年齊名卧疾王臨問謝曰荷恩則深唯

白字不能忘乎懷也其篤志於詩文如此

鈔十
卒年三十四
要一
所撰有扶桑集大江

匡房論以言齊名曰以言文章務出新奇任

大日本史
卷一百廿七
列傳
十

意聘才差無轡策至其得意則非後進之所

能及也如其不得之則又不足以爲法則如

齊名文文句句依據古人故有風騷之體而

至其不得之則無可觀者以無新意故也談

金

藤原義忠式部卿宇合之裔大和守爲文之

子也分真後一條朝歷任大內記式部少輔

東宮學士左右少辨文章博士敘正五位下

攝政道長妻倫子七十壽宴大綱言勝

原齊信揀擇書屏風詩、多取藤原資業詩、中
有色節詞綴任春風句、義忠譏之、告道長子
賴通曰、節字非平聲、齊信聞之、示白樂天句
句妍詞綴色節句解之、賴通面責義忠、由是
屏居逾年、義忠深憂、作和歌丐憐、江談鈔、今昔物語、今
鏡、長元長曆間任大學頭、為權左中辨、進正
四位下、兼東宮學士大和守、辨官補任欲奪造藥
師寺南門材、而為官用、寺僧累訴之、義忠不
聽、今昔物語長久二年登金峯山、將歸抵吉野川、
大日本史 卷二百一十七 列傳 十一

舟覆溺死、年三十八、朝廷優侍讀之勞、特贈
參議從三位、辨官補任、尊卑分、藤原、登金峯山、據今昔物語
藤原明衡式部卿宇合之後、父敦信為侍讀、
任山城守、明衡繼業博洽、兼善和歌、補文章
生、後冷泉朝歷式部少輔左衛門尉、尊卑分、藤原、本
朝文粹、除目大成鈔為大學頭右京大夫、兼文章博士、
康平中為東宮學士、尊卑分、藤原、本朝文粹所著有雲
州往來三卷、本朝文粹十四卷、本朝秀句五
卷、仁和寺書目錄子敦基、敦光、尊卑分、藤原敦光自有傳、

敦基弱冠舉秀才、對策登第、白河帝在東宮
時、陪侍日久、續本朝文粹歷右京大夫大內記、兼
式部大輔文章博士上野介、尊卑分、藤原所著有柱
下類林三百六十卷及國後鈔、仁和寺書目錄
令明、茂明、竝文章博士、至式部少輔、尊卑分、藤原、今明
式部少輔、據印本敦基嘗抵關白忠通、盛稱兒息才
俊、一日忠通與文人聯句、戲曰、愚息稱賢息、
敦基應聲對曰、令明與茂明、忠通嘆其敏速、
談古事令明子敦任、茂明子敦周、亦能世業、
大日本史 卷二百一十七 列傳 十三

分、藤原敦任能居喪終期不近色、不食肉、日寫佛
經、以為冥贊、人稱之、記、古
僧玄慧不詳其世系、居北小路、號獨清軒、又
號健叟、太平記、尺素往來任權大僧都、粗涉書史、又
有詞藻、為世所稱、太平記、權大僧都、常讀宋
人司馬光資治通鑑、尊信程顥程頤朱熹之
學、後醍醐帝召侍讀、先是經筵專用漢唐諸
儒註疏、至是玄慧始唱程朱之說、世人往往
多學之者、尺素往來後帝竊謀滅北條氏、權中納

言藤原資朝贊成其事、設無禮講、結將士之心、恐爲人所怪、陽延玄慧使講書、玄慧明法律、習典故、爲足利尊氏及弟直義所愛重、自尊氏之反、凡再犯關、而車駕每避幸、斥延曆寺、賴僧徒而守禦焉、尊氏深憤僧徒所爲、延元中入京、與高師直上杉重能議、欲廢寺、逐僧徒、以絕後患、以歷朝天子所尊崇也、憚而不能決、玄慧適至、召而問之曰、延曆寺多徵郡邑之租入、養三千僧徒、爲費既廣矣、而動

大日本史

卷二百一十七

列傳

十三

抗我師、今將除之、吾子以爲如何、玄慧曰、窮鳥入懷、人尚救之、況乎萬衆之主親至、孰敢禦焉、將軍能忘宿怨、撫以恩德、則彼反爲我用也、尊氏遂罷其議、更以數邑增封延曆寺、直義之遜職、屏居錦小路、雖恩舊將佐、憚師直莫敢詣者、玄慧請師直、數往侍焉、每至談古今以慰之、會疾、直義贈藥、系之以歌、玄慧不能起、以詩答焉、未幾死、時正平五年也、直義手書佛經于其詩牋後、以薦冥福、時人頗

哀其意云、

太平記、正平五年、據圖、太平曆

初法勝寺僧慧珍

記元弘建武以來爭戰得失、三十餘卷、名曰

太平記、獻直義、召玄慧讀之、謂曰、書中載事

不公、且舛誤甚多、勿使他人視、當俟刪定行

于世也、不果、難太平記或云、今所存太平記、蓋所

使玄慧改選也、時有是圓者、練習法律、兼善

文辭、建武中尊氏服從諸國、開府于鎌倉、因

廣詢政事、是圓與玄慧、真慧等八人議之、參

酌古今條件、其尤切于事務者十七事而進

大日本史

卷二百一十七

列傳

十四

之、名曰建武式目、尋又作新加制式二十一

條、尊氏大可之、皆施行焉、建武式目、新加制式

朴翁姓氏闕、號遊和軒、昨木子、有文學、通古

今、從後村上帝居吉野、足利直冬奏請、討父

尊氏自效、帝聽之、賜綸旨、令復京師、朴翁聞

而嘆曰、古謂求忠臣、必於孝子之門、故堯讓

舜而天下治、苟孝于親、雖在仄陋、可以登庸、

若其反之、雖有功聞、何足任使、今直冬欲假

王命而戕其父、其悖天理、失子道、莫甚焉、然

朝廷容之、又授以節鉞、其謂之何、假使此戰
得克、其功不可以遂、後果如其言、太平記

大日本史卷之二百一十七終

大日本史

卷二百一十七

列傳

十五

大日本史卷之二百一十八

列傳第一百四十五

權中納言從三位源光圀 修

男權中納言從三位綱條 校

玄孫權中納言從三位治保重校

歌人一

柿本人麻呂

山部赤人

在原業平

大日本史

卷二百一十八

列傳

大友黑主

紀貫之敘古今集曰、動天地、感鬼神、化人倫、和夫婦、莫善於和歌、夫本於人情、布於永言、五方之國、莫不皆然、而其言之文者、西土有詩、中國有歌、雖有言語文字之殊、而發於喜怒哀樂之餘、得其性情之正、則未嘗不同也、蓋意哉之為言、造端於草昧之世、而八雲之成章、權輿於素盞烏尊、爾來難波津安積山之詠、立為模範、被之絃歌、可以移風易俗矣、

凡自里巷男女之微、以至廟堂端委之重、情之所感、不能不發之於言也、六義備而美刺存、可以陳民風、察庶政、興觀羣怨、於是乎在、至於末流之弊、唯以綺麗彫刻為事、妖艷媒於漁色、靡曼襲於誨淫、綴思鑄詞、益巧益密、而大雅之音、幾乎熄矣、識者歎其浮詞雲興、艷流泉涌、遺秋實而攬春華、良有以也、然性情之存乎人、未有古今之異、則其間豈無起而振之、還於淳素之風、而能得性情之正者哉、

大日本史

卷二百一十八

列傳

二

作歌人傳、

柿本人麻呂、其先出自天足彥國押人命、

錄人麻呂、事持統文武二朝、萬葉集、續本朝

光人麻呂、畫像讚、○按人麻呂、時世諸說不

一、古今和歌集、序曰、奈良朝、藤原朝、清輔、皆曰、

云、僧顯、昭、武、曰、藤原教長、藤原清輔、皆曰、

良朝、謂聖武、曰、藤原仲實、實、今、集、目、錄、以

為、平城、帝、而、曰、人麻呂、大寶、中、之、人、今、檢、萬

葉集、載、人麻呂、歌、人麻呂、大寶、中、之、人、今、檢、萬

良朝、載、赤人麻呂、歌、人麻呂、大寶、中、之、人、今、檢、萬

元明、和、銅、三、年、遷、都、平、城、新、田、之、皇、子、檢、諸、書

至、光、仁、稱、奈、良、七、代、則、所、謂、奈、良、朝、未、詳、指

何帝時如目錄為大寶中人與萬葉集合意
其生於持統之前終於元明之初乎如貫之
序則藤原定家藤原為家僧顯昭等未詳官
位○按萬葉集載人麻呂在石見臨終作歌題辭曰
集紀貫之序曰正三位檢校人麻呂紀叔望
死○古先師本曰大夫今檢校人麻呂紀叔望
身在下則其位卑可知矣今所謂正三位麻呂曰
亦以記為疑如三乎源親房古集註及歌仙傳
確妙作和歌世稱歌聖高振神妙之思獨步
古今之間歌集序與長新田部高市諸皇子
遊萬葉集人麻呂陪駕紀伊伊勢雷岳吉野遊
大日本史 卷二百十八 列傳 三

近江石見筑紫諸國所過無不詠歌○按僧
麻呂勸文曰人麻呂家集所收歌三百餘首
中謬載他人歌者十四首萬葉集所載無名
所載人麻呂歌與萬葉集所載大和物語
無異其可疑萬葉集鈔序所載麻呂五年人麻
呂與橘諸兄問答語其與人麻呂年相
遠矣蓋家集勝寶又曰後人所編載麻呂
人麻呂蓋家集勝寶又曰後人所編載麻呂
唐人所作歌考萬葉集非本麻呂異姓同名
八年遠新羅使至筑紫佐麻呂異姓同名
者袋草子引遣唐使大伴陸奥麻呂異姓同名
城史生上道人麻呂副使陸奥麻呂異姓同名
呂勝寶元年四月發船二年九月歸家集
載在唐寶元歌又誤矣今檢續日本紀不載
道人麻呂玉手無所考晚居石見而終萬葉
使新羅之事他無所考晚居石見而終萬葉

墓在大和添郡僧顯昭人麻呂勸文鳴長明
過大和添郡無名顯昭○按勸文清輔曰嘗
道社祠邊寺號本寺人麻呂所建也祠前
小塚名存人麻呂墓清輔觀之所謂棟本寺
礎石僅存人麻呂墓清輔觀之所謂棟本寺
勒石見而木朝臣人麻呂墓高四尺許因建
于石仲辛于宰府移屍於山後人移葬即如
平惟仲辛于宰府移屍於山後人移葬即如
泊瀨無名鈔曰人麻呂墓在泊瀨人移葬即如
倉谷側見于增鏡世傳一墓在石見高角山
又據萬葉集載人麻呂悼妻長
歌人麻呂有子而未詳其名
山部赤人萬葉集○古今和歌集紀叔望序
古今集註皆從之且引山部赤人萬葉集
垂仁帝然姓氏錄所謂山部赤人萬葉集
大日本史 卷二百十八 列傳 四

紀山部赤人萬葉集○古今和歌集紀叔望序
人山部赤人萬葉集○古今和歌集紀叔望序
小榻賜姓宿禰是也據之則山部赤人萬葉集
改賜姓宿禰是也據之則山部赤人萬葉集
古今集序以和歌間與棟本人麻呂齊名
下諸說皆誤以和歌間與棟本人麻呂齊名
稱曰山棟人麻呂難立赤人上人麻呂
以為人麻呂難立赤人上人麻呂
下後世稱為和歌之仙古今和歌神龜初從
駕紀伊天平中陪吉野離宮應制作歌嘗詣
春日神岳浴伊豫溫泉遊幸荷島敏馬浦
又東遊望不盡山所作歌為世所稱萬葉

在原業平阿保親王第五子也、天長中與兄
行平共賜姓在原、三代實錄世稱曰在五中將、更科
日體貌閑麗、放縱不拘、善作和歌、三代實錄
之序、古今和歌集也、舉業平及僧通昭、文室
康秀、僧喜撰小野、大友黑主、六人而評
之、後世稱曰六歌仙、源親房、古今集序註作
六歌仙、而書蓋係贊作、仙撰字亦不同、六
千、何時姑附于此、論者以謂業平歌意有餘
而言不盡、譬諸凋謝之花、雖少生色、尚有餘
薰、古今和歌集序貞觀中任右馬頭、奉敕就鴻臚館、
勞渤海使人、為右近衛權中將、元慶中歷兼
大日本史 卷二百一十八 列傳 五
相模美濃權守、卒年五十六、三代實錄嘗遊武藏、
至隅田川、見水鳥問名、曰都鳥、乃悽然作和
歌曰、奈仁志於波婆、伊邪古登登波牟、美夜
古抒里、和我於毛布比斗波、阿利也奈志也
登、世傳為絕唱、古今和歌集○按伊勢物語
無所見、後人建祠於加茂巖本、徒然草、二
子棟梁滋春並善和歌、作者部類者滋春人呼曰在
次君、皇胤紹運錄著大和物語、皇胤紹
大友黑主近江人也、類大友作大伴、按和名部

大日本史 卷二百一十八 列傳 六
出濱、植以菊花、獨令黑主待還幸、法皇怪問、
黑主獻和歌曰、佐佐羅奈美、麻毛奈久岐之
乎、阿良布米利、奈岐佐幾與久波、岐美斗麻
禮登加、法皇大悅、賜物而還、石和山緣起、仁和
昌泰大嘗會、黑主獻風俗歌、古今和歌集、續
論者謂黑主歌古猿丸大夫之亞也、有逸興
而體鄙、如田夫之息花前也、古今和歌集、序後人建
祠於郡中以祀、稱黑主明神、鴨長明
大日本史卷之二百一十八終

大日本史 卷二百一十八 列傳 六
從八位上、貞觀中以園城寺為延曆寺別院、
黑主為神祠別當、天台座主延喜中法皇屢幸
石山寺、國司患其勞民、法皇聞之、及復幸、課
他國奉邑以充其費、國司大懼、乃造亭於打
大日本史 卷二百一十八 列傳 六
城寺在郡中、故以黑主為地主、源顯房古、今
註、黑主以善和歌著稱、古今和歌集序為郡大領、敘
從八位上、貞觀中以園城寺為延曆寺別院、
黑主為神祠別當、天台座主延喜中法皇屢幸
石山寺、國司患其勞民、法皇聞之、及復幸、課
他國奉邑以充其費、國司大懼、乃造亭於打
大日本史 卷二百一十八 列傳 六
大日本史 卷二百一十八 列傳 六
大日本史 卷二百一十八 列傳 六

大日本史卷之二百十九

列傳第一百四十六

權中納言從三位源光圀 修

男權中納言從三位綱條 校

玄孫權中納言從三位治保重校

歌人二

紀貫之 姪友則

凡河內躬恒

壬生忠岑 子忠見

大日本史

卷二百十九

列傳

一

大中臣能宣 子輔親

清原元輔

紀貫之、父望行爲藏人、以和歌稱貫之能書、

紀氏尤善和歌入妙、清案鈔、八雲御延喜中

爲御書所預、紀氏系圖、古歷越前權少掾內

膳典膳少內記、轉大內記、敘從五位下、爲加

賀美濃介、延長中拜大監物右京亮、歌仙傳爲

土佐守、○袋草子爲延承平中任滿歸京師、

十訓鈔天慶中爲玄蕃頭、進從五位上、遷木

工權頭、歌仙傳敘從四位下、近江日野大葛社

九年卒、和歌集傳、古今初得疾、自慮不起、作歌

寄源公忠曰、氏珣年須驚、美豆珣擲妬禮流、

都岐加牙能、阿流加柰岐加能、余珣古曾阿

利計禮、及卒、公忠作歌而悼焉、袋草子嘗與姪

友則及凡河內躬恒、壬生忠岑、奉敕撰古今

和歌集、本書序、貫之家集、八貫之作序、世稱

其能論和歌大體、榮華物語、書成上之、特旨

採貫之歌一百首入選、顯照古又撰萬葉集

大日本史

卷二百十九

列傳

二

鈔五卷、八雲御鈔後又奉敕撰新撰和歌集、尋赴

任土佐、既而還京、書成未進、帝崩、貫之作序、

憾不及時奏御、詞甚哀切、新撰和歌集序、所

著紀行一卷、名曰土佐日記、十訓鈔、袋草子、所

赴紀伊、夜過和泉、所騎馬伏地不進、貫之怪

之、人告曰、此地有蟻通神、今無禮而過、豈得

非觸其怒哉、貫之大驚、急下馬盥漱、詠和歌

而謝曰、珂伎致毛理、阿邪米毛志羅奴、於保

存良珣、阿利斗保志乎婆、於母布倍志邪波、

馬即得進貫之家集○袋草子源俊賴無有

集傳于世後人撰歌仙推貫之為右行第一

以配柿本人麻呂三十六人撰袋草子稱為和歌祖宗

其為世所重如此源親房古全集註子時文善和歌

兼能書歷大膳大夫內藏助至從五位上貫

之女為內侍亦善和歌參取紀氏系圖作者部類村上帝

時清涼殿梅樹枯帝使人索他梅樹可移植

者得之西京主人書和歌繫之樹枝曰知余

玖雖戾婆伊登毛加志虛志宇遇此須能耶

大日本史卷一百十九列傳三

妬波登登波婆伊加我虛多閉牟帝覽而怪

之使人問之即內侍家也帝大悔之拾遺和

歌集為不果移植著紀家六帖子袋草貫之姪友則

友則父曰有友宮內權少輔紀氏友則善和歌紀氏系圖與貫之齊名顯昭古今集集序寬

平中禁中歌合友則與千左列賦初雁曰波

流加須美加須美氏以珥志加利餓彌波以

麻層奈玖奈流阿岐岐利能宇閉珥講師方

唱波流加須美之句右列者笑其失時候及

唱第二句笑者乃默然古今著聞集十訓抄

載此歌以爲凡河內躬尋爲土佐掾昌泰初

除少內記和歌仙傳古今延喜初轉大內記歌

傳古今和歌集授六位作者部類與撰古今和歌

集本書序八雲御有集傳于世

凡河內躬恒善和歌與紀貫之壬生忠岑等

並稱御鈔寬平中為甲斐少目古今和歌集

寬平御鈔醍醐帝召之候御書所大延喜中

候御廚子所集歷丹波權目歌仙淡路權掾

大日本史卷一百十九列傳四

作者部類遷和泉大掾歌仙傳大授六位大鏡裏

作者部類與撰古今和歌集本書序八雲御帝

嘗召躬恒於階下問曰以月比弓弦其義如

何汝其作歌以對躬恒即詠曰底流津岐遠

由美波利斗志毛以布古斗波挪摩倍遠佐

志底以禮婆奈利計利帝甚嗟賞賜御衣大鏡

大和語其家有櫻樹每花盛開賓客填門躬恒

有感於世態謂花落無復至者乃作歌曰和

我邪驚能波奈美我底羅珥玖流比斗波知

利柰牟能知層、古比志加流倍喜、世傳稱焉、

古今和歌集、撰集鈔、

壬生忠岑、從五位下安綱子也、作者善和歌、

八雲御鈔、初為右近衛大將藤原定國隨身、

定國嘗被酒、乘醉過左大臣藤原時平、時夜

已深、時平怪問之、忠岑執炬跪階下、以歌致

辭曰、加佐佐疑能和多世流波志能、志毛能

宇閑遠、與波珥布美和計、古登佐羅珥古曾、

時平甚悅、置酒徹明、與忠岑物、大和語、候御書

大日本史 卷二百十九 列傳 五

所、大鏡、累歷左近衛番長、源俊賴、右衛門府生、

古今和歌集、御廚子所預、攝津大目、古今和歌集、

授六位、作者部類、與撰古今和歌集、本書序、

撰次、忠岑嘗定和歌十體、八雲御鈔、清案鈔、有集

傳于世、後鳥羽帝時、問侍臣以古今集秀歌、

藤原家隆、藤原定家共舉忠岑、阿利阿計能、

都例難久美要志、和可禮余利、安可都伎婆

加利、宇伎母乃波柰思之歌、為集中第一、本抄

備抄、子忠見、

忠見○見或作實初居攝津、家素貧窶、蚤以和歌

著、醍醐帝召之、著弊衣、候藏人所、賜御製和

歌曰、彌志加妬毛、柰珥斗毛志羅受、柰珥波

加多、柰彌能與流珥涅、加閑利珥志加婆、忠

見上答歌曰、須彌與志能、麻都斗保能加珥、

岐岐志加婆、彌知古志志保夜、與流加閑利

計牟、帝又將使忠見候御廚子所、而未命之、

忠見上和歌曰、佐久羅婆柰、多加岐古受惠

能、柰備加受波、加閑利邪志柰牟、遠利和備

奴斗氏、帝賜答歌曰、遠利和備氏、加閑羅牟

毛能加、岐志加牙能、邪麻能佐久羅波、久毛

韋柰利斗毛、乃詔候御廚子所、參取、按二

書、歌詞互有異、天曆中為定額膳部、歌仙傳、

同、今從家集、八年、天德初為攝津大目、歌仙傳、

月、御記、授六位、作者部類、會禁中歌合、忠見配平兼盛、

忠見歌曰、古比須氏布、和我柰波麻駄岐、多

知珥計利、比登志例儒古曾、於毛比曾迷志

加、深以自負、兼盛歌曰、志能夫例渡、以呂珥

大日本史 卷二百十九 列傳 六

以傳珥計利和我古比波毛能邪於毛布登
比登能登布麻傳二首皆秀絕左大臣藤原
實賴為判者不能決優劣及披講帝屢吟兼
盛歌終以兼盛為優忠見大失望遂以憂死
參取沙石集袋草紙○拾有集傳于世
大中臣能宣祭主賴基子也大中臣系圖世
善和歌至能宣最著稱御鈔初候藏人所大
曆中以勞為讚岐權掾歌仙傳大與坂上望
城源順紀時文清原元輔撰後撰和歌集世
大日本史 卷二百一十九 列傳 七
稱梨壺五人袋草紙八雲御鈔撰次第天德中為神祇
少祐轉大祐安和初遷少副天祿中授從五
位下轉大副為祭主○為祭主不詳累進正
四位下正曆二年卒歌仙傳參取年七十
傳能宣嘗作敦實親王子日宴歌曰知斗世
麻傳加藝戾流麻鬪毛計布余利波岐美珥
比加戾氏余呂豆余邪閉牟深以自負告賴
基賴基吟詠少頃忽作色厲聲曰他日若得
昇殿侍子日宴則將以何詞頌之乃舉枕擲

之能宣懼而退參取家集袋草子十訓鈔子輔親
輔親字槐敘從五位下繼父為祭主任神祇
伯寬弘中累進從四位上中古歌仙傳長元七年
使于伊勢時實殿松樹間有光輔親探獲碧
珠還而獻之扶桑略記左帝特賞授從三位
諸魚已來大中臣氏無陞三位者世以為榮
左經九年敘正三位公卿補任長曆二年使于伊
勢病薨于途年八十五大中臣系圖中古歌仙傳使于伊勢掾袋
草子輔親工和歌其家有泉石之勝以象天橋
大日本史 卷二百一十九 列傳 八
立母不掩南扉以引月光世稱其雅致十訓鈔
清原元輔內藏允深養父孫下總守春光子
也歌仙傳舟橋家所藏清原氏系圖世善和歌至元輔最著
稱八雲御鈔天曆中為河內權大掾
第與大中臣能宣等為和歌所寄人歌仙傳
書訓點萬葉集八雲御鈔又撰後撰和歌集
八雲御鈔袋草子應和康保間累遷中監物歷
大藏少丞民部大丞安和中授從五位下為

河內權守、遷周防守、兼鑄錢長官、天元中進
從五位上、寬和二年任肥後守、正曆元年卒、
年八十三、歌仙傳有集傳于世、

大日本史卷之二百十九終

大日本史

卷二百十九

列傳

一九

大日本史卷之二百二十

列傳第一百四十七

權中納言從三位源光圀 修

男權中納言從三位綱條 校

玄孫權中納言從三位治保重校

歌人三

藤原長能

橘永愷

平兼盛

大日本史 卷二百二十

列傳

藤原實方

藤原顯季 孫清輔

藤原通俊

藤原敦賴

藤原範永

藤原長能權中納言長良玄孫伊勢守倫寧

子也尊卑分脈以工和歌著與藤原道信藤原實

方源道濟等並稱御鈔歷仕圓融華山一條

朝敘從五位上任伊賀守參取長能集藤原

公仕會客作惜春和歌時三月小盡夜也長

能歌曰古古呂宇幾登志珥毛阿流加奈波

都加阿麻利古古奴加登以布珥波流能久

禮奴流公任難之曰春豈止三十日而盡邪

長能深以為慙還家發病及其危篤公任遣

人問病長能曰前日惜春歌為公所詬病慙

悔之極遂至于此公任聞而大悔長能尋卒

發草子十訓鈔

橘永愷左大臣諸兄十世孫橘氏系圖○一

大日本史 卷二百二十

列傳

遠江守忠望子為兄肥後守元愷所子養永

愷為文章生號肥後進士中古歌仙傳性嗜和歌

此時藤原長能以歌名於世永愷就問作和

歌之要長能舉示邪麻布加美於知天都毛

禮留毛美治婆能加和計留宇倍珥志具禮

布留奈利之篇曰體裁宜如此永愷深領悟

遂師事之和歌之師資自此始焉發草子中古歌仙傳

後剃髮改名能因橘氏系圖居攝津古曾部世稱

古曾部入道發草子中古歌仙傳嘗與藤原兼房同載

至二條東洞院、遽下車、兼房怪問故、曰、是才女伊勢御之舊址、庭松尚存、豈可無禮而過哉、行數十步、及樹不見而就車、其重和歌如此、袋草子、八有藤原節信者、好事士也、一日逢永愷、相得甚歡、永愷探懷中錦囊、出一木片、曰、此是長柄橋之杵也、我寶愛之久矣、今日為子發之、節信欣然、亦探懷出一枯蛙、曰、是井手蛙也、相共愛觀、盡歡而去、袋草子、藤原范國赴任伊豫、永愷從焉、會歲大旱、百姓愁

大日本史

卷二百二十

列傳

三

苦、范國謂永愷曰、我聞和歌能感神明、請子為我祈雨、三島神、永愷乃進和歌一首、曰、阿麻能我波、難波志呂美豆珥、世幾久陀世、阿麻久陀里麻須、可美難羅婆可美、須更天興雲、大雨三日、遠近霑足、枯苗盡蘇、金華集、源俊賴無名按、鈔十訓、或作實國實綱後遊陸奥、過白川關、作和歌曰、美也古遠婆、加須美登登毛珥、多知志加妬、阿幾加筵層布久、志羅加波能世幾、後拾遺集、十訓、古、永愷以為絕唱、

在京師、適得此歌、自以為為絕作、因謂吾未嘗在陸奥、而作此歌、人以為為絕、於是屏居累旬、陸奥、白川、關、得此一首、按、袋草子、曰、永愷遊陸奥、與著八十島、姑附備考、常告人曰、欲善和歌、要須深嗜、嗜之久、自入神、所著有玄玄集、袋草子、八又輯歌枕行于世、平兼盛是忠親王曾孫、父篤行始賜平姓、任太宰大貳、皇胤、兼盛善和歌、日本紀略、頗有文才、少入大學、奉試及第、本朝天曆中為越前權守、歷任山城介、大監物、至從五位上

大日本史

卷二百二十

列傳

四

駿河守、粹、歌仙傳、天德中禁內歌合、兼盛上和歌、是日正衣冠、端坐陣座、聞已歌勝、不問其餘、拜舞而退、袋草子、正曆元年卒、略、日本紀傳、時人稱為歌仙、日本紀略、藤原實方左大臣師尹孫、父定時侍從、尊卑仙傳、古、歌叔父權大納言濟時養為子、榮華仕一條帝、歷侍從、右兵衛權佐、敘從四位上、至左近衛中將、中、古、歌仙傳、取榮華物語、來工和歌、嘗遊東山、值雨驟至、實方就花下避之、因作和歌、時

人稱爲絕作、明日藤原齊信侍帝、盛稱之、藤原行成在傍曰、其人驕慢、歌詞雖美、何足言也、實方聞之大怒、撰集適與行成論爭於殿上、實方不勝忿、取其冠擲地、帝怒其不敬、罷中將、而惜其才、謂曰、汝搜歌枕來、責授陸奥守、十訓抄、古事談、源平盛衰記、將赴任、召見於殿上、賜酒、進位一階、權記、日長德四年卒于任所、尊卑分脈、中實方嘗過笠島、道傍有一叢祠、實方問邑人曰、是何神也、曰、世傳此

大日本史

卷一百一十

列傳

五

京師出雲道路祖神之女、獲罪於父、擯棄此地、土人建祠祀之、頗有靈應、宜下馬致敬、實方曰、然則賤神耳、不下而過、所乘馬暴斃、實方亦尋卒、人以爲神祟、遂葬之祠側、源平盛衰記實方才名甚高、八雲御鈔、其祠在加茂橋本、今昔物語與在原業平巖本祠竝稱、後世學和歌者每祈之、徒然草子朝元從四位下陸奥守、亦善和歌、參取今昔物語、尊卑分脈、藤原顯季春宮大進隆經第二子、爲大納言

實季所子養、尊卑分脈、公卿補任、善和歌、體製自成一家常慕柳本人麻呂、先是藤原兼房夢人麻呂、因使畫工圖其貌、後獻白河帝、顯季奏請借其像、使右衛門大夫信茂臨模之、藤原敦光作贊、源顯仲書之、元永初招源俊賴等祭之、自是每歲爲常、古今著聞集、十訓抄、帝聞之、敕賜讚岐里海士邑爲祭田、東常緣兼房所圖後羅煨爐、世以顯季所模爲真、顯季甚寶愛焉、自誓不能和歌者、雖親子不可傳之、季子顯輔

大日本史

卷一百一十

列傳

六

特善和歌、遂授之、古今著聞集、十訓抄、顯季歷播磨美作守、任修理大夫、天仁初累進至正三位、大永中爲太宰大貳、修理大夫如故、保安中薨、年六十九、公卿補任、尊卑分脈、家于六條烏丸、世稱六條修理大夫、尊卑分脈、所著有明月鈔、仁和寺書孫清輔清輔父顯輔仕堀河鳥羽崇德近衛四朝、至正三位左京大夫、皇太后宮亮、公卿補任、善和歌、爲一時領袖、尊卑分脈、奉崇德帝敕撰詞花和歌

集八雲御鈔清輔最善和歌與藤原俊成僧

西行竝稱八雲御鈔初仕在下僚自傷沈滯詠和

歌寓意鳥羽上皇憫之授以五位發草尋進

至正四位下太皇太后宮大進兼長門守尊

平素潛心歌學日夜研究人或欲試其才

以隱僻之事問之清輔應對如流辨析詳明

聞者驚服好讀萬葉集謂人曰欲作好歌則

要在閑古集鴨長明無名鈔承安二年設和歌尚齒

會聚當時耆老於寶莊嚴院會者七人散位

藤原敦賴年八十四神祇伯顯廣王七十八

日吉禰宜祝部成仲七十四式部大輔藤原

永範七十一右京權大夫源賴政及清輔六

十九前式部少輔大江維光六十三各作和

歌述其意清輔自為序世傳以為盛事古今

集百鍊鈔先是奉二條帝敕撰續詞花和歌集比

書成帝崩以不歷奏覽故不列敕撰御鈔所

著有興義鈔初學鈔一字鈔牧笛記今撰集

袋草子和歌題林八雲御鈔仁治承元年

卒藤原兼實嘗學和歌於清輔常稱其才比

於貫之公任及卒嘆曰歌道湮矣玉海弟僧顯

昭亦工和歌算學分與僧寂蓮善二人每

會怒目張膽論難紛起顯昭持獨銛評之寂

蓮抗顏爭之時有獨銛顯昭蠟頭寂蓮之語

清案是時藤原俊成評品六百番歌合顯昭

讀之不滿意乃自作陳狀論辨之顯昭

嘗憂無官階上所著日本紀歌註且作歌述

懷因敘法橋位參取明月記十著古今和歌

集鈔袖中鈔

藤原通俊太宰大貳經平次子公卿補任才兼和

漢深達政理應德二年太宰府言筑後國高

良上宮石硯并高座階生瑞華事下公卿通

俊議曰智覺禪師感通賦所載非唯異花之

生高座四角兼有白蓮之發右手五指者雖

然此非自然之瑞特彰其法之妙而已今高

座石硯無故生花亦足以為嘉瑞按寬和中

信濃國獻白雉時議者曰凡瑞以合方色者

爲正、據此則縱爲嘉瑞、當詳方色而推休咎
爾、凡每預大議、持論精確、明辨有條理、皆此
類也、史官記 白河帝最重其才、與大江匡房並

稱爲近古名臣、古事通俊素以長於和歌自

負、與源經信大江匡房等屢相論難、而忌其

才勝己、欲撰集以擅名一時、故奏請撰拾遺

集以後和歌、白河帝素有志于此、未及發、見

其奏大喜許之、通俊雖奉敕、而職務繁冗、經

數年而始成、名曰後拾遺和歌集、又作續新

大日本史 卷二百二十 列傳 九

撰和歌集、八雲御鈔官至權中納言從二位、康和

元年薨、年五十三、本朝世記、公卿補任、○尊卑分脈作五十七者蓋誤

養中納言藤原保實子定通爲子、定通康和

初爲右少辨、七日而卒、世呼曰七日辨、尊卑分脈

藤原敦賴、內大臣高藤之裔、治部丞清孝子、

仕崇德朝、爲從五位上左馬助、尊卑分脈保延四

年爲馬寮使、舊例事竣、給手振裝束於馬部

等、敦賴收取不畀、給曰、此假貸之物也、他日

當給其直、後馬部屢請、敦賴終不與、馬部等

大怒、明年爲齋王次第使、過一條大宮、馬部

數十人急突至、極口罵責、褫其衣冠襪帶、敦

賴裸體而逃走、時有裸馬助之語、古事談後雍

髮號道因、古今集平素潛心和歌、年及八十、

每月徒步詣住吉社、祈得秀歌、有和歌會、則

以其老而聾、常逼講師而坐、傾聽不倦、其篤

志如此、藤原忠實嘗召鏡邑傀儡師觀其技、

傀儡師偶謳源俊賴所作和歌、俊賴在座、聞

而忻然、時人艷羨焉、僧永緣欲得名於世、賂

替者以謳已歌、敦賴亦屬替者、不賂遺而責

其謳、爲世所嗤笑、藤原俊成奉敕撰千載和

歌集、時敦賴已歿、俊成追感其勤苦、採其歌

十八首、後夢敦賴來謝、俊成爲之、又收二首、

無名鈔明

藤原範永尾張守仲清子、尊卑分脈以和歌顯于

世、與平棟仲藤原經衡源兼長源賴家源賴

實並稱、號和歌六黨、大江匡房記、八雲御鈔、續古事談棟仲作棟

實、又載一說、以棟仲經衡義範永爲之魁、八雲御鈔、清賴家重成賴實爲六黨、

御嘗會通照寺、詠山家秋月曰、須牟比騰毛、

奈岐耶麻佐斗能、阿岐能余波、都岐能比加

利毛、佐備志加利計利、藤原公任見而大善

之、即書其稿曰、範永何爲者也、能得和歌體

製、範永聞而大悅、乞其稿、盛錦囊而寶愛之、

十_{袋草子}訓鈔、歷尾張沮馬阿波攝津伯耆守、補藏

人、敘正四位下、_{分尊卑}平棟仲安藝守重義子、

任因幡周防守、敘從五位上、_{平氏系圖}藤原經衡

元名景能、參議有國孫、父曰公業、經衡任大

和守、敘正五位下、_{分尊卑}時藤原道雅使善和

歌者作八條別莊障子歌、_{袋草子}經衡得山家

雪後客在門、詠曰、由岐布加岐、美知珥曾志

流岐、耶麻佐斗波、和禮余利佐岐珥、比斗古

井利計利、_{後拾遺和歌集}自謂我年少、恐不爲議者

所取、密造道雅第窺之、道雅與藤原家經品

隲之、家經舉經衡歌曰、無出此右者、經衡聞

之心大悅、不通名籍而歸、_{袋草子}源兼長元名

重成、備後守道成子、任右兵衛佐、備前讚岐

守、敘正五位下、_{分尊卑}祐子內親王家歌合、選

左右六番而少一人、兼長經衡欲入其選、藤

原賴通賴宗在座、試命題作歌、約以其優者

充之、兼長曰、以加奈禮婆、岐志珥擲邊佐久

擲麻夫岐能、比登邊珥以計能、曾古珥美由

羅牟、經衡曰、以計美豆珥、佐岐加加利多流

擲麻夫岐遠、曾古珥志豆迷流、曳駄登美流

奈利、賴宗判曰持、持者無優劣之謂也、然衆

意屬兼長、會兼長有父喪、終以經衡充之、_{袋草子}

大日本史 卷二百二十 列傳 十二

子、續古源賴家、左馬權頭賴光子也、_{分尊卑}及

事談、_{袋草子}源賴家、左馬權頭賴光子也、_{分尊卑}及

範永棟仲等死、橘爲仲在陸奥、寄書賴家曰、

方今歌人死亡殆盡、唯有君與我而已、賴家

怒曰、爲仲非六黨之比、何得與我抗乎、其以

和歌自負如此、_{袋草子}仕至筑前守從

四位下、源賴實、賴家從子也、爲左衛門尉、敘

從五位下、_{分尊卑}嘗祈住吉神曰、使我有驚世

歌、雖縮其命、亦所甘心也、嘗得歌曰、古能波

知流、夜妬波岐岐和玖、古斗層奈岐、志遇禮

須流余毛、志遇禮世奴余毛、後卧疾、住吉神
託人曰、汝既得所欲、不復起矣、賴實自知必
死云、鴨長明無名鈔、今鏡

大日本史卷之二百二十終

大日本史

卷二百二十

列傳

十三

大日本史卷之二百二十一

列傳第一百四十八

權中納言從三位源光圀 修

男權中納言從三位綱條 校

玄孫權中納言從三位治保重校

歌人四

藤原基俊 僧仙覺

源俊賴

藤原俊成 子定家 孫為家 曾孫為氏 為相

大日本史 卷二百二十一

列傳

藤原家隆

藤原貞宗 僧淨辨 慶運

卜部兼好

藤原基俊右大臣俊家子也 尊卑分脈 有文才善

和歌時源俊賴以和歌名于一世基俊不欲

立其下自出機杼遂為一家因竝稱焉每有

和歌會往往為判者然為人簡傲蔑視當世

喜指摘疵瑕以此獲譏 參取今鏡十訓鈔八雲御鈔鴨長明無名

鈔為一家據八雲御鈔尊卑分脈 有僧琳賢者好和歌朝士

多與之遊素不憚基俊常欲排陷之嘗密鈔

出後撰集中歌二十首示基俊紿曰有人為

歌合請君質正基俊偶失記恣意訾議琳賢

出語人曰基俊優於古人評駁救撰其黨從

而和之基俊聞而大悔恨 鴨長明保延四年

雞髮法名覺舜 尊卑分脈 云比年基俊師俊相

踵卒則其卒蓋在永治 基俊門地名望眾之

所重唯恃才傲物以故不顯達以從五位下

左衛門佐終 今鏡參取 所撰有悅目鈔新三

十六歌仙新撰朗詠鈔 八雲御鈔仁基俊

通萬葉之學初村上帝詔源順等訓讀萬葉

集至基俊又為訓點 詞林採 漢字國字兩行

竝書以便童蒙 萬葉集 其後龜山帝時有僧

仙覺者亦通萬葉之學為之訓點云 詞林採

仙覺不詳其姓系鄉里初居鎌倉新釋迦堂

任權律師後遷居武藏比企郡 仙覺善和歌

其訓點萬葉竄改古訓多所發明書成獻後

嵯峨上皇上皇大嗟賞敕以其歌列諸續古

今集詞林採藤澤僧由阿能傳其學集其徒

教授落書顯所著有詞林採葉鈔正徹行于世

源俊賴大納言經信子也仕堀河鳥羽崇德

三朝任右近衛少將兼木工權頭左京權大

夫進敘從四位上多才藝中右記等最善和

歌苦意刻思不輒下語凡有感觸所得者往

住書藏之時出而用之以故無苟且艱澀之

失造意新奇體製溫雅一時士人推為宗師

參取八雲御鈔今鏡鴨長明無名鈔藤原實行嘗與藤原長實

大日本史 卷二百二十一 列傳 三

論躬恒貫之之優劣久之不決長實問之白

河上皇、上皇曰朕何容易辨之宜質於俊賴

長實以告俊賴俊賴點頭曰躬恒不可輕視

長實曰然則貫之劣乎俊賴又曰躬恒不可

輕視俊賴蓋有深意不欲顯言之也鴨長明無名鈔

藤原顯季祭柿本人麻呂名輩畢集顯季謂

俊賴曰卿為當世宗匠宜莫初獻其見推許

如此古今著聞集十訓鈔凡朝廷及諸家歌合多推俊

賴為判者俊賴常謂判和歌者非備十德則

不能也所謂德望門地明辨強記之類也訓十

鈔天治初奉敕撰金葉和歌集袋草子八雲

俊賴素不好連歌以為害於和歌體而至撰

金葉集則多載之又以高陽院命纂和歌可

矜武者上之亦載連歌蓋欲不遺人之美也

今鏡鴨長明無名鈔時藤原基俊亦善和歌與俊賴爭能不相

能鴨長明無名鈔嘗謂人曰俊賴無文才而善

和歌猶駒兒善走況其不繼也俊賴聞之曰

如文時朝綱才學博洽然未聞有秀歌躬恒

大日本史 卷二百二十一 列傳 四

貫之詩名無聞而不害善和歌也基俊之言

不亦誣乎基俊員才高自標置方其判歌常

極口評駁而才不掩言時有麤率之失俊賴

資性溫厚人多愛之者以故時譽益歸焉鴨長明無名鈔

子弟作之而擇其詞意可採者潤色以為己

作以故俊逸甚多後鳥羽帝口傳嘗與同僚遊大原

中路遽下馬眾怪問之俊賴曰是良遲法師

之舊址眾皆下馬良遲蓋以和歌聞者也其

篤志如此子袋草所著有山木髓腦無名鈔鴨

明無名鈔和子僧俊慧亦工和歌尊卑分明無名鈔著歌苑

名鈔頗有父風為時所推重鴨長明著歌苑

鈔歌撰合仁和寺書藤原俊成嘗曰俊賴之

歌鍛鍊精巧無疵瑕之可指俊慧之歌亦為

至巧然比其父不及遠矣鴨長明

藤原俊成權中納言俊忠子初名顯廣尊卑

而分脈則云後復本流故今不取幼而聰

慧善和歌欲受業於藤原基俊嘗造其家值

大日本史 卷二百二十一 列傳 五

中秋基俊賞月作連歌自唱上句俊成續成

之基俊大加褒稱遂約為師弟授古今集秘

旨久之名譽益著鴨長明常曰歌之佳處在

得大體而已不可務為彫刻組織譬諸畫工

圖物倘徒事丹青爛絢則反使人厭之要自

然而有味是為得之清案平居作和歌披古

淨衣擁桐火桶凝然靜坐未嘗有惰容及成

雅淡深邃語熟意婉後鳥羽帝最愛之後鳥

微口傳正仕至皇太后宮大夫正三位公卿世

稱五條三位鴨長明無名鈔安元中辭官尋

薙髮公卿補任法名釋阿尊卑嘗奉後白河

法皇詔撰千載和歌集文治二年書成上之

八雲御鈔教撰次第東常初源俊賴與基俊

不相能其徒各立門戶互相短毀唯俊成於

基俊稱其學力於俊賴取其風體參取八雲

名鈔至是多採俊賴歌或曰彼非御師之所

惡乎俊成曰我唯取歌耳其人何與焉時稱

其坦夷兼載俊成少壯與藤原清輔為一時

大日本史 卷二百二十一 列傳 六

判者清輔外廉內懷或為人所駁抗顏辯折

以故人不取可否焉俊成為人溫厚遇有駁

議虛懷受之無復拒人之色鴨長明其批評

之辭世傳摹倣焉八雲御鈔及晚年惕然

悔悟曰予以不才判歌詞多矣或有輕重失

權前賢有知其謂之何也加之以衰老朝聞

夕忘恐引證致疎謬而猶不自省以一己之

私意妄定其優劣乎爾後不復置判詞矣御

合序歌然及耆耄精爽不衰耳目聰明猶能

大日本史

卷一百一十一

列傳

七

拜趨數侍和歌會帝甚優重之建仁三年年九十筋力衰耗不能復朝帝欲極其榮寵倣仁和故事賜賀於和歌所設屏風及褥為座諸子扶上殿賜御製和歌及鳩杖時以為異數賀記元久元年薨年九十一尊卑分脈所著有

古來風體鈔八雲御鈔家集曰長秋詠艸東常

錄聞子成家定家成家至從三位兵部卿俊

成弟僧俊海俊海子定長尊卑分脈幼有俊才俊

成養為子任中務少輔及定家生避而為僧

改名寂蓮以善和歌稱于世是時僧顯昭亦

以和歌自負與寂蓮友善顯昭學識優博而

才思少不逮寂蓮雖無文學而特造妙顯昭

曰和歌於藝要非至難者也寂蓮不學而猶

能之寂蓮曰天下之難能者無過和歌顯昭

博學猶且不能也顯昭不能答兼載雜談定家素

重其歌及歿甚憫惜焉明月記

定家治承壽永間進敘正五位下公卿補任文治

元年於殿上與源雅行忿爭用燭批其頰坐

除籍

海玉

父俊成深憂之作歌寓其意後白河

法皇聞而憫之尋復本位千載和歌集十訓鈔五年除

左近衛少將歷兼因幡安藝權介敘正四位

下建仁中任左近衛權中將兼美濃介公卿補任

定家夙以和歌發名僧西行與定家書宮河歌合跋清業鈔後

鳥羽上皇嘗召詣小御所判和歌面諭曰延

卿至此朕之待卿為不非矣宜罄盡底蘊無

所遜避如知而不言則非朕召卿本意定家

深感其知遇明月記元久初上皇敕與源通具

大日本史

卷一百一十一

列傳

八

藤原有家家隆雅經撰新古今和歌集參取本書

序明月記八雲御鈔東鑑每部皆冠以古人歌上皇敕以

定家家隆等所作真部首世榮之承元初上

皇今當時名於和歌者作最勝四天王院障

子名所歌上皇躬簡定定家所作多被採用

明月記建曆元年敘從三位建保中任參議為

治部卿進正三位尋遷民部卿貞應元年辭

參議安貞元年進敘正二位公卿補任定家性頗

競躁急於進取素負才氣常嘆不遇怨懟之

言、屢見於歌詠、明月記、藤父俊成終於三位、

及定家超敘正二位、乃大悅曰、人臣之極位、

何幸及之乎、明月記貞永元年任權中納言、尋

授帶劔、公卿補任後堀河帝敕撰新敕撰和歌集、

本書序、敕撰次是時帝有禪位之意、定家知

之、欲急成編、用力甚勤、書成奏之、增鏡〇明

元年八月七日條曰、撰集未成卷軸、而遭大

喪、命奇志建、留稿無益、敕撰愚忤二十卷、舉

而焚于中庭、按撰集本出於詔旨、非可得私

焚者、事甚可疑、且新敕撰和歌集序亦曰、是

歲奏之、故今從本書說、明月記貞天福元年

永文曆開殘缺不完、今無所改、

大日本史卷二百二十一 列傳 九

祝髮改名明靜、仁治二年薨、年八十、世稱京

極中納言、公卿補任嘗設草堂于嵯峨小倉山、以

為息遊之地、時或往居焉、明月記、續古今和

定家頗涉獵史傳、又能詩、明月記而和歌之才、

得之天資、縱橫馳騁、曲盡精微、且家學有淵

源、奧義秘說、無所不究、正徹和歌集、童蒙鈔、古今其

在家作歌、必洞開南面、今可遠望、而整襟端

坐、曰、平常於清肅中習之、則雖在至尊之前、

有母秋風淚、旅館無人暮雨魂、蘭省花時錦

帳下、廬山雨夜草菴中句、則意格自高妙、其

用心之勤類如此、清嚴茶話方此時、諷詠大興、作

者輩出、然定家視之蔑如、嘗贈書藤原良經

曰、如藤原李經、何足與論和歌、李經見之大

怒、因源通親讒之後、鳥羽上皇、以故被疏斥

云、參取明月記、後上皇嘗曰、定家才學莫匹、

然心術頗不正、至有所推獎則不能無私、且

高自標置、藐視一世、人或稱其歌、而如非得

大日本史卷二百二十一 列傳 十

意之作、則忿然見於色、又曰、定家之歌、非人

之所能模倣、何則、專尚流麗、不主意味、蓋彼

以逸羣之才、巧於結構、是以克濟其美、如使

骨力輒弱者為之、則索然無味也、後鳥羽定

家嘗撰自天智帝至當時作者凡一百人和

歌各一首、書以與人、明月記世謂之百人一首、

其他所著有詠歌大概、秀歌大體、萬時顯注

密勸、每月鈔等書、參取正徹物語、古今和歌

來記、雨中吟、三五記、僻案鈔等書、或以為定

家所著、蓋皆係假託、實作、故今不取、又按河

海鈔云、定家取源氏物語中難讀者為主、解號曰與入、仁和寺書籍目錄云、與入藤原伊行所著、定家作、家集曰拾遺愚草、東常錄日之注、未知孰是、微物語、正今行于世、子為家、尊

錄曰明月記、微物語、正為家年二十餘、未得和歌要領、定家數誚責之、為家甚愧、遂詣日吉社祈神助、忽有方寸紙、飄然落其袖、視之有道字、為家大悅、以為靈貺、留宿七晝夜、作和歌一千首、及歸定家慈鎮見其歌、大稱許之、自是才思日進、東常

大日本史

卷二百一十一

列傳

十一

書○清紫鈔曰、為家自以為我歌甚拙、恐墜家聲、欲為僧晦跡、往日吉、以情告僧慈鎮、慈鎮問其年、答曰二十五、慈鎮曰、事未可知也、力學數年、無成而後適世、亦未為晚、為家感悟、歸家發憤、作千首和歌、五日而成、定家見而大題之、自是覃思歌聲、聲譽日盛、終為世宗、嘉祿初補藏人頭、兼左近衛中將、尋任參議、進從三位、嘉禎中任權中納言、敘正二位、兼民部卿、仁治二年遷權大納言、公卿補任、尊卑分限、寶治中奉後嵯峨上皇敕撰續後撰和歌集、正元中又撰續古今和歌集、次撰弘長中又奉上皇敕與藤原實氏家良等詠仙洞百首、

名七玉集、七玉集康元元年薙髮、更名融覺、世稱民部卿入道、又號中院禪門、建治元年薨、年七十九、參取尊卑分限、公卿補任、冷泉家系圖、清紫鈔、為家嘗誨人曰、凡作和歌、如渡危橋、不可左右回顧、又曰、譬之作重塔、始自基址、必當留心下句、清

晚節懶思索、故常好作連歌、小夜夜覺、定家兼能蹴鞠、後鳥羽上皇授以秘說、遊庭龜山帝設蹴鞠會、為家預焉、特聽無紋薰革鞞、時人榮之、雲井子為氏、為教、為相、為教從

大日本史

卷二百一十一

列傳

十二

二位右兵衛督、子為兼正應中至從二位權中納言、尋進正二位、永仁六年坐事流佐渡、嘉元元年召還、延慶三年任權大納言、公卿補任、冷泉家系圖、正和二年薙髮、更名蓮覺、冷泉家系圖、長初奉伏見上皇敕撰玉葉和歌集、伏見帝卿記、冷泉家系圖、尊卑分限、元弘二年薨、常樂為氏正二位權大納言、公卿補任、時世專尚連歌、為氏才思敏捷、能賦險題、自負以為足誇示海外焉、參取清紫鈔、奉龜山上皇敕撰續拾

遺和歌集、尊卑分、冷泉弘安八年剔髮、更

名覺阿、公卿補任、冷泉明年薨、年六十五、

冷泉家系圖、增鏡、稱二條、御子左、冷泉家系圖、

尊卑分、子為世正二位權大納言、公卿補任、奉後

宇多上皇敕撰新後撰和歌集續千載和歌

集、尊卑分、冷泉家系圖、敕撰次第、東常祿

開書、○增鏡為奉後醍醐帝敕撰續千載

撰集之日、每對客便求佳作、為藤疑之曰、

敕撰重事也、宜取其秀絕者、何必求之無名

人、為世曰、歌若可採、雖非作家、亦當收載之、

嘗判父祖歌謂、大父詞意幽玄、父義理深邃、

皆難及焉、清案嘉曆四年剃髮、法名明釋、公卿

補任、冷泉延元三年薨、年八十九、子為藤、為

冬、為藤正二位權中納言、冷泉家系圖、初後醍醐

帝敕為世撰集和歌、而以既奉進兩集、乞使

為藤代奉詔、未及成、為藤薨、為藤嘗養兄子

為定為子、於是詔使為定續成之、續後拾遺

和歌集是也、參取、敕撰次第、尊卑分、後後光

嚴院亦使為定撰集、曰新千載集、國太曆、敕撰次第、

為冬自有傳、

為相與兄為氏、齊名、初父為家授和歌所邑

二所於長子為氏、後失愛、為家奪之、與為相

作文券為證、為家沒後、為氏為相爭其邑、冷泉

家系為相母往鎌倉訴之、十六夜遂為為相

之有、至為氏子為世又相爭、兩家之宰父訟、

將軍守邦親王命北條高時等聽決、屬之為

相、冷泉家系圖官至正二位權中納言、嘉曆三年

薨于鎌倉、年六十六、號冷泉、子為秀從二位

大日本史、卷二百二十一列傳、十四

權中納言、孫為尹正二位權大納言、公卿補任、冷泉

家系為氏為相兄弟各成一家、後世有二條

冷泉之別焉、母平氏、初仕安嘉門院、號四條、

又右衛門佐、剃髮法名阿佛、冷泉家系圖、世

稱北林禪尼、冷泉家系圖能和歌、作者、部類所著有十

六夜日記、夜鶴、十六夜、日

藤原家隆中納言光隆子、公卿補任、幼而穎敏、後

鳥羽帝稱為奇才、清嚴學和歌於藤原俊成、

俊成曰、此子每見我質問、不事疑難、而切問

作者要旨、後來必為歌仙、後果以和歌大著

于世、參取清案鈔、兼載與藤原定家並稱、古今

著聞、十訓鈔、攝政良經嘗問曰、當世歌人誰為第

一、家隆默不答、臨去置懷中之帖而出、視之

定家之歌也、此十訓鈔○兼載雅談、載及定家

奉敕撰新敕撰集、採家隆歌最多、其相推許

如此、正徹物語、後鳥羽帝問良經曰、朕欲學

和歌、誰為師者、良經薦家隆、且曰、斯人當世

之人、麻呂也、古今著聞集元久中奉上天皇敕撰新

古今和歌集、本書序、素為上皇所親昵、及上

皇遷于隱岐、賜題作和歌、增鏡家隆覃思篇詠、

前後所作凡六萬首、清案鈔任宮內卿、至從二

位、嘉禎二年以病薨、髮更名佛性、明年薨、年

八十、公卿補任世稱士生二位、十訓鈔子隆祐從四

位下侍從、分年亦善和歌、定家謂人曰、隆祐

壯年之作、其美幾及於父、至晚節反不似其

初也、隆祐聞之、怨曰、然則何不採其壯時歌

邪、定家嘗謂家隆歌有家滅之徵、子孫果不

榮、清嚴茶話○本書云、三世而嗣絕、然

藤原貞宗二階堂行政之後也、分年父光貞

下野守、作者部類、二階堂系圖、○尊卑分

仁譽子、光貞為貞宗弟、誤、系圖一說貞宗為

染傳子、而草庵集則謂仁譽為先師、蓋以莊

實後、蓋亦以其詠歌傳二、少居延曆寺、略通

佛氏學、別號號泰尋、又住高野山、更號頓阿、

或感空、二階堂後住京師、參取草庵集、圖太曆、工和歌、

兼能書、圖太曆嘗從藤原為世學和歌、獲其奧

義、及為世薨、歎世無知己者、不復作和歌、光

嚴院素愛頓阿歌、惜其廢之、命關白良基獎

諭勉勵、續草庵集良基舉歌體數事問之、錄其所

解釋、名曰愚問賢註、愚問賢註花園上皇撰風

雅集、欲載其詠雪歌、為改數字、使人諭之、頓

阿固辭曰、山僧之意與御批異、願無採焉、上

皇聽之、更擇他歌、其以和歌自負如此、東常

書晚節聲名甚盛、清嚴茶話最為足利尊氏所禮

遇、每有和歌會、未嘗不預焉、草庵集、兼正平

遺和歌集、未就而爲明卒、其戀部以下、頓阿所獨撰也、時卜部兼好及淨辨慶運以和歌與頓阿竝稱、世謂之四天王、頓阿嘗與兼好慶運等會作和歌、探題各賦六首、頓阿偶有故歸家、開題一見而直出、慶運密換以己題、頃之頓阿至、構思既成、援筆欲書、皆非前題、然從容無怪色、別賦六首、歌皆佳絕、滿座相顧以爲不可及也、慶運曰、吾向不爲戲、安得見其絕技邪、其敏捷率此類也、正徹語頓阿以

大日本史

卷二百一十一

列傳

十七

風流自尚、號其所居曰葵花園、春時延公卿縉紳以詠吟唱和、或卜居東山、又慕僧西行事蹟、居雙林寺、皆有泉石花木之勝、草庵集、續草庵集、文中元年死、年八十四、後深心院關白、所記、東常綠、聞書、著有清案鈔、清案鈔、及草庵正續二集、爲時人所稱、續草子經賢、正徹者、部類、權大僧都、作者、法印、正徹、孫堯尋權大僧都、異本、竝善和歌、部類、堯尋子堯孝、續父祖業、其名最顯、爲權大僧都、參取康富記、法印、永亨中權中納言

藤原雅世撰新續古今和歌集、堯孝爲和歌所開闢、東常綠、僧淨辨不詳其姓氏、敘法印、學和歌于藤原爲世、與頓阿相講習、爲世所重、參取草庵集、和歌不審、清慶運、淨辨子也、作者、部類、敘法印、草庵集、作者、與父齊名、正徹語、正平中後光嚴院使藤原爲定撰新十載和歌集、敦撰次、第、採慶運歌四首、慶運大悅、詣爲定謝之、後聞收頓阿歌十餘首、

大日本史

卷二百一十一

列傳

十八

心不平之、竊刪去己歌而不存焉、慶運常自嘆不遇、臨死收其歌稿而瘞之、私語、有子曰慶孝、亦善和歌、清案、卜部兼好神祇大副兼茂曾孫也、居吉田、部類、兼好幼而聰悟、好讀老莊之書、有文才、善和歌、徒然、兼工書、太平、仕後宇多帝、任左兵衛尉、稍被親昵、帝崩、兼好剔髮入修學院、參取、爲世、一日國守帥衆獵其地、兼好厭其喧擾、賦

和歌曰、古古毛麻多、宇伎與柰利計利、與曾

柰賀良、於毛比志麻麻能、邪麻奢刀毛我那、

乃還鄉里、歌詠自娛、拾遺常自謂曰、燈下讀

書、尚友古人、樂其過焉、徒然當時公卿大夫

皆愛其為人、與之遊者甚多、正徹兼好歌集、兼好

嘗為高師直作書挑鹽冶高貞妻、妻不從、師

直怒而絕之、論者以此少之、記太平嘗卜葬地

於雙岡而樹櫻花、因作和歌曰、知藝理於久、

波柰等柰羅毘能、袁迦能陪爾、阿波禮伊久

與乃、波留乎須具佐牟、兼好歌集所著有徒然草

及歌集、今行于世、徒然草兼好死、無子、其侍童

有命松麻呂者、傳兼好業、善和歌、後薙髮依

今川貞世、居鎮西、落書顯命松丸雜○文祿清談曰、

記時事、今按松翁著吉野拾遺、而清談所

引全與拾遺合、拾遺曰、余與兼好有舊好、則

松翁蓋命松丸也、

大日本史 卷二百二十一 列傳 十九

大日本史卷之二百二十一終

大日本史卷之二百二十二

列傳第一百四十九

權中納言從三位源光圀 修

男權中納言從三位綱條 校

玄孫權中納言從三位治保重校

孝子

倭果安柰良許知麻呂

美濃當耆郡樵夫

丈部路祖父麻呂安頭麻呂乙麻呂

大日本史

卷百二十二

列傳

一

丈部知積君子尺麻呂

綱引金村

小谷五百依建部大垣

矢田部黑麻呂

伴家主

風早富麻呂

財部繼麻呂

九部明麻呂

秦豐永

丹生弘吉

下毛野公助

僧某

曾我祐成時致

中原章兼章信

孝百行之本也、非孝無以爲教、物則民彝不能立、禮樂刑政不能出、孝之爲道大矣、故皇帝皇太子讀書、必先孝經、以爲常典、朝廷之崇孝道亦至矣、下至鄉黨閭巷、有純孝者、必

大日本史

卷百二十二

列傳

二

旌表其門閭、勸民以孝、舊史所書、班班可考、有廬墓事死之誠、而無刲股割肝之矯、民用敦厯、俗歸厚焉、後世史職廢弛、載籍殘缺、雖有孝弟履信者、多堙沒而不傳、側陋無由上聞、士庶無以爲勸、豈非闕典歟、間有復父仇者、奮不顧身、能存弗與共戴天之義、綱常倫理、賴以不墜、豈古有孝子而後世無其人哉、晦明關乎盛衰、醇澆屬乎時運、撫其散軼、作孝子傳、

倭果安、大和添下郡人、奈良許知麻呂、添上郡人、果安孝于父母、友于兄弟、凡人有飢病、自齎私糧、巡視看養、登美箭田二鄉百姓、感其恩義、敬愛如親、許知麻呂稟性孝順、與人無怨、嘗遭後母之讒、不得入父家、絕無怨色、奉養彌篤、和銅七年旌二人孝義、終身勿事、

續日本紀

美濃當耆郡樵夫、事父至孝、家貧無財、鬻薪自供、其父嗜酒、樵夫常提瓢過市、賒酒以進、

大日本史

卷百二十二

列傳

三

一日採樵于山、踐石誤仆、覺傍有酒氣、心怪之、回顧左右、石間水湧、其色似酒、試嘗之、則馨烈甘美、樵夫大喜、汲而供父、靈龜三年九月、元正帝幸美濃、車駕過當耆郡、觀醴泉、以為孝感之所致、名泉為養老瀑、因改元養老、授樵夫官、家至富饒、按續日本紀養老元年詔丈盛稱醴泉愈疾之功、無孝感事、今從十訓鈔、古今著聞集、

大和路祖父麻呂、漆部司、令史從八位上、石勝之子也、養老四年、石勝坐與直丁秦犬麻

呂盜司漆、竝處流刑、時祖父麻呂年十二、弟安頭麻呂年九、乙麻呂年七、同詣官冒死、伏請、父石勝為養諸子、盜司漆、緣是配役遠方、冀兄弟三人為官奴、贖父罪、詔曰、人稟五常、仁義斯重、士有百行、孝敬為先、今祖父麻呂等沒身為奴、贖父之罪、欲存骨肉、理當矜賤、宜依所請為官奴、乃免石勝罪、獨令犬麻呂赴配所、無幾免祖父麻呂、安頭麻呂等從良焉、續日本紀

大日本史

卷百二十二

列傳

四

大和知積、君子尺麻呂、竝相模足上郡人也、孝行彰聞、靈龜元年表其閭里、終身勿事、續日本紀

綱引金村、綱一作綱一備後葦田郡人、年八歲喪父、

哀毀骨立、尋丁母艱、追慕益深、景雲二年詔

賜爵二級、復其田租終身、續日本紀

小谷五百依、甲斐八代郡人、建部大垣、信濃

更級郡人、五百依以孝稱、大垣為人恭順、事

親有孝、景雲二年竝免其田租終身、續日本紀

矢田部黑麻呂、武藏入間郡人、事父母至孝、

生盡色養、死極哀毀、齋食十六年、終始不闕、

寶龜三年免其戶徭、以旌孝行、續日本紀

伴家主、安房安房郡人、性至孝、父母歿後、口

絕滋味、設像供養、事之如生、事聞、承和中敕

敘三階、終身免戶田租、旌表門閭、續日本紀

風早富麻呂、安藝賀茂郡人、德行懿美、竭力

孝養、父母歿後、不食滋味、哀慕不已、天長十

年敕敘三階、免戶田租、續日本紀

大日本史 卷二百二十一 列傳 五

財部繼麻呂、加賀能美郡人、有至性、父母既

歿、朝夕哀慕、感愴鄉里、承和四年敕敘三階、

表門閭、免租終身、續日本紀

丸部明麻呂、讚岐三野郡人、外從八位上、已

西成子也、年十八入仕京師、積勞任本郡大

領、請讓其父、自守子職、孝養備盡、父母既老、

其家與明麻呂相距十里、明麻呂定省不懈、

朝夕往還、國司上言請准式蒙貢舉、嘉祥元

年敕敘三階、免戶田租終身、續日本紀

秦豐永、美作久米郡人、天資恭順、孝事父母、

父母逝、常守墳墓、事聞、貞觀七年敘位三階、

蠲課役、表門閭、三代實錄

丹生弘吉、若狹遠敷郡人、幼喪父、獨與母居、

力田奉養、愉色婉容、溫清弗懈、每朝詣父墓、

擗踊哀痛、其所種雖遭水旱風蝗、未嘗被害、

鄉里以爲孝感之所致、事聞、貞觀十二年敕

敘位二階、三代實錄

下毛野公助、公助姓據今昔物語父武則攝政兼家隨

大日本史 卷二百二十二 列傳 六

身也、嘗從父賭射、右近馬場不勝、武則怒撻

之、公助伏而受之、人曰、何不逃、公助曰、父老

足弱、追我疾走、則懼致顛蹶、若有損傷、是重

吾罪也、是以受而不逃、聞者感歎焉、古今著聞集

談事

僧某不詳名字、事母至孝、而家甚貧窶、其母

嗜生魚、無則不能下箸、僧常買而羞之、時白

河上皇嚴禁屠殺、不能得魚、母頗絕食、疲憊

幾死、僧不堪悲惋、自往桂河、捕得二小魚、巡

吏執之、并魚送於官、法司鞠問、僧收淚曰、法之所禁、誰不遵守、況身在釋門、破戒律、罪不可逃、但我母老且病、非肉不食、今雖放此魚、不可復生、幸饋母所、聞一下箸、則雖就刑、非所憾矣、辭氣懇切、吏卒感泣、上皇聞之、賜金帛赦還、古今著聞集、十訓鈔、

曾我祐成、小字一萬、弟時致、小字宮王、伊東

祐親之孫也、父河津祐泰、○尊卑分脈、祐泰作祐道、今從東鑑、

爲從祖父工藤祐經所殺、時一萬年五歲、宮

大日本史

卷二百二十二

列傳

七

王三歲、曾我物語、東鑑、其母抱屍哀哭、撫兩孤曰、汝

等成長、能報父讎乎、一萬泣曰、兒等成長、必

斬讎頭、及母再醮、曾我祐信、兄弟遂爲祐信

所鞠、年稍長、嬉戲常以擊刺爲事、一萬挽弓

射屏障、宮王曰、復父讎、何用弓、自執木刀斫

之、一萬嘗仰見蜚雁、獻獻曰、禽鳥猶有父母、

使我孤者誰、宮王曰、讎之首豈堅於鐵石乎、

一萬遽掩其口曰、勿妄言、因相對號泣、焦思

勞心、復讎之念、未嘗一日懈、會源賴朝滅平

氏、管轄天下兵馬、祐經事之、被親信、以賴朝

嘗怨祐親、乘間勸殺祐泰遺孤、賴朝即使梶

原景季往、曾我諭祐信、致二兒於幕府、母子

泣而別、景季心憐之、見賴朝白其狀、請宥之、

賴朝曰、祐親殺我兒、奪我妻、今已死矣、吾欲

逞志於其孫子、如何宥之、畠山重忠和田義

盛等營救甚至、二兒因獲放歸、母喜其免死、

而切戒之、深自晦匿、一萬年十三、更名祐成、

冒繼父氏、稱曾我十郎、乃遣宮王爲箱根山

大日本史

卷二百二十二

列傳

八

僧行實弟子、宮王復讎之志日切、適祐經從

賴朝詣箱根、宮王欲識其面、從山僧歷問將

士姓名、及祐經、不覺色動、乃袖小刀密圖刺

之、祐經執其手曰、子非宮王乎、容貌肖迺父、

我與子至親、今日相遇、且喜且悲、宜速祝髮、

專歸佛乘、因出一裝刀授之曰、表一時相見

之情耳、宮王欲得間刺之、而衆人環坐、又恐

力不敵、終不果、宮王年十七、行實命披緇受

戒、宮王憂之、竊還曾我、謂祐成曰、弟今日爲

僧如仇讎何、願早束髮、以避師命、祐成然之、相與造北條時政、訴衷曲、時政壯其志、卽爲備禮加烏帽、命名時致、稱曾我五郎、母見時致大駭曰、吾使汝爲僧、何遽如此、汝不母我、吾何子女、母子之恩絕矣、勿復來見、時致嗚咽而退、自是兄弟歷遊大磯、黃瀬川、三浦、屢覘祐經、祐經每出、從卒自衛、兄弟時或望見、不能下手、建久四年、賴朝獵于富士野、祐經從焉、祐成時致大喜曰、天也、因定計往富士

大日本史

卷百二十二

列傳

九

野、時致謂祐成曰、弟獲罪於所恃、不能面訣、死而不瞑、祐成見母告別、因請召見時致、母峻拒之、祐成叩頭涕泣、具告時致憂懼之狀、母意解、召見之、兄弟請賜衣、母解所著授之、戒曰、狩獵之場、士庶麇集、慎勿致忿爭、兄弟遲遲不忍去、泫然泣下、退而復進、回顧數四、母頗怪之、兄弟至箱根、見行實、行實察其志、取社中所藏二寶刀授之、遂往富士野、百方狙祐經不得間、旣而聞賴朝還府有日、兄弟

憂之曰、時難再得、機不可失、今夜急入神野營、以殺祐經、乃陽爲警夜者、過列營前、入祐經卧所、祐經已移別室、兄弟彷徨、不知所爲、會畠山重忠家士本多親經至、素欲兄弟遂其志、指畫祐經所在而去、曾我物語是夜祐經召倡妓與吉備津祠官王藤内宴飲、大醉酣寢、兄弟舉炬相視曰、殺醉卧人、猶斬死人、因蹈席大呼曰、祐成時致爲父報讎、祐經驚覺、將執刀而起、兄弟揮刀交下、遂寸斬之、并殺王

大日本史

卷百二十二

列傳

十

藤内、倡妓驚呼曰、曾我兄弟殺父讎、時五月二十八日、雷雨闇黑、營中騷擾、平子野右馬允愛甲三郎等倉皇出鬪、兄弟殺傷十許人、力極而疲、祐成與新田忠常接鋒、遂爲所殺、時年二十二、時致見祐成死、徑前突入將軍營、小舍人五郎九被婦人服、俟時致過、自後抱持、衆共禽之、曾我物語賴朝乃遣和田義盛梶原景時、檢祐經尸、翌日賴朝坐幕中、諸將環列、召見時致、使狩野宗茂新開實光、詰

大日本史

卷一百一十一

列傳

十一

問所以殺祐經時致嗔目叱二人曰祖父入道歿後子孫沈淪雖不得昵近何就汝輩對狀願面一言而死賴朝壯其言親問之時致曰祐成時致自髻齧至今復讎之念無須更忘今日志願畢矣犯幕府者欲一賜謁而自殺也夫祐經我之讎而君之寵臣也寂心入道君之讎而我之祖父也君寵吾仇而讎吾祖能無憾乎意氣益猛厲聽者竦動賴朝愛其膽氣欲宥死祐經子犬房九哀訴請殺乃

斬之時年二十賴朝得祐成時致遺其母書彈淚讀之命藏之書庫東鑑時祐信在獵場賴朝召而慰諭使還鄉修二子冥福除曾我莊祖東鑑曾我物語後人爲立祠於富士野曾我社祐泰少子律師爲僧犬房又請殺之賴朝召見至則自殺東鑑○曾我物語祐成有妾名虎大磯倡也東鑑祐成屢遊大磯見虎而悅之虎亦相愛諸豪競欲通殷勤皆不顧焉會和田義盛來飲其家召虎佐酒不出義盛怒欲罪

之其母懼促之虎不肯曰曾我寒士也和田豪貴也妾豈忍以貧富易其心乎時祐成在虎許義盛請祐成與虎同出飲及酒行終不與義盛相酬酢引盃飲屬祐成曾我物語及祐成報讎鬪死賴朝召虎問狀旣而免歸哀慕悲泣登箱根山請僧行實修祐成冥福作諷誦文悼之以祐成所騎馬爲嚙遂爲尼如信濃善光寺時年十九東鑑後歸大磯住高麗寺云

大日本史

卷一百一十一

列傳

十一

中原章兼章信父曰章房歷仕後宇多後伏見後二條花園四帝爲大判事後醍醐帝以章房諳練法律引參庶務甚被寵待帝之將討北條高時事泄預謀諸臣盡遭遷殺而帝益怒將遂舉兵密召章房謀之章房諫曰前日之事人心洶洶武臣益倔彊朝廷微力恐不能克之廟算一跌事將有不可測者焉願熟慮之帝恐語泄陰命平成輔圖之時有瀨尾兵衛太郎及弟卿房者居雲居寺傍俱以

俠聞、成輔、咼之以貨、囑刺章房、二人諾、會章房詣清水寺、兵衛太郎裝爲行旅、伺其出西門、遙拜男山俯伏、乃拔刀斷脰、下磴走、迅如飛、從者取章房刀追之不及、章兼章信聞之、奔至父死處、舁尸而還、日夜謀復讎、而不知誰爲也、多方蹤跡、始知兵衛太郎所爲、會章兼疾、章信乃裹甲駕小車、率官奴私僮四十餘人、咸甲、黎明圍兵衛太郎宅、發掘搜索、無所獲、章信悵然將還、從者適仰屋見衣裾微

大日本史

卷百二十二

列傳

十五

露、以眉尖刀挾承塵、兵衛太郎知不免、拔刀將下、從者既斫其股而墜、兵衛太郎不能起、尚能左右盤刀、從者從後刺殺之、章信遂毀其屋、縛其弟卿房、置其首于車前而還、道路觀者皆稱快、島津家本、今川家本、太平記、按東寺修行日記、無章信以復讎爲章兼事、

大日本史卷之二百二十二終

列傳第一百五十

權中納言從三位源光圀 修

男權中納言從三位綱條 校

玄孫權中納言從三位治保重校

義烈

調伊企儼

杵淵重光

藤原忠光

大日本史 卷二百二十三 列傳

文三家安

源仲賴

越後能景

大河兼任

平康盛

關信兼平田家繼

左中太常澄

村上義光 子義隆

孔子曰志士不忘在溝壑勇士不忘喪其元

夫居人之位食人之祿國家有難則捐軀殉節固其所也死得其所則所欲有甚於生故

忠臣義士有舍生取義殺身成仁者其精英

忠烈之氣磅礴宇宙間乾坤軸撼乾樞亘萬

世而不可泯皆有以持其志也國朝風氣剛

勁敦尚廉恥武夫悍將立謹以怒冠臨難不

苟免視死如歸者世不乏人其慷慨壯烈一

出於天性而非講之有素處之有道皆於造

次顛沛之際決然行之而不疑儻能使之講

大日本史 卷二百二十三 列傳

習聖賢之道暇日脩其孝悌忠信仗大節而

蹈仁義則成就其美而光耀史冊者豈止於

如是而已哉如越後能景大河兼任雖犬吠

非其主不可為訓而疾風勁草忠於所事則

有可取焉若夫壬申忠臣承久羣臣元弘建

武之忠烈各以其事著於本傳下至北條高

時之將士賈勇蹈義而不負其主者亦各以

類相從作義烈傳

調伊企儼難波人日本紀難波人據本書和
大葉子歌詞及姓氏錄攝

津有調 應神朝有努理使主者自百濟歸化
曰佐 努理曾孫彌和顯宗朝賜姓調首姓氏伊企

難蓋其後也號曰調吉士為人勇烈欽明帝
時副紀男麻呂問新羅之罪軍敗被執伊企
難不屈新羅拔刀逼之脫其禪露其臀使向
日本而呼曰日本將噉我臍脰伊企難大呼
曰新羅王噉我臍脰新羅王大怒益加侵辱
伊企難辭色不變遂遇害其子舅子抱父屍
而死其妻大葉子在虜中悲痛作歌曰柯羅

大日本史

卷二百二十五

列傳

三

俱爾能基能陪爾陀致底於譜磨故幡比例
甫羅須母邪魔等陞武岐底聞者皆憐焉後
有大伴部博麻者筑紫上陽咩郡軍丁也齊
明帝七年救百濟之役為唐兵所虜囚天智
帝甲子歲土師富杼水老筑紫薩夜麻弓削
元實兒等四人欲奏唐人所謀以無衣食患
不能達博麻謂土師富杼曰我欲共汝還于
本朝緣無衣糧不能去願賣我身以充衣食
富杼等用博麻計遂得還奏博麻獨留於唐

幾三十年持統帝四年從新羅使大奈末金
高訓等還至筑紫下詔嘉其尊天朝憂國家
賣身輸忠授位務大肆賜純五匹綿十屯布
三十端稻一千束水田四町免三族課役以
顯其功日本

杵淵重光信濃人稱小源太膽力逸羣事富
部家俊養和元年城長茂擊源義仲家俊隸
之戰于橫田河原為西七郎廣助所斬廣助
繫其首於馬鞍而去先是重光以讒見黜不

大日本史

卷二百二十三

列傳

四

得從軍慨然以為我雖廢斥不宜晏然而寧
處逕至戰所覘其存沒而不見家俊之幟疑
沮彷徨訊諸儕輩始知其戰死乃馳入陣中
望見廣助呼曰子非西七郎邪我是富部殿
從兵杵淵重光也嚮奉使在外忽及於難願
一見主君之首以畢使命揚鞭而進廣助知
其不可當策馬而走重光厲聲曰走則得能
免乎汝為吾主之讎我竟不汝貫急追及之
搏而墮馬輒斬其首置家俊首側揮淚曰臣

以無罪、謹斥家居、自揣臨陣立功、則庶足披
瀝愚衷、至則主君既隕命、無復可奈何、今得
殺戮讎敵、以慰冥魂、言訖上馬、左手提二首、
右手揮刀、大呼曰、富部殿爲西七郎殞命、杵
淵重光立報其讎、汝等可來與較、敵兵三十
七騎、蠶午爭進、重光直衝突、縱橫奮戰、殺十
餘人、身被數創、不能復戰、擲廣助首、持家俊
首、馬上銜刀而死、舉軍歎惜焉、源平盛衰記、長門本、平家

大日本史

卷二百二十三

列傳

五

藤原忠光、忠清第二子也、稱上總五郎兵衛
尉、事平宗盛、從平重衡等、與源行家戰於洲
股、川室山等處、平家物語、源平盛衰記及宗盛滅、忠光
潛脫走、久匿人間、平家物語建久三年、賴朝知永
福寺千鎌倉、忠光左目嵌魚鱗、陽爲眇者、挾
匕首、廁役徒中、搬運土石、謀刺賴朝、賴朝適
至作處、見之、怪其形貌、命左右執縛、探懷匕
首、見、因詰其狀、忠光曰、上總五郎兵衛尉也、
欲報舊主讎耳、乃囚之於和田義盛家、鞠問

大日本史

卷二百二十三

列傳

六

黨與、忠光曰、同謀唯有平盛嗣、聞前匿丹波、
不知今何往也、自被執日而斷水穀月餘、無
所復言、賴朝命斬之、梟首于六浦、東鑑
文三家安、豐則豐原、文則文室、蓋皆從省、三
則其輩行也、今其本姓佐那田義忠兵也、石
橋之戰、義忠受先鋒命、退召家安告曰、將軍
選我於衆、特受面命、武夫所榮、莫大焉、我當
死之、汝歸報母妻、遺言丁寧、託以三兒、家安
辭曰、君年壯齒富、而且欲爲將軍死、家安六
十之年、從君而死、豈足惜哉、臣若不死、則人
將言義忠之死也、無一人殉義者、恩眷如家
安、猶且舍義取生、可恥之甚、臣決不奉命也、
遂不去、義忠陷于敵、家安不審其生死、衝突
出入、索之不已、稻毛重成呼曰、汝主戰死、汝
猶欲爲誰戰、徒死無益、可速走、我不汝迫、家
安怒曰、勇士臨陣、唯知進死、未聞退生、如見
主之死、而遽逃之、則將焉用臣屬、吾主既死、
是我舍命之秋也、奮勇搏鬪、手斬八人而死、

衆皆惜之、源平盛衰記

源仲賴稱信濃二郎、諸本平家物語今從見行

本敦實親王之裔、信濃守仲重子也、事藏人

源仲兼、壽永中源義仲攻法住寺殿、仲兼等

防之、戰敗而走、仲兼從士有加賀房者、以其

馬驕悍、不能控制、易仲兼馬騎之、比至河原

坂、遂爲敵兵所殺、仲兼僅得脫、既而仲賴爲

敵所遮、不得從行、適見一馬蟻血、悲鳴道側、

乃仲兼所乘也、仲賴以爲仲兼既戰死、悲泣

大日本史 卷百一十五 列傳 一七

慷慨呼執轡問曰、馬從何處來、曰、自河原坂、

仲賴曰、彼則主人之讎也、我與彼戰死、回轡

大呼曰、主君既戰死、吾何用生爲、射斃三人、

斫殺二人、又搏一人、交刃而死、源平盛衰記、諸本平家物語

語、

越後能景稱中太、或曰、能景姓中原、源義仲家士也、

養和帝孫于西海、義仲入京師爲亂、源賴朝

發兵討之、初義仲強通攝政基房女、及軍敗、

入其閭內叙別、眷戀不已、能景曰、敵已迫矣、

何眷眷於一女子邪、吾不忍見將軍之被恥

辱也、自潰腹而死、津波田三郎亦諫而死、義

仲曰、是吾過也、遽麾兵而出、源平盛衰記

大河兼任稱次郎、陸奧押領使藤原泰衡將

也、泰衡滅後、收合餘衆、聲勢稍張、僞稱源義

經、略出羽海邊莊、或稱源義仲子朝日冠者、

狗地山北郡、有衆七千餘、由河北歷秋田、踰

大關山、過多賀國府、比濟志加渡、俄而氷釋、

溺死五千餘人、初泰衡之敗、其將由利中八

大日本史 卷百一十五 列傳 一八

維平就虜、賴朝釋爲親兵、兼任致書曰、古今

報六親之仇有之、未聞有復主之讎者、今我

始爲此舉、將以申君臣之大義也、時維平及

橘次公成守小麓島、兼任進攻之、公成棄城

走、維平戰死、乃由予福山本、轉抵津輕、斬宇

佐美實政等、衆稍至一萬、賴朝遣上總介足

利義兼、千葉新介平常胤、將兵擊之、戰于栗

原一迫、兼任敗走、收散卒五百餘、阻衣川而

陣、諸將前戰、又破之、兼任退走、至外濱糠部

之間、依山自固、義兼薄之、兼仕連敗、挺身走栗原寺、村人怪其被服華鮮、圍而拾殺之、鑑東平康盛右衛門尉源有綱士也、有綱源義經女婿也、及義經敗、賴朝遣北條時定殺有綱、建久二年康盛潛抵鎌倉、圖復其讎、梶原景時遇之、由比濱、診其狀異而執之、康盛自稱叛黨、問其姓名不答曰、我欲面幕下白之、賴朝引之府庭、隔簾問實、乃曰、我故伊豆右衛門尉家人、前右兵衛尉平康盛也、欲圖北條

大日本史

卷一百二十三

列傳

九

平六、而不能畢志、以至于此、賴朝乃命和田義盛斬之、腰越、梟其首、鑑東

關信兼平貞盛六世孫、平田家繼平家貞長

子也、源平盛衰記及長門本平家物語家繼作貞繼而盛衰記家繼為源後守貞

能弟平家物語為貞能伯父、今據系圖及玉海、山槐記、百鍊鈔、長門本平家物語諸書、定

為貞信兼歷檢非違使、任河内和泉出羽等

守、敘正五位下、平氏系圖養和元年春熊野僧徒

聞源賴朝起、亦舉兵入志摩、走伊豆江四郎

名轉入伊勢、劫掠沿海、平氏所置吏士望風

潰走、僧徒乘勝焚二見民屋、至固瀨河、信兼迺率姪伊藤次等關名拒之、達於舟江、信兼射殪其黨魁戒光者、僧徒竟逃走、鑑東家繼稱太郎、居伊賀山田郡、祝髮號平田入道、源平盛衰記平家物語作治承四年擊手島冠者于近江、斬十六人、虜二人、海玉壽永三年秋家繼聞平氏走西海、無所寧處、慨然欲報奕世恩、迺與信兼糾合同志、據平田城舉兵、源平盛衰記襲伊賀守護大内惟義破之、鑑東既而佐佐木

大日本史

卷一百二十三

列傳

十

秀義來擊、軍大原莊、家繼等聞之、議戰守之

策、士生野新源次能盛曰、伊賀陜小、敵若大

軍縱掠、則上下必苦之、不若先入近江、據鈴

鹿山而戰焉、衆從之、家繼迺與能盛等率兵

三百餘入甲賀郡、與秀義戰於田堵野、能盛

射殺秀義、能盛亦中矢而死、源平盛衰記尋為惟

義所敗、家繼死之、富田進士家助、前兵衛尉

家能、姓平家清等死者九十餘人、信兼及藤

原忠清等逃匿山中、鑑東以其起滅日淺、世呼

曰三日平氏

源平盛衰記
平家物語

信兼又集兵據伊

勢瀧野源義經遣兵來攻信兼令衆脫甲注

射殺敵殊多既而矢盡信兼自火其城剗腹

而死

源平盛衰記

信兼四子兼衡信衡兼時兼隆

兼衡爲左衛門尉帶刀長

平氏系圖

及信兼再舉

兵與信衡兼時匿在京師共爲義經所誘殺

東鑑山槐記

兼隆爲檢非違使號和泉判官坐事

流伊豆居山木久之爲目代以與清盛同族

怙勢豪橫爲源賴朝所襲殺

東鑑參取
平家物語

後有

大日本史

卷二百二十三

列傳

十一

平基度伊勢人稱進士三郎

○本書云基度
中官長司度光

子蓋家助稱富田進士而基度稱進士三郎

據富田則疑即家助之族也然今無所考

平盛時伊賀人稱三浦氏元久元年俱起兵

襲守護首藤經俊走之徇伊賀伊勢郡邑基

度據朝明郡富田岡貞重等據安濃多藝與

平賀朝雅戰而敗基度與弟盛光等同死之

盛時築壘伊賀六箇山率子姪據之拒戰數

日爲朝雅所敗若菜五郎分兵據伊勢日永

若松南村高角關小野等所兵敗而死建保

中有掃部權助正重亦伊勢平氏之遺孽也

潛居白河謀舉兵後藤基清自京師來襲正

重逆戰多所殺傷遂死之

東鑑

左中太常澄長狹六郎常伴兵士也及源賴

朝起兵常伴爲平氏謀襲賴朝舉族反爲賴

朝所滅明年賴朝詣鶴岡有一男子長七尺

餘廁騶從中迫近賴朝下河邊行平進而拘

之繫簡於髻書曰安房國長狹六郎郎黨左

中太常澄行平詰問之曰復讎之念寤寐不

大日本史

卷二百二十三

列傳

十一

已以至于此事若不成暴骸草野恐人不知

其爲誰是以記姓名爾惟以速死爲幸賴朝

使梶原景時殺之時景時監鶴岡土木不可

預刑事賴朝遽使天野光家代之常澄嗤賴

朝曰事何不前定而急遽至此邪遂斬于稻

瀨川

東鑑

村上義光

本書作義日
今從太平記

稱彥四郎信濃人陸

奥守源賴清之後彌四郎信泰子

尊卑
分脈

爲左

馬權頭子義隆

○分脈
作朝日

稱彥五郎爲兵衛佐

藏人尊卑分脈元弘之亂父子與赤松則祐

平賀三郎關名等從護良親王逃十津河熊野

別當定遍索之急護良去如吉野山土人芋

瀨莊司關名以兵要路護良計無所出遣從者

說以投託之意莊司對曰定遍窮求官軍黨

與錄名以報鎌倉臣今欲納大王而不能也

然過前行亦所不敢請留錦旗若近臣一兩

人得以爲辭護良默然未應則祐進曰見危

授命是士之職臣請留死平賀三郎曰從行

之士皆大王股肱不可失也宜以旗見授護

良從之得過義光適後矣遇莊司擁衆荷錦

旗而還義光直前奪旗莊司錯愕不顧而去

護良喜曰吾得此三人於平天下何有至吉

野築城守之敵以大兵來攻外城已陷護良

親戰數合退與左右酌酒慨歌義光鎧被矢

如蝟毛來跪曰臣拒中城數時適聞歌聲來

取相會賊勢强甚城不可支臣請賜大王鎧

裝詭爲大王死大王乘間遁去護良曰死則

大日本史 卷二百二十三 列傳 十三

同死何忍相棄義光勵聲曰圖大事者惡爲

此言起自解護良鎧護良顧曰卿忠易生不

忘我儻得免厚爲修福不免追從地下遂行

義光乃被鎧登譙樓義隆來欲偕死義光曰

亟去爲王拒後勿徒死義隆泣訣義光遙望

護良去遠大呼敵軍曰今上第三子護良引

決汝等行受天誅見我自刃以爲法乃劃腹

抽腸擲壁而斃賊四集就斬其首解去既而

吉野執行岩菊丸將兵數百追及護良義隆

大日本史 卷二百二十三 列傳 十四

單身留鬪斬數人身被二十餘創潰腹死護

良終獲免義隆年十八矣太平記年十八據南都本

大日本史卷之二百二十三終

大日本史卷之二百二十四

列傳第一百五十一

權中納言從三位源光圀 修

男權中納言從三位綱條 校

玄孫權中納言從三位治保 重校

列女

衣縫金繼女

福依賣

橘逸勢女

大日本史

卷二百二十四

列傳

一

夜叉女

微妙

上毛野形名妻

田道妻

多治比島妻家原音那

大伴御行妻紀音那

四比信紗

高橋波自采女

額田部蘇提賣

他田千世賣

真玉主賣

藤原豐成妻藤原百能

難波部安良賣

伴富成女

刑部刀自咩

秦部正月滿妻

和邇部廣刀自

早部氏成賣

大日本史

卷二百二十四

列傳

二

守部秀刀自

安倍則任妻

鎌田政家妻長田氏

源渡妻袈裟

源義高妻源氏

小宰相

靜

佐介貞俊妻

和氣廣蟲

源賴朝妻北條氏

北條時賴母安達氏

楠正成妻

瓜生保母

山名氏清妻藤原氏

小野小町

紫式部

清少納言

赤染右衛門

和泉式部

小式部内侍

婉孌淑順、婦女之道也、古風淳樸、而夫唱婦和之義、既見於太初葦原之歌、爲風化之始、椒房蘭闥之淑慝、既各著其傳、而衣纓以及草野、事親能孝、夫死守節、治家整肅、臨難果決者、往往有之、其兼彝之心、存乎人者、昭然可觀矣、迨中葉文物聿興、才女踵出、華藻艷發者、世不乏其人、而操行貞特者、寥寥寡聞、

大日本史

卷百二十四

列傳

三

亦由彤史之化不脩、内則之教有闕也、易曰、

在中饋貞吉、女子以才稱、其殆德之衰也歟、

若源賴朝妻以女流操天下之權、亦可以見

世變、而楠正成妻、瓜生保母、果毅明敏、有大

過人者、又豈區區詞章之比哉、今第其行事、

先孝女、次節婦、舉母則表才藝、作列女傳、

衣縫金繼女、本右京人、居河内志紀郡、生十

二歲喪父、泣血感動人、服闋、母許嫁人、女竊

出住父墓側、且夕哀慟、自是母不復言、於是

大日本史

卷百二十四

列傳

四

獨與母居、值父忌日、齋食誦經、境内有惠賀

河、冬日人苦涉、女與母買雜材、造假橋、以便

往來、積十五年不止、母年八十而終、哭不絕

聲、承和八年敕敘三階、免戶田租終身、表門

閭、三代實錄

福依賣者、薩摩民家之女也、父母老無男子、

皆病在牀、傭力以養之、侍湯藥二十餘年、雖

生長於草野、略閑禮儀、恭敬父母、未嘗怠惰、

仁壽中賜爵三級、旌表門閭、文德實錄

橘逸勢女有至性、及逸勢得罪遭貶、悲泣徒步從之、監護使者叱而使去、女乃晝止夜行、遂得不相離、及逸勢死、乃收屍葬之、廬于其側、守而不去、自落髮爲尼、名妙冲、誓念苦至、曉昏不解、見者爲之流涕、後又負其屍以還、人皆異之、稱爲孝女、文德實錄

夜又女左馬頭源義朝女也、義朝嘗朝京師、路宿美濃青墓驛、長大炊家、嬖其女延壽、生一女、卽夜叉也、及義朝敗走、異母兄賴朝來

大日本史

卷百二十四

列傳

五

青墓、舉家喜迎、厚遇之、旣而賴朝被執、夜叉啼泣曰、我亦頭殿子也、他日再受辱、不如與兄同被刑、乃將走出、衆諭止之、後竊赴水而死、時年十二、平治物語

舞女微妙者、本良家子也、僑寓鎌倉、時源賴家宴于比企能員家、能員使微妙歌舞、態度妙絕、觀者稱嘆、能員白賴家曰、舞女本京師人、欲訴事於幕府、願公親問之、賴家問其故、微妙潛然淚下曰、曩時建久中、妾父右兵衛

尉爲成、因讒得罪、竄于蝦夷、母亦以憂終、妾時七歲、旁無親戚之可憑、賴及年漸長、思慕益切、而無緣聞父之消息、故執此賤技于幕府、冀賜哀恤、賴家惻然、滿堂酸鼻、賴家母政子深感其孝志、卽遣使陸奥、爲搜訪之、至則父旣死于徙所、微妙聞之、慟哭幾絕、遂薙髮爲尼、更名持蓮、政子特憐之、授居宅、厚存撫焉、東鑑

上毛野形名妻、舒明帝九年、形名拜將軍、討

大日本史

卷百二十四

列傳

六

蝦夷戰、無利、兵士潰散、形名單身走入壘、爲賊所圍、計無所出、欲乘昏逃去、妻慨然曰、吁走則得免乎、祇取辱耳、妾聞君之祖先平治海表、威武著聞、今君臨難苟免、則前烈盡廢、豈不自恥哉、乃飲以酒、形名酣寢、妻親佩其劍、令婢妾數人鳴弓弦、形名醒起、取仗而進、賊以爲軍衆猶多、解圍而去、散卒稍集、遂擊蝦夷、大破之、日本紀

田道妻不詳姓氏、仁德帝五十五年、蝦夷叛、

帝命田道討之、戰于伊寺水門、兵敗死之、從者取其手纏、歸授其妻、妻大悲慟、即抱手纏而縊死、時人哀焉、日本紀

家原音那、左大臣多治比島之妻也、紀音那、贈右大臣大伴御行之妻也、共有婦德、和銅五年詔曰、家原音那、紀音那、竝以夫存之日、相勸爲國之道、夫亡之後、固守同墳之意、朕思彼貞節、感歎之深、各賜邑五十戶、續日本紀

四比信紗、大倭有智郡人、民果安妻也、果安亡後、積年守志、并妾所生有八子、撫養無別、事舅姑能竭婦禮、以孝聞、爲鄉里所稱、和銅七年旌其孝義、終身勿事、續日本紀

高橋波自采女、對馬上縣郡人、夫亡之後、誓不改志、其父亦尋死、廬于墓側、每日齋食、孝義之至、悲感行人、神護景雲二年表其門閭、復租終身、續日本紀

額田部蘇提賣、石見美濃郡人、寡居年久、節義著聞、且以能散財濟衆、神護景雲二年復

其田租終身、續日本紀

他田千世賣、信濃伊那郡人、少有才色、家世

豐贍、年二十有五喪夫、守志寡居、五十餘年、

神護景雲二年褒其守節、賜爵二級、續日本紀

真玉主賣、真類聚國史作直壹岐壹岐郡人、年十五

夫亡、自誓遂不改嫁、供給夫墓、三十餘年、一

如平生、寶龜四年賜爵二級、并免田租、以終

其身、續日本紀

藤原豐成妻藤原百能、兵部卿麻呂之女也、

大日本史 卷二百二十四 列傳 八

豐成薨後、守志年久、供奉內職、以貞固稱、勝

寶中授從五位下、寶龜九年進從二位、延曆

元年薨、年六十三、續日本紀

難波部安良賣、筑前人、不詳其祖先、詣父母

墓、朝夕盡哀、年十六、適宗像大領宗形、秋足

秋足死、遠近娉之、誓死守節、州郡上狀、詔免

田租、日本後紀

伴富成女甲斐山梨郡人、年十五、嫁鄉人三

枝平麻呂、夫死守節不移、居常齋食、奉靈牀

如平時、承和中國司上言、敕免田租終身、表

門閭續日本後紀

刑部刀自咩、武藏多磨郡人、嫁族人廣主、廣

主死、居喪有禮、事之如生、廬于墓側、晨昏悲

泣、累歲不渝、承和中國司上言、敕授位階、免

田租終身續日本後紀

秦部正月滿妻下野人、秦部總成女也、性謹

篤、夫亡後、撫養遺孤、不肯再醮、持節彌固、常

修功德、以資冥福、國人稱之、齊衡中旌表門

大日本史 卷百二十四 列傳 九

閭、復其身、賜爵二級文德實錄

和通部廣刀自、加賀人、年十四適山城人秦

真勝、夫亡廬於家側三十餘年、哀慕不渝、言

及悲泣、齊衡中褒賜爵二級文德實錄

早部氏成賣、攝津武庫郡人、年十六、適右京

文室武庫麻呂、歷二十七年、武庫麻呂死、氏

成賣居喪有禮、事死如生、日不再食、遂不改

醮、貞觀中詔敘位二階、免戶內田租、終身勿

事、表門閭、以旌貞操三代實錄

守部秀刀自信濃池田郡人、夫死孀居、守志

不移、造佛寫經、晨昏禮拜、永斷葷血、不事織

紵、哀惋切至、哭不絕聲、貞觀中詔敘位二階、

免戶內租、以表門閭三代實錄

安倍則任妻、不詳姓氏、康平中源賴義討安

倍氏、則任妻見軍敗、告則任曰、夫子將不免、

妾義不獨生、請先君死、乃抱兒投淵而死陸

話記、十訓抄、今昔物語、為貞任妻、誤

鎌田政家妻、內海莊司長田忠致女也、平治

大日本史 卷百二十四 列傳 十

元年源義朝兵敗、將走關東、路抵尾張野間、

投忠致家、忠致殺義朝及政家、妻聞變、至其

死處、哀慕悲慟、遂伏政家刃而死平治物語

源渡妻袈裟、小字阿都磨、逸父名、初與母共

居陸奥衣川、家本豪富、稱衣川殿、因呼阿都

磨曰袈裟、姿容端麗、為上西門院雜仕、未及

笄、適左衛門尉源渡、閨門雍睦、遠藤盛遠衣

川之甥也、嘗出監事、路見一女、豔之、神思恍

惚、蹤跡而行、始知為渡妻也、寤寐不能忘、至

衣川家、劫而請之、衣川驚惶、詭謝曰、汝幸釋我、則今夕使彼見焉、盛遠固約而去、衣川召袈裟授之、小刀泣曰、亟殺我、袈裟大驚曰、無乃喪心病狂乎、衣川具告以狀曰、不聽彼言、我必遇害、與其死彼手、不若死汝手、袈裟悲泣、以爲予代親、固其分也、乃謂曰、兒善處之、勿復慮焉、日既暮、盛遠至、袈裟迎接、佯爲相悅、既而欲辭、盛遠露刃迫脅曰、汝終不從、我必殺汝、與渡、袈裟紿曰、妾實非欲辭、以觀君志爾、妾在渡家、多不稱意、數欲奔歸、然不忍忤母命、遷延迄今、君志誠切、則速殺渡、盛遠大喜、袈裟約曰、今夜我可使渡沐髮醉卧、君潛入卧内、認新沐者殺之、盛遠諾、袈裟歸而謂渡曰、妾前以母疾歸省、今疾愈、請共歡飲、渡醉、袈裟扶卧、自濡髮、詭服爲男子、隔席而卧、夜半盛遠斬首而去、視之、則袈裟也、盛遠大悲恨、提首至渡家、告實、請死、渡曰、事既如此、殺汝無益、不如爲僧、贊其冥苦、乃剔髮、盛

大日本史

卷二百二十四

列傳

十一

遠亦爲僧、僧文覺是也、衣川號哭幾絕、得遺書篋中、辭甚酸楚、盛遠瘞其屍爲起墳、源平

記、平家物語、世呼曰鳥羽戀塚、

源義高妻源氏、征夷將軍賴朝女也、義高質於鎌倉時、賴朝妻之、及義高父義仲反誅、賴朝欲殺義高、源氏知其計、勸義高亡去、賴朝遣兵追斬之、源氏悲慟不食、母北條氏憂之、痛尤賴朝、賴朝不得已、歸罪於追者、斬之、以慰其意、欲更嫁之於外甥藤原高保、源氏誓

大日本史

卷二百二十四

列傳

十一

而不適、遂以憂死、東鑑

小宰相、刑部卿藤原憲方女也、風姿艷美、初仕上西門院、後爲越前守平通盛次室、及平氏西奔、小宰相亦從行、壽永中、一谷軍潰、平氏倉皇浮海走、多爲東兵所殺獲、不知通盛之存亡、既而舟中人來言、三位君亦兵死、小宰相聞之、慟哭、遂投水死、平盛、平家物語、源靜都下白拍子也、源義經妾畜之、土佐房昌俊至京師、義經疑其圖己、召而詰之、既而事

釋其夕義經謂曰我自昏心動意昌俊至乎靜曰然街衢塵起人行動動不可無警乃潛遣兩童詞之久而不還又遣一婢少選歸報曰兩童既斃於門外鞍馬數十匹將騎而發夜既三鼓昌俊至義經曰是不足介意執刀將起靜曰小敵不可侮乃進甲冑弓矢義經射而退之源平盛衰記及義經去京師從匿平家物語吉野山山僧將攻之義經賜靜金寶而別使雜色護送雜色等奪金寶棄靜而去山僧捕

大日本史

卷百二十四

列傳

十一

送京師北條時政具狀報之賴朝召致鎌倉審問義經所在靜固陳不知然猶以其有身留之賴朝妻政子聞靜善歌舞欲召而觀之稱疾不至哀訴曰妾本賤流不足自惜然已充豫州之後房而今豈示恥於稠人哉政子頻請不止既而賴朝與政子詣鶴岡社召靜命之靜固辭曰妾今日不堪離別之悲寧有意歌舞乎賴朝強之再三乃舞工藤祐經觀鼓畠山重忠擊銅拍子靜先唱和歌曰與志

乃也末美禰乃志良由幾不美和計天以里珥志比登乃阿登曾古比志幾次歌離別曲又唱曰志豆也志豆志豆乃遠駛末幾玖里加陪志牟加志遠以末珥奈寸與志毛加奈聲態絕妙衆皆感愴賴朝不懌曰咄哉此女子今日神前奏歌舞應頌關東萬歲而反慕叛人歌離別曲何耶政子曰君昔爲流人日密結終身之約妾父憚時勢爲防禁之妾暗夜冒雨奔于君所及君舉義旗於石橋妾獨

大日本史

卷百二十四

列傳

十四

留伊豆山而不知其存亡日夜思念今彼若忘豫州之恩而不戀慕者固非貞女之操情動于中而形于外公宜矜恕賴朝乃推衣於簾外以爲纏頭工藤祐經提原景茂等就靜僑舍飲燕靜母磯禪師亦佐酒景茂來醉以微辭挑靜靜垂涕曰豫州鎌倉殿之連枝我卽其侍妾卿已爲其家人豫州若在卿等豈得見我景茂媿屈既而生男子賴朝命安達清經棄之由比浦靜號哭不與清經奪去殺

之、放還靜於京師、政子憐而遣之、賜賚頗多、
鑑東

佐介貞俊妻者、不知何氏之女也、貞俊事北
條氏、元弘之亂、從軍攻金剛山、及亂平、貞俊
見收、思慕其妻弗已、即以佩刀託之僧、以遺
其妻、遂即刑、僧乃持其衣與佩刀往示之、其
妻覽而不堪悲咽、乃作和歌書之曰、多禮美
與登、加太見越比東濃、斗斗女計年、多倍氏
安留倍喜、以乃知柰良奴爾、遂引刀而自殺、

大日本史 卷百二十四 列傳 十五

和氣廣蟲、備前藤野郡人、清麻呂姊也、
日本紀、續日本紀、

後紀、初嫁從五位下葛井戶主、
日本後紀、宇佐託宣集、

廣蟲為人貞順、節操無虧、
日本後紀、為孝謙帝所

愛信、授正六位下、
日本後紀、及帝落髮、廣蟲亦薙

髮為法弟子、名法均、授進守大夫、尼位、藤原

仲麻呂伏誅、連及當斬者數百人、法均諫帝

減死處流、亂後飢疫、民間生子者多不能育、

往往棄之、法均遣人收養之、
日本後紀、凡得八十

三兒、悉稱養子、因賜姓葛木首、
宇佐託宣集、神護

景雲二年、賜從四位封戶并位、祿位田、
日本後紀、

後紀、及弟清麻呂忤弓削道鏡、遭竄、法均亦

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

詔還俗、復舊名廣蟲、流于備後、
日本後紀、

賴朝、賴朝遁于北條、依時政、聞時政多女、欲以書挑之、竊訪其姣醜、或曰、長女前妻所生、有姿色、次女後妻所生、容態不如也、賴朝以鼎遭祐親之怒、由後母之言、欲通後妻之所生、而免離間之患、因安達盛長通書次女、盛長度情好不終、而又與時政忤、乃毀其書、改寫致長女、即政子也、先是次女夢身登峻嶺、袖日月、手持橘枝垂實、寤而疑之、問政子、政子頗識故事、憶日葉酢媛命嗽橘生景行帝、

大日本史

卷百二十四

列傳

十七

○按日本紀聖仁帝遣田道間守於常世國求橘、帝崩明年始得橘而歸、差與本書異、然古來相傳、或有此心、欲奪之爲己瑞、乃紿曰、說、今一從舊文、是凶夢也、且我聞之、吉夢三年不告人、凶夢七日不告人、不然殃咎至矣、今汝妄說、非警戒之道也、次女大懼、請爲禳之、政子曰、夢有轉移之法、謂賣與之人也、曰、目不可觀、手不可捉、誰肯買之、憂戚形于色、政子熟視久之、曰、我爲汝買之、曰、姊不自惜、恐不利于姊、曰、買者無咎、賣者免禍、所謂轉移之法也、乃出

唐鏡一枚、衣一襲、償之、唐鏡家世相傳爲寶、時政最愛政子、以故與之、次女大喜過望、是夕政子夢白鳩銜金函來、啓之、則賴朝書也、且而書至、遂私通焉、曾我物語政子時年二十一、時政宿衛京師、罷歸、道與目代平兼隆俱、兼隆者清盛之疎屬也、乃許以與長女、而聞其與賴朝通、大驚、既而以爲源郎器局非凡、足相倚重、且其曾祖姑適源豫州、生義家及諸子、迄今蕃衍、此安知非吉兆乎、然畏負約被

大日本史

卷百二十四

列傳

十八

訴、陽爲不知、遂歸兼隆、政子即夜逃山中、密告賴朝、賴朝往與居焉、兼隆搜索不能得、時政亦不問、曾我物語源平盛衰記及賴朝起兵、使避而匿於走湯山、久之生賴家、實朝及二女、政子性妬忌、賴朝畏憚之、賴家幼從賴朝獵富士野、射中鹿、賴朝大喜、遣梶原景高報政子、政子不悅、曰、兒雖幼穉、爲將家子、而獲原野之一禽、何煩專使之爲、景高慚而退、賴朝薨、賴家襲職、政子薙髮爲尼、既而時政以外家頗

有威重與大江廣元三善康信等參覈軍政而與奪之權時政獨專之賴家長而荒淫親昵羣小疎斥宿舊賴朝常禮遇諸將稱呼不名如長清義時稱加加美江馬賴家動輒名之政子觸事戒敕不能悛嗣五年而病恍惚失度政子強使辭位以關東二十八國地頭總守護傳其子一幡關西三十八國地頭傳弟實朝一幡外祖比企能員怨其減割圖殺實朝及時政密啓賴家賴家領之政子隔障

大日本史

卷百二十四

列傳

十九

聞其語遽告時政時政夷滅能員并殺一幡立實朝幽賴家于修禪寺賴家病愈致書政子請以親舊近臣充給使不許且禁通書東鑑建保六年政子詣熊野遂至京師敕從三位東鑑愚初從賴朝抵京師至此將復巡視靈場管鈔後鳥羽帝欲召見之辭以邊鄙老尼不習觀禮不謁而歸東鑑數月進從二位管鈔及實朝爲賴家子公曉所殺鎌倉無主帥賴朝姪阿野冠者時元政子之甥也乘釁聚兵駿

河圖邀宣旨管關東政子命義時擊殺之遂與義時協議奏請京師擇冷泉宮六條宮一人爲將軍不許遂迎左大臣藤原道家子賴經立之年甫二歲政子專決政事東鑑使菅原爲長以國字譯貞觀政要以爲法則同雲日要治嘉祿元年薨年六十九東鑑政子嚴毅果斷有丈夫之風建曆承久間內外兵興對酌羣議戡定禍難雖賴朝胤絕而功臣宿將不敢生心天下稱曰尼將軍義時泰時相繼

大日本史

卷百二十四

列傳

二十

用事管轄兵馬北條氏之得政蓋由政子基焉參取東鑑增鏡愚管鈔大意北條時賴母安達氏秋田城介景盛女也稱松下禪尼東鑑關東評定嘗爲時賴設食兄義景來助治具尼方手裁小紙糊補紙格義景請命人爲之尼不顧義景曰補之不若新之之省勞尼曰我豈不之知乎凡物有小破宜修補之欲使兒輩知此意耳人謂時賴克守勤儉政理寧靜亦母教之使然也徒然草

楠正成妻不知何氏女也、正成之拒足利尊氏于兵庫、子正行年甫十一、從在軍、軍至櫻井驛、命正行還于河內、且誡曰、聞獅子生子三日、擠之絕壑、試其跳超、今汝十餘歲、能記我言、我行安危決矣、不可復觀汝也、我戰死之後、天下必歸于尊氏、汝當收合殘兵、保金剛山、死生以之、慎勿出降、以墜家聲、汝之孝莫過焉、授以帝所賜菊作刀泣訣、菊作刀據天正本正成戰沒于湊川、尊氏致其首于河內、正行大日本史

卷二百二十四

列傳

二十一

悼甚、起到佛龕前、拔正成所授刀將自殺、母趨抱之曰、故判官之還汝、非以薦福、亦非以殉死、意教汝保合族黨、舉兵除賊、再圖興復也、汝面奉遺言、還以告吾、言猶在耳、漠然如弗記、吾恐汝背公債事也、正行愧止、遊嬉常為搏戰馳逐之狀、莫不以討賊復讐為事、皆其母訓誨之力也、太平記

瓜生保母逸其姓名、延元中新田義貞據金崎城、保與弟義鑑、源琳、重照、據杣山城、奉脇

屋義治、以里見時成為將、往援之、敵將高師泰出兵要于敦賀津、敗之、保義鑑姪七郎與時成俱戰死、源琳、重照收散卒還于杣山、而城中軍士多死亡、號哭滿街、唯保母神色自若、無敢戚容、進謁義治曰、兒曹不力、使里見君戰沒、竊恐大傷郎君之心也、幸二子從死、足以少謝、妾家兒曹本為郎君起大事、苟使賊平、亡百十子姪、固非所悔、三子猶在、再舉可期、是妾所以轉哀為喜也、因起為義治行酒、士衆感激、皆思自奮、太平記

大日本史

卷二百二十四

列傳

二十二

山名氏清妻藤原氏、左近衛中將保修女也、山名氏清之舉兵、藤原氏在和泉堺、已而潰、兵來報曰、主君戰沒、藤原氏問二子如何、曰、二郎君脫走矣、藤原氏歎曰、二子無恥、吾不忍偷生、將自殺、左右止之、勸雖髮不聽、乃扶而上輿、赴土丸城、藤原氏輿中伏刃不殊、左右驚而進藥、不肯嘗、明德記二子時清、滿氏潛來請見、藤原氏掉頭曰、無勇非士、不孝非子、

將家之子、年逾弱冠、從父于軍、父死、子逃、何
顏而來見、熙氏義子也、猶能殉父、二兒何爲
不死、乃被衣不復言、二子大愧而去、參取山
名系圖
明德初、氏清致書訣藤原氏、藤原氏竟取書
題和歌於其後而死、侍女三人皆赴水死、明德

小野小町不詳審其所出本末或曰參議篁
孫也父曰良真出羽守○小野系圖作者部類
○拾芥鈔守作郡司
小町有絕世之姿長和歌○詳○世稱曰歌仙朱
詳說見歌人傳

大田本史

列傳

1
2
3
4
5

紀貫之撰古今和歌集、多收其歌、序而論之、曰、小町之歌、衣通姬之流也、詞意悽婉、終之氣力、譬諸美人之有憂思、婦人歌詠、自當如是矣、古今和歌集○世有玉造、小町壯衰、書夫知何人著、或曰僧空海、或曰三善清行、載小町年老乞食道路、世以爲小町、小町十訓、鈔著、聞集皆載其事、以玉造小町、野小町、爲一人、長明無名鈔亦引在原業平所聞、調體歌爲一人、徒然草以空海小町年代相隔、疑爲非其所著、今按、小野玉造各自一姓、故不取、紫式部、式部丞藤原爲時女也、紫式部日記、尊卑分脈、嫁右衛門權佐藤原宣孝、尊卑分脈、式部資性敏

慧幼時聞人讀書輒能諳記爲時甚愛之常撫之曰恨不使汝爲男長而能和歌博涉和漢舊記兼通朝廷典故時上東門院方好文詞擇婦人有才華者引置左右式部亦時候焉上東門院欲讀白氏文集式部授之樂府二卷上東門院父道長悅其才色欲私之式部拒而不從

紫式部日記

著原氏物語五十四帖假託醍醐朱雀村上三朝事蹟架空憑虛闕富精妙度越古今後人下箋注釋疑難爲詞

大日本史

列傳

家之宗鈔河海一條帝讀而大賞之曰是善諂
熟日本紀者也人呼曰日本紀局紫式部日記河海鈔
○河海鈔曰齋院選子從中宮借書中宮欲
以新奇誇之命式部作源氏物語宇治拾遺
物語及花鳥餘清引長明無名鈔曰以道長
妻倫子命作之或曰式部家居所著中宮見
而奇其才遂召而為人婉順淑嫻不自矜所
侍左右未知孰是為人婉順淑嫻不自矜所
長其謹飭持身之大較見于所著日記女賢
子亦善和歌著狹衣物語嫁太宰大貳高階
成章為後一條帝乳母大貳三位是也勸修寺系

清少納言、肥後守清原元輔女也、有才學、與
 紫式部齊名、一條帝時、仕藤原皇后、被眷遇、
 皇后雪後、顧左右曰、香爐峯雪想如何、少納
 言即起、褰簾、時人嘆其敏捷、○十訓鈔、皇后為帝、
 特嘉其才華、欲奏為內侍、遭藤原伊周等流
 竄不果、枕草子老而家居、屋宇甚陋、郎署年少
 見其貧窶、憫笑之、少納言自簾中呼曰、不聞
 有買駿馬骨者乎、笑者慚而去、古事談著枕草
 子行于世、

大日本史

卷一百二十四

列傳

三十五

赤染右衛門、大隅守時用女也、作者部類○
歌仙傳並曰、右衛門母初為平兼盛妻、有身而
出、既而生女、攜之再嫁、檢非違使赤染時
用、時用養為己子、初仕攝政道長妻倫子、稱
 右衛門、後嫁大江匡衡、有才思、善和歌、與和
 泉式部齊名、長明無名鈔、紫式部曰、藤原公
記、中古歌仙傳、任將辭中納言、屬當世名儒、紀齊名大江以
 言作表、皆不稱其意、更請匡衡、匡衡還家、低
 回有憂色、右衛門怪而問之、匡衡告以故曰、
 以齊名以言之才、猶不能厭其心、我如何得

大日本史

卷一百二十四

列傳

三十六

副其望哉、右衛門沈思少頃曰、妾得之、彼公
 性素矜飾、宜盛述其門地閭閥、而微露沈滯
 之意、匡衡從之、公任果大悅、遂用其草、其類
 悟如此、十訓鈔、中納言據公卿補任、歌仙傳、
本朝文粹、○本書為辭大納言誤
 女曰江侍從、亦以和歌著、十訓鈔、作
 和泉式部、越前守大江雅致女也、善和歌、嫁
 和泉守橘道貞、仙傳、生女小式部、道貞沒
 後、仕上東門院、子、嘗有僧性空者、居播磨
 書寫山、舉世崇信之、式部贈和歌曰、玳羅幾
 與利、玳羅幾美知珥層、伊利奴倍幾、波留加
 珥、集氏羅世、再醮藤原保昌、子、能波能都幾、世以為精妙、拾遺
 小式部內侍亦仕上東門院、十訓幼善和歌、
 時人謂內侍有佳句、多其母所潤色也、母式
 部從保昌赴丹後、會禁中有歌合、中納言藤
 原定賴斬小式部曰、丹後行李還來否、顧內
 侍勞思耳、小式部即起、摻定賴袂、口占曰、於
 朋延、摩伊玳能美知能、登乎計禮婆、摩

馱布美毛美孺、阿摩能波志多氏、自此才名

大著、古今著聞集、十訓鈔、當時有伊勢大輔

者、伊勢祭主大、中臣輔親女也、歌仙傳、善和

歌、與紫式部和泉式部、小式部等齊名、十訓鈔

亦仕上東門院、大輔初入宮、關白道長侍側、

時有獻櫻花者、道長取筆研授大輔、令題和

歌、大輔秉筆立成、曰、伊珥志倍濃、奈良濃美

邪古乃、夜陪散俱羅、幾璵婦扈扈濃倍珥、仁

保比奴類加奈、道長大感賞、其敏捷如此、袋草

大日本史 卷一百二十四 列傳 三十七

子

大日本史卷之二 百二十四終

大日本史卷之二百二十五

列傳第一百五十二

權中納言從三位源光圀 修

男權中納言從三位綱條 校

玄孫權中納言從三位治保重校

隱逸

藤原高光

源成信藤原重家

源顯基

大日本史 卷二百二十五 列傳 十一

藤原為業

佐藤義清

鴨長明

士之生於斯世、賢愚隨天賦、予各展其用、豈以偃蹇巖穴沈冥、漁樵為高哉、異邦革命之世、或有耻事二世、高尚其事者、史傳美之、皇朝神裔相承、萬世不易、隱逸之士、似乎不足稱者焉、然士之所遭、其塗非一、有高材逸足而不見知於人者、有抱忠負節而蔽於讒侮

者、與其降志屈己、望車塵而戀棧豆、孰若高

蹈遠引、耕富春而嘯蘇門乎、故所處雖有得

失、小大之殊、而君子皆以蠶之上九期之、若

藤原藤房諫不行而去、象所謂志可則而進

退、合道者也、事在本傳、不列于茲、作隱逸傳、

藤原高光、右大臣師輔子、有才思、善和歌、村

上朝至從四位下、歌仙傳作從五位上、右近衛少將、

尊卑分脈、帝嘗御飛香舍、召讀文選、誦三

都賦序、帝大感歎、九高光志趣高尚、不慕榮

大日本史 卷二百二十五 列傳 十二

貴、及將避世、作和歌曰、加玖婆加利、倍我多

玖美由流、與能奈加珥、宇羅邪末志玖、須

迷流都幾加奈、拾遺和歌集、出家隱橫川、大鏡改名

如覺、尊卑分脈、帝深憫惜焉、後居多武峯、世稱曰

多武峯少將、尊卑分脈、大鏡、榮華物語、正曆五年卒、多武峯略

記

源成信、致平親王子、仕一條帝、至從四位上

左近衛中將、尊卑分脈、古事談、母攝政道長妻

姊、因為道長所子養、愚管抄、榮華物語、左近衛少將

藤原重家、左大臣顯光子、尊卑分脈與成信友善、

竝美姿儀、時人呼曰輝中將、光少將、兼開朝

儀、進止詳華、愚管鈔榮華物語一日二人在直、視四

納言伏議、裁決明辨、吐屬如流、退而嘆曰、在

官者宜如此、才不至此、而競望榮進、士子之

羞也、不可跂及、則不如辟世讓賢之為潔、相

與投園城寺剃髮、愚管鈔今鏡續古事談重家法名

舜源、號一乘院、愚管鈔年分脈年皆二十餘、時人

嗟惜焉、鏡今

大日本史 卷二百二十五 列傳 三

源顯基、大納言俊賢長子也、公卿補任、少而

好學、寫志典籍、續注生傳、元亨釋書寬弘八年叙從五

位下、長和中為侍從、任右兵衛佐、遷左近衛

少將、公卿補任後一條帝登極初、上東門院入宮

嘆曰、故院晏駕未幾、宮中事體、不復似舊、帝

有愧色、會顯基在直朗詠、后嗟賞曰、念及疇

昔者、惟有此而已、帝為釋然、十訓鈔治安萬壽

間、補藏人頭、轉左近衛中將、長元中任參議、

至從三位權中納言、公卿補任恩遇最隆、然夙有

退素之志、常言、願得無罪見配所月、及帝崩、

顯基悲慕、入拜梓宮、會不供燈、乃潛嘆曰、世

情菲薄、一至于此、自古忠臣不事二君、吾不

欲復立于朝、遂登比叡山祝髮、更名圓昭、人

咸惜之、後住大原山、博閱經論、練行精至、古

談、十訓鈔、續注生傳、元亨釋書復移醍醐、十訓鈔永承二年患

疽、悅曰、吾聞萬病至死、心神不變者、唯癰疽

也、終絕醫藥而終焉、續注生傳、公卿補任、子資

綱善和歌、至權中納言正二位、榮華物語

大日本史 卷二百二十五 列傳 四

藤原為業、權中納言長良之裔也、父為忠丹

後守、尊卑分脈為業仕崇德朝、補藏人、中右歷任

伊豆伊賀守、為皇太后宮大進、尊卑分脈好和歌、

長于記事、說世繼翁夏山繫樹問對、概記君

臣事蹟、起文德終後一條、名曰世繼物語、又

名大鏡、仁和本書序、尊卑分脈、和寺書籍目錄剃髮隱于大原山、

更名寂念、尊卑分脈、寶物集、為業弟壹岐守賴業、長

門守為隆、寶物集、作者部、賴業先兄祝髮

名寂然、亦居大原、善和歌、與西行相唱酬、尊卑

然集、寂、為隆亦為僧、名寂超、兄弟三人棲遲山林、吟詠為樂、實物集世人呼曰大原三寂、卑尊

佐藤義清義清諸書作則清、或憲清、範清、憲清、與則訓讀同、今據台記、卑尊

鎮守府將軍藤原秀鄉九世孫、尊卑分脈、東繼西行脈

左衛門尉康清子也、累世以武著稱、尊卑分脈、西行脈

羽上皇為北面士、任左兵衛尉、西行物語、西行物語、西行物語、西行物語

嗜和歌、造詣高妙、上皇愛其才、甚親遇之、然

大日本史 卷二百二十五 列傳 五

不喜榮利、常有避世之志、上皇諭旨欲補檢

非違使、義清以其職逮捕罪人、多招陰禍、固

辭之、會鳥羽新宮成、上皇命一時名輩、上題

障子畫和歌、義清即日進十首、大稱旨、賜御

劍名朝日丸、宮中亦有恩賜、親戚賀之、義清

不樂、嘗與族人左衛門尉憲康朝鳥羽殿還、

臨別相約、明日又當同朝、義清如期而至、其

家有哭聲、聞于外、怪而訪之、則憲康昨夜暴

死、義清惕然、而出家之志益決、陳情辭官、上

皇惜其才不許、嘗出遊而還家、其女年甫四

歲、嬉笑出迎、牽衣而戲、義清意甚憫之、既而

猛省害我出離者、無過于此、割愛當此為始

也、乃蹴之墜牀、女慕泣不去、義清強忍不顧、

家人驚訝、其夜遂棄妻子、往嵯峨為僧、西行物語

名西行、又號圓位、尊卑分脈、源平盛衰記時年二十三、

義清豪家、抱才遭時、一朝棄去、無所牽戀、時

人嗟嘆、台記其妻亦為尼、居高野天野、練行堅

貞、撰集西行常謂桑門無家、須抖擻終身、於

大日本史 卷二百二十五 列傳 六

是東關西州、無遠不到、當其得意、嘯咏自適、

西行結廬伊勢二見浦、千載和歌集、西行談鈔藉草為

茵、穴石為研、每和歌會、用扇或花筐代文臺、

每自歎曰、一生無幾、來世在邇、西行談鈔嘗過遠

江天龍渡、舟人以所乘太多、叱令下、西行為

不聽、舟人怒而鞭撻、血流被面、西行毫無怒

色、從容下舟、從僧愠之、西行曰、我為法至此、

陵辱抵死、非所憾也、若無此心、不若不披剃

之為愈、汝未能遺世、不宜為吾徒也、遂謝遣

之、物語西行神護寺僧文覺不悅西行曰、沙門爲

業、唯道是修、彼何爲者、周遊四方、吟詠涉日、

實釋門之賊也、吾見之、必擊破其頭、西行抵

高雄、文覺與語大悅、其徒謂文覺曰、師前言

加陵辱、而今若此何也、文覺曰、爾曹不見西

行狀貌邪、固非被毆者、反將毆吾矣、清案

又過鎌倉、路逢源賴朝、賴朝使人問名、因召

見、問和歌及射御、辭謝曰、弓馬略繼冥業、而

遯世之日、秀卿以來所傳書悲焚之、若和歌

大日本史 卷二百二十五 列傳 七

感時觸物、僅能成之、微旨與義、素所不解、無

可以對、賴朝固請、於是通宵談弓馬、賴朝使

侍臣筆記、翌日辭行、賴朝固留不聽、遺以銀

猫、受而出、適見門側有兒童遊戲、予之而去、

嘉禎中北條泰時以海野幸氏精於射法、令

傳之於時賴、幸氏舉西行所告賴朝之言教

之一時將士、如三浦義村等皆稱善、定爲射

家法則、東建久元年二月十六日卒于京師、

西行物語作九年、兼載雜年七十三、諸書不

今據台記、百鍊鈔、義清保延六、當作和歌詠

櫻花曰、彌鷲波玖波、波奈廼毛登珥氏、婆留

志奈牟、曾廼幾沙良疑廼、毛知豆幾廼虛路、

竟如其言、續古今集、復成其於釋教、兼通顯

密、僧慈圓請教、對曰、欲窺密家之要、當先學

和歌、不然竟不能造其奧焉、沙石集後鳥羽上

皇嘗謂西行才思天成、非常人所學得、後鳥羽

傳其集曰山家集、又有御裳濯川歌合、撰集

鈔、竝行于世、

大日本史 卷二百二十五 列傳 八

鴨長明稱菊大夫、世鴨社氏人、祖李繼父長

繼、皆爲禰宜、系圖長明通管絃、善和歌、十訓

應保中叙從五位下、系圖後鳥羽上皇召爲和

歌所寄人、十訓敕一時名和歌者、獻肥大枯

細豔雅三體和歌、以試其才、衆皆難之、唯長

明及攝政良經僧慈圓等六人奉敕、無名長

明嘗奏請襲父祖補社司、不許、自是鞅鞅不

樂、杜門息交、作葵歌以寓其意、和歌集、十訓

鈔剃髮爲僧、改名蓮胤、東入大原山、時年五

十、方丈建曆中往鎌倉將軍源實朝素聞其

名、數被延接、東鑑無幾還京師、創意作室、方一

丈、高不過七尺、柱楹屋廂皆用鉤鎖、令可開

闔、或不適意、移以他往、可載兩車、遂入日野

外山居焉、所有佛像及書數軸、箏琵琶餘無

所貯蓄、登山臨水、採擷自給、著方丈記、其狀

介之氣、粲見其中、世傳誦之、方丈記後上皇欲

復召入和歌所、長明上和歌辭之、十訓遺跡

有石牀、世號方丈石、初藤原俊成撰進十載

大日本史卷二百二十五 列傳 一九

和歌集、採長明歌僅一首、長明喜曰、我非歌

人之後、身亦非有才、而敕撰集中見採錄、豈

非至榮邪、或曰、子之言甚有理、他人不能如

此、吾閱是集、庸流多被收載、多者十數首、少

者不下四五首、吾以謂子內不能平、初不信

子言、而子屬言不措、自今而後、知子之實喜

之、存心如此、終當於斯道得神助也、其後長

明聲譽日盛、果如其言、無名當撰新古今和

歌集、一時進和歌者、多至千百首、撰人刪去

者多、長明唯進十二首、而皆為所取云、兼載雜談
所著有瑩玉集、無名鈔、發心集、文字錄、四李
物語、方丈記、行于世、

大日本史卷之二百二十五終

大日本史卷二百二十五 列傳 十

大日本史卷之二百二十六

列傳第一百五十三

權中納言從三位源光圀 修

男權中納言從三位綱條 校

玄孫權中納言從三位治保重校

方技

水江浦島子

役小角

白著翁

大日本史

卷二百二十六

列傳

一

大津首

大津大浦

藤原竝藤

伊岐是雄卜部平麻呂

滋岳川人

弓削是雄

賀茂忠行

子保憲

安倍晴明

五世孫泰親

僧登照

吉田宜 孫興世書主

菅原峯嗣

菅原梶成

物部廣泉

丹波雅忠

百濟河成

巨勢金岡

異邦之史、著方技也尚矣、僊術道流、竝舉雜出、方外之士、獨善其身則可矣、一有人主好

大日本史

卷二百二十六

列傳

二

之、則其爲害不可勝言、著之欲以存戒也、國朝僊術不傳、鍊形養丹之法、無所師受、久米陽勝之徒、僅雜出于僧史、而浦島子白著翁之流、髣髴見其一二、蓋有之無裨於國家、無之不損乎治體、則不若無之之爲愈也、役小角役使鬼神、咒禁厭禱、其法頗近於道流、後世文以釋氏之道、遂盛行焉、若陰陽曆道天文典藥、既有曹局、各著才能、推步測驗、卜筮鍼石、皆有補于國家、其以工藝名世亦附見

焉、作方技傳、

水江浦島子、丹波餘社郡管川人也、雄略二

十二年七月、乘舟而釣、緝得大龜、化爲美女、

浦島子悅以爲婦、遂俱入海、到蓬萊山、日本紀

備極仙窟之樂、不知歲月推遷、久之生桑梓

之念、女知其情、教浦島子還于人間、臨別封

玉匣贈之、誠曰、若欲再相見、慎莫啓視也、浦

島子上船、俄頃至澄江浦、訪其舊里、則移邑

易閭、一無相識者、浦島子彷徨、會見洗衣老

大日本史

卷百二十六

列傳

五

嫗、問已親故、嫗曰不知也、吾年一百七歲、嘗

聞古老傳稱曰、往昔是地有浦島子、釣澄江

浦、一旦乘舟去、終不歸來云、浦島子惘然自

失、乃開視玉匣、有紫雲起於匣中、俄而顏容

衰萎、變爲老翁、浦島子恍惚、彌日後、鍊形頤

神、棲息巖阿、不知所終、按、日本紀、伊與部丹波

養爲與謝郡司、作文、日本紀、所存及續、浦島子

傳、

役小角、賀茂役公氏、大和葛木上郡茅原村

人也、敏悟博學、最好佛氏、善咒術、年三十二、

棄家入葛城山、居巖窟三十餘年、食松果、衣

藤葛、元亨釋書驅役鬼神、汲水採薪、唯意之所欲、

有不用命者、則咒縛之、韓國廣足從學、害其

能、誣妖妄惑衆、本紀文武帝詔繫小角、小角

騰空亡去、更不能逐捕、收其母、小角自出就

執、元亨釋書流于伊豆島、本紀逢赦得還、復以鐵

鉢盛母、浮海往唐、元亨釋書○本書曰、小角

行、令山神架石橋、通路衆神受命、夜運、嚴

大日本史

卷百二十六

列傳

四

言主神形醜、故難畫役、每待夜就役、是以管

逆、冠神也、役小角潛窺國家、不急治之、則危

矣、文武帝敕捕小角、潛窺于伊豆、按續日本紀

據之、本朝神國廣足、僧道讓也、其事明確、故今

驚、下有國語者、乃無所答、遂經百餘年、道讓

贊、中亦載古語、曰、道照至新羅、講法華、羣虎

側聽、中有入唐、文章云、按道照以孝德帝白雉

其、經百餘年、不取、

白箸翁、不知姓名、邑里、貞觀末、常遊市中、以

賣白箸爲業、時人呼曰白箸翁、鬚髮皓白、冠

履不完、著一皂衣、寒暑不變、人問其年、每告以七十、市中有賣卜者、年可八十、語人曰、吾為兒時、既識是翁、被服顏容、與今無異、聞者疑其有異術、有與酒食者、不問多少、取醉飽而止、或涉日不食、亦無飢色、放誕謹慎、隨時不定、人莫測知其際、後病終于市門側、市人憫之、收尸埋于東河之東、後二十餘年有僧見翁于南山、居石室、焚香誦經、問曰、翁無恙、翁笑而不言、遂去、不知所往、僧以其事語市

大日本史

卷百二十六

列傳

五

人、聞者異之、

本朝文粹

大津首、初為僧、名義法、慶雲中隨美努淨麻

呂往新羅而學、踰年而歸、善占、和銅中詔還

俗、賜今名、授從五位下、尋進從五位上、

續日本紀

為陰陽頭、兼皇后宮亮、

懷風藻

天平初詔諸博

士、教授弟子、首為其一、

續日本紀

卒、年六十六、

懷風藻

薄

大津大浦、世習陰陽、藤原仲麻呂甚愛信之、

寶字末仲麻呂謀不軌、問吉凶于大浦、大浦

恐禍及己、密告其狀、未幾仲麻呂反、褒授從

四位上、改連賜宿禰、為左兵衛佐、兼美作守、

神護初賜功田十五町、大浦嘗與和氣王善、

數飲其宅、及王謀反、坐除宿禰、左遷日向員

外介、奪位封、景雲中解任、沒入所藏天文陰

陽書、寶龜初召還、復姓位、為陰陽頭、兼安藝

守、六年卒於官、

續日本紀

藤原竝藤、參議濱成曾孫也、父臣繼豐前介、

竝藤善陰陽推步之學、兼曉天文風星、初為

大日本史

卷百二十六

列傳

六

丹波權掾、不赴、留為陰陽助、天長承和間歷

筑後和泉加賀守、為陰陽頭、嘉祥中敘從五

位上、仁壽三年病革、帝重其才學、特授正五

位下、卒、年六十二、

文德實錄

伊岐是雄、壹岐島石田郡人也、本姓卜部、後

賜今姓、自始祖忍見足屋命、世掌龜卜、子孫

傳習、至是雄最精其術、為當時所推重、嘉祥

中為東宮宮主、清和帝即位、轉為宮主、貞觀

中敘從五位下、任丹波權掾、有卜部平麻呂

者伊豆人也、與是雄同時、幼習龜卜、為神祇

官卜部、卜斷多奇中、承和初以善卜充遣唐

使員、及還為神祇大史、天安中轉權大祐、兼

宮主、貞觀中遷參河權介、累進從五位下、歷

備後丹波介、元慶中卒、三代實錄

滋岳川人、本姓刀岐直、文德實錄博達陰陽學、長

宿曜遁甲術、史、今昔物語善察未然、人或有

災厄、川人豫知之、其人乞救則以術壓之、必

有奇驗、今昔物語文德朝擢陰陽權允、兼陰陽博

大日本史 卷百十六 列傳 七

士、齊衡元年賜姓滋岳朝臣、尋為陰陽權助、

文德實錄貞觀中敘從五位下、兼播磨權大掾、無

何轉權介、後任陰陽頭、兼安藝權介、進從五

位上、陰陽博士如故、十六年卒、川人屢奉敕、

至大和吉野郡高山修攘蝗害之祭、三代實錄又

推考後來之世事、記以傳世、謂之川人勘文、

續古事談所著有世要動靜經、指掌宿曜經、滋川

新術遁甲書、金匱新經、類聚國史、和宅肝

經等書、為道家法則、仁和寺書目錄所用大乙式

盤有神靈、陰陽家世寶傳焉、左經川人沒有

弓削是雄、是雄沒有忠行、竝善方術、聲譽相

比云、今昔物語

弓削是雄、播磨飭磨郡人也、其先出自饒速

日命、父安人、敘正六位上、三代實錄是雄通陰陽

推算之術、占驗如神、政事要略貞觀初為陰

陽師、六年與父安人等同改本居、貫附河內

大縣、三代實錄其年近江介藤原有蔭招是雄於

家、令祭屬星、時有內豎伴世繼者、來宿有蔭

大日本史 卷百十六 列傳 八

家、有凶夢、令是雄占之、是雄轉式大駭曰、君

若歸家、必為鬼所殺、慎勿入家、世繼羈旅日

久、聞之歎息、問曰、我思家甚切、不得不歸、有

防護之方否、是雄又占曰、君家寢室艮隅有

鬼、君須佩劍、持弓箭、直入寢室、彎弓瞋目、向

艮方、呼曰、汝速出、不出我當殺汝、如此則可

以免難、世繼如其言、有一僧持匕首出、叩頭

曰、某與君婦姦、近者聞君還、將殺之、而君既

覺之、是以自首、世繼立逐其妻、執僧就獄、時

人稱曰、管郭儔也、政事要略今昔物語、未幾爲陰陽允、十五年又移居貫右京、三代實錄、尋轉陰陽權助、兼播磨權少目、敘外從五位下、國史類聚、元慶元年改姓連、賜宿禰、三代實錄、既而兼備前權掾、進從五位下、國史類聚、仁和初爲陰陽頭、三代實錄、至寬平中、聲價愈重、三善清行服其術、嘗歎曰、是雄之術、死中求生、山中得吉、萬不失一者也、

政事要略

賀茂忠行大外記峯雄子也、

賀茂氏系圖大外記據類聚符

大日本史

卷三百二十六

列傳

九

宣鈔、忠行學兼和漢、善陰陽推步、式徵不錯、朝野信之、朝野羣載今昔物語、爲陰陽師、今昔物語、歷任近江掾丹波介、系圖作部類、授正六位上、天曆中以男保憲奏請、敘從五位下、系圖本朝文粹、天德三年帝試令忠行占筐中物、忠行獻占文曰、火色在中、不能連燒、水石有飭、不能衣濕、方圓其母唯一、總圓其兒餘百、宛如鴈列連連、懸手副身、桑林吐吸、若串玉係空、胎露厚膝底、朝野群載、誤蓋水精念珠、貫以朱絲也、披之果然、

天曆間都下有一僧、會見怪、使忠行占之、曰、某日師家當有盜難、非止失財、或至喪命、宜戒之、僧家素富、聞之大懼、至期齋戒閉戶謝客、日暮平貞盛自陸奧至、素相善、乞投宿、僧辭告以實、貞盛曰、師若有虞、宜留貞盛爲備、而反辭之、豈非失策、遂留宿、夜半有賊十餘人、擁刀杖直入庭中、言笑喧呶、無所忌憚、貞盛起取弓矢、潛混賊中、陽爲導者、指財貨所在、賊殊不覺、前後爭進、貞盛射斃先至者一

大日本史

卷三百二十六

列傳

十

人、闇中賊不審其狀、貞盛呼曰、有人發矢、弦聲甚猛、吾屬恐難脫、當速遁去、有一賊奮曰、弱矢緩弓、何足畏忌、兒輩努力、貞盛又射斃之、賊徒驚走、貞盛追射、更斃四人、擒一人、因索餘黨盡獲之、僧卒免難、今昔物語、四子保憲、保胤、保明、保遠、系圖、保胤改姓慶滋、本朝文粹、在文學傳、保明從四位上、文章博士能登守、系圖作部類、保遠正五位下、權陰陽博士主計助、系圖、保憲幼有奇才、忠行異之、盡傳方術蘊奧、及

長有聲譽今昔物語蚤為曆博士、敘從五位下、班

列在忠行上、保憲以為乖父子之道、天曆六

年上書曰、先父兄而帶爵、古人恥之、今亦恥

之、推榮班而讓親、賢者思之、愚亦思之、親父

忠行心尋古今、學兼和唐、訪七略而叩門戶、

涉九流而酌淺深、嗜學之情、老而彌篤、保憲

過庭日淺、纔窺推步於一隅、奉公勞成、已忝

榮爵於三朝、而老父齡傾、青衫不改、柴扉之

裏、愚子年少、朱衣漫曳、周行之間、曉夕溫清、

大日本史 卷百千六 列傳 十一

進退失步、蒲柳經秋而彌脆、水菽并日而屢

空、盡忠誠於天闕之年長、致孝養於私門之

日短、方今聖上已以孝治天下、臣下何忘孝

留心中、望請天慈、曲降哀矜、以此朝請之名、

今讓暮年之父、然則父登榮班、得誇五品之

號、子返初服、猶勝萬戶之侯、不勝思父之志

矣、朝野群載書奏、特授忠行從五位下、系圖天德初

任陰陽頭、扶桑略記兼天文博士、日本紀略安和

中為主計頭、補穀倉院別當、二曆進正五位

下、天文博士如故、類聚符天延中以造曆授

從四位下、朝野群載尋敘從四位上、貞元二年卒、

子光榮、光國、光輔、系圖一女有才思、善和歌、有

集傳于世、續住生傳光榮傳家學、為曆博士、

系圖○按系圖一與安倍晴明並稱、續住生傳嘗

與晴明較短長、晴明曰、師之在世、常以我置

卿右、且百家集傳在我家、光榮曰、愛憎不以

親疎、如百家集、我亦傳之、至曆道、我獨得之、

卿之所不知也、世謂晴明長方術、才學不如

大日本史 卷百千六 列傳 十二

光榮、續古事談寬弘八年敦康親王所居藻井上

有聲、如投瓦礫、親王以為怪、命光榮占之、光

榮曰、占文甚凶、不利於君上、三旬間當有變、

既而帝病尋崩、藤原行成歎曰、光榮之占、猶

指諸掌、可謂神矣、權記累歷大炊助、右京權大

夫、敘從四位上、長和中卒、系圖子孫世以陰陽

曆學而仕、系圖家書有曆林十卷、仁和寺書

錄忠行兼通天文曆道、悉皆傳之、保憲、保憲

因掌兩職、後保憲傳曆道於光榮、天文於安

倍晴明、分爲兩家業云、帝王編年記、職原鈔、

安倍晴明、右大臣御主人之後也、父益材大

膳大夫、尊卑分服晴明初從賀茂忠行及其子保

憲、學陰陽推算之術、役使職神、解天文、曉雜

占、奇中如神、今昔物語、從忠行及子保憲、據職原鈔、安倍系圖、稍進

敘從四位下、累歷天文博士、大膳大夫左京

大夫播磨守、系圖華山帝遜位、夜潛出宮、雖嬪

妾不知也、是夜晴明避暑庭中、仰見天象有

變、大驚走而造朝、帝果不在、大鏡、元亨釋書、長德中

大日本史 卷百二十六 列傳 十三

有術士、告左大臣藤原道長曰、某日家當有

怪、至期道長杜門謝客、唯招鎮守府將軍源

賴光、醫師丹波忠明、○按賴光本書作義家、忠明元亨釋書作重雅、

並誤、僧正勸修及晴明、會大和獻瓜、道長疑

而不食、晴明曰、瓜中有毒、勸修唱咒、其瓜跳

躍圓轉不止、忠明以針刺之、瓜乃不動、賴光

挺刀斫之、中有小蛇、針中其眼、刀斷其頭、古今

著聞集道長家畜一犬、每出必隨、一日將往法

成寺、犬遮前而吠、銜衣牽之、道長異之、不入

寺門、召晴明問之、晴明曰、有咒咀相府者、埋

厭物於此、因指示一所、掘之得泥封土器、內

有朱書一字、晴明曰、世無知此術者、必道滿

法師之所爲也、滿或作摩乃結紙作鳥形、誦咒投

之、化爲鶯飛去、因遣人從其後、止于萬里小

路河原院側民家、衆執其主而來、果道滿也、

鞫問得實、放道滿於播磨、宇治拾遺物語、齋隨筆、十訓鈔、

又園城寺僧智興病將死、其徒請晴明祈病、

晴明曰、師病不起、我有祕符、可以移他人、僧

大日本史 卷百二十六 列傳 十四

證空請代死、晴明書符祈之、智興立愈、證空

忽病、元亨釋書嘗經陣座、見藏人某爲烏所穢、謂

烏則職神也、此人必有職神之祟、告之曰、子

命不過今夕、其人涕泣求救、晴明隨至其家、

通夜擁之誦咒、及曉有叩門者、問之則致厭

禱者自來吐實、大叫暴死、某卒得免、宇治拾遺物語

晴明妻畏職神、故置之一條反橋側、有事則

召而使之、源平盛衰記其門戶無人而常開闔、時

有播磨人智德者、亦能方術、欲試晴明、佯爲

習術者造其家、二童子從焉、晴明以為彼欲

試我術、二童子蓋職神也、於是心念手印、密

匿二童、而謂曰、今日有事、請俟他日、智德去、

少時復來曰、我失二童、意卿之匿也、晴明笑

曰、我不知也、智德叩頭不已、晴明曰、子欲試

我、而謂我不之知邪、何料我之淺也、乃誦咒、

二童忽出、智德歎服曰、自古使職神也、易、而

匿他職神則難、卿可謂神也、遂師事之、今昔物語

初天德中、節刀罹災、人莫知其制者、詔問晴

大日本史

卷百二十六

列傳

十五

明、晴明作木樣獻之、中右記寬治八年所著有金烏

玉兔集、又名簾簾袖衷傳、據本又有占事略

決一卷、仁和寺書子吉平、吉昌、○按系圖以吉昌為長子

吉平能傳家業、長和五年擢敘從四位下、當

時榮焉、記小歷任主計頭、陰陽博士、尊卑分吉

平與丹波雅忠、引杯持滿、吉平曰、今當地

震覆杯中酒、言未竟而震、古今集吉昌歷但

馬權守主稅、助陰陽頭、尊卑分天文博士、古小

記尊卑分長和四年以勞特敕敘正五位下、系圖

朝野群載寬仁中卒、記小右晴明五世孫泰親、

泰親善家學、占候不差、世呼曰指御子、謂其

所推如指諸掌也、平家物語嘗雷震其家、觸泰親

背、至衣薰灼、而身無所損傷、玉海平家物語頗覺中

其毒、劑地黃酒服之、即日得瘳、人傳以為奇、

顯廣王記祇園社嘗罹災、泰親時為陰陽博士、占

之曰、六月壬子、內裏當有災、至期土御門內

裏果火、人以為神、續古事談治承三年十一月京

師地大震、移刻不已、泰親馳奏曰、咎徵不細、

大日本史

卷百二十六

列傳

十六

其應在邇、言未畢涕泗交下、左右皆曰、方今

天下又安、何虞之有、相顧笑其狂躁、未踰旬、

平清盛率數千騎自福原還、流關白基房、削

廷臣數十人官、意猶歉、幽法皇子鳥羽殿、適

有巨鼬、迴遶悲鳴、向法皇踊躍而去、法皇惡

之、問泰親對曰、三日內當有慶、後當有憂、法

皇未之信也、清盛子宗盛患父狼戾、諫爭苦

到、遷法皇于八條烏丸、防禁稍弛、意始安、既

而以仁王起兵、不克而死、時人服其術焉、平家

語物

僧登照以善相聞、察人動止、聽語音、知其貧富、壽夭、或至聞笛聲、知其生死、居京師一條、來乞相者相踵、今昔物語嘗訪天台座主院源、院源問曰、弟子良因、何時補阿闍梨、登照曰、決無其事、院源笑曰、君言難信、彼才識絕倫、必極僧位矣、登照出語人曰、良因無年、何得補阿闍梨、後果如其言、一日至藤原道長家、道長卧與之語、會子賴通來謁、登照密謂道長

大日本史

卷二百二十六

列傳

十七

曰、郎君既躋槐位、今有加尊之相、道長驚起曰、我方欲以攝籙相與耳、古事談嘗相賴通及弟教通曰、二公壽至八十、共為三世丞相、又

言藤原伊周有貶謫之相、後皆如其言、平家物語

源平盛衰記東大寺學徒藏滿赴京師、道逢登照、

藏滿喜曰、我幸值公、請為道終身吉凶、登照

曰、汝雖精學出身、命數不過四十、若棄本業、

發菩提心、勤精修、或得延年壽、其他非我所

知、藏滿從其言、後竟以壽終、今昔物語登照

嘗過朱雀門、時有男女數人憩于門下、登照視之、見其悉有暴死相、意謂若有狂者揮劍、遭害者不過二三人、不應悉皆暴死、想此門傾倒壓死、乃告諸人使避、俄頃門倒、不避者二三人皆壓死、今昔物語丹波守貞嗣詣北山、登照謂曰、君氣色甚惡、恐為鬼神所侵、當速歸家、貞嗣曰、心氣無異、俄而貞嗣氣絕、蘇而還家、後三日死、續古事談有伴廉平者、與登照同時、亦善相聞于世、古事談

大日本史

卷二百二十六

列傳

十八

吉田宜、鹽乘津彥命後也、鹽乘津彥往任那守三已汶地、子孫留居焉、續日本後紀承和四年、姓氏錄、八

世孫達率吉大尚弟少尚、慕化來朝、世傳醫

術、該通文藝、子孫家奈良京田村里、續日本後紀承和四年、

和四宜其裔也、文德實錄嘉祥三年、初為僧名惠俊、文

武帝嘉其材藝、令還俗、賜姓名吉宜、授務廣

肆、續日本紀宜好學、最精醫術、文德實錄嘉祥三年、進從五

位上、養老中擢醫術科、賜絕絛布緞、神龜初

與從五位下吉智首、同改賜姓吉田連、續日本紀

田字取諸地名田村也。姓氏錄○按智首智

載智須蓋與此同人也。為醫博士、天平初始使陰陽醫

道、天文曆數諸博士教授弟子、宜為其首、尋

為圖書頭、進正五位下、兼典藥頭。續日本紀後為

相模介。文德實錄嘉祥三年卒年七十。懷風子古麻呂、

文德實錄嘉祥三年延曆中為內藥正侍醫。續日本紀至正

五位下、古麻呂子書主。文德實錄嘉祥三年

書主、為人恭謹、善修容儀、嵯峨帝在藩時、頗

見知賞、延曆末為尾張少目、大同弘仁間、歷

大日本史 卷二百二十六 列傳 十九

縫殿內匠少允、左兵衛權大尉、轉左衛門大

尉、行檢、非違使事、尋遷右近衛將監、書主、善

和琴、因為大歌所別當、時新羅人沙良真熊

者善新羅琴、書主從而受習、遂究其技、敘外

從五位下、除織部正、出為和泉守、有政績、累

進從五位上、遷備前守、亦以清平稱、天長中

為左京亮、尋任筑後守、以病不赴任、復任左

京亮。文德實錄承和中與族人越中介高世等表

請改姓、因賜姓興世朝臣、尋歷信濃守、木工

頭、累進從四位下。續日本後紀、嘉祥三年遷

治部大輔、是歲卒、年七十三。文德實錄、實錄

菅原峯嗣、左京人、本姓出雲朝臣、父廣貞、精

醫術、正五位下、信濃權守。三代實錄奉平城帝敕、

與安倍真直等撰大同類聚方百卷。日本紀略、仁和

寺書籍峯嗣事淳和帝於藩邸、申請繼父業、

補醫得業生、奉試及第、置醫得業生自此始

焉、為左兵衛醫師、天長初遷醫博士、兼內藥

佐侍醫、尋兼攝津大目、讓博士於物部廣泉、

大日本史 卷二百二十六 列傳 二十

遷主膳正、兼官如故、淳和帝禪位、思龍潛之

舊、引侍左右、寵遇超人、遷尾張美濃權介、不

之任、嘉祥中為越後守、以奉太后醫藥、轉播

磨介、與近地以優異焉、累進從五位上、為典

藥頭、貞觀五年謝老、出為攝津權守、退居豐

島郡山莊、種藥守閒、不交流俗、以與土師同

祖、改今姓、峯嗣不墜家聲、處劑多效、嘗奉敕

與當時名醫撰定金蘭方、又注針灸法、後進

宗焉。三代實錄

菅原梶成右京人、練達醫術、最善處方、朝廷以其明醫經、欲令質問疑義、實德承和初為遣唐知乘船事赴唐、六年歸朝、海中遭風、漂著南海、為賊所劫掠、死者數人、梶成等拒鬪甚力、僅而得免、獲五尺鉾一枚、片蓋橫佩一柄、箭一隻、皆不類中國兵仗、湊合破船材、造小船、乘還著大隅、續日本後紀、湊合破船、據文德實錄、太宰府以聞、下敕符于府曰、遣唐知乘船事菅原梶成等、分駕一隻小船、迴著大隅國海畔、梶成

等漂入異域、萬死更生、言念苦節、誠可務恤、

迄于入都、依舊慰勞、量賜布帛、梶成入京師、

獻所得兵器、續日本後紀、十年為鍼博士、轉侍醫、

仁壽三年進敘外從五位下、卒、實德

物部廣泉、伊豫風早郡人也、後貫于京師、少

學醫術、多閱方書、初為醫博士、兼典藥允、遷

侍醫、歷伊豫讚岐掾、三代實錄、承和末兼內藥正、

續日本後紀、累進從五位下、三代實錄、仁壽齊衡

間、為次侍從、改姓首、賜朝臣、實德貞觀初累

進正五位下、為參河權守內藥正、侍醫如故、卒年七十六、廣泉醫術獨步當時、又善自攝養、年老鬚眉皓白、而皮膚悅澤、體氣猶強、撰攝養要決二十卷、三代實錄、丹波雅忠、阿智使主裔也、世居丹波、曾祖康賴賜姓丹波宿禰、以醫術著、任右衛門佐、兼針醫博士、永觀中著醫心方三十卷上之、祖重雅為典藥頭侍醫、兼丹波權守、父忠明亦為典藥頭侍醫、兼丹波介、敕改姓宿禰、賜朝

臣、丹波系圖、雅忠繼父祖業、為醫學得業生、長元

七年奉課試、曾祖康賴以後、課試久廢、至是

復行焉、左經記、明年為權醫博士、長久初兼備

後介、除目大永承中任掃部頭、時帝違豫、雅

忠進藥有效、褒授從四位下、扶桑略記、為侍

醫、敘正四位下、永保中為丹波介、應德初遷

權守、除目大至典藥頭右衛門佐、系圖、承曆中

高麗王妃疾、王附商舶牒太宰府、以厚幣求

雅忠、朝廷不許、令太宰府報牒、有扁鵲何入

雞林之雲語續本朝文粹朝野羣載十訓鈔自是世稱雅忠

為日本扁鵲寬治二年卒年六十八皇代初

後朱雀帝患瘡典藥頭和氣相成診曰膿水

止而愈雅忠時尚弱冠退謂人曰恐不可為

果崩雅忠嘗夢有童子告曰汝曾祖康賴懇

誠禱我我為護方書久矣今將有災厄汝戒

之雅忠驚寤而為之備未幾有火災方書遂

免焚續古事談子忠康重康忠康亦為典藥頭兼

親倉院別當重康圖書頭施藥院使為侍醫

大日本史

卷二百二十六

列傳

三十三

子孫世以醫仕系圖

百濟河成本姓余其先百濟人續日本長於

武藝能挽強弓兼善圖畫大同中為左近衛

○按左近衛下屢被召見所寫古人真草木

等精妙如生嘗在宮中令人喚從者辭以未

識顏容河成即取紙圖之其人案驗得之世

之言畫者取則弘仁十四年任美作權少目

久之敘外從五位下承和中歷備中播磨介

實文德錄與右京大屬福成等賜姓百濟朝臣尋

進從五位下遷安藝介續日本時人榮之仁

壽三年卒實錄

巨勢金岡貞觀中為神泉苑監菅家後為隼

人正授從五位下官職秘鈔寺社雜事善畫

為當時稱首元慶四年釋奠圖先聖先師像

歷世用之古記江家次第宇多帝使源直

方藤原興基等選弘仁以後諸儒工詩者命

金岡圖畫清涼殿東西障子又畫紫宸殿賢

聖障子扶桑略記最長畫馬世所傳稱及帝居仁

大日本史

卷二百二十六

列傳

三十四

和寺畫馬殿壁有物夜啗傍近田稻人不知

其所自後見畫馬之蹄有泥試剝其眼睛即

止云古今集二子公望公忠公望子深江深

江子弘高○弘或奕世受業皆善畫有鸞畫

屏者深江購得之弘高不甚奇之深江曰汝

能此原野乎曰不能能此巖溪乎曰不能深

江徐而謂曰是家叔公忠之所畫也叔每畫

必署名於紙背試視之果然時人稱其賞鑑

後言繪事者以巨勢氏為宗公望公忠並稱

妙手、深江次之、弘高以下、聲價稍衰、金岡畫山至十五層、遠近濃淡、皆極其態、弘高不能過五層、花鳥餘情引雅兼記臨下筆、先起粉本、有布置點綴未安者、思索通宵、始施采、一出名世、其所畫屏障、當時親王執柄家爭傳寶之、非大饗臨時容、不敢用之、具平親王謂關白道隆曰、如布障子、不可煩弘高也、其為時所尚如此、弘高崇佛乘、病劇祝髮為僧、後稍愈、帝惜其藝、敕蓄髮、居近江守某東山別莊、宅側有

大日本史

卷二百二十六

列傳

三十五

堂、弘高為畫地獄圖、觀者竦然、今長樂寺是也、物今昔語晚年又圖地獄變相、有鬼以鉗刺罪囚、勢甚猙獰、歎曰、我命盡於此乎、未幾卒、時有飛鳥常則者、亦與公望齊畫名、古今著聞集為左衛門志直畫所、應和中奉敕畫白澤王斬鬼圖于清涼殿西廂南壁、河海鈔引御記、斬鬼二字據禁秘鈔所謂鬼間是也、禁秘鈔

大日本史卷之二百二十六終

大日本史卷之二百二十七

列傳第一百五十四

權中納言從三位源光圀 修

男權中納言從三位綱條 校

玄孫權中納言從三位治保重校

叛臣一

吉備田狹

藤原仲麻呂

弓削道鏡

大日本史

卷二百二十七

列傳

一

易曰雷電噬嗑先王以明罰勅法聖人釋上九爻義曰惡積而不可掩罪大而不可解何校滅耳凶夫四海之廣人民之衆一統而居正莫敢搖動者卑高以陳君臣之分定故也一有間隔離畔小則懲戒大則誅戮必除去而使之合然後天下之治可得而成也昔者天祖敕經津主武甕槌二神鑿創妖邪蕩定葦原中國然後皇孫離天磐座而降於高千穗峰矣自時厥後神武東征殲長髓彥景行

西伐勦熊襲梟帥肅將天威克篤前烈皆身繫韃風飄雨沐使之合而和且洽莫不由斯道也中世多故皇綱紐解姦臣螫賊憑陵猖獗或恃壁寵之恩或席兇暴之勢或負山河之固或矜征討之功割據州郡震驚宮闕者往往有之叛亂之迹雖不同而誅夷殘滅鬻而合之則一也春秋之法書齊豹盜三叛人名故曰或求名而不得或欲蓋而名章所以懲不義也彼庶其年夷之徒筆誅猶嚴况罪

大日本史

卷二百二十七

列傳

二

惡滔天擾動輦轂者乎若夫足利尊氏北條義時北條高時等舉兵犯關而今列之將軍及家臣者所以見時勢之變也作叛臣傳吉備上道田狹稚武彥命後也舊事紀載中始為上道國造多佐田狹音訓相通然田狹為中彥子也無所見而日本紀以御友別仲子中彥為上道臣之祖據姓氏錄御友別妻則稚武彥命孫也故今定為稚武彥後妻稚媛有國色生二子曰兄君弟君田狹嘗在宮中誇其友曰天下佳人莫若吾婦鉛華不飾蘭澤無加曠世罕儔當時獨秀也雄略帝

聞而意欲得之、乃拜田狹爲任那國司、納稚媛爲妃、田狹聞之、怨望、據任那而叛、自往新羅求援、是時新羅久不朝貢、帝詔弟君及吉備海部赤尾征新羅、時西漢技工歡因知利侍帝側、奏曰、技工勝臣者多在韓國、請召之、因詔與弟君等俱往、取道百濟、宣敕貢其技工、弟君等旣到百濟、事竣而入新羅、有神化爲姬、弟君問以前程遠近、姬曰、復行一月而當抵都、弟君難路遠、不伐而還、聚百濟貢技工

大日本史

卷二百二十七

列傳

三

于大島中、而稱候風、淹留數月、田狹聞而喜之、密使使戒之曰、汝之頸骨有何堅、而伐人乎、日聞帝幸汝母有子、恐禍至無日矣、汝宜據百濟莫通日本、吾亦據任那不復歸、弟君妻樟媛心在國家、乃知其謀、竊殺弟君、帝遣日鷹堅磐固安錢迎之、赤尾等隨歸、稚媛爲帝所幸、生星川皇子、及帝崩、皇子作難、不克而死、田狹聞亂、欲援皇子、帥舟師四十艘來赴、道聞其死乃逃還、

日本紀、本書一說云、弟君還自百濟、獻漢手人

部、衣縫部、後不知其所終、

藤原仲麻呂、左大臣武智麻呂第二子也、爲人敏警、略涉書記、從大納言阿倍少麻呂、學算數、精其術、歷內舍人大學少允、累進從四位下、爲民部卿、河內攝津爭河隄、敕仲麻呂檢之、帝幸紫香樂、留守平城、天平十五年任參議、兼左京大夫、帝幸難波、又留守、尋兼近江守、十八年爲式部卿、兼東山道鎮撫使、進從三位、勝寶元年任大納言、兼紫微令、中衛

大日本史

卷二百二十七

列傳

四

大將、進從二位、仲麻呂甚爲孝謙帝所寵幸、每侍左右、四年帝幸東大寺、慶盧舍那佛像、還御仲麻呂田村第、自是屢幸、遂爲別宮、寶字元年廢皇太子、立大炊王爲皇太子、先是仲麻呂子眞從卒、其婦粟田諸姉寡居、仲麻呂令大炊王居田村第、以諸姉妻之、至是爲儲貳、旣而置紫微內相、以仲麻呂爲之、仲麻呂旣被嬖幸、政權自己、參議橘奈良麻呂謀欲除之、反爲所滅、連坐者多、仲麻呂兄右大

臣豐成亦左降太宰員外帥、自是仲麻呂威振內外、百官側目、奏言臣聞旌功不朽、有國之通規、思孝無窮、承家之大業、緬尋古記、淡海大津宮御宇皇帝、天縱聖君、聰明睿主、考正制度、創立章程、賜臣曾祖內大臣功田百町、褒敷壹匡宇內之績、世世不絕、傳至于今、爾來冠蓋連門、公卿奕世、竊恐富貴難久、榮華易凋、是以安不忘危、夕惕若厲、不虞之間、凶徒作逆、殆傾皇室、將滅臣宗、未報先恩、芝

大日本史

卷二百二十七

列傳

五

蘭幾敗、冀修冥福、長保顯榮、山階寺維摩會者、內大臣之所起也、願主來化、無人紹興、三十年間、此會中廢、乃至藤原朝廷、胤子太政大臣傷構堂之將墜、歎爲山之未成、更發弘誓、追繼先行、每年十月十日開筵、至內大臣忌辰終講、是奉翼皇宗、住持佛法、引導尊靈、催勸學徒也、伏願以此功田、永施其寺、助維摩會、彌令興隆、使內大臣之洪業、與天地而長傳、皇太后之英聲、俱日月而遠照、敕曰、備

省來表、報德惟深、勸學津梁、崇法師範、朕與卿等、共植茲因、宜告所司、早令施行、二年廢帝卽位、敕曰、內相於國、功勲已高、然報效未行、名字未加、宜下參議八省卿博士等、準古正議奏聞、不得空言所無、濫汗聽覽、遂以仲麻呂爲太保、敕曰、褒善懲惡、聖主格言、賞績酬勞、明王彝則、藤原朝臣仲麻呂、晨昏不怠、恪勤守職、事君忠赤、施務無私、愚拙則降其親、賢良則舉其怨、殄逆徒於未戰、黎元獲安、

大日本史

卷二百二十七

列傳

六

固危基於未然、聖歷終長、國家無亂、略由若人、平章其勞、良可嘉賞、夫伊尹有莘之媵臣、一佐成湯、遂荷阿衡之號、呂尚渭濱之遺老、且弼文王、終得營丘之封、況自乃祖內大臣以來、世有明德、翼輔皇室、君歷十帝、年殆一百、朝廷無事、海內清平者哉、由是論之、準古無匹、汎惠之美、莫美於斯、自今以後、宜姓中加惠美二字、禁暴勝強、止戈靖亂、故名曰押勝、在朕諸舅、唯卿良尚、故字稱尚舅、更給功

封三千戶、功田一百町、永爲傳世之賜、以表

非常之勲、別聽鑄錢舉稻及用惠美家印、

本紀○字佐託宣集引和氣清麻呂使字佐

畫記及水鏡曰帝見仲麻呂則笑故曰惠美

今按突惠美訓讀同蓋二書是日押勝奉敕

與中納言石川年足參議文屋智奴等改官

名、渤海來聘、押勝宴之私第、賜女樂及綿一

萬屯、京師大風、押勝家壞、賜絕綿若干、尋加

賜帶刀資人二十人、通前四十人、四年正月

帝幸其第、賜五位已上及從官主典已上節

大日本史 卷二百二十七 列傳 一七

部省絕綿有差、後數日上皇及帝御內安殿、

授押勝從一位、上皇口敕曰、欲以太保爲乾

政官大臣、屢辭、故改太保爲太師、乃賜隨身

契、明日復幸其第、五年修平城宮、徙御近江

保良宮、賜押勝稻百萬束、尋行幸保良宮、因

宴其第、既而進正一位、賜近江淺井高島二

郡鐵穴各一處、帶刀資人六十人、通前百人、

其夏冬衣服官給之、渤海來聘、又宴其第、賜

加、至是起宅楊梅宮南、構樓東西、高臨禁闕、

南門爲櫓、押勝子真先、訓儒麻呂、朝獵、進參

議、小湯麻呂、薩雄、辛加知、執棹、皆任衛府國

司、其餘姻戚、亦居顯要、押勝慮衆怨作、猜防

益甚、時僧道鏡常侍上皇、押勝寵幸寢衰、私

謀除之、八年諷上皇、爲都督四畿內三關近

江丹波播磨等國兵事使、管內兵士、每國二

十人、五日更番、集都督衛、簡閱武藝、準諸國

試兵之法、奏可、押勝私倍其數、用乾政官印

大日本史 卷二百二十七 列傳 一八

而下之、大外記高丘比良麻呂懼禍及、密奏

狀、押勝召陰陽頭大津大浦、以問吉凶、大浦

察其意亦告之、上皇遣少納言山村王、收中

宮鈐印、押勝令訓儒麻呂邀奪之、近衛物部

磯浪走而告、帝遣授刀少尉坂上莉田麻呂

將曹壯鹿島足、射殺訓儒麻呂、押勝又遣中

衛將監矢田部老幼之、授刀紀船守射殺之、

詔曰、太師正一位藤原惠美朝臣押勝起兵

作逆、因削官位、并除藤原姓字、其職分功封

大日本史

卷二百二十七

列傳

九

宜悉沒收、乃遣使守三關、其夜仲麻呂招合黨與、自宇治奔近江、從五位下藤原藏下麻呂將兵討之、上皇敕曰、聞逆臣惠美仲麻呂盜取官印逃去、身爲人臣、飽承厚寵、寵極福滿、自陷深刑、劫略愚民、欲爲非望、若有勇士、能迴計謀、急爲剪除、卽當重賞、又北陸道諸國、不須承用乾政官印、山背守日下部子麻呂、衛門少尉佐伯伊多智等、直取田原道、先至近江、燒勢多橋、仲麻呂見之失色、走高島郡、宿前少領角家足家、將走越前、夜有星隕于仲麻呂卧屋上、大如甕、伊多智等馳至越前、斬守辛加知、而仲麻呂不知、擁立氷上鹽燒爲帝、真先朝獵等爲三品、遣精兵數十入愛發關、授刀物部廣成擊却之、仲麻呂進退失據、乘船渡淺井郡鹽津、逆風船將覆、乃取山道、直赴愛發關、伊多智等射殺數人、仲麻呂還至高島郡三尾碕、與佐伯三野大野真本等戰、自干及申、官軍疲頓、會藏下麻呂兵

大日本史

卷二百二十八

列傳

十

至、真先引衆而退、三野等乘勝逐北、殺傷頗多、仲麻呂遙望衆敗、乘船逃亡、官軍水陸交攻、仲麻呂阻勝野鬼江、盡銳而戰、衆潰、仲麻呂與妻子三四人浮江、軍士石村石楯獲仲麻呂斬之、傳首京師、年五十九、妻子及從者三十四人皆斬之、又誅其黨美濃少掾村國島主、敕仲麻呂所改官名悉復舊、詔曰、逆賊惠美仲麻呂爲性凶悖、威福日久、然猶含容、冀其自悛、而寵極勢凌、遂謀大逆、乃以今月十一日發兵、掠奪鈴印、竊立氷上鹽燒、偽造乾政官符、發兵三關諸國、奔據近江國、亡入越前關、官軍賁赫、分道追討、十八日卽斬仲麻呂并子孫、同惡相從、氷上鹽燒、惠美巨勢麻呂、仲石伴、石川氏人、大伴古薩、阿倍小路等、剪除逆賊、天人同慶、宜布告遐邇、咸令聞知、又敕復豐成官位、子真從、真先、先或作光訓儒麻呂、朝獵、小湯麻呂、刷雄、薩雄、辛加知、執棹、真從勝實初敘從五位下、先父卒、真先實字

中爲鎮國衛驍騎將軍、兼美濃飛驒信濃按察使、至參議正四位上、兼太宰帥、訓儒麻呂侍中宮院、宣傳詔旨、至參議、兼丹波守、朝獵寶字初爲陸奧守、尋爲按察使、兼鎮守將軍、敕陸奧造桃生城、出羽造雄勝城、城成、詔曰、盡命事君、忠臣至節、隨勞酬賞、聖主格言、昔先帝數降明詔、造雄勝城、其事難成、前將旣困、然今陸奧國按察使兼鎮守將軍正五位下、藤原惠美朝臣朝獵等、教導荒夷、馴從皇

大日本史

卷二百二十七

列傳

十一

化、不勞一戰、造成旣畢、又於陸奧國壯鹿郡跨河凌嶺、作桃生柵、奪賊肝膽、眷言惟績、理應褒昇、特授從四位下、四年秋、新羅使金貞卷朝貢、使聘之禮有關、命朝獵詰問之、遂却之、事在新羅傳、旣而爲仁部卿、仍兼按察使、又爲東海道節度使、至從四位上、爲兵部卿、六年拜參議、續日本紀初神龜中、按察使大野東人、築陸奧多賀城、朝獵在任、建碑、記道程里數、多賀城碑小湯麻呂從五位上、薩雄右虎賁率、

辛加知左虎賁督、越前守、執棹從五位下、美濃守、皆與父同誅、刷雄勝寶三年爲遣唐留學生、授從五位下、四年從大使藤原清河入唐、父誅時、以少修禪行、免死、流隱岐、後召還、寶龜中復本位、本姓、爲但馬守、尋進從五位上、歷刑部大判事、大輔、上總守、延曆中歷大學右大舍人、陰陽頭、續日本紀弓削道鏡河內人、○按皇胤紹運錄爲施基所不載、恐謬、少爲僧、以禪行聞、孝謙帝召入、故今不取、

大日本史

卷二百二十七

列傳

十二

內道場爲禪師、續日本紀道鏡師事僧正義淵、修如意輪法宿曜法有驗、由是見寵遇、歷代寶字中孝謙上皇幸保良宮、不豫、道鏡常侍側、帝以爲言、上皇不說、乃還、尋遣使山階寺、宣詔罷少僧都慈訓、以道鏡爲之、先是藤原仲麻呂得寵擅權、及得道鏡、仲麻呂稍見疎斥、謀反伏誅、上皇下詔曰、朕見禪師所行至淨、繼隆佛法、擁護帝祚、今朕雖剃髮著袈裟、不可不覽朝政、佛典言、國王在位時、受持菩薩

淨戒、可知出家之形、不妨政治矣、由是思惟、出家天子、必有出家大臣、因授位爲大臣、禪師、職分封戶、一準大臣、道鏡上表辭、敕曰、覽大臣禪師表、具知來意、唯守沖虛、確陳退讓、然興隆佛教、無高位則不得服衆、勸獎緇徒、非顯榮則難令速進、今施此位者、豈煩禪師以俗務哉、宜照斯意、卽斷來表、自帝被廢、道鏡恃寵彌恣、神護元年、以道鏡爲太政大臣、禪師、令文武百官拜賀、氣清麻呂使宇佐和

大日本史

卷一百二十七

列傳

十三

記曰、道鏡曰、我任僧都、俗士所輕、請仕太政大臣、輔成朝政、許之、道鏡帶劔、執笏、著袈裟、悉行除目、云云、其書載道鏡事甚詳、然以仲麻呂謀反、爲道鏡爲法王後之事、與本史不合、故附取、山階寺僧基真詐咒縛童子、教說人陰事、作毘沙門像、置數顆小珠於前、稱現佛舍利、道鏡欲眩衆、以爲己瑞、乃諷帝赦天下、賜人爵一級、帝大悅、迎舍利、擇諸氏有容貌者二百人、服金銀朱紫、捧幡蓋、列前後、百官主典已上拜之、以道鏡善教導僧徒、感得舍利、詔授法王位、并授基真法參議、大律師、

正四位上、賜姓物部淨志朝臣、隨身兵八人、授僧圓興法臣位、圓興基真師也、法正月料準供御、法臣準大納言、法參議準參議、於是道鏡來鑒輿服、食一擬供御、政無巨細、莫不取決、弟淨人起布衣、八年間、至從二位大納言、一族男女敎五位者十人、景雲元年、置法王宮職、以造宮卿高麗福信爲大夫、大外記高丘比良麻呂爲亮、敕旨大丞葛井道依爲大進、少進一人、大屬一人、少屬二人、基真放

大日本史

卷一百二十七

列傳

十四

肆狂虐、不避卿大夫、道路畏如虎、未幾坐凌突圓興、擯於飛驒、三年正月、道鏡受大臣以下賀於西宮前殿、數日帝宴其家、道鏡與五位已上摺衣人一領、太宰主神中臣習宜阿曾麻呂矯宇佐八幡神教曰、令道鏡卽位、天下太平、道鏡聞之、稍懷觀覲、帝惑之、遣和氣清麻呂受神教、清麻呂還奏神不許、道鏡大怒、貶竄清麻呂、寶龜元年、帝幸由義、續日本紀與道鏡遊處、狎褻無所不至、道鏡欲益悅帝意、

進以淫具、因是得疾、歸平城而崩。水道鏡謂威福由己、人應推戴、山陵事畢、留廬陵下、羣臣立白壁王、是為光仁帝、坂上莉田麻呂奏道鏡罪惡、令曰、聞道鏡法師挾舐糠之心久矣、陵土未乾、奸謀發覺、此則神祇所護、社稷攸佑、顧先帝厚恩、不忍致刑、減死為造下野藥師寺別當、即日發遣、又貶習宜阿曾麻呂為多觀島守、神護以來、僧尼度牒、一用道鏡印、至是改用治部省印、三年、道鏡死于貶所、

大日本史

卷二百一十七

列傳

十五

以庶人禮葬之。續日本紀

大日本史卷之二百二十七終

大日本史卷之二百二十八

列傳第一百五十五

權中納言從三位源光圀 修

男權中納言從三位綱條 校

玄孫權中納言從三位治保重校

叛臣二

平將門

藤原純友

平忠常

大日本史

卷三百二十八

列傳

安倍賴時 子貞任

源義親

平將門、上總介高望之孫、鎮守府將軍良將

第三子也、○扶桑略記、今昔物語、良將為良持、按本書下總介良持良將弟也

誤、稱相馬小二郎、平氏系圖勇悍過人、最工騎射、

少仕攝政忠平、求因其薦為檢非違使、忠平

不之省、將門失望憤怒、神皇正統記去赴關東、居

下總豐田郡、扶桑略記率徒屬來往常陸下總之

間、以攻剽為事、今昔物語時伯父國香為常陸大

掾、將門攻殺之、將門記、神皇正統記有源護者、其三子

扶隆繁皆為將門所殺、護力不能報、居常歎

恨、將門伯父良兼為下總介、與姪良正竝娶

護女、良正勸良兼殺將門、報婦家之讎、先是

良兼以女事與將門忤、將門記、伯父及姪持平氏系圖、○本書作

叔父又爭良將田、互相怨惡、今昔物語承平六年

良兼擊將門於常陸、國香子左馬允貞盛往

而從良兼、將門迎于新治郡禦之、從百餘騎

親出調察、遇下野界上、良兼兵數千人、將門

大日本史

卷三百二十八

列傳

三

先麾步卒、射殺人馬八十餘、良兼兵恇駭潰

走、將門追而圍之、已而以為夫婦親而喻瓦

親戚疎而喻葦、我殺此曹、布譏遠近、乃解圍

一角、良兼及從兵千餘人得脫、將門記朝廷以

擅相攻伐、侵擾百姓、徵將門將加之罪、將門

馳詣京師、陳狀自辨、準輕得釋、將門記、今七年

良兼復擊將門、戰常陸下總之間、將門以

軍中有神異、收兵而還、良兼縱兵焚掠、豐田

郡栗栖院常羽御廚皆罹煨燼、良兼憾不獲

將門賂其奴子春丸、覘石井營、悉得要害、十

二月乘夜襲之、將門兵不滿十人、瞋眼大叫

而進、馳騁風飛、射殺多治良利、良兼兵不戰

而逃、良兼自是力竭不能復戰、貞盛奔京師、

天慶二年良兼卒、將門將門遂據下總、常陸

人藤原玄明輕侮長官、乾沒官物、介藤原維

幾欲抵之罪、玄明懼降將門、將門欲藉其鄉

導取常陸、今昔物語乃率千餘人赴常陸、

扶桑略記維幾設備以待、將門遣人謂維幾、釋玄

明、則我便罷兵、維幾不聽、將門擊殺三千人、

執維幾歸、奪印鑰、焚掠街市、將門將門擊殺三千人、

藏權守興世王凶險好亂、通好將門、協心計

畫、介源經基奔京師奏狀、下詔詰責將門、將

門逼常陸下總下野武藏上總、取解文證、無

異志、朝廷信之、今昔物語興世王說將門

曰、掠取一國、罪不容赦、不如并坂東以窺時

機、將門大喜、攻下野、守藤原弘雅等迎降、至

上野、將門將門大喜、攻下野、守藤原弘雅等迎降、至

逐介藤原尚範、乃

入府廳、改易官吏、今昔物語適有人來

稱八幡使者、揚言於衆曰、朕將讓位於蔭子

將門、可奏樂來迎、將門再拜受命、一軍忻躍、

將門自稱新皇、弟將平諫曰、帝王之興、自有

天命、阿兄宜熟計、將門不聽曰、當今戰捷者

爲天子、於弓箭之藝、我稟之性、復何所憚、將門將門

今昔物語於是歸下總、造偽宮於猿島郡石井

鄉、扶桑略記以磯橋擬京師山崎、大井津擬大津、

將門將門置大臣以下文武百司、唯曆博士

不得其人、今昔物語以弟將賴爲下野守、將

文相模守、將武伊豆守、將爲下總守、多治經

明上野守、興世王上總守、藤原玄茂常陸守、

文室好立安房守、扶桑略記諸國長吏望風遁亡、

世呼爲外都鬼王、平氏信濃常陸驛奏相繼、

官符修東山東海要害、鄰境增守備、日本日本

將門登比叡山下、瞰京師、有窺窬之心、神皇神皇

與藤原純友相約曰、他日我據天位、以子

爲關白、大鏡純友鈔盜南海山陽之間、聞將門

起亦攻殺守宰擾亂瀕海

日本紀略將門遺今昔物語

書攝政忠平訴身被迫脅出不得已而朝廷

按驗不審措置乖錯曰先年以源護訴被責

問晨夜上道幸蒙恩赦歸著舊堵爾後良兼

率數千兵襲攻將門不能背走與之相防事

具注下總所上解文公家既下追捕良兼官

符而更召將門依心不安不敢上道又今年

之夏貞盛奉召問將門之官符到常陸國司

牒送貞盛者脫追捕奔京師之人公家宜糾

大日本史

卷二百十八

列傳

一五

明其由而反給得理之官符是矯誣之著者

也又常陸介藤原維幾息為憲怙藉父勢狂

暴害民將門從士玄明愁訴不已將門欲究

問其事親莅彼境為憲與貞盛同心邀戰將

門防而破之是非將門本意事蓋出不得已

也而自計已滅一國憲法所不赦雖復至百

縣其罪惟同是以候朝議之間管領坂東諸

國將門柏原帝五世孫領天下半誰謂不可

自昔振兵威取天下者史書所見將門材武

天之所與而公家無褒賞屢遭譴責省身多

取面目何施惟憾少年之日奉名簿於殿下

當攝政之時不意為此舉歎恨可勝言將門記

三年以參議右衛門督藤原忠文為征東大

將軍討之募東山東海建殊功者賞以不次

將門巡武藏相模置留守課賦役聞貞盛在

常陸率兵搜討久之不知所在以為無虞歸

下總放遣兵士所留可千人貞盛偵知之與

下野押領使藤原秀鄉率兵來襲將門倉皇

大日本史

卷二百十八

列傳

一六

出拒大敗貞盛秀鄉乘勝攻之將門自度眾

寡不敵欲誘致二將於險擊之走保幸島桑略記作島廣山

貞盛秀鄉縱火燒其營追戰於島

之北山先是將門常選精兵八千人以自衛

時未集眾僅四百餘人拒戰甚力官兵小卻

貞盛秀鄉督士卒大戰遂敗之將門單騎突

陣貞盛射斃之傳首京師黨與皆伏誅今昔物語

藤原純友權中納言長良曾孫父良範筑前

守太宰少貳傳卑分服純友性狼戾無行檢為伊

豫掾扶桑略記承平中南海道羣盜大起抄掠海中沿海郡邑爲之騷然朝廷以紀淑人爲伊

豫守追捕海賊扶桑略記純友亦以國掾行

追捕事外記賊服淑人威信率衆歸降日本略記

居日振島日本紀略續于時平將門跨常陸

下總之間威震鄰國純友誘餘黨應之潛圖

犯京師密遣兵士每夜行火坊肆都下驚擾

略扶桑略記備前介藤原子高伺得蹤跡欲詣京師

大日本史 卷二百二十八 列傳

奏之純友追殺之虜其妻孥并害播磨介島

田惟幹扶桑略記天慶二年朝廷下符教喻

純友授從五位下純友不悛狂悖日甚讚岐

介藤原國風來攻之反爲所敗奔于阿波純

友進焚讚岐國府國風又奔于淡路聚勇悍

還讚岐扶桑略記純友略伊豫讚岐又犯山陽地

追捕使左衛門尉在原相安敗走純友燒周

防鑄錢司土佐八多郡日本略記朝廷以左近衛

少將小野好古爲追捕使長官太宰少貳源

經基爲次官右衛門尉藤原慶幸爲判官志

大藏春實爲主典分往播磨讚岐造戰艦二

百餘徑赴日振島純友艦千五百餘艘逆之

官軍未至渠帥藤原恒利來降恒利具知海

陸險夷及賊之巢窟扶桑略記藤原國風因爲鄉

導選勇悍追擊之純友軍大敗日本略記國

風分兵絕陸路遣輕舟認其泊處遇風失所

在扶桑略記純友遁至太宰府勢復振官兵敗退

純友入太宰府取累代財物焚館舍管内震

大日本史 卷二百二十八 列傳

懾扶桑略記參議右衛門督藤原忠文爲征

西大將軍總諸軍討之未發扶桑略記小野好古

由陸路藤原慶幸大藏春實由海路趨筑前

博多津攻之純友衆潰擒斬略盡獲船八百

餘艘羸弱逃入海純友亡還伊豫警固使橘

遠保斬之扶桑略記子重太九年十三殆如

成人從父爲盜同時被殺日本略記○按

紀年不知純友三子有信紀年伊王丸有信

乎遠保齋純友父子首歸京命畫工模寫帝

臨觀之、今昔物語

平忠常、○常一作經或恒上總介高望曾孫、鎮守府

將軍良文孫也、良文居武藏村岡、稱村岡五

郎、父忠賴稱村岡次郎、平氏系圖忠常居下總、桑扶

略記○左經任上總介、百鍊鈔扶桑略記平

爲下總敘從五位下、爲武藏押領使、平氏忠

常世居東國、族衆彊盛、恃勢暴橫、陸奥昔物語

盤踞二總之地、不輸貢賦、不供徭役、今昔物語長

元元年舉兵反、陷上總國府、小右侵安房、燒

大日本史 卷二十八 列傳 九

殺守惟忠、編年殘編朝廷使檢非違使平直

方等帥東海東山二道兵追討、扶桑略記日

年又官符北陸道、與二道兵同討、小右略記、扶

桑略三年安房守藤原光業畏忠常、弃印鑰

逃歸京師、日本紀略直方等久無功、詔召

還之、百鍊鈔敕甲斐守源賴信代之、紀略

殘編爲四年誤時忠常族人雄視武總間、平氏

圖四年賴信進軍次常陸、左經左衛門尉

平惟基屬焉、總常間有大水、忠常扼要害、爲

防守備、賴信遣人諭之、忠常曰、僕素聞君之

名、當委身麾下、然惟基者僕之仇家、而在公

左右、僕不忍跪拜仇人之前、且大河無船、不

可得濟、卒不奉命、既而賴信率兵直涉、今昔物語

○按平惟基疑卽維幹也、維幹者國香之孫

國香子貞盛嘗與源經基同誅平將門、賴信

者經基之孫、故亦與維幹合勢而忠常者將

門之從侄而據有將門故地、故與維幹爲世

離也、然今無他書忠常倉皇、不知所出、薙髮

改名常安、與二子常昌常近等、奉書而降、賴

信以忠常還至美濃野上、忠常病死、因斬首

入京、廷議以忠常既降、且東國疲弊、不煩窮

討而寢、左經常昌後任下總權介、稱千葉介、

千葉上總二氏皆其後也、平氏系圖

安倍賴時、初名賴良、陸奥今昔物語祖父忠賴世

居陸奥、爲俘囚酋長、陸奥今昔物語父忠良爲陸奥大

掾、賴時稱安大夫、安藤系圖藉父祖之業、勢益彊

大、橫行陸奥、劫略人民、部落皆服、遂爲六郡

豪帥、陸奥今昔物語○按東鑑所謂六

西界白河關、東抵率土濱、衣川形勝當其中

央、據險設關、名曰衣關、跨有海陸、資產豐饒、東鑑文治五年不輸貢賦、不供徭役、國守不能制、永

承中守藤原登任發兵數千人討之、以秋田

城介平重成爲先鋒、親爲後繼、賴時以諸部

之俘囚、逆戰于鬼切部、大敗之、事聞、朝議以

源賴義爲陸奥守鎮守府將軍討之、會有大

赦、許賴時自新、賴時大喜罷兵、以犯國司嫌

名改今名、賴義賴良訓讀相同賴義任終、視事鎮守

府、賴時贈駿馬金寶、厚賂士卒、賴義歸國府、

大日本史卷百二十八列傳 土

權守藤原說貞之子光貞元貞、從賴義宿阿

久利川、有人劫其營、殺傷人馬、賴義召光貞

問、宿昔無有所怨邪、對曰、賴時長子貞任嘗

欲聘我妹、我賤其門族不許、意彼所爲也、賴

義令收貞任、賴時怒曰、人之在世、誰有不念

妻子、貞任雖不才、我何忍坐視其死乎、我衆

固足拒戰、不如閉關俟其來攻也、戰若不利、

闔族同死、亦無所憾、遂閉關復反、賴義勒兵

擊之、賴時女婿藤原經清平永衡以部下兵

歸賴義、或惡永衡於賴義、收斬之、經清疑懼、

率部下兵奔于賴時、陸奥語記賴義歸救國

府、使氣仙郡司金爲時攻賴時、賴時使弟僧

良照拒之、爲時雖頗有利而無後援、一戰而

退、賴時聞俘囚安倍富忠起兵屬官軍、親往

陳說利害、衆不過二千人、富忠設伏迎擊之

嶮岨、交戰二日、賴時中飛矢、還鳥海而死、時

天喜五年也、陸奥語記賴時有八子、長盲目稱井

殿、次貞任、次宗任、稱鳥海三郎、次僧官照、稱

大日本史卷百二十八列傳 土

境講師、次正任、稱黑澤尻五郎、東鑑○按安

照爲井殿名、藤崎系圖以次重任、稱北浦六

郎、次家任、稱鳥海彌三郎、安藤系圖○按藤

正任兄、次則任、稱白鳥八郎、東鑑○按藤

貞任居廚川邑、稱廚川二郎、容貌魁偉、皮膚

肥白、長六尺餘、腰圍七尺四寸、及父死、遂領

其兵、陸奥語記天喜五年十一月、貞任聞源

賴義來攻、自帥精兵四千餘、出據河崎柵、逆

戰于鳥海時大風雪官軍飢困貞任縱精騎
衝之殺數百人更以驍騎二百餘張左右翼

夾擊大破之賴義僅脫貞任兵勢益熾劫略

人民陸與話記別使藤原經清率兵數百出

衣川關遣使諸郡用私符徵官物康平五年

賴義與清原武則等合兵攻貞任叔父僧良

照柵良照軍大潰弟宗任將騎八百出柵拒

戰而敗陸與話記別遣游騎襲清原武道陣

又見敗陸與話記遂棄柵逃走久之官軍乏食陸與

九月陸與話記卷百二十八 列傳 十一

官軍糧道奪其輜重陸與話記貞任謀于衆曰聞

頃日敵軍食盡四散求糧營中之兵不過數

千我以精銳襲之則破之必矣九月率精兵

八千餘襲之官軍有備貞任大敗還營官軍

乘夜逼攻放火燒之營中大亂自相鬪擊死

傷甚多棄高梨宿石坂柵退保衣川陸與話記

刊木塞路據嶮拒守明日官軍來攻燒藤

原業近柵貞任望火起大驚又退保鳥海柵

陸與話記其驍將平孝忠金師道安倍時任
安倍貞行金依方等皆戰死陸與話記既而官軍

奄至貞任宗任不戰而走保廚川柵陸與話記

餘柵上構譙樓隍中樹刃施鐵蒺藜守備甚

固官軍又圍之貞任發矢石澆沸湯拒守甚

力婦女數十登樓唱歌以激官軍賴義怒急

攻之貞任擊殺數百人陸與話記官軍壞屋填塹

放火燒之會大風暴起樓櫓屋舍一時焚蕩

九月陸與話記卷百二十八 列傳 十四

賊兵大潰亂官軍紆圍出之橫擊殆盡貞任

揮劍出戰官軍攢鋒刺之不殊載之大盾卑

至賴義前賴義責其罪貞任不言尋死時年

四十四陸與話記今昔物語生擒弟重任及藤原

經清斬之弟家任伯父爲元降陸與話記良

照逃至出羽爲守源齊賴所擒陸與話記貞

任有二子長千代童子年十三美容色驍勇

有祖風貞任之敗出柵而戰爲官軍所獲賴

義矜之欲貫死武則進諫曰將軍莫思小仁

而遺大害也、賴義然其言斬之、扶桑略記、今昔陸語次高星、乳母懷之遁匿于津輕、藤崎、後遂

領其地、藤崎系圖初傳貞任首于京師、使降者擔

之、至近江、監者命擔夫洗梳之、擔夫請櫛、監

者曰、盍用汝櫛、擔夫垂泣曰、我主在世、仰之

如天、豈思今日、以我櫛梳主髮也、嗚咽久之、

觀者愍惻、扶桑略記、今昔陸語宗任及戰敗、投泥

淖中得免、聞家任等降、率弟則任及金為行

金、則行金經、永藤原業近、藤原賴久、藤原遠

大日本史 卷二百二十八 列傳 十五

久等出降、陸奧語、今昔物語弟正任逃匿出羽、聞之

亦降、陸奧語、今昔物語七年春、賴義以宗任正任僧良增

等五人至京師、放宗任家任于伊豫、良照于

太宰府、鈔、一代要記、百鍊宗任在賴義之家、為

義家所親近、古今著聞集、○平家物語、劍卷

任夷人、其所為必隨、取梅花示之、宗任謂曰、宗

歌答之曰、和我久、明能、年迷、能波、宗十波、美

多禮妬毛、於退、蓋後、世比、好斗、和、以、加、我、今、不、取

後為僧居筑紫、今昔物語松浦黨其後也、劍卷

源義親、鎮守府將軍義家第二子、為左兵衛

尉、任對馬守、敘從五位上、尊卑康和中橫行

鎮西、侵陵人民、朝廷發兵討之、鈔、百鍊明年義

家遣從士召之、不至、又殺官使、中右以罪流

于隱岐、百鍊鈔、○尊卑、分、云、義親、以、康和

年、蓋、誤、五、而、義親、不至、流所、留在、出雲、殺目代、

鹵人民、掠官物、百鍊鈔、參、嘉承二年朝廷以

平正盛為追討使、討之、尊卑、分、歷代、皇、紀、為、永

長、七、天、仁、元、年、伏、誅、梟、首、右、獄、要、記、古、事、談、

子義信、義俊、義春、○一本、春、作、泰、為、義、宗、清、義、行、義

大日本史 卷二百二十八 列傳 十六

信稱對馬太郎、敘從四位下、任左兵衛佐、尊

服、為義在義家傳、義親既伏誅、後屢有偽稱

義親者、或被捕、或被殺、擊、取、百、鍊、鈔、中、

右、記、長、秋、記、

大日本史卷之二百二十八終

大日本史卷之二百二十九

列傳第一百五十六

權中納言從三位源光圀 修

男權中納言從三位綱條 校

玄孫權中納言從三位治保重校

叛臣三

藤原信賴

源義朝子義平
鎌田政家

藤原信賴、關白道隆八世孫、從三位忠隆第

大日本史

卷二百二十九

列傳二

三子、參取公卿補任、平治物語、尊卑分脈爲人庸闇、無他才能、

而爲後白河上皇所嬖幸、平治物語累歷右兵衛

佐左近衛權中將、補藏人頭、保元三年任參

議、兼右衛門督、進權中納言正三位、爲檢非

違使別當、公卿補任、一代要記、平治物語信賴恃寵驕恣、與

藤原通憲權勢相軋、互欲因事圖之、信賴意

望大將、上皇將聽之、通憲固爭而止、信賴大

銜之、常稱病不朝、與中納言源師仲相結、就

其家日夜習武藝、謀報怨於通憲、通憲與平

清盛通婚、勢難搖動、時源義朝孤立無援、資

望頗輕於平氏、以故與平清盛內不相好、信

賴察之、傾心厚交、甘言以悅之、又與權大納

言藤原經宗右近衛中將藤原成親檢非違

使別當藤原惟方等陰相結、欲乘隙而發、平

治元年平清盛如熊野、信賴密告義朝以除

通憲之謀、義朝許諾、信賴大喜、贈劍馬及器

甲五十聯、義朝又勸信賴、召源賴政源光基

源李實等、皆許應焉、於是信賴義朝率兵五

大日本史

卷二百二十九

列傳三

百、夜圍三條殿、信賴據鞍呼曰、臣信賴承殊

恩日久、而通憲構讒、今將被誅、臣聞之不自

安、欲逃死於關東、上皇愕曰、誰敢爲如此謀

邪、源師仲素黨信賴、趣上皇御車而出、使遣

於大內、遂縱火、左兵衛尉大江家仲等防戰

而死、院中擾亂、男女自相蹂藉、死者甚多、通

憲知變先逃、信賴圍其家火之、慮變服而遁、

盡殺其家人、遂擁上皇入大內、幽於一本御

書所、遷帝於黑戶御所、使源重成源李實護

衛兩宮、信賴自爲大臣大將、以源義朝爲播磨守、源重成以下皆拜官、削通憲子五人籍、義朝子義平陳要平清盛於安部野之策、信賴不能從、出雲前司源光泰索得通憲而斬之、傳首京師、信賴與藤原惟方同車、往神樂岡觀之、信賴居朝餉所、冠服舉止一如天子、每朝會坐羣僚之上、專決機務、人目曰惡右衛門督、及平清盛歸京師、帝潛幸其第、上皇如仁和寺、藤原成親以告信賴、信賴嗜酒常醉、至曉尚未覺、聞之不信曰、我委惟方經宗等、今何得有是事、成親曰、彼等所爲爾、信賴遽起入視之、帝及上皇皆不在、大驚悸、計無所出、耳語成親曰、勿使人知、又索惟方經宗皆既亡、信賴憤惋切齒、源義朝聞之、勒兵二千餘據禁內、分兵守宮門、帝詔平清盛討信賴、義朝清盛遣子重盛弟賴盛將兵分攻諸門、信賴躬擐甲居紫宸殿、聞兵至將出拒之、震懼股慄、不能下階、體肥大、不便騎、左右扶

抱上馬、錯投地傷鼻、衄血被面、平重盛將五百餘騎攻待賢門、信賴棄守逃還、平氏軍進入宮庭、源義朝使義平拒卻之、平氏皆引還、義朝與義平追之至六波羅、信賴又恐平氏來攻、徐出從義朝軍後、至河原、棄軍而逃、義朝兵士請追之、義朝曰、舍之、如彼雖逃去非所少也、義朝戰敗、欲赴關東、至八瀨、信賴追呼曰、前與子有約、何遽棄我邪、義朝大怒曰、卿首舉大事、不及一戰、何面目來見我乎、揮鞭毆其頰、信賴俯不能答、捫鞭痕而去、從士助吉姓關進曰、何故辱我公、卿等若勇、何不戰克、義朝欲斬之、鎌田政家諫而止、信賴從騎尚有五十人、相謂曰、我公爲人所辱、不能敢抗、豈足恃哉、皆離散、惟助吉從焉、信賴疲困甚、助吉進糲不能食、問所欲往、信賴曰、詣仁和寺祈哀上皇耳、夜經蓮臺野、會延曆寺僧徒送葬而歸、見信賴以爲敗軍卒也、將剽掠、助吉詭曰、此是六波羅兵、追亡至長坂、迷而

失道、僧徒將捨之、有一人取火視之、信賴震
惕、遽下馬、自解甲冑佩刀、并鞍馬以授之、拜
伏求免、僧徒又執助吉、褫其戎服、既而信賴
抵仁和寺、涕泣請宥死、上皇遺帝書、請免死
一等、帝不報、上皇再遣人乞之、使人未還、官
兵圍仁和寺、執信賴而去、平清盛使其子重
盛問反狀、信賴悲泣不能答、但云天魔所爲
也、願公垂憐以乞吾生、重盛謂清盛曰、彼孱
弱無比、赦之何害、清盛曰、信賴元惡、上皇營

大日本史

卷三百二十九

列傳

五

救、帝尚不聽、我何敢請、命斬之、六條河原、信
賴臨刑涕泣曰、重盛仁人、盍救我死、宛轉號
呼、刑者不能斬之、梓抑刎之、觀者如堵、有老
翁排衆而入、引杖毆信賴屍、瞋目罵之曰、汝
奪我采地、使我至饑寒、罪惡之極、身首異處、
固其宜也、黨與數十人咸誅死、流信賴兄基
通于陸奥、弟信俊于越後、弟家賴子信親奔
竄不出、削其官爵、平治物語家賴信賴敗、源
師仲亦被執、初帝幸六波羅、鎌田政家欲取

神鏡、遷之東國、師仲曰、天皇神器、安得擅動
搖矣、京師半井本破匱取而懷之、百鍊鈔見
義朝繫大刀契匱鑰於佩刀、亦紹奪之、愚管
遂致之六波羅、百鍊鈔古事談至是自陳曰、臣本不
叛、信賴政家欲奪神鏡、臣竊藏之、臣不黨賊
明矣、曷與信賴相周旋者、唯懼其威權而已、
至圖不軌、則未嘗與知也、平治物語政家據
定罪流于下野、公卿補任一代仁安元年召還、世稱伏
見源中納言、要記尊卑分脈

大日本史

卷三百二十九

列傳

六

源義朝、左衛門大尉爲義長子也、尊卑分脈
生長坂東、驍武有勇略、保元物語按東鑑
鎌倉訪故左典殿龜谷舊跡、據此、則義朝蓋
嘗居鎌倉、義平亦稱鎌倉惡源太、可以爲證
矣、任下野守、尊卑分脈鳥羽法皇寵美福門
院、生近衛帝、法皇鍾愛之、使崇德帝遽禪位
於近衛帝、崇德上皇意常怏怏、久壽二年帝
崩、後白河帝卽位、保元元年法皇崩、上皇集
兵白河殿、以圖再登大位、先是法皇豫知亂
起、手錄將帥十人名、付之美福門院、義朝居

其首、且命義朝及檢非違使源義康等、衛護

禁內、及難起、爲義帥賴賢爲朝等諸子、赴白

河殿、物保語元義朝獨赴禁內、時關白忠通已下

公卿會議不決、計無所出、義朝恐失軍機、屢

趣之、鈔愚管帝召義朝諮謀、義朝奏曰、軍機非

一、而掩敵不備、取勝於一時、莫若夜戰、臣聞

南都僧徒驅吉野十津河兵、今夜已次宇治、

明朝方入京師、及敵軍未集、擊之易爲功也、

帝從之、物保語元敕曰、汝棄親赴義、其志可嘉、今

大日本史 卷二百二十九 列傳 一

授以大將之任、輸忠建功、他日許汝昇殿、如

所請也、義朝曰、士之赴戰場、何期餘命、若蒙

敕許、卽今昇殿、以遂素願、戎服進昇殿階、少

納言入道信西白帝曰、義朝曾祖及祖父雖

聽昇殿、父爲義見爲檢非違使、而今以其子

驟聽昇殿、恐虧國典、帝曰、撥亂靖難、非武將

而誰與、無必拘常制、義朝感喜而出、乃以所

執鞭、命繫之階下止車之所、兵士怪之、義朝

曰、我今日得昇殿、若隕命敵鋒、誰知有此賞、

故如之、京師杉原錄倉乃率精騎四百餘、元保

物語諸異本兵錄倉三本、今陣大炊御門河原、

安藝守平清盛陣三條河原東堤、乘夜並進

攻之、賴賢爲朝邀戰、義朝縱兵急擊、爲朝等

退守白河殿、既而天曙、義朝馳使奏曰、臣等

急攻之、而守禦甚固、除火攻外、無復他術、只

恐延及法勝寺、是以不敢報曰、須隨便宜、若

伽藍罹災、再造不難、於是縱火上風燒之、白

河殿遂陷、物保語元上皇倉皇出宮、義朝追之不

木日本史 卷二百二十九 列傳 一

及、聞逃兵匿法勝寺、就索之、又不得、請焚之、

不許、京師杉原半井義朝詣闕奏捷、帝賞功

爲左馬權頭、京師杉原半井義朝不欲之、乃

奏陳、先臣滿仲嘗忝此官、臣蒙此命、實爲襲

舊職、然臣既爲助、而今纔轉權頭、非所以爲

榮寵也、帝然之、遷左馬頭、藤原高季爲左京

大夫、以義朝代之、既而帝令清盛搜索爲義

及其諸子、爲義病不能遠遁、潛來義朝所祈

生、是時清盛叔父右馬助忠正及其諸子應

上皇徵及軍敗就清盛請降清盛雅與忠正
 不協且欲使義朝殺為義遂斬忠正帝命義
 朝誅為義義朝屢請宥之帝怒曰清盛既殺
 叔父汝何拒命若遲回朕命清盛誅之義朝
 悲懼不知所為召其臣鎌田政家曰今從詔
 旨則犯逆罪否則坐違敕為之何如政家曰
 是事至重臣子之所難得言然判官殿已為
 朝敵終不可免戮與其死於他人手不如自
 為之義朝意決物保元語令政家給為義曰義朝

大日本史

卷二百二十九

列傳 九

清盛戰功有何優劣不意朝議實出於清盛
 下義朝亦何顏堪之將奉大人奔關東恐道
 路梗澁不宜羣行義朝當由驛路而去大人
 宜自紀伊舟行為義信之乘車而出至七條
 朱雀政家斬之義朝奉首詣闕錄倉本保元
 杉原本保元物語曰義朝召政家語之政家
 曰判官殿已為朝敵與其死於他人之手不
 如自為義朝乃斂涕見為義曰不測之變將
 言之大義朝當以身命為義方贖之惟大人
 在此恐招訛言釀後禍義朝有東山庵室大
 人暫移居焉為義大悅曰人知之至寶無過
 者誰以我身救他人之命未知孰是姑從本

書尋殺其弟五人物保元語清盛舉族受重賞
 因緣帝親臣信西羽翼漸成義朝嘗欲以
 信西子是憲為壻信西不許曰我兒學生不
 宜壻於卿詞色矜傲義朝銜之愚管及帝禪
 位於二條帝仍躬機務寵臣藤原信賴雅與
 信西有隙知義朝內懷不平欲引為己黨謀
 除信西每見義朝好言遇之曰我今當塗為
 子左右之國莊官階何望而不聽義朝悅而
 深相結約平治元年十二月清盛與子重盛

大日本史

卷二百二十九

列傳 十

如熊野信賴以為得時乃說義朝曰信西以
 上皇乳母壻寵幸傾時政無巨細皆出其意
 我所奏議每為沮格實讒佞諛僻之尤者也
 使信西久與事權遂成禍基且上皇亦頗厭
 之然罪迹未著是以隱忍而已清盛與信西
 有姻好每欲讒害源氏當今之世子亦不能
 保終義朝曰保元中吾親族誅死殆盡今吾
 孤立清盛乘間構讒吾亦固知之矣明公有
 此舉時不可失宜決存亡於一舉吾族賴政

光基等亦常窺此隙、明公宜招此輩相謀、信賴大悅、卽贈以寶刀駿馬、義朝謝曰、戰陣所貴、莫若馬、乘是龍蹄突陣、何向而不摧破、及還、信賴追贈盔甲五十領、乃召賴政、光基等、密告其意、賴政等曰、義朝一族之長、旣應公舉、僕等敢不率從、遂合謀舉兵、義朝與信賴帥五百餘騎、直進犯三條殿、放火上風、百司宮女、死傷奔竄、焚信西西洞院宅、疑信西變、服逃出、多殺婢妾、幽帝及上皇於宮中、信賴

大日本史

卷二百二十九

列傳 十一

乃據禁內、自爲大臣大將、以義朝敘從四位下、與之播磨、仍任守、平治物語、從四位下、據愚管、管鈔、東鑑、以其子藏人賴朝、任右兵衛佐、愚管鈔、公卿補任、清盛途聞變、急還京師、大納言藤原經宗與檢非違使別當藤原惟方合謀、奉帝潛幸清盛六波羅第、上皇亦中夜微服、獨幸仁和寺、信賴義朝大懼、疑有將士亡去者、檢籍見兵、猶有二千餘騎、義朝又察賴政、光基懷攜貳心、欲殺除之、然恐致內亂而止、遂開陽明侍賢、郁芳

三門、及昭明建禮二門、傍小門、閉南西北三面、揭白旗二十餘旒、兵士填咽南殿前後諸壺、清盛使子重盛、弟賴盛等、將兵三千餘騎、攻之、重盛自率兵五百騎、向侍賢門、信賴恒怯、不發一箭、棄守而走、重盛進至大庭、掠樹下、義朝呼曰、惡源太不在邪、信賴怯弱、旣已見敗、汝速擊卻之、義平乃率精銳十六騎、力戰卻之、賴盛攻郁芳門、義朝縱橫奮戰、賴盛引去、乘勢追擊、官軍窺間、突入禁內、義朝不

大日本史

卷二百二十九

列傳 十一

能還、進攻六波羅、會賴政屬官軍、義平敗而退、義朝士馬俱疲、進退失措、欲決死於一戰、政家固諫、義朝引兵而退、官兵躡後至三條河原、政家謂軍士曰、頭殿今爲有所思、故避卿曹、暫爲後拒、平賀義信旋馬力戰、義朝顧左右使救之、佐佐木秀義、首藤俊通等競進接戰、俊通戰沒、義朝得間而去、比至千束、比叡山西塔僧兵羣聚遮路、以齋藤實盛奇策、僅得脫去、信賴亦奔逃而來、欲與俱東行、義

朝怒毆辱之、會橫川僧兵設砦龍華越要之、從士皆下馬、破鹿角而過、僧兵注射如雨、義朝叔祖父陸奧六郎義隆中矢而死、義朝命收其首、子朝長亦被重創、義朝大怒、厲衆奮擊、殺傷甚衆、僧徒潰走、進至堅田浦、視義隆首歎曰、八幡殿之遺體、唯有斯人而已、今喪是懿親、我益無憑、揮涕自沈其首於湖水、欲直濟湖、風濤大起、因轉取路勢多、義朝謂從士曰、此行不宜與衆俱、卿等各易路而去、夙

大日本史

卷三十九

列傳 十三

誓不渝、再會東國、咸固請從、義朝不許、實盛等二十餘人自此辭去、唯義平朝長賴朝及式部丞源重成本書作式部大輔、平賀義信今從尊卑分脈、鎌田政家及金王從之、行至鏡驛、聞敵守不破關、更自小關抵小野、時大雨雪、馬縮慄不前、義朝及從士皆脫甲徒步、艱苦辛楚、纔至美濃青墓驛、投富媼大炊家、賴朝後而不至、義朝欲再起兵擊平氏、分遣義平朝長于各道募兵、義朝嘗嬖大炊女延壽、生一女、以故

大炊供給甚厚、邑人聞之、羣起圍之、重成謂義朝曰、我當死於此、爲公潰圍、乃單騎衝突、遂入林中、詐稱義朝、射殺十餘人、自斃其面、剖腹而死、繇是義朝得脫、欲往尾張野間就長田莊司平忠致、乞鎧馬而赴關東、又遣義信令募兵、義信曰、忠致雖多資力、而其人趨時附勢、情偽不可保、義朝不從曰、忠致政家之婦翁也、我保其無他、汝莫深猜疑、遂決意赴焉、然道路梗塞、義朝患之、平治物語有大炊兄

大日本史

卷三十九

列傳 十四

平三真遠、剃髮稱鷲栖源光、東鑑○平治物語源光作玄光、而爲大炊弟、素以俠聞、以政家計遣金王與之相謀、源光悅而具舟、載義朝政家等、覆之以柴、將送野間、自株瀨河下而過折戶、平治物語津吏疑而止之、源光爲不聞而過、乃發矢射之、源光迴船抵岸、津吏入船發柴搜索、源光窘迫、意欲令義朝自裁、故謂曰、借如義朝至奔敗、從者亦必不下數十人、何依託孤僧、鼠伏柴船中、縱在必不爲卿等獲、度

已自殺矣、義朝耳語政家曰、源光勸我死、政

家曰、姑待之、津吏亦不深究而去、京師杉原

本平治明日、至內海、忠致待之甚厚、義朝欲

風發、忠致固留曰、明日元旦、請過三日而發、

義朝不能違其意、遂信宿、忠致與其子景宗

密謀殺義朝、及三日月夕、為具湯沐、伏壯士三

人於浴室、窺隙刺之、時金王執兵侍浴、以故

不得發、義朝求浴衣、久之不進、金王自往取

之、壯士得聞而入、義朝曳倒其一人、二人自

大日本史 卷百二十九 列傳 十五

左右刺殺之、時年三十八、按恩管鈔以為政

之義朝知其不可脫、命政家斬首、金王走還、

政家即斬之、相繼自殺、今從本書、立斬三人、源光金王覓忠致父子不獲、乃殺

傷數人而去、忠致傳義朝首於京師、梟之於

左獄樗樹、平治染工五郎者、嘗被義朝恩顧、

因請其首、瘞之左獄門側、源平盛泊賴朝霸

業成、奏朝建一伽藍、造義朝廟其中、後白河

法皇敕索義朝政家之枯顱、獲諸東獄門側、

使檢非違使大江公朝送于鎌倉、賴朝素服

出稻瀨川迎之、創勝長壽院收葬之、東鑑

物語曰、朝廷遣使贈義朝正二位內大臣、子

盛衰記為太政大臣、無他確據、故今不取、

義平、朝長、賴朝、義門、希義、範賴、全成、東鑑

○平治義圓、義經、分脈賴朝、範賴、義經

並自有傳、朝長任中宮進、平治敘從五

位下、分脈及義朝敗、從至龍華越、與橫川僧

兵戰、矢中其股、拔矢復戰、及抵青墓、與義平

俱受義朝命、募兵於甲斐信濃、義平已發、而

大日本史 卷百二十九 列傳 十六

朝長被重創、途遇風雪、至是苦甚、已發復還、

義朝怒曰、賴朝雖幼於汝、而不如此輒弱、汝

宜留此、朝長曰、兒創甚、如為追者所獲、必遺

大人之羞、願大人手刃、莫煩後慮、義朝曰、吾

以汝為怯懦、今聞是言、真我子也、將斬之、大

炊延壽遽救之、義朝曰、今兒激勵也、納刀而

退、義朝又至朝長卧處、謂曰、汝自處何如、朝

長曰、固決於心、唯待大人命、義朝遂刺殺之、

覆衣而出、大炊見之、瘞其骸於箬中、後賴盛

將平宗清發墓、傳首京師、平治義門為宮內

丞左兵衛尉、早世、分卑希義居駿河香貫、義朝敗後、其舅木工頭藤原友忠送之京師、京師

本平治物語○按平治物語見流于土佐氣

良邑、幼未有名字、平氏名之曰希義、以其居

氣良、稱氣良冠者、及賴朝起兵、平氏命國人

蓮池家綱殺之、家綱據東鑑○本書作家光

家綱至希義所居告之、希義曰、我爲先人日

誦法華、今日未終課、汝暫緩之、家綱許之、希

義徐誦經二卷畢自殺、平治物語○東鑑云

大日本史

卷二十九

列傳 十七

曾與州人夜須行家相約、竊赴夜須莊、家綱追至殺之、送首京師、子曰

隆盛、後爲殷富門院判官代、分卑全成小字

今若、與義圓義經同產也、及義朝敗、其母常

磐攜三兒逃匿、而清盛悅、常磐容色納之、由

是今若等皆獲不死、語在義經傳、今若後爲

僧、改今名、居醍醐、性慄悍、人呼曰醍醐惡禪

師、平治物語○按尊卑分脈、全成後改名及

賴朝起兵、全成與弟義圓往屬之、東鑑、義圓

語、居遠江阿野、分卑稱阿野法橋、平治物語、

建仁中有人告其叛、賴家使武田信光捕之、放於常陸、尋命八田知家殺之、東鑑有六子、賴

保、賴高、賴全、時元、道曉、賴成、尊卑分脈、按本

今從賴全稱播磨公、居東山延年寺、與全成

同被殺、時元稱阿野冠者、承久元年集兵於

駿河、自宣言奉密旨、管領東國、平政子命北

條義時、遣兵擊滅之、東鑑義圓初名圓成、小字

乙若、爲圓慧法親王坊官、稱卿公、及賴朝舉

兵、與兄全成往屬之、平治物語率兵一千騎、從叔

大日本史

卷二十九

列傳 十八

父行家、防平氏於尾張洲股河、爭先單騎夜

渡河、爲平氏邏騎所殺、源平盛衰記、

義平年甫十五、與叔父春宮帶刀義賢戰于

武藏大倉、斬之、平治物語、源

太平治亂起、義平從鎌倉馳赴京師、時信賴

恣署諸將士、欲授義平官、義平辭曰、屬保元

之亂、叔父爲朝遽任藏人、然以其不急之授、

辭不受、實合時宜、殲滅信西、待世寧謐、領國

任官、亦不爲晚、嚮在鎌倉、士卒慣呼惡源太、

宜仍舊稱、願假我少徒卒、要清盛於安部野、擊其不意、鑿盡之、信賴不從、重盛攻入待賢門、信賴惶怖、未及排陣而走、義朝怒、令義平防之、義平與鎌田政家、後藤實基、佐佐木秀義、波多野義通、三浦義澄、首藤俊通、齋藤實盛、岡部忠澄、猪股範綱、熊谷直實、平山季重、金子家忠、安達遠基、平廣常、關時貞、片桐景重、十六騎俱進、義平謂左右曰、環櫨勻鎧、而乘黃赭白馬者、重盛也、卿等認之、躍馬而出、

大日本史

卷二百二十九

列傳 十九

縱橫馳突、直赴重盛、戰大庭棕樹下、環左近櫻右近橘、追之七八匝、勢甚厲、重盛退至大宮巷、再率新兵五百騎、復攻入大庭、義平呼重盛曰、我及子爲源平嫡胄、兩兩無媿匹敵、請與決死、又驅逐五六匝、重盛又引兵退大宮巷、義朝以敵兵累至、遣人激勵、令搃擊卻之、義平又與十六騎出大宮巷衝擊之、敵兵奔潰、重盛與其臣與三左衛門景安、新藤左衛門家泰走、義平與政家追之、至二條堀河、

將及之、義平馬蹶而伏、政家射重盛、甲堅不入、義平曰、射馬、政家射之、重盛墜馬、立屋材上、兜鍪墜、政家迫之、景安遮當之、義平馳至刺景安、重盛將與義平相當、家泰進馬與義平搏、政家乃刺家泰、重盛得間走歸六波羅、時窮陰沍寒、雨而冰、鞍、政家手凍不得攀、義平教之、刻鞍而上、鞍設手形、自此始矣、義朝既卻賴盛、前攻六波羅、義平將赴之、時賴政頓騎三百餘于六條河原、觀望不進、義平怒、

大日本史

卷二百二十九

列傳 二十

曰、賴政首鼠兩端、觀望勝敗、不可不先擊之、率五十餘騎搏擊、賴政敗績、遂奔于清盛、義平攻入六波羅門內、清盛親督兵出戰、交戰移晷、而義平麾下自旦經數戰、銳氣稍衰、平軍交進防之、義平遂斂兵而退、及義朝敗走、從至美濃青墓、義朝命義平朝長、募兵諸州、義平赴北國招募、比至飛驒、來屬者稍多、及義朝死、問至、衆咸離散、義平亦將自殺、既而以爲深讎未復、大丈夫豈徒死乎、潛歸京師、

規伺平氏有義朝之舊臣志內景澄素賤不
爲人識以故義朝敗後委質平氏以俟時變
適逢義平與語大喜詐以義平爲己奴出入
六波羅義平躬執廝役景澄僦舍三條烏丸
三條烏丸據異本平治物語居停主人熟視義平舉動以
爲非常人景澄又每食不令人視主人益疑
竊從障間窺之則景澄易饌而食主人告之
六波羅清盛遣難波經房率兵三百圍之義
平拔刀躍出立斬數人跳登屋上忽爾不見

大日本史

卷百二十九

列傳

二十一

平治物語經房獨獲景澄歸清盛面嘲其懷貳當
斬景澄曰我世仕源氏暫事汝者俟源氏興
隆時耳汝疎漏不悟何得嘲我哉清盛怒速
斬之義平草次露宿累覘平氏備嘗艱苦覓
故舊於東近江將投其家途過逢坂因卧山
中曾經房詣關明神因分兵五十騎搜索義
平蹙然起應之經房射中其腕義平不能揮
刀兵衆塙堆遂虜之以歸六波羅坐之於廡
下義平怒曰我雖命窮就虜何爲居廡下卽

自起入座清盛出而面之曰向卿被圍於烏
丸能潰三百騎而出今爲五十騎所虜何義
平笑曰是命也卿亦命蹇遂至於此吾爲勅
敵不宜久活疾斫諸本平治物語卽斬之於六條河
原時年二十臨死罵曰保元中多戮源平將
士每以夜分今白晝殺我平奴何無狀也嚮
使信賴用我言平奴無噍類矣經房曰卿何
饒舌義平瞋目曰汝善斬我否必爲雷震殺
汝等後經房果震死世以爲祟焉平治物語

大日本史

卷百二十九

列傳

二十一

本平治物語經房作經遠盛衰記作經俊而
一谷之役經遠經房尚存未知孰是今姑從
十訓鈔及京師杉原半井諸異本平治物語
鎌田政家本名正清稱二郎平治物語藤原秀鄉
之裔尊卑相摸人也保元父通清號鎌田權
守事源爲義尊卑元物語通清按京師杉原本保
司未知政家繼事義朝以勇敢聞白河殿之
戰爲義子賴賢出戰射斃二騎義朝怒欲自
當之政家扣轡止之曰主將豈自輕如此乎
義朝不聽政家乃麾兵士遮留奮身赴敵適

有逸馬入義朝陣、政家就視之、鏃貫鞍大如鑿、以爲爲朝所射、義朝曰、爲朝年少、筋力未可至此、是必詐設以怖人也、汝一戰挫之、政家乃率百騎赴之、爲朝詬曰、爾乃我家郎從、不足當吾穀、政家曰、昔爲主君、今則逆徒、不討何爲、乃射中其胷、爲朝大怒、率首藤家末等猛士二十八騎來逼、政家度其鋒不可當、引衆避之、爲朝亦不窮追、保元物語平治之亂、信賴以政家爲右兵衛尉、約曰、此戰得勝、當酬

大日本史

卷百二十九

列傳

二十三

以上總、及重盛攻待賢門、政家與後藤實基等十六騎、從義平力戰卻之、義朝攻六波羅、戰不利、欲決死於一戰、策馬赴敵、政家扣馬諫曰、自古雖稱源平兩家、世殊以源氏爲最勇、然而今日之戰、矢竭刀折、士馬皆創、以此進擊、必難得利、若隕命於卒伍之間、浼屍於戎馬之蹄、非啻貽羞千載、諸州親黨解體、相率從敵、不如暫晦迹山林、使敵不能高枕也、義朝從之、政家從至尾張野間、投其婦翁平

忠致家、義朝遇害、政家時與忠致飲、聞變起座、行酒者拔刀斫之、政家輒奪其刀還刺之、忠致子景致自後斬之、時年三十八、平治物語盛政、稱藤太、次光政、稱藤次、事義經與佐藤繼信、忠信齊名、世稱義經四天王、盛政戰死一谷、光政與繼信同戰死屋島、義經甚哀惜之、以所愛駿馬名薄墨施之僧、爲令寫經立率都婆、源平盛衰記○按東鑑賴朝之置政、田新藤次、則蓋光政子也、附以備考、建久中賴朝思政家之忠、

大日本史

卷百二十九

列傳

三十四

廣求其胤得一女、賜志濃畿田名部二莊、以酬之、東鑑後雍髮號金木匠、尊卑分脈

大日本史卷之二百二十九終

大日本史卷之二百三十

列傳第一百五十七

權中納言從三位源光圀 修

男權中納言從三位綱條 校

玄孫權中納言從三位治保重校

叛臣四

源義仲樋口兼光根井幸親 弟今井兼平

淺原爲賴

藤原公宗

大日本史 卷二百三十 列傳 一

源義仲小字駒王丸源平盛衰記左衛門大尉爲

義孫父義賢春宮帶刀源平盛衰記父壽二

年爲姪義平所殺義仲其第二子也時僅二

歲源平盛衰記平家物語○東鑑二歲作三

之至久壽元年三十一歲也據此其義平慮

其爲後患囑畠山重能搜捕殺之重能憐其

孤弱不忍殺之會齋藤實盛來武藏重能密

告其情以駒王託之實盛匿之七日是時東

國人士多義朝部下實盛度終不可免送之

信濃託其乳母夫權守中原兼遠兼遠傾心

鞠育令居木曾山下源平盛衰記乳母夫權東鑑保元平

治之亂源氏門族死亡略盡兵馬之權悉歸

平氏平治物語義仲雖幼心深痛家門衰弊慨然

有爲宗黨復讐之志遊戲常肄武技源平盛衰記

起居應對度越羣兒鄉里屬目及長軀幹魁

偉膂力邁倫兼便騎射飛鳥走獸射無不中

兼遠以爲天授長門本平家物語至年十三襲高祖

義家故事詣石清水自加元服更名義仲稱

大日本史 卷二百三十 列傳 二

木曾次郎平家物語屢往來京師伺察平氏治承

四年以仁王起兵討平氏下令諸國源氏義

仲與從父兄賴朝應之集兵信濃浹旬至一

千餘平宗盛聞而懼召中原兼遠責之命縛

送義仲兼遠佯許之進誓書宗盛信而釋之

兼遠還信濃令義仲依大姓根井幸親移檄

四境募衆源平盛衰記下野足利甲斐武田上野

那和等皆來附聲勢日張源平盛衰記平家

武田平家物語甲斐九月賴朝與大庭景親戰于

石橋山、義仲欲舉兵應之、時平氏之黨笠原賴直將攻義仲、義仲之黨村山義直、栗田寺別當範覺等、邀之于市原、失利、義直告急、義仲發兵赴援、賴直不戰而走、東鑑養和元年六月、據玉海、吉記、一代要記、皇紀、鈔、及本書、壽永二年三月條、文訂之、說具城長茂傳、越後人城長茂來擊、長茂先令津張宗親等赴植田、越而自將兵四萬、陳橫田莊、義仲聞之、率騎二千餘逆之、族人井上光盛引其族保科黨三百餘騎、族人據專年分帳涉筑摩河先進、

大日本史

卷一百一十

列傳

三

猶豫不決、彼必來擊、不如往屬之也、相率而來附、義仲疑其有詐、新附兵衆乃進誓書、義仲大悅、與良馬人各一匹、自是北陸道悉歸義仲、兵勢益彊、武田信光、義仲疏族也、欲以女妻義仲子義高、結其歡心、遣使致意、義仲不喜、答曰、有女者將之與志水冠者、令執巾櫛、如定爲匹配、則我不願也、信光怒、遂間義仲於賴朝、曰、自義仲克越後、臂使北國、勢寢強大、故小松大臣有女、宗盛子之、欲以妻義仲、潛通書信、義仲既許之、賴朝聞而大怒、時叔父行家與賴朝有隙、奔依義仲、賴朝愈怒、率兵赴信濃、義仲召將士議之、樋口兼光等曰、事已如此、宜據富部大井固壘拒之、義仲沈吟久之、曰、保元以來、我宗族動輒相魚肉、取笑於人、今平氏未滅、而與兵衛佐結怨、非計之得者、我暫避之、乃如越後、源平盛衰記、長門本平家語、賴朝聞義仲引去、亦引兵還武藏、遣使義仲曰、當今平氏驕橫、陵蔑朝廷、法皇赫怒、命

大日本史

卷一百一十

列傳

四

吾宗族、翦除逆賊、是吾與足下當枕戈待旦、竭力王室之秋也、然叔父十郎藏人、不存報國之忠、濫以私怨圖賴朝、頃聞藏人託身足下、足下庇之而不疑、未審足下意何如、若無貳心、捕送藏人、不然、使志水冠者來、吾子養之、二者不聽、當與足下會獵也、義仲又議之、小室忠兼曰、避而示屈、蓋慮大功不終也、今不從其所欲、則東北新啓釁、戰鬪且始、何暇討平氏哉、將軍固無異謀、則不如亟令御曹

大日本史 卷三十三

列傳

五

司質也、今井兼平曰、故帶刀殿爲惡、源太所害、釁既開于前、佐殿亦不能無猜防於將軍、孰能保其有終哉、請早與之絕、義仲終從忠兼之言、遣義高爲任子、乃報曰、不知藏人與公有隙、亦非通信招致、唯因存宗親之好、任其來投館穀而已、寇敵未除、何蓄異圖、藏人於我亦叔父、義不可遣、從命送兒息、幼駿未辨東西、冀善視之、源平盛衰記義仲悉召兵士妻謂之曰、右兵衛佐徵質於我、拒而不致、其必

來擊、然則汝曹夫婿隕命於鋒鏑、故我割愛質兒、鑷倉也、衆婦皆泣而謝、長門本平家物語壽永

二年四月、右近衛中將平維盛等大舉來擊、義仲遣其將仁科守弘林光明等於越前、據燧山城、平泉寺長吏齊明率徒屬一千來附、燧城南界荒乳中山、北連柚尾木邊、東接越之白峰、西至三國港、北陸道第一要害、填木石塞日野河、河水盈溢、道路如海、敵軍不能進、相持數日、齊明度我兵寡少、城遂不可保、

大日本史 卷三十三

列傳

六

乃射箭書敵軍、教其竊決堤而導其兵、敵軍競進攻之、城陷、敵軍衆勝遂陷諸城、五月維盛遣其部將越中前司平盛俊屯于般若野、義仲使今井兼平率兵六千擊走之、義仲發越後入越中、得衆五萬、至無動寺、簡兵器、勒軍士、詣白山社、使僧覺明作文禱大捷、進抵般若野、令將士曰、敵衆而我寡、於平原廣野則無利、我欲先陳礪波北麓、敵必頓兵山中、猿馬場、以覘我兵勢、我分兵出自南麓、前後

掩擊則蔑不勝矣、乃陣于北麓、維盛等果陣
猿馬場、分兵十萬、自礪波志雄二道竝進、將
入越中、義仲謂今井兼平曰、橫田河原之役、
我以三十破敵四萬、今我五萬、彼十萬、以一
當二、且敵軍遠來疲弊、以逸待勞、可一戰而
破、乃分兵爲七隊、遣行家等諸將、分道俱進、
自將精兵三萬、渡小矢部河、屯埴生、旁有神
祠、問州人曰、八幡社也、亦令覺明作文禱捷、
時有白鳩翔旗竿上、義仲下馬拜伏、進陣黑

大日本史

卷二百三十一

列傳

七

坂、與敵相距可百餘步、

源平盛衰記
平家物語

射戰竟

日、義仲欲乘夜襲之、故緩其期、及昏令樋口
兼光率兵三千、持鼓螺千許、自中山鼓譟而
進、兼平根井幸親等、五部兵合一萬餘、繞南
北黑坂而進、義仲驅近村牛四五百、縛炬於
角、策而縱之、軍士隨其後、謹噪衝突、震動山
谷、敵軍擾亂、爭赴南壑、投崖谷而死者、一萬
八千餘、人馬相踐、積屍成陵、獲其將參河守
平知度、右兵衛佐平爲盛、及館貞康首、維盛

僅免、收散卒奔加賀、保宮腰佐良嶽、源行家
率所部兵向志雄山、軍不利、義仲聞之、自率
騎四萬赴之、敵將平盛俊聞維盛敗、奔于佐
良嶽、義仲逐北至加賀、陣于平岳野、兩軍休
兵馬、相持不戰、會義仲芻者爲敵軍偵人所
獲、芻者紿曰、今夜將來襲、曰、大雨暴風安得
然、曰、木立林中有一古祠、欲取其材爲炬、火
以照攻路、敵軍大懼、收兵宵遁、至安宅、河水
大漲、溺死者千餘人、達旦斷橋據守、六月義

大日本史

卷二百三十一

列傳

八

仲合行家軍、進至安宅渡、時水濁不見底、衆
不得濟、林光明放馬十匹試之、水僅及馬腹、
義仲麾衆而濟、大戰于篠原、敵軍敗走、長驅
至成合、竝松連破之、獲瀨尾兼康及齊明等、
敵大潰、棄器械輜重、自間道遁還京師、義仲
惡齊明反覆、尋斬之、源平盛衰記釋兼康、兼平諫
曰、兼康瞻視異常、不殺必爲後患、義仲不聽、
平家物語既而義仲行家將入京師、自東山北陸
二道竝進、至越前國府、與諸將議曰、聞叡山

僧兵據險設備、我不得輒入京師、如何而可、

覺明曰、設令平氏誘山徒、啗以厚利、三千衆

徒、豈悉一心乎、其間通志於我者、未必無之、

請牒而誘之、義仲從焉、進至近江蒲生、待山

徒報、源平盛衰記、參取保曆間記、而芻糧匱乏、徵於百濟

寺、得米五百石、義仲悅、予之村邑五所、以資

香火、延曆寺僧幸明雅與覺明善、來見覺明、

義仲謂之曰、聞山門衆徒、黨於平氏、欲拒義

軍、是以先牒衆徒、諭向背之理、未得其款、請

大日本史

卷百三十

列傳

一九

子急去爲我曉譬衆徒、衆徒從我、舉火山上

以爲信、幸明還諭義仲之意、衆徒悉應、義仲

大喜、七月以覺明爲前導、渡湖登山、次總持

院、平氏聞而大懼、奉養和帝出奔西海、義仲

又渡湖、率篠原野洲兵、從勢多入京師、行家

亦自宇治至、源平盛衰記、二將謁法皇於蓮華王

院、面奉討平氏宣旨、玉海、吉記、平家物語、詔賜

義仲第于京師、平家物語、源平盛衰記、先是源賴朝居

鎌倉、略定關東、諸國響應、平氏日盛、法皇論

功、賴朝第一、義仲第二、敘從五位下、任左馬

頭、爲越後守、玉海、義仲不悅、改任伊豫守、百鍊鈔、源平盛衰記、聽院昇殿、法皇籍諸平故地五百餘所、

以其一百四十所賜義仲、行家請賞將士、義

仲不聽、八月法皇以養和帝播遷西海、更議

所立、議者或謂、世亂立長君、故三條宮子北

陸宮宜卽大位、北陸宮嘗爲僧、避亂北國、及

義兵起、義仲奉之入京師、源平盛衰記、至是義仲

亦欲使其踐帝位、因大藏卿高階泰經啓之、

法皇素欲擇高倉帝二皇子立之、而難違其

大日本史

卷百三十

列傳

十

奏、乃命僧俊堯、揣義仲意、諭之曰、國家典故、

以繼體守文爲貴、今故院皇子二人見在、若

廢本宗、求之庶孫、人神所不安也、卿其莫異

議、玉海、義仲復奏曰、建立之議、至重、非臣等之

所敢議、然旣被聖問、豈敢不披瀝乎、嚮陛下

脫屣之後、平氏跋扈、陵侮朝廷、故三條宮倡

義、雖功業不成、大義已伸於天下、今弄其胤

子、更議所立、赴義將士、將何所望、源平盛衰記、法

皇下廷臣議之、海玉咸謂義仲所奏非無謂也、

但北陸宮嘗爲僧、不宜登九五、然懼義仲兇

威不能決、命官寮卜高倉二皇子及北陸宮、

三宮吉、法皇納寵姬丹波之言、意屬四宮、再

卜之、四宮吉、三宮吉、北陸宮凶、遂立

四宮、義仲大怒曰、以齒則宜立北陸宮、以卜

則宜立三宮、烏得立四宮、事既如此、可不爲

三條宮痛恨哉、參取玉海源平盛衰記而義仲漸驕

恣、部下兵縱橫京師、損害院御領以下公卿

大日本史 卷三百三十一 列傳 十一

莊田、掠略民家資財、京師騷然、法皇將召賴

朝、義仲不悅、欲邀拒之、賴朝遣使訴義仲欲

討己、且陳身不入京師便宜、於是法皇欲賜

義仲上野信濃二國、以弭其掠暴、使賴朝義

仲和解、乃諭其意於賴朝、賴朝亦請下宜旨

於東海北陸東山三道、令還平氏所侵奪國

領及莊園於本主、敕從其請、其不用命者、令

賴朝糾察處法、然憚義仲、不下宜旨於北陸、

海玉時平氏保屋島、行家請討之、法皇許之、義

仲奏曰、行家勇則勇矣、然屢致敗衄、宜更選

其人、法皇改命義仲、源平盛衰記手取御劍賜之、

海玉義仲發京師至播磨、先遣足利義清高梨

高信海野幸廣擊之、十月義仲自播磨將赴

備中、以瀬尾兼康爲鄉導、兼康畔據板藏拒

守、義仲大怒、急攻殺之、平家物語源平盛衰記

代皇紀一代要記百鍊鈔閏月義清高信幸廣與平重衡

等戰於水島敗死、源平盛衰記義仲欲進攻屋島、

適聞賴朝遣弟義經帥兵數萬入京師、引兵

大日本史 卷三百三十一 列傳 十二

而還、法皇遣使止之、義仲不奉詔、遂還京師

以備義經、源平盛衰記曰、義仲將發備中、

行家以法皇密旨討義仲、義仲急旋軍京師、

時平氏族在室津、行家託以征討而出、其實

避義仲也、今據本書、義仲以閏月十五日入

京師、十一月與行家俱受征討、盛衰記誤

故不取、乃奏法皇曰、水島之戰、平氏雖一旦獲

利、勢不能久、山陰道兵士多在備中、足以禦

之、陛下勿復憂之、義仲與行家竊謀奉法皇

赴北國、行家不從、而密告之、法皇驚遣法印

靜賢諭義仲曰、聞卿將挾朕有所行、又聞不

俟朕命、舉兵赴關東、所聞如實、則不知卿意欲何爲、義仲奏陳曰、臣有二怨於陛下、曩召賴朝、臣以爲不可、而不納臣言、又向下東海東山北陸諸道宣旨曰、若有違此宣旨者、追討一從賴朝之命、是實臣之遺憾、臣欲赴關東釋怨於賴朝耳、至如奉乘輿臨戰場、固無此事、不知陛下從何得此飛語、臣甚懼焉、請奉敕討賴朝、賜一行書以示東國之將士、是臣之願也、靜賢既去、義仲以爲行家泄之、乃

大日本史

卷三十三

列傳

十三

造法皇宮、就靜賢及高階泰經奉誓書、而奏曰、讒構臣者、必臣親族、願得其人甘心焉、法皇慰諭曰、所聞道路之言、非出於卿之黨、朕固不之信、莫以介懷、義仲又奏、向下賴朝宣旨暨御教書、若非出聖慮、請推按奉行之人、不聽、義仲兵士劫剽滋甚、人民愁苦、法皇亦密備之、十一月法皇遣主典代景宗譴責景宗曰、卿雖固陳不反、人已證之、何以自明、朕往命赴西海、卿稱備源九郎、稽緩不發、豈非

欲謀不軌乎、事無其實、速赴西海、義仲對曰、讒謗繁興、幸被勘覆、臣無異志、已明之於誓書、復何所陳、承西征之命而未發者、實恐賴朝代官率數萬衆入京師也、使其不入京師、則可赴西海也、法皇申敕義仲曰、賴朝將有所奉獻、是以使人入京師、所率亦不多、明無他故、卿勿猜疑、義仲心雖不悅、不敢枝梧、又遣檢非違使平知康、諭以戢部下、義仲待接倨慢、言辭不遜、調知康曰、輦下兒童、呼卿

大日本史

卷三十三

列傳

十四

稱鼓判官、卿豈爲人所撓乎、知康忿恚、還具奏其狀、遂勸法皇討義仲、法皇乃詔延曆寺座主園城寺長吏、召僧兵守法住寺殿、以知康董督軍事、義仲聞之、怒謂將佐曰、吾首應義舉、攘逆臣於西海、豈非曠世之功乎、然有何罪、俄見誅罰、方今東西路梗、餽運不繼、我擁五萬衆、鎮護京師、然官不給芻糧、軍士殆至餒死、若非掠取豪富所積、何以養士卒、且軍國所貴者馬也、使馬羸瘦、將士艱乎健鬪、

故川近郊禾麥以飼之、士卒侵掠、實出於飢
疲、而未嘗入王公卿士之家、鹵略資財、貴賤
雖殊、饑渴切身一也、牛馬雖強、無食則不爲
用、事有權宜、何拘拘于茲、是皆鼓之所爲、我
將往擊破彼鼓、汝等宜速爲之備、兼光兼平
苦諫曰、今以私嫌、構怨至尊、神明必罰之、宜
東身歸闕、引咎雪愆、其修怨於知康、亦未晚
也、明公熟思之、義仲性剛愎自用、所欲必遂、
謂兼光等曰、吾自起兵於信濃、未嘗示怯於

大日本史

卷三百三十一

列傳

十五

人、雖至尊豈束手受制乎、若從汝等言、待罪
闕下、反爲鼓所擊殺也、義仲死生決于此、汝
等與其敵匹夫、寧敵國王、遂舉兵反、又分兵
爲七隊、進圍法住寺殿、使兼平率三百餘騎
向瓦坂、自帥四百餘騎向西門、知康登垣大
罵、義仲怒、因風縱火、殿堂廬舍悉爲焦土、知
康不發一矢而遁去、官軍大敗、公卿宮人爲
士卒所辱、座主明雲、長吏圓慧、法親王、亦爲
亂兵所射殺、乃徙帝于間院殿、法皇于攝政

大日本史

卷三百三十一

列傳

其

基通第、多幽公卿、義仲既得志、夢言將士曰、
天下事吾所欲爲、汝曹爲公爲卿、各從其所
請、顧吾爲帝、則帝幼童也、吾不可復爲童、爲
院則院老法師也、亦不欲爲法師、惟視攝政、
年齒相如、事體相宜、吾欲居其位、自今以後、
汝等宜稱我曰攝政殿、兼平諫曰、夫攝錄者
大織冠之裔、世居此職、佗姓斷無任之、
源平
義仲曰、然則爲判官代、兼平曰、此非好官、
長門本平
家物語語 義仲低回久之曰、我得之、爲院御
殿別當、縱馳良馬、不亦快乎、遂自爲別當、
源平
盛衰 義仲自幼竄匿北鄙、雖容姿可觀、舉止
朴野、時人傳其事以爲笑、
平家物語源前關
白基房女有殊色、基房鍾愛之、以女御皇后
自期、義仲逼娶之、
源平盛衰
因欲以妻兄權大
納言師家爲攝政、然大臣無關、乃與基房謀
褫基通攝政、借藤原實定內大臣、以師家爲
內大臣攝政、停中納言藤原朝方、參議藤原
基家、太宰大貳藤原實清、大藏卿高階泰經、

參議平親宗、右近衛中將源雅賢、右馬頭源資時、肥前守源康綱、伊豆守源光遠、兵庫頭藤原章綱、越中守平親家、出雲守藤原朝經、壹岐守平知親、能登守高階隆經、若狹守源政家、備中守源資定、左衛門尉平知康等、文武四十餘人官職。玉海、源平盛衰記基房隨事開論、爲陳禍福、義仲稍輟兇暴、弛所錄廷臣之防禁、移法皇于西洞院第。源平盛衰記法皇亦使義仲總領諸平故地、以悅其意。吉記、百鍊鈔尋辭左

大日本史

卷百三十一

列傳

十七

馬頭、敘從五位上。玉海、東鑑賴朝聞義仲驕肆、乃命其弟範賴義經、大發兵討之。源平盛衰記抵伊勢、宣言糾察東海東山二道、不還莊土於本主者、先是國中皆苦義仲兵士橫暴、據鈴鹿山而應賴朝、與義仲行家兵相拒、義仲又遣兵擊之。玉海是時流言室山水島之戰、平氏累捷、將入京師、義仲以爲腹背受敵、我事不復濟矣、乃欲與平氏講和、共擊賴朝、作書遺宗盛及二位尼、且請得其宗女爲妻、宗盛不聽、

長門本平家物語、源平盛衰記、○玉海曰、義仲鑄一尺鏡、模八幡神體、背鑄誓書、遺之、請和、親然當時淳說紛紜、本書從所聞而書之、未必確實、故今不取、三年正月

敘從四位下、東鑑、正五位下尋任征夷大

將軍、東鑑、職原鈔、源平盛衰記、○玉海、百鍊鈔、征夷作征東、職原鈔、盛衰記、無大字、

法皇厭義仲暴橫、外視優獎、內實欲藉義經

等除之、故有此授、而義仲不悟、大有得色、宗

盛請和、法皇下義仲等議、義仲不可、既而聞

範賴義經率大兵自宇治勢多竝進、平氏亦

略鎮西、徇四國、還福原、大舉將入京師、惶惑

大日本史

卷百三十一

列傳

十八

失措、是月十七日、行家叛義仲、據河內石川城、義仲遣樋口兼光率五百餘騎擊破之、獲首七十餘級、東兵漸逼、義仲遣今井兼平源義弘、將五百餘騎向勢多、根井幸親、楯親忠帥三百餘騎向宇治、撤橋守之、二十日、東兵既渡河、幸親等不能支、引兵而還。源平盛衰記義仲所分諸將未還、兵寡勢孤、玉海豫謀軍敗、則取法皇奔北陸。北陸據玉海、○簡壯士二十人自從、護法皇於西洞院第、至是奏法皇曰、

東賊已迫、宜避之醍醐寺、法皇不從、義仲乃至階下、按劍噴目、備駕頻趣幸、宮中皆失色、法皇不得已、將出宮、時義仲兵士馳報、敵至木幡伏見、義仲乃率百餘騎而出、幸親親忠斂散兵來合、併其衆僅三百餘騎、東兵既填滿七條八條法性寺柳原、旌旗蔽空、義仲望見謂從士曰、我命在今日、汝曹欲逃者去、將士皆曰、人誰無死、食其祿者、當死其事、義仲悅、乃督將士、親自決戰、當畠山重忠等衝突

大日本史

卷三百三十

列傳

十九

縱橫、冒陣出入者數、幸親親忠等精銳一百餘騎、悉皆戰死、義經縱兵三百餘騎、攻擊甚急、義仲遂大敗、僅率七八十騎、趣法皇宮、近衛少將藤原成經閉門不內、義經率猛銳十一騎連射、義仲又敗走、義經兵躡而擊之、義仲且戰且走、至三條河原、敕使河原有直及弟有則率三百餘騎追迫、大呼曰、北陸道朝日將軍○平家物語曰、義仲任左馬頭、賜朝日將軍、將軍院宜、而諸書無確據、蓋義仲也、如何視背於敵、豈獨不愧墜源氏之家

聲乎、義仲迴馬奮戰、有直兵潰散、身被創遁走、而東兵相踵來擊、義仲從騎奮鬪疾力、死者亦多、至是尚餘十三騎、義仲乃欲赴勢多、途經三條白河、畠山重忠隔河遙呼、義仲迴馬射戰、既而範賴率三萬騎自勢多進、今井兼平屯國分寺、與戰不捷、源義弘戰沒、兼平引兵而還、逢義仲于粟津、義仲悅、握兼平手曰、吾嚮欲自裁於京師、然欲與卿一面、故崎嶇至此、今兵敗力竭、身亦被重創、爲虜恥也、

大日本史

卷三百三十

列傳

二十

不如自殺、兼平曰、名將忍死雪恥、方今賴朝據東國、平氏在西海、而將軍歸北國、則天下三分、鼎足竝峙矣、將軍宜先歸越前、兼平當留而拒之、即收散兵、得四五百騎、既而東兵大至、義仲將二河賴重率三十騎當之、力戰而死、一條忠賴等遞來攻擊、義仲勵殘兵、馳突潰圍者數、範賴進兵束擊、於是義仲兵戰死皆盡、所從止兼平一人而已、義仲謂之曰、我常擐薄鎧甚輕、今日更覺重、兼平曰、鎧何

大日本史

卷二百三十一

列傳

主

源平盛
衰記

梟東獄樗樹

源平百盛
衰記

有二子。

力壽鶴王餘 ○長門本平

名家物語載四子義高
王、諸書無所見、

東華鑑○分本
書作

義質于鎌倉、義仲誠曰、汝善侍賴朝、勿見疎基

斥能自成立期以方面之任乃附賴朝使遣之其臣海野幸氏名據東鑑○本書作行氏與義高同甲

源平盛
衰記

賴朝以女妻之及義仲

伏誅、賴朝欲殺之、侍婢伺知告其妻、以故義

高得出營而遁、義高好雙六、幸氏爲敵手、是

郎分尊
脈卑

樋口兼光姓中原信濃權守兼遠子稱樋口

二
郎、源平盛
衰記
與弟兼平根井幸親楯親忠、俱

事義仲、爲之爪牙、世稱木曾四天王、平家源

平盛
爲衰
高記
梨楯
忠親
直礪
波之
戰兼
光將
兵三
千自

葦原襲擊平氏軍破之平氏退保篠原義仲

林日春

卷二百三十一

列傳

二十

追至安宅、遙望敵營、謂兼光曰、兵幾何、曰、不

過三百曰其將爲誰曰畱山重能義仲曰是

關東精銳汝宜爲先鋒摧之兼光乃簡兵百

五十爲魚鱗陣、直衝其陣、殺敵二百餘、自亡

百騎兩軍交綏源平盛衰記
語曰今井兼平落合兼行諸本平家
率

決五戰百兩軍死傷甚多、重能收散卒退、兼光與

兼行率三百騎與高橋長
戰斬長綱未知孰是及源行家背義仲

據石川城爲平家物語率兵五百攻而拔之

獲首虜七十餘級、行家挺身而走、追至紀伊

既而聞義仲軍不利、放俘斂兵、急還京師、行至鳥羽秋山、從兵稍稍亡去、從者纔三十騎、東軍聞兼光來、邀之於朱雀作道、兼光至四冢、兒玉黨與兼光有姻、因勸之降、兼光遂降、兒玉黨就源範賴源義經、請宥兼光死、初法住寺之亂、兼光縱兵多辱公卿宮人、以故宮人同辭曰、兼光義仲之梟將、活之必貽後患、朝議遂決死、及傳義仲兼平首徇京師、使兼光從其後、明日斬于朱雀、源平盛衰記、弟兼平家物語、

大日本史

卷二百三十

列傳

二十三

平

兼平稱今井四郎、及燧城不守、領兵六千入越中、與平盛俊相遇、般若野接戰、自旦至昏、大敗之、斬二千餘人、義仲犯法住寺殿、兼平率兵三百餘騎、由瓦坂進、放火宮殿、源平盛衰記、平家物語、坂本平家物語、家物自射殺主水正清原近業、八坂本平家物語、親業、如白本作友業、今從玉海、源平盛衰記、東兵來討、與源義弘將五百餘騎拒之、勢多、撤橋守之、與稻毛重成、榛谷重朝戰、義弘戰死、兼平聞宇治既破、

敵入京師、帥殘兵數百而還、源平盛衰記、長門本平家物語、遇義仲於粟津、散兵稍集、可四五百騎、又與東兵戰、義仲兵死傷殆盡、兼平勸義仲自殺、單騎遮追兵、見義仲死乃大呼曰、我是今井四郎兼平也、乃冒陣搏戰、衆憚其勇不敢近、顧敵尚餘八矢、射殪八騎、又大呼曰、日本無雙勇士、今方自殺、汝曹視以倣我、遂銜刀投馬而死、妹鞠繪美而勇、善武技、義仲嬖之、每戰別將一部、北國之戰、所嚮皆有功、及義仲

大日本史

卷二百三十

列傳

二十四

敗、騎從者僅十三人、鞠繪在其中、東兵尾擊、鞠繪防戰甚疾、東兵披靡、義仲至四宮河原、從騎止七人、鞠繪尚在、遠江人內田家吉、源平盛衰記、○諸本平家物語作御田師重、如白本恩田爲重、自言力兼六十人、與鞠繪接馬交搏、鞠繪即斬其首、持視義仲、義仲憫然曰、可惜勇士、爲一女子所獲、我亦不知其死誰手、異日人將謂、義仲臨死、猶攜女子、適足累名、汝自此去、鞠繪固請、義仲慰諭懇至、鞠繪嗚咽還國、時年二十八、源平盛衰

源平盛衰記曰後賴朝開勒繪勇召赴鎌倉屬之森五郎議已決死和田義盛請為妻生男所謂朝夷名三郎義秀是也義盛死勒繪潛逃越中依石黑氏為尼年九十一而終按東鑑和田氏滅在建保元年時義秀年三十八今姑以元曆元年義仲敗死年為推逆算之義秀生在元曆元年故不取

根井幸親姓滋野左衛門尉國親子也稱根井小彌太滋野初義仲起兵平氏召中原兼遠責之兼遠詐與誓狀約捕送義仲而還不欲背誓以義仲託幸親視時而動幸親許之

大日本史 卷二百三十一 列傳 五十五

潛為指畫倡本國及隣境兵來附者日衆源平盛衰記養和元年敗城長茂兵於横田川原長門物本平家既而平通盛來擊義仲逆戰幸親為前鋒敗之於越前水津東鑑百鍊鈔礪波之戰將兵二千登彌勒山與諸將掩擊大敗之逐北抵加賀幸親將二百五十騎當飛驒景高五百騎搏戰甚急兩陣死傷殆盡幸親射中景高馬景高墜馬幸親亦下馬短兵相接景高刀折幸親以為乘人之厄非勇也乃投刀相

搏遂斃之義仲之犯法住寺殿也幸親射殺圓慧法親王東軍入京師與子親忠率三百餘騎向宇治戰不利引兵退東兵追之幸親且鬪且卻河口源三船越小二郎竝進迫幸親幸親張左右手邀之源三小二郎進馬自兩腋抱之幸親脅持二人援小二郎帶投之沒泥淖而死源三據鞍不動幸親併馬投死之東兵辟易無敢進者幸親乃收散兵還京師遇義仲於六條河原與東兵大戰遂没于

大日本史 卷二百三十一 列傳 五十六

陣源平盛衰記子親忠稱楯六郎滋野系圖源從義仲屢樹戰功與幸親俱戰死于六條河原源平盛衰記淺原為賴淺或稱八郎甲斐人小笠原氏之支族也容貌魁偉有膂力善挽勁弓性素無賴不事產業每招結徒衆於諸國為羣盜民間頗患苦之朝廷敕所在召捕之不獲保曆正應三年春為賴潛至京師夜與其二子間撰甲騎入禁中歷代就女孺問曰主上卧何

處、給曰、御寢殿、又問寢殿何處、曰南殿、良隅、
為賴如言而入、女孺急入內、因長姬告變、時
帝實在中宮、乃著婦人服、幸春日殿、宮人或
攜寶器從帝、或抱皇太子避於常磐井殿、增鏡
為賴已入寢殿、中宮衛士景政格鬪被創、政景
姓二條京極、兵五十餘人、自外而入、排闥
繼進、為賴自知不免、與二子俱至紫宸殿、各
割腹而死、并三屍送六波羅、增鏡、島津家今
時檢其所射箭、鏤太政大臣為賴六字、保曆間
大日本史 卷百三十 列傳 三十七
又其佩刀即前參議藤原實盛家藏寶刀名
鯨尾也、實盛父子因坐被收繫、增鏡、保曆間
川家本、太平初伏見帝登阼、龜山上皇以不
記、歷代皇紀稱後嵯峨帝遺詔之意、愠之、增鏡為賴之犯宮
闕、世言上皇所令為也、權大納言藤原公衡
奏後深草帝、請遷上皇于六波羅、不聽、因矯
伏見帝詔、歸咎上皇、於是上皇作誓書、賜北
條時宗、以自洗雪、事由是得解、增鏡、島津家本、太
記、平

藤原公宗、內大臣實衡子也、正中二年任參
議、兼左近衛中將、元德二年累進權大納言、
敘正二位、尊公卿補任、承久之亂、其先公經與
北條義時為內應、義時深德之、以故家世與
鎌倉相為扳援、勢傾朝野、舉朝無比、后妃多
出其家、自北條高時伏誅、公宗內不自安、常
思復北條氏、舍匿高時弟泰家、日夜共圖作
亂、家臣三善文衡說公宗曰、欲知國之興亡、
莫如察政之善惡、欲知政之善惡、莫如觀賢
臣之用捨、今立朝持風節者、獨有藤原藤房
耳、以諫不行、引身遁去、時事可知矣、公何不
速招黨舊、以復鎌倉、公宗乃謀令泰家作亂、
京師、高時子時行起關東、名越時兼起北國、
建武二年竊圖弑逆、為浴室于北山第、牀下
多植刃、設機令可陷、既成、邀帝游宴、以擬華
清之幸、帝許之、夜夢有婦人自神泉苑來、曰、
前有虎狼、後有熊羆、帝寤而怪之、及幸北山、
過神泉苑、祈池神、水俄沸騰、帝益怪之、按駕

不進、會公宗弟公重馳上變、駕即返、敕左近衛中將源定平、及結城親光、名和長年、勒兵收公宗及弟俊季、俊季脫走、定平等入捕公宗、公宗泣曰、我家累世寵渥、辱託葭莩、有何所缺望而謀逆哉、顧媚疾我家者所構耳、敕幽之定平第、令親光拷問、三善文衡、三日乃服、斬之六條河原、帝不欲斬戮大臣、流公宗於出雲、臨發長年等遂誅之、并斬外族右兵衛佐藤原氏光太平記并斬氏光據天正本、時公宗妻有大日本史卷二百三十 列傳 二十九

身數月免、匿于仁和寺側、敕定平就所居索之、侍女春日局出見使者、詭對曰、夫人憂思終至破胎、兒生而不育、因誓以和歌曰、以都波利乎、多駄須能毛利珥、於久都由能、機曳之珥都計氏、奴流流曾傳加奈、帝憫其言、寢而不問、兒後長名實俊、公卿補任尊卑仕後光嚴院、官至右大臣、公卿補任尊卑分朕、公宗善彈琵琶、方其謀逆、詣北野社禱七日、適奏玉樹木工頭孝重姓關聞之曰、玉樹亡國之音、且其所

彈又何殺聲之多也、未幾果敗云、太平記

大日本史卷之二百三十終

大日本史 卷二百三十 列傳 三十

大日本史卷之二百三十一

列傳第一百五十八

權中納言從三位源光圀 修

男權中納言從三位綱條 校

玄孫權中納言從三位治保重校

逆臣

蘇我馬子 子蝦夷 孫入鹿

弑逆人神所共憤而天地所不容也一有弑逆之臣則人人得而誅之其得保首領老死

大日本史

卷二百三十一

列傳

二

牖下乃幸而免耳異邦之史臣弑其君者歷世不絕故歐陽修創例於唐書元史臣論列於遼金二史皆本春秋之意而使生者瞻落死者骨驚抑又嚴矣天朝丕業隆熙風化淳美二千年間絕無觸瑟之虞敢行弑逆者唯眉輪王蘇我馬子二人而已豈非聖子神孫朝日夕月之效邪眉輪王附在皇子傳據事直書情實自見雖非婉而成章庶幾盡而不汙作逆臣傳

蘇我馬子大臣稻目之子也性習武略且有

才辨深敬佛法敏達帝元年為大臣十三年

鹿深臣佐伯連 本書並名闕 往百濟得彌勒石像

及佛像各一軀而還馬子請求之使鞍部司

馬達等池邊冰田往于四方訪修道者二人

抵播磨得還俗者高麗慧便馬子尊之以為

師又度善信禪藏慧善三尼崇敬尤篤令冰

田達等供給衣食造佛宇於宅東置彌勒石

像請三尼大設齋會達等得佛舍利於齋飯

大日本史

卷二百三十一

列傳

二

上獻之馬子試以鐵鎚鎚摧之鎚鎚共摧舍利不壞又投之水浮沈從其所欲馬子冰田達等大驚異焉益信勤修又造佛殿於石川宅於是佛法始行于世十四年二月起塔於大野丘北設大齋會藏達等所贈舍利於塔柱頭馬子有病卜之卜者曰父稻目所祭之佛為祟也馬子奏其占狀詔令拜其佛祭之時國內多疫死物部守屋奏滅佛法自抵寺燒佛像塔殿毀辱馬子及其徒執三尼而禁

錮之馬子啼泣六月馬子奏曰臣疾久弗瘳不得三寶之力則不可救治詔還三尼於馬子馬子大喜乃禮三尼新營精舍居之及帝崩羣臣誅于殯宮馬子佩刀而誅守屋笑曰如中箭之鳥雀馬子惠焉次至守屋守屋手足震慄馬子笑曰可懸鈴矣由是怨隙漸深用明帝卽位馬子仍爲大臣二年四月帝病篤詔欲崇佛法守屋與中臣勝海固陳不可馬子曰唯詔之從誰生異計乃與皇弟引豐

大日本史

卷二百三十一

列傳

三

國法師入宮守屋大怒遂聚兵自備大伴比羅夫手執弓矢守馬子櫬曲之家及帝崩守屋謀立穴穗部皇子爲天皇馬子奉皇后炊屋姬命使佐伯丹經手土師磐村的真噉殺穴穗部皇子既而勸諸皇子及羣臣謀除守屋相與率兵圍攻守屋守屋兵強諸軍三退馬子與廢戶皇子發誓祈勝馬子誓曰凡諸天王大神王等助我獲克當創建寺塔興隆三寶誓已勵兵進戰迹見赤檮射殺守屋亂

平馬子造法興寺於飛鳥至推古帝四年而成敕以子善德爲寺司崇峻帝卽位爲大臣如故帝甚惡馬子驕恣專權五年十月有獻山猪者帝指猪曰朕有所疾何日得斬之如猪頭多設兵仗於宮中馬子聞之大懼招聚其黨潛謀弑逆○本書註或云嬪大伴小手之語及設兵仗之事詐稱進東國調竊使東漢駒行弑日本宮中人大驚擾馬子使人收之於是人始知馬子所爲而無敢言者馬子深德駒贈

大日本史

卷二百三十一

列傳

四

遺豐厚常令出入卧内水鏡聖德太子傳曆駒密姦馬子女河上娘竊匿爲妻日本紀既而事覺馬子大怒縛駒庭樹繫髮枝上將射之責其罪曰賊奴驕而愚輒弑天皇駒大呼曰我當時唯知有大臣不知有天皇馬子益怒自取劍剗其腹遂斬其首水鏡聖德太子傳曆推古帝時馬子彌專威福及其病男女一千人爲之出家嘗與皇太子奉敕撰天皇記國記及臣連伴造等本記三十二年馬子令阿曇連本書關阿倍麻

大日本史

卷二百三十一

列傳

五

倉麻呂

○日本紀、新明紀、註、倉麻呂、又名雄當、本書或作雄正

倉麻呂

鳥河上、穿池築島、因稱島大臣、日本紀、子蝦夷、

終不聽、三十四年死、葬于桃園、馬子家於飛

如此、則豈惟朕之受譏、大臣亦蒙不忠之名、

縣、後世必言以婦人臨天下、愚而妄失縣邑、

則不俟明、日則不至昏、然當朕之世、遽失此

出、而大臣則朕舅也、大臣之所言無不從、夜

故常欲賜其縣為封戶、帝詔曰、朕蘇我氏之

呂奏曰、葛城縣臣之舊里也、因縣以為氏、是

故常欲賜其縣為封戶、帝詔曰、朕蘇我氏之

紫大臣

公卿補任

石川麻呂、赤兄自有傳、

四子、石川麻呂、日向、連子、赤兄、

蘇我系圖

連子大

蝦夷推古帝三十四年為大臣、

公卿補任

世稱豐

浦大臣

○舊事紀曰、宗我為大臣、生豐浦大臣、名曰入鹿、誤

帝崩、田村

皇子山背大兄王各承遺詔、及葬皇嗣未定、

蝦夷欲獨決之、然慮羣臣相援不和、與阿倍

麻呂謀、饗廷臣於家、使麻呂謂之曰、方今國

家無主、若弗早定、懼有變、當立誰為嗣、因舉

遺詔、令各言其志、羣臣無敢對者、問之再三、

大日本史

卷二百三十一

列傳

六

河伯、皆無應、蝦夷教之、讀大乘經於諸寺、又

早、縣邑或殺牛馬以祭諸神、或頻移市、或禱

蝦夷為大臣如故、皇極帝元年夏秋之交、大

殺之、遂與羣臣翊戴田村皇子、是為舒明帝、

理勢固欲山背王即位、蝦夷怒其違拒、遣兵

夷意、在田村皇子、不敢復爭、惟蝦夷叔父摩

而陳議、蝦夷乃知眾議不和、而山背王察蝦

於是羣臣或援田村皇子、或推山背王、惟蝦

夷弟倉麻呂曰、今日之事、不得輒言、當熟思

謂人曰、願死後無勞民、聚上宮乳部民營作、

役使無息、上宮大娘姬王發憤而歎曰、蘇我

臣專擅國政、多行無禮、天無二日、國無二王、

其一日大陵、為已墓、一日小陵、為子入鹿墓、

發國內竝百八十部人民、豫築二墓於今來、

爐祈雨無應、是年北越蝦夷來朝、賜食于朝、

蝦夷亦饗于家、躬自慰勞、蝦夷強僭茲甚、建

祖廟於葛城高宮、而為八佾舞、作歌歌之、大

其一日大陵、為已墓、一日小陵、為子入鹿墓、

謂人曰、願死後無勞民、聚上宮乳部民營作、

役使無息、上宮大娘姬王發憤而歎曰、蘇我

臣專擅國政、多行無禮、天無二日、國無二王、

其一日大陵、為已墓、一日小陵、為子入鹿墓、

發國內竝百八十部人民、豫築二墓於今來、

爐祈雨無應、是年北越蝦夷來朝、賜食于朝、

蝦夷亦饗于家、躬自慰勞、蝦夷強僭茲甚、建

祖廟於葛城高宮、而為八佾舞、作歌歌之、大

其一日大陵、為已墓、一日小陵、為子入鹿墓、

謂人曰、願死後無勞民、聚上宮乳部民營作、

役使無息、上宮大娘姬王發憤而歎曰、蘇我

何由任意大役吾民自此兩家構怨二年災異屢起蝦夷將出諸巫覡繫木綿於樹枝候其渡橋爭陳神語紛擾喧嘩不可聽悉十月蝦夷因病不朝私授紫冠於子入鹿以擬大臣呼次子本書名闕曰物部大臣資其祖母物部氏貲財大張威福明年鵜鷗生子於蝦夷大津宅劍池蓮有一莖二萼者蝦夷曰我家將榮之瑞也即以金字書之納法興寺是時巫覡等復陳神語古老以謂移風之兆也父子

凡日本史

卷第三

列傳

七

僭逆滋甚及入鹿敗蝦夷亦見誅

日本紀

入鹿一名鞍作又稱林臣爲人暴戾皇極帝在位入鹿專國政威權過父上下震恐憚其嚴酷蘇我氏嘗與上宮諸王子有隙入鹿將除之而立古人大兄爲天皇古人大兄者舒明帝子其母馬子女也二年遣小德巨勢德太古大仁土師婆婆襲山背大兄於班鳩王等逃匿膽駒山入鹿聞而速發兵使高向國押往擊之國押辭曰僕守帝闕不可外出於

是入鹿將自往古人大兄遽來問曰大臣何之入鹿告其故古人大兄曰鼠伏穴而生失穴而死入鹿乃不往遣軍士攻殺之蝦夷聞之嗔罵曰吁爾入鹿至愚專行暴惡不亦殆乎明年冬入鹿營二家於甘檮岡稱蝦夷家曰宮門已家曰谷宮門稱男女曰王子宅外構柵門傍作兵庫每門設水槽各一木鉤數十以備火災常使力士持刀護衛時蝦夷使長直起鉾削寺於大丹穗山又造家於畝傍

凡日本史

卷第三

列傳

八

山東築城環池起庫儲箭每其出入俾五十兵士繞身從之聚健兒名曰東方儼從者又使諸氏人入侍名曰袒子孺者漢直等恒侍二門天智帝雅惡之遂與藤原鎌足合謀誅入鹿送其屍於蝦夷家於是漢直等聚集親族爲蝦夷備天智帝使將軍巨勢德太古喻以君臣大義高向國押謂漢直等曰吾儕坐君大郎當見誅戮大臣亦不免拒戰復爲誰乎棄兵而去衆從而散走蝦夷臨誅取天皇

記國記寶貨自燒之船惠尺收其煨餘國記
以獻天智帝帝許其親族斂葬蝦夷入鹿及
哭泣日本紀

大日本史卷之二百三十一終

大日本史

卷二百三十一

列傳

九

大日本史卷之二百三十二

列傳第一百五十九

權中納言從三位源光圀 修

男權中納言從三位綱條 校

玄孫權中納言從三位治保重校

外國一

隋

唐

天地所覆載、日月所照臨、四海萬國、恭布星

大日本史

卷三百三十二

列傳

一

羅、民生其間者、萬類千種、其殊風異俗、不可
遍舉、悉識、惟文軌之所通、載籍之所存、其國
俗物產、世代變革、可得而考焉、其最大者、爲
隋、地廣人多、自上古聖賢之君、法天爲治、以
道德仁義化導其民、典章制度大備、下及近
古、而其禮儀文物、人材財用、亦非諸國之可
比、其國自隋以前、秦漢之裔、雖有歸化者、而
未聞有通使者、而彼史紀我風土物俗、虛實
相半、至如載朝貢封爵等之事、則古今所無、

蓋當時置府於任那、分帥臣鎮制之、時高麗
雖稱臣朝貢、而亦世奉彼正朔、受彼封爵、意
爲任那帥臣者、亦從而受其封號乎、抑鎮西
奸民、以商貨往來者、假名朝使、稱貢調、受封
爵、以爲射利之資、而彼史從而錄之乎、要皆
不足以取信、而其實通使者、則自推古帝朝
始矣、自後使聘往來、史不絕書、此不可以不
錄也、其他諸蕃服叛不一、鴻荒之世、素蓋鳴
尊往來韓地、其後不通、崇神帝朝任那人朝

大日本史

卷三百三十二

列傳

二

貢、自是來者日多矣、仲哀帝九年、神功皇后
征新羅、赦其王爲飼部、方此時也、其旁高句
麗百濟一時降附、請爲西蕃、廷議因定內官
家、任那之府、以統制三韓、其後肅慎渤海亦
慕化來歸、大凡諸國使聘之來、其納款輸誠
者、懷柔綏撫、書辭無禮者、自太宰府放還、或
奸僞往來者、責以信義、絕之、舍逆取順之道
也、蝦夷僻居東北、屢寇邊陲、自日本武尊東
伐、懷化歸命、然其俗麤獷、動致騷擾、置鎮伏

征夷之職、禁跳梁、備暴發、歸化內嚮者、廼處于一方、遂其性、不令獲喧擾、若夫女真蒙古、恃疆寇邊、則摧陷廓清、不旋踵就戮、不得恣其毒螫、嗚呼神聖柔遠之制、膺懲之意、由是可睹矣、今其載籍可徵者、竝列作傳、其餘如流寓漂至者、亦從而附之云、

隋國在筑紫西、自隋以前、其國號數變、其文字之可得紀者、自唐虞始、唐堯有聖德、號陶唐氏、既老讓舜、舜克熙堯之載、號有虞氏、舜

大日本史

卷三十三

列傳

三

讓禹、號夏后氏、傳世十七、桀淫驕、商湯放之、代立、都于亳、仍號商、盤庚徙于殷、故亦號殷、殷紂湛湎、諸侯不享、周文王昌修德、民歸周、武王發伐殷代之子孫昏亂、戎狄侵之、平王宜臼遷洛、是為東周、東周惠王閔十七年、當神武帝元年云、周道陵遲、嬴秦滅之、二世而民叛、劉季立為天子、都長安、是為漢高祖、傳世十四、其臣王莽篡立、號新室、漢宗室劉秀夷羣賊、復漢祚、是為光武帝、亦十四主、曹丕

篡之、都許、國號魏、劉備即位于成都、亦號漢、

孫權據武昌、稱吳、漢二主、為魏所滅、魏五主、

司馬炎代之、是為晉武帝、都洛陽、孫氏有吳

四世、晉又取之、五胡僭晉、司馬氏遂不振、遷

都於建康、拓跋珪起於鮮卑、建都於平城、號

北魏、於是分為南北、司馬氏傳世十三、劉裕

代之、是為宋武帝、凡八主、蕭道成滅之、號南

齊、為蕭衍所滅、蕭衍改國號梁、凡四主、陳霸

先滅之、國號陳、拓跋氏有國一百四十九年、

大日本史

卷三十三

列傳

四

魏分為東西、寶炬都長安、是為西魏、文帝善見都鄴、是為東魏、孝靜帝、東魏傳國於高洋、號齊、凡六主、為宇文覺所滅、宇文覺改國號周、周五主、讓位於隋王楊堅、參取西土歷代史傳楊堅事周為相國、封隋王、遂受周之禪、即帝位、因本封國號隋、改元開皇、是歲敏達帝十年辛丑歲也、開皇九年滅陳、併其地、總州三十、郡一百、縣四百、至是南北混一、在位二十四年、殂、是為高祖、太子廣立、改元大業、隋書實推古

帝十三年也、十五年秋詔使大禮小野妹子

聘于隋、鞍作福利爲通事、日本紀贈隋主書、其

略曰、日出處天子、致書日沒處天子、無恙、隋書

國寶記、十六年夏隋主使鴻臚寺掌客裴世

清等來聘、築使邸於難波高麗館上、以飾船

三十艘、飾騎七十五匹迎勞、裴世清等造闕

再拜、獻國書信物於庭、其書曰、皇帝問倭皇、

使人長吏大禮蘇因高等至具懷、朕欽承寶

命、臨御區宇、思弘德化、覃被含靈、愛育之情、

大日本史

卷二百三十二

列傳

五

無隔遐邇、知皇介居海表、撫寧民庶、境內安

樂、風俗融和、深氣至誠、遠修朝貢、丹款之美、

朕有嘉焉、稍暄此如常也、故遣鴻臚寺掌客

裴世清等、稍宣注意、并送物如別、宴世清等

於朝、日本紀帝問皇太子曰、書辭如何、太子曰、

賜諸侯書式也、然曰皇、曰帝、其義一矣、彼之

書用皇字、宜答書以報也、帝從之、聖德太子傳

子親艸書曰、東天皇敬白西皇帝、使人鴻臚

寺掌客裴世清等至、久憶方解、李秋薄冷、尊

何如、想清愈、此卽如常、今大禮蘇因高、大禮

乎那利等往、謹白不具、又使小野妹子爲大

使、難波雄成爲小使、鞍作福利爲通事、學生

倭漢福因、柰羅譯語惠明、高向玄理等八人、

送世清等、明年秋妹子還、鞍作福利留而不

歸、蘇因高即妹子、乎那利即雄成也、二十二年遣犬上御田

鍬、矢田部造、聘于隋、明年犬上御田鍬等還

自隋、日本紀二十五年隋主廣爲其臣宇文化

及所弑、是爲煬帝、孫侑立、禪位於唐公李淵、

大日本史

卷二百三十二

列傳

六

隋滅、聖德太子傳唐書

唐主姓李氏、名淵、受隋之禪、國號唐、改元武

德、都長安、唐書是歲當推古帝二十六年也、三

十一年學僧惠齊、惠光及賢惠、日福因自唐

歸、奏曰、唐禮儀之國也、宜常相聘問、日本紀

殂、是爲高祖、子世民立、是爲太宗、改元貞觀、

唐書實推古帝三十五年也、舒明帝二年秋使

大仁犬上御田鍬、大仁醫師惠日聘于唐、四

年唐主使新州刺史高表仁送御田鍬、明年

遣吉士雄麻呂等送高表仁、至對馬而還。日本紀新州刺史唐主殂子治立是為高宗唐書唐孝

德帝白雉四年小山上吉士長丹、小乙上吉

士駒聘于唐、室原御田為送使、學生巨勢藥

冰老人、及學僧道嚴定惠、安達道觀等二十

餘人從之、又大山下高田根麻呂為大使、小

乙上掃部小麻呂為副使、學僧道福、義向等

一百二十餘人俱發、土師八手為送使、根麻

呂等至薩摩竹島、遇風覆沒、唯門部金等五

人得生還、五年春大使小錦下河邊麻呂、副

使大山下藥師惠日、判官大乙上書麻呂等、

聘于唐、高向玄理為押使、唐主問皇朝地理、

國初神名、麻呂等皆隨問應對、既而玄理卒

於唐、○本書此下註引伊吉博德書云是歲

人及韓智興、趙元寶、共使人歸、然此歲還者

長丹而非麻呂、則此註宜在長丹還之下、或

書可徵、姑從舊而附於此、秋七月遣唐使吉

士長丹等還、齊明帝元年河邊麻呂等還、日本紀

五年坂合部石布、津守吉祥、伊吉博德、使

于唐、蝦夷數人從之、石布船遇風漂至南海、

為島賊所劫殺、吉祥等至越州會稽縣、乘驛

赴東京、時唐主在東京、使人延見、唐主先問

天皇起居、次慰勞使者、見蝦夷問其地方種

類、蝦夷獻白鹿皮及弓箭、時唐將以明年攻

百濟、是以拘我使于西京、日本紀註引六年

唐將軍蘇定方等攻百濟、虜其王義慈、日本紀

一於是始放我使、七年吉祥等歸、日本紀註

書總天智帝壬戌歲唐又攻百濟、癸亥歲我師

與唐兵戰于白村江、敗績、甲子歲唐百濟鎮

將劉仁願遣朝散大夫郭務棕等來、內臣中

臣錄足遣沙門智祥賜物、郭務棕等、○按善

記曰、郭務棕來聘、使僧智祥問曰、有表函獻

物以不務棕曰、有將軍牌書獻物、智祥奏聞、

廷議以不為彼、非唐天子之使、不當入京、師、即

令太宰府移牒於百濟鎮將、并以其意告諭

物、自府放還、乙丑歲遣朝散大夫沂州司馬

上柱國劉德高、右威衛郎將上柱國郭務棕

來聘、日本紀併送還學僧定惠、日本紀註引

詔饗賜德高等於筑紫、遣小錦守大石小山

坂合部石積等送德高等、日本紀一說丁卯歲唐

百濟鎮將劉仁願遣熊津都督府熊山縣令

司馬法聰送坂合部石積等至筑紫都督府、

法聰歸乃以小山下伊吉博德、大乙下笠諸

石為送使、元年冬唐兵滅高麗、二年使小錦

中河內鯨聘于唐、四年唐百濟鎮將劉仁願

遣李守真上表、冬唐使郭務悰等六百人、及

送使沙宅孫登等一千四百人、船四十七艘、

泊比智島、郭務悰等以人船眾多、慮驟至致

大日本史 卷一百三十一 列傳 九

疑防、先遣沙門道文等于對馬、告來朝之意、

對馬國司牒知太宰府、府即馳驛以聞、時天

智帝崩、帝大友元年春遣內小七位阿曇稻

敷於太宰府、告喪於郭務悰、郭務悰等咸易

服、舉哀者三、東向稽首再拜、進書函及信物、

夏以絁一千六百七十三匹、布二千八百五

十二端、綿六百六十六斤、頒賜郭務悰等、別

賜甲冑弓矢於郭務悰發回之、天武帝三年

唐人三十人歸化、移置于遠江、十二年入唐

學生土師甥白猪寶然、及百濟之役沒于唐

者、猪使子首三宅得許、與新羅使俱來、持統

帝四年筑紫軍丁大伴部博麻自唐而歸、博

麻齊明帝七年救百濟之役、為唐兵所虜、天

智帝時、土師富杼冰老筑紫薩夜麻弓削元

實兒四人亦在唐、富杼等聞唐人所計、密圖

歸奏、而無資糧、博麻謂富杼曰、今願賣我身

以充路資、富杼從其計、得逃還、博麻在唐三

十年、至是與新羅使俱至、詔犒慰、賜水田四

大日本史 卷一百三十一 列傳 十

町、免三族課役、日本紀文武帝大寶元年以守

民部卿直大貳粟田真人、為遣唐執節使、左

大辨高橋笠間為大使、右兵衛督坂合部大

分為副使、至筑紫候風、明年往于唐、續日本紀先

是唐主殂、太子顯即位、是為中宗、號其母武

氏為皇太后、武氏遂廢唐主為廬陵王、立豫

王且為帝、尋革唐命、改國號周、降且稱為皇

嗣、粟田真人如于唐、周之長安二年也、唐書真

人等歸、學僧辨正留于唐、辨正善談論、臨淄

王隆基時在藩邸、辨正以善圍碁、被賞遇、風懷

武氏殂、廬陵王顯復位、后韋氏弑之、立幼

子重茂、臨淄王隆基入誅韋氏、廢重茂、豫王

旦復即帝位、是為肅宗、立隆基為太子、尋讓

位太子、是為玄宗、唐書元正帝靈龜二年多治

比縣守為遣唐押使、大伴山守為大使、藤原

馬養為副使、聘于唐、時唐之開元四年也、養

老二年多治比縣守等歸、聖武帝天平五年

多治比廣成為遣唐大使、中臣名代為副使

聘于唐、七年廣成等歸、唐人袁晉卿從廣成

而來、後仕為玄蕃大學頭安房守、賜姓清村、

孝謙帝天平勝寶四年正四位下藤原清河

為大使、從四位上大伴古麻呂為副使、及留

學生藤原刷雄聘于唐、明年正月朔、唐主受

賀於蓬萊宮含元殿、是日使清河等列西畔

第二、在吐蕃下、新羅使東畔第一、在大食國

上、古麻呂不肯就坐、謂掌客曰、新羅者我屬

大日本史

卷二百三十一

列傳

士

不能奪、改以清河等坐東畔第一、引新羅使

列西畔第二、六年大伴古麻呂歸、唐僧鑒真

從古麻呂來朝、天平寶字二年小野田守使

于渤海而還、奏曰、唐天寶十四載十一月九

日御史大夫范陽節度使安祿山反、僭稱帝、

國號燕、改范陽作靈武郡、其宅為潛龍宮、改

元聖武、留其子安慶緒知范陽郡事、自將精

兵二十餘萬騎進、十二月攻洛陽陷之、偽署

百官、唐主使安西節度使哥舒翰將兵三十

萬守潼津關、大將軍封常清兵十五萬守洛

陽、明年安祿山遣將軍孫孝哲帥兵二萬攻

潼關、哥舒翰壞潼津岸塞路、孫孝哲鑿山開

路、引兵入新豐、六月六日唐主奔于劔南、七

月甲子太子瑒即位、于靈武、改元為至德元

載、已卯唐主至益州、平盧留後事徐歸道遣

果毅都尉行柳城縣兼四府經略判官張元

澗於渤海乞兵、渤海疑其有奸、留而不遣、十

二月丙午徐歸道果鳩殺劉正臣於北平、潛

大日本史

卷二百三十一

列傳

士

通祿山、僞幽州節度使史思明安東都護王玄志知其計，帥兵六千餘人攻破柳城，斬徐歸道，自稱權知平盧節度，鎮於北平。至德三載四月，王玄志遣將軍王進義乞援於渤海，且告國事曰：「天子還西京，迎太上皇于蜀，居于別宮，賊徒稍就殄滅，渤海尚未信，乃留進義遣使于唐。」唐降敕書於渤海，渤海附田守奏進，於是敕太宰府曰：「安祿山是狂胡狡豎，逆天犯上，事必不利，彼不能圖西，則還更掠

大日本史 卷一百一十一

列傳

三

海東。古曰：蜂蠆猶有毒，況於人乎？府帥宜知此狀，預爲之備。」時前遣唐大使藤原清河在唐未歸。天平寶字三年春，適渤海使至，便以外從五位下高元度爲迎使，內藏全成爲判官，與渤海使楊承慶等俱發，且詔渤海王，送高元度于唐。元度與渤海使至于唐，明年唐主使中使宣旨曰：「特進兼秘書監藤原清河當依請遣歸，而恐殘賊未平，道路有艱，元度宜取南路先歸復命，即令中謁者謝時和送

元度等赴蘇州，刺史李岵具大船一艘，使越州浦陽府折衝沈惟岳、別將陸張升等送元度。五年，元度還至太宰府，遣從五位上上毛野廣濱外從五位下廣田小床等於安藝，造船送唐使。初，元度之還也，唐主以亂後弓材乏用，告元度求牛角。元度還奏之，令東海東山北陸山陰南海道諸國貢牛角七千八百，以遺于唐。以右虎賁衛督仲石伴爲遣唐大使，上總守石上宅嗣爲副使。六年，石上宅嗣

大日本史 卷一百一十二

列傳

四

罷。左虎賁衛督藤原田麻呂爲副使，夏唐副使紀喬容等三十八人列狀，告大使沈惟岳：「賊汗不堪任於太宰府，府奏之，報曰：『大使副使竝是彼之所命，今不可改換，其還鄉之祿亦依舊給。』」七年，渤海使王新福奏言：「李家太皇太后（玄少帝）崩，廣平王攝政，（代宗）年穀不登，人民相食，史朝義僭帝號，性頗仁恕，人心歸附，兵鋒甚彊，鄧州襄陽已屬史氏，李家獨有蘇州朝聘之路，固未易通，於是敕太宰府

曰、唐國喪亂、使命難通、其沈惟岳等、宜安置優給、如懷土願歸者、給船發遣、沈惟岳竟留仕于朝、寶龜中敕從五位下、賜姓清海宿禰、編附左京、光仁帝寶龜八年佐伯今毛人爲遣唐大使、小野石根大神末足爲副使、今毛人至攝津職、病而不能往、詔副使石根持節先發、行大使事、判官已下犯死罪者、許持節使專決、尋敕石根至唐之日、彼若問無大使者、宜量事分疏、七月石根等到楊州海陵縣、

大日本史

卷二百三十一

列傳

十一

觀察使兼長史陳少遊言、屬祿山之亂、館驛彫弊、限使人六十人入京師、尋得中書門下牒、又節減使者從員、持節使及副使判官錄事等四十三人、以明年正月十三日到長安、館待優厚、中使訪問不絕、數日禮見於宣政殿、進信物、唐主大喜、班示羣臣、尋設宴於延英殿、引見使人、遣中使趙寶英、將答信物、送使者、持節使拜辭曰、本國海路遙遠、漂蕩不測、今中使云往、冒涉波濤、萬一顛躓、恐曠王

命、唐主再使傳旨曰、朕有少信物、差寶英等押送、道義所在、不以爲勞、旣而趙寶英等以九月解纜、海中遇風、小野石根等三十八人、趙寶英等二十五人、船破溺死、副使小野滋野船到肥前松浦郡橘浦、具狀以聞、卽敕太宰府迎勞唐使、促滋野入京師、十年唐使孫興進、秦愆期入京師、領唐客使奏、唐使之行、左右建旗、亦有帶仗官、立旗前後、臣等稽之古典、未見斯例、伏請處分、朝議唯聽帶仗、勿

大日本史

卷二百三十一

列傳

十六

建旗、又奏往時粟田真人等、發自楚州、到長樂驛、時五品舍人郊迎勞問、此時未見拜謝之禮、新羅朝貢使王子泰廉入京之日、官使宣命賜迎馬、王子歛轡、馬上答謝、但渤海使皆悉下馬、再拜舞蹈、今領唐客使、准據何例者、便撰行立進退饗宴應對之儀、注、下于領客使、孫興進等朝見、上國書信物、乃宴孫興進等於朝堂、中納言物部宅嗣宣敕曰、唐國天子、及公卿國內百姓平安、以不、海路艱險、

一二使人、或漂沒海中、或困于耽羅、朕聞之、
悽愴、卿幸無恙而來、道次國宰、供待如法不、
孫興進等言、臣等來時、本國天子及公卿百、
姓平安、又朝恩遠覃、海路得無恙、道次國宰、
供待甚至、因授位賜物有差、以布勢清直為、
送唐客使、甘南備清野多治比濱成、為判官、
送孫興進、續日本紀是夏唐主殂、子迺立、是為德、
宗、唐書冬、唐人高鶴林與新羅貢調使金蘭孫、
等俱入朝、續日本紀○按高鶴林與趙寶英、
俱來、遇風漂到新羅、至此而入朝、
大日本史 卷二百三十一 列傳 七

平、桓武帝延曆十七年、唐人十口歸化、二十、
三年、藤原葛野麻呂為遣唐大使、石川道益、
為副使、聘于唐、日本紀略留學生橘逸勢、學僧空、
海從焉、善隣國寶記往到唐福州長溪縣、日本紀略福州、
縣吏疑其無符印責之、葛野麻呂贈書福州、
觀察使、略云、我國主顧先祖之貽謀、慕今帝、
之德化、謹差賀能等、賀能葛野訓讀通充使、奉獻國、
信、賀能等萬冒死波、再見生日、聖德之所致、
也、非我力之所能也、又大唐之遇日本也、雖

云八狄雲會、七戎霧合、而於我國使也、待以、
上客、面對龍顏、自承鸞綸、與夫瑣瑣諸蕃、豈、
可同日而論乎、又竹符銅契、本備奸詐、世淳、
人質、文契何用、是故我國淳樸已降、常事好、
隣、所獻信物、不用印書、所遣使人、無有奸偽、
相襲其風、于無盡、加以使乎之人、必擇腹心、
任以腹心、何更用契、載籍所傳、東方有國、其、
人懇直、禮義之鄉、君子之國、蓋為此歟、然今、
州使責以文書、疑彼腹心、檢括船上、計數公、
大日本史 卷二百三十一 列傳 七

私、斯乃理合法令、事得道理、官吏之道、實是、
可然、雖然、遠人乍到、觸途多憂、海中之愁、猶、
委胸臆、德酒之味、未飽心腹、率然禁制、手足、
無厝、又建中以往、使船直著楊蘇、無漂蕩之、
苦、州縣諸司、慰勞慇懃、左右任使、不檢船物、
今則事與昔異、遇將望疎、底下愚人、竊懷驚、
恨、伏願垂柔遠之惠、顧好隣之義、縱其習俗、
不怪常風、然則涓涓百蠻、與流水而朝宗、舜、
海、喁喁萬服、將葵藿以引領、堯日、不任常習

之小願奉啓不宣性靈乃以十一月至長安

城謁唐主於宣化殿明年元會唐主受賀於

含元殿是月唐主殂太子誦立是爲順宗順宗

據唐書○本書曰母王氏臨朝稱制設矣今不取秋葛野麻呂與僧

最澄俱歸奏唐變曰唐淄青道節度使青州

刺史李師古養兵馬五十萬唐主遣使告國

喪於諸道至青州師古拒而不納帥兵十萬

以弔喪爲名自襲鄭州諸州戮力逆戰唐主

乃遣中使宣慰師古蔡州節度使吳少誠亦

大日本史卷三十一 列傳 二十九

多養兵馬竊挾窺窬唐主又嚮遣龍武將軍

薛審於吐蕃和親至則拘留不還審給曰所

以來者欲嫁公主也吐蕃乃放還審議婚唐

主怒曰此非吾所知汝速往申前旨事若不

成勿復來還審再往吐蕃拒而不納去年十

二月吐蕃使者逃還不會賀正吐蕃在長安

西北相距五百里侵寇不已唐國內迫節度

外畏吐蕃京師騷擾無暫休息日本唐主久

病不能聽政讓位於太子純是爲憲宗唐書是

歲平城帝大同元年也先是高階遠成使于

唐至是與橘逸勢僧空海俱歸類聚國史一

代要記爲室嵯峨帝弘仁十年唐越湘人周

光朝言升則等乘新羅船來就問唐事光朝

曰遠鄙人不知京邑之事只聞去元和十一

年圓州節度使李師道反○按唐書李師道

嵩山僧圓靜謀叛而本書作圓州也今仍舊

靜與節度使李師道反訛作圓州也今仍舊

文而見擁兵馬五十萬極爲精銳天子發諸

道兵討之未就克滅天下騷擾日本紀略

大日本史卷三十一 列傳 二十

宗元和十四年李師道爲兵馬留後劉悟所

殺淄青平爲三鎮周光朝遷民未知其事

也又考紀略弘仁十一年唐李少貞漂到

出羽據續日本後紀李少貞新羅人也不知

是適同姓名人歟李十一年唐主殂太子恒

立是爲穆宗殂太子湛立是爲敬宗殂宦官

奉江王昂立之是爲文宗唐書是歲淳和帝天

長四年也仁明帝承和元年參議左大辨藤
原常嗣爲持節大使彈正少弼小野篁爲副
使二年長岑高名爲遣唐判官三年詔故入
唐大使贈正二位藤原清河更贈從一位故

留學生贈從二位安倍仲麻呂正二位其餘奉使於唐身沒者石川道益等贈位有差常嗣等發遣風而還修船舶四年遣唐第一船賜號太平良授從五位下五年夏常嗣乘第一船往唐僧圓仁從焉副使小野篁稱病不往六年秋常嗣歸上節刀帝御紫宸殿親加慰勞續日本後紀圓仁據三代實錄八年唐主殂唐書賴王炎立是為武宗十四年唐主殂光王忱立是為宣宗唐書嘉祥二年唐商舶至太宰府續日本後紀唐

大日本史

卷二百三十二

列傳

二十一

主殂太子淮立是為懿宗唐書是歲清和帝貞觀元年也三年高岳親王為僧往唐求法僧宗叡從之八年唐商張言等四十一人至太宰府三代實錄宗叡據扶桑略記僧宗叡還唐人李延孝從來扶桑略記十五年唐主殂太子儼立是為僖宗唐書十六年唐商崔岌等三十六人至太宰府十八年楊清等二十一人至荒津皆準歸化例厚賑給之陽成帝元慶元年延曆寺僧齊詮安然玄昭觀溪如唐求法漢或唐商作漢

崔鐸等六十三人至筑前初清和帝遣多治比安江等於唐市香藥至是鐸送安江等并賣貨物詔依例供給如唐求法僧智聰與唐處士駱漢中等俱至太宰府乃敕太宰府量賜漢中并從者等衣糧五年在唐僧中璫狀奏言高岳親王欲渡流沙至羅越國薨三代實錄宇多帝仁和四年唐主殂太弟曄立是為昭宗唐書寬平六年五月唐使入朝扶桑略記并致在唐僧中璫上太政官表七月詔賜

大日本史

卷二百三十二

列傳

二十二

中璫黃金太政官牒送其略曰奉敕省中璫表悉之久阻兵亂今稍安和來狀云温州刺史朱褒特發人信遠投東國波浪渺焉雖感宿懷稽之舊典奈容納何不敢固疑消息事理所至欲罷不能如聞商人說唐國事之次多云賊寇以來十有餘年朱褒獨全所部天子特愛忠勤事之髣髴也雖得由緒於風聞苟為人君者孰不傾耳以悅之朝議已定欲發使者辨整之間或延年月大官有問得意

敘之者、準敕牒送、宜知此意、沙金一百五十
小兩、以賜中瓘、旅庵衣鉢、適支分鉢、管家文草八
月參議、左大辨、管原道真為遣唐大使、紀長
谷雄為副使、扶桑略記道真狀奏曰、臣謹按在唐
僧中瓘去年三月附商客王訥等所到之錄
記、唐凋弊載之具矣、更告不朝之問、終停聘
唐之人、中瓘雖區區之旅僧、為聖朝盡其誠、
代馬越鳥、豈非習性、臣等伏檢舊記、度度使
等、或有渡海不堪命者、或有遭賊遂亡身者、

大日本史

卷百三十二

列傳

二十

唯未見至唐、有難阻飢寒之悲、如中瓘所申
報、未然之事、推而可知、臣等伏願以中瓘錄
記之狀、遍下公卿博士、詳定其可否、國之大
事、不獨為身、且陳款誠、伏請處分、管家文草七年
遂罷遣使、扶桑略記醍醐帝延喜三年唐人
景球獻羊及白鵝、扶桑略記四年朱全忠弑唐主
立太子祝、是為哀帝、七年朱全忠又弑之、唐
滅、唐書九年賜在唐僧中瓘沙金百兩、敕太宰
府、唐商貨物、例遣使檢進、今停之、宜據藏人

所牒、審錄物色品目、遣府官檢進、冬唐人獻
孔雀、十九年交易唐物使當麻有業獻孔雀、
唐商鮑置求所貢也、唐僧長秀湛譽智琮等
來、延長四年興福寺僧寬建奏請就唐商舶
如唐求法、巡禮五臺山、許之、賜黃金百兩、宇
多法皇亦賜黃金五十兩、寬建又奏請賜本
朝文士集、詔賜菅氏紀氏各二卷、橘氏二卷、
都氏一卷、及小野道風行草書一卷、扶桑略記李
氏二十帝、二百八十九年亡、朱全忠代之、號

大日本史

卷百三十二

列傳

二十四

梁、二主十有七年、李存勖滅梁、又改國號唐、
凡四主十三年、石敬瑭以契丹兵滅之、國號
晉、二主十二年滅、劉知遠代之、改國號漢、二
主四年、為郭威所滅、郭威改國號曰周、三主
十年、禪位於趙匡胤、唐之李、錢、鏐、據兩浙地、
自稱吳越國王、鏐死、子元瓘立、死、子佐立、死、
弟弘俶立、五代史、按本書弘俶單作俶、今從扶桑略記是歲村上
帝天曆元年也、弘俶好佛、因商舶往來、聞天
台智者教盛行于此土、購求其書、并贈書右

大臣藤原實賴、史失其事、實賴答書曰、蔣哀再至、枉一札、開封捧讀、感佩兼懷、筆語重疊、不異面展、幸甚幸甚、哀等逆旅之間、聊加慰問、邊城程遠、恐有疎略、今交關已畢、歸帆初飛、秋氣涼、伏惟大王動用兼勝、所惠土宜、有憚容納、既恐交於境外、何留物於掌中、然而遠志難拒、忍而依領、別贈答信、到宜收納、生涯阻海、雲濤幾重、南翔北嚮、難付寒溫、於秋鴻東出、西流、只寄瞻望於曉月、抑以天曆元

大日本史

卷二百三十二

列傳

二十五

年四月中、職昇左相府、今見封題、在未轉前、左右之間、願勿致疑、勒哀等還、不宣、沙金二百兩、雖甚輕微、當土所出、聊表寸心、七年弘俶復贈書右大臣藤原師輔、師輔報書曰、蔣丞勲來、投傳華札、蒼波萬里、素意一封、重以嘉惠、歡暢集懷、抑人臣之道、交不出境、錦綺珍貨、崇國憲何、然而志緒或織、叢竹之色、德馨或引、沈檀之薰、受之則雖忘、玉條辭之恐謂嫌蘭契、彊以容納、蓋只感君子親仁之義

也、今抽微情、聊寄答信、以小為遺、到願檢領、秋初、伏惟動履清勝、空望落日、長絲私戀而已、勒丞勲還、書不盡言、本朝文粹初、天慶中、肥前沙門往唐、及天曆之季、歸、語其國守曰、顯德以往、天下大飢、黃巾結黨、鈔劫邊州、弘俶往討、兇黨九年大小二十四戰、斬首五萬餘級、顯德元年春、飢盜賊又起、烏合蟻結、掠剽郡縣、弘俶將兵攻擊、敗賊於汶水上、殺溺甚眾、汶水為之不流、自爾以來、天下清肅、天子賜

大日本史

卷百三十一

列傳

二十六

九錫命、封吳越王、不幾、弘俶卧疾、忽狂呼展轉、舉手謝罪、有一僧告曰、王誓造銅塔、印寶篋、印經安其中、則得病愈、弘俶合掌禮謝、疾即愈、弘俶鑄八萬四千銅塔、塔納印本寶篋、印經一部、肥前沙門得其塔而歸、塔高九寸餘、四面鑄成佛菩薩像、內安佛像、大如棗核、及寶篋、印經、經卷末書天下兵馬都元帥吳越國王錢弘俶、扶桑略記○按黃巾當作黃俱起、董卓後、叛稱皇帝、國號羅平、中軍衣黃、外軍衣白、此言黃巾、或指之、弘俶之立、從

周師攻李景此戰而已肥前沙門聞錢氏
有吳越以來事誤為弘俶一代事也故舉紀
年多乖訛今只存其弘俶後以地入于宋國
實不體與彼史合矣弘俶後以地入于宋國
除五代史

大日本史卷之二百三十二終

大日本史

卷之二百三十二

列傳

三十七

大日本史卷之二百三十三

列傳第一百六十

權中納言從三位源光圀 修

男權中納言從三位綱條 校

玄孫權中納言從三位治保重校

外國二

宋

元 遼金

明

大日本史

卷二百三十三

列傳

一

宋主姓趙名匡胤事周爲殿前都點檢受周

恭帝禪卽帝位改國號曰宋是爲太祖宋史

歲村上帝天德四年也帝王編年記圓融帝

貞元元年宋主殂弟昞立是爲太宗宋史天元

五年僧裔然往宋扶桑略記宋主召裔然問

皇朝之世紀裔然答詞詳備宋主稱嘆賜紫

衣一條帝永延元年秋裔然乘宋商鄭仁德

船歸元亨冬宋商人朱仁聰至若狹二年裔

然差弟子嘉因宋僧祈乾奉書于宋主扶桑略記

長德三年朱仁聰陵侮若狹守兼隆○兼隆姓關

敕議仁聰等罪百鍊鈔是歲宋主殂太子恆立

是爲真宗宋史長保四年僧寂昭奏請入宋巡

禮五臺山許之百鍊鈔○按扶桑略記帝王

作寬和宋主賜號圓通大師扶桑略記寬弘二

年宋商曾令文來三條帝長和四年賜寂昭

等五人戒狀左大臣藤原道長亦贈書寂昭

宋商周文商獻孔雀百鍊鈔後一條帝治安二

年宋主殂太子禎立是爲仁宗宋史萬壽四年

大日本史

卷二百三十三

列傳

二

宋商陳文祐來寂昭贈書太政大臣藤原道

長百鍊鈔長元三年寂昭死于宋帝王編年記後朱

雀帝長曆元年宋商慕安誠等來百鍊鈔寬德

元年宋人至但馬遣散位中原長國民部丞

藤原行任等存問扶桑略記行廷議放回之

國司源章任私奪其雜物商張守隆等訴之

○本書曰諸卿廷議而先是筑前人清原守

武竊往宋詔議其罪處流百鍊鈔後冷泉帝永

承二年宋商在太宰府放火房舍而逃府卽

執繫于獄、三年太宰府獻宋曆、與皇朝曆合、

扶桑略記、秋宋商舶來、廷議放回之、五年官

符安置宋商張守隆等於但馬、康平元年宋

流民守道利在大隅殺人、朝議決罪、百鍊三

年宋商林表候改至越、前敦賀津、命國司即

令廻卻、扶桑略記、○百鍊鈔林表等哀訴

曰、逆旅之間、日月多移、糧食稍竭、時又天寒

風烈、海路多難、伏乞聖朝幸垂憐於遠人、乃

官符安置之、扶桑略記、六年宋主殂、英宗曙立、宋

大日本史 卷二百三十三 列傳 三

治曆二年宋商王滿獻鸚鵡及藥種等物、扶桑

略記、百鍊鈔、先是宋人盧範漂來、詔賜資糧發遣、

其母命盧範來獻物謝恩、百鍊鈔、盧範三年

宋主殂、神宗頊立、宋史、後三條帝延久元年厚

賜宋人盧範放還、四年春大雲寺僧成尋乘

宋商孫忠船入宋、扶桑略記、○孫忠據善壽

福州商潘懷清至太宰府、所齋有佛像及書

籍、朝議納其物安置之、朝野羣載、五年宋主附成

尋獻金泥法華經一切經及錦二十段、百鍊鈔、○鍊

本書為成尋歸朝、元亨釋書為承保二年

宋主復附成尋獻貨物、詔公卿及諸道議所

答信物、白河帝承曆元年附宋商孫忠、○孫忠名

諸書有異同、贈宋主六丈絹二百疋、水銀五

十兩、百鍊鈔、二年宋商孫吉持牒至太宰府、牒

曰、賜日本國太宰府令藤原經平、善隣國四

年宋主復附孫忠獻錦綺等物、百鍊鈔、初宋國

屢獻信物、廷議以為宋國通聘久絕、而比年

累至、情偽不可知、既而孫忠至太宰府、府司

大日本史 卷二百三十三 列傳 四

上言、孫忠不待報而逸去、又至越前敦賀津、

上其國牒、扶桑略記、牒書曰、大宋國明州牒日本

國、善隣國略記、牒者疑其書辭失禮、遂不贈答信、

特令太宰大貳和市遣之、○大貳姓名關

附牒孫忠報宋、是歲宋商楊宥獻鸚鵡、百鍊鈔

應德二年宋主殂、哲宗煦立、宋史、堀河帝寬治

二年宋人張仲獻豹、百鍊鈔、康和二年宋

主殂、徽宗佶立、宋史、長治二年宋泉州綱首李

充至太宰府、府官依例存問、李充等進本國

公憑請交易、朝野鳥羽帝永久四年宋人送

牒、百鍊元永元年宋主使商孫俊明鄭清贈

書、其辭甚倨、善隣國寶記帝王編年記、歷代

議宋國送牒詔學士議其書例、式部大輔菅

原在良議曰、推古天皇十六年隋煬帝書曰、

皇帝問倭皇、天智天皇十年郭務悰來聘、其

書曰、大唐皇帝敬問日本國天皇、先朝往復、

書例大率如此、善隣國寶記於是廷議以為不宜

報書、但令太宰府移牒并贈答信、百鍊崇德

其日本史 卷百三十三 列傳 五

帝天治二年金人攻宋、宋主讓位於太子桓

是為欽宗、金人以宋主父子北行、二主共殂

于金、宋主弟康王構即位于應天府、是為高

宗、走保臨安、竟為行朝、二條帝應保二年宋

主讓位於孝宗、宋史高倉帝嘉應二年宋人

至平清盛福原莊、後白河法皇臨覽焉、時人

譏之、謂延喜以來、未曾有此事也、承安二年

宋國奉書并信物、廷議以謂書辭無禮、宜卻

之、後白河法皇不聽、至明年贈書及染革三

十張沙金一百兩于宋報之、玉海○宋史曰

九年附明州綱首入致其方物、乾道九年當

承安三年、又曰、淳熙二年倭船、滕大明、鄭

作死、當安元、元、年、也、平家物語云、安元之春

平重盛、以金三千五百兩、附鎮西船、子妙典、

寄施宋育王山主僧佛照、與宋史年、紀、宋主

合、而未知果是否、今姑註于此、以備考、宋主

殂、光宗惇立、殂、寧宗擴立、殂、理宗昀立、殂、度

宗禩立、殂、恭宗熈立、元兵來侵、宋主出降、北

行殂于沙漠、羣臣立宋主兄昀、為元所攻、殂

于碭州、是為端宗、弟昀立、亦為元所敗、殂于

厓山海、趙氏滅、宋十八主、三百二十年、宋史是

大日本史 卷百三十三 列傳 六

歲後宇多帝弘安二年也、

元主忽必烈、其先蒙古部人也、元史初五代梁

唐之間、契丹阿保機并服其旁小國、稱皇帝、

以其所居地名為姓、曰世里、世里譯者謂之

邪律、五代史阿保機死、德光嗣、攻陷唐營平等

州、石敬瑭借其兵滅唐、約為父子、德光取雁

門以北十六州地、以幽州為燕京、後又滅晉、

多取其地、改國號遼、德光死、元欲立、更名阮

死、述律立、改名璟、死、遼史、五賢立、死、隆緒立、

屢與宋相攻、宋主恒以歲幣銀十萬兩絹二

十萬匹、為約和親、史、參取宋史、遼史、堀河帝寬治中商

舶至契丹、契丹商道言能算等亦來、以事相

爭、遂禁絕之、鈔、百鍊鳥羽帝永久中女真完顏

阿骨打又稱帝、國號金、更名旻、卒、弟吳乞買

立、更名晟、與宋約夾攻契丹滅之、尋又攻宋

陷汴京、執宋主父子而去、至完顏亮移都于

燕于汴、見殺、烏祿自立、更名雍、復都燕、至孫

珣再徙於汴、史、金蒙古世奉貢遼金、至鐵木真、

大日本史 卷二百三十三 列傳 七

始稱帝號、遂攻燕京取之、鐵木真死、號太祖、

子窩闊台立、四條帝文曆元年與宋共滅金、

死、號太宗、貴由立、死、號定宗、蒙哥立、死、號憲

宗、忽必烈其弟也、史、元龜山帝文永五年高麗

使其臣潘阜持國書及蒙古書至、傳、關東評定

童訓、○元史為四年事、五代帝王物語曰、蒙

古趙良弼與高麗使俱來、按元史當時元國

信使者黑的而不取、蒙古書略曰、大蒙古國皇帝

奉書日本國王、我祖宗受天明命、奄有區夏、遐方異域、畏威懷德者、不可悉數、朕即位之

初、以高麗無辜之民、久瘁鋒鏑、即令罷兵、還

其疆域、反其旄倪、高麗君臣感戴來朝、義雖

君臣、歡若父子、計王之君臣亦已知之、高麗

朕之東藩也、日本密邇高麗、開國已來、又時

通中國、至朕躬而無一乘之使以通和好、尚

恐王國知之未審、故特遣使持書、布告朕志、

冀自今以往、通問結好以相親睦、且聖人以

四海為家、不相通好、豈一家之理哉、以至用

兵、夫孰所好、王其圖之、不報、放卻其使、使者

大日本史 卷二百三十三 列傳 八

潛偵伺沿海要害之處而去、童訓、○六年春

蒙古遣其臣兵部侍郎黑的、禮部侍郎殷弘

來求報書、對馬島拒而不納、黑的等虜島人

塔二郎彌二郎二人而去、五代帝王物語、黑的

二、郎等名據關東評定秋高麗金有成高柔

持蒙古及其國書而來、併還塔二郎彌二郎、

關東評定八年十月蒙古使祕書監趙良弼等

來、到太宰府、良弼官少貳索其國書、○本書

而不書其人、良弼曰、國書我當自致於國都、

不可少放手矣、少貳以謂蠻夷不宜直抵帝

闕、索書而不止、良弼錄其本進之、其書大抵

謂王者無外、高麗已爲一家、王國實爲隣境、

故嘗馳信使修好、遂寂無所聞、今復遣趙良

弼、如卽發使、與之偕來、親仁善隣、國之美事、

其或猶豫以至用兵、夫孰所樂爲也、吉續記、

其書大概、故今據元史、少足其意、此行也、蒙古意必得答書、

以十一月爲期、不報、十二月良弼使張鐸歸

本國、吉續記、關東評定傳、不報、據五代帝王

大日本史、卷百三十三、列傳、九

張鐸至燕、求見元主、按尊卑分脈云、足利義

繼渡唐、疑是卽其一也、然諸書所不載、故不

取、九年五月張鐸持高麗書、復至太宰府、不

納、關東評定傳、元史曰、十年六月、良弼復至太宰府、不納、十一年蒙古

船四百五十艘、兵三萬許、至對馬島、守護代

右馬允傳、關東評定傳、惟宗助國率族人拒戰、

悉死之、又攻壹岐島、守護代平景隆死之、八幡

愚童訓、日蓮注畫贊、○蒙古取二島、得男子

即悉殺之、女子穿掌縛絃、又侵肥前松浦、日蓮

贊、進寇太宰府、筈崎、今津佐原等處、鎮兵

拒戰不利、多死傷者、少貳景資射中蒙古一

大將、八幡愚童訓、○本書曰、賊將流將公、考

近、蓋元將、是夜大風雨、東國賊船多漂沒、蒙

劉復亨也、古遁去、皇代略記、東寺長者補任、遲明鎮西

兵士追之不及、獲船一艘、百二十人斬之、八幡

愚童訓、○一代要記、爲後宇多帝建治元年

四月、先是蒙古改國號元、至此使禮部侍郎

杜世忠、兵部侍郎何文著、計議官撒都魯丁、

持國書來求通好、關東評定傳、杜世忠等官

大日本史、卷百三十三、列傳、十

元、實龜山帝文永八年、然水路遼遠、未知其

事、至是因使者來始聞之也、故前此概書蒙

古、此後八月押送杜世忠、何文著、撒都魯丁

等五人於鎌倉、九月鎌倉執權相模守北條

時宗收斬之、關東評定傳、弘安二年元將夏

貴范文虎等遣周福、藥忠、僧靈果、通事陳光、

持書至太宰府、復說以通和也、斬之于博多、

關東評定傳、參是歲元滅宋、宋史、四年五月

元以高麗爲前導、兵十數萬、船數千艘、蔽海

而來、直指壹岐島、至太宰府、陳於能古志賀

二島、高麗船從對馬至宗像海、與元船合、關東軍及九國二島兵悉會太宰府、築塢海岸、延袤數百町、高丈餘、可俯射賊船、列炬守之、賊不敢近岸、尚在志賀島、草野七郎夜襲燒船一艘、殺二十許人、由是賊連鎖巨舟、設弩外向、守備甚嚴、軍士進攻、舟皆脆小、多為機石所摧破、死傷甚衆、八幡愚童訓、五月據歷代皇紀、皇年代略記、河野通有駕輕舟而前、弓弩亂發、部下多死、通有亦傷左肩、而勇氣愈厲、賊船高大不可

登、便緣舟檣、一躍而上、虜玉冠一將而歸、八幡愚童訓、

豫章記、既而大友貞親貞親名據大友系圖秋田城二

郎等及九國兵士殊死戰、賊氣稍沮、轉至鷹

島、會海中青龍見、硫黃氣四塞、其巨帥單艇

先遁、八幡愚童訓七月晦夜西北風大作、海水簸

蕩、舟船破壞、漂溺無算、八幡愚童訓、屍隨潮

汐入浦、浦為之塞、可踐而行、東國通鑑敗卒數十

尚在鷹島、繕修壞船、將逃歸、少貳景資及鎮

西兵士乘勢掩擊、殺獲粗盡、請降者千餘、悉

斬之、初賊載什器及耕具至、以為久住之計、

至此大敗、八幡愚童訓後聞元兵十萬、得生還者

三人、高麗兵一萬、死者七十餘人云、元史、東國通鑑

忽必烈殂、號世祖、子真金早死、孫鐵穆耳立、

元史後伏見帝正安元年鐵穆耳聞上國俗崇

浮圖、遣僧一寧來諭通好、北條貞時怒、議者

或欲殺之、然以緇徒持宥之、執放于伊豆、參取

元亨釋書此後遂絕、鐵穆耳殂、號成宗、武宗

海山立、殂、仁宗愛育黎拔力八達立、殂、英宗

大日本史卷一百三十三 列傳 十一

碩德八剌立、殂、也孫鐵木兒立、殂、稱泰定帝、

明宗和世琜立、殂、文宗圖帖睦爾立、殂、寧宗

懿璘質班立、殂、妥懽帖睦爾立、吳王朱元璋

兵入燕、妥懽貼睦爾北走、元史尋殂、稱順帝、子

愛猷識理達臘保和林、死、子脫古思帖木兒

立、為其下所殺、諸部叛亂五世、不知帝號、有

鬼力赤者、篡立、稱可汗、去國號、稱韃靼、部酋

阿魯台殺鬼力赤、迎本雅失里於別失八里

立之、為瓦剌馬哈木等所殺、脫脫不花亦元

之後稱可汗為瓦剌也先所殺子麻兒可兒立號小王子韃靼復熾後數世又有稱小王
子者稱大元可汗最富強徙東方稱土蠻其
在西北者俺答最強圍明燕京其餘部落衆
多地東至兀良哈西至瓦剌迭出為明邊患
與明終始云瓦剌亦蒙古部落部酋也先犯
明執明主祁鎮於土木也先死而瓦剌衰明史
○唐書曰室韋契丹別種有蒙古部塔坦部
明一統志曰蒙古併塔兒等諸部即唐書
蒙古舊唐書蒙古元史
所載蒙古部達達部也

大日本史

卷三十三

列傳

十一

明主姓朱氏名元璋濠州人元政不綱盜賊
四起劉福通徐壽輝方國珍等各雄據一方
明主亦起兵略定楊荊州郡即吳王位遂遣
其將徐達等入燕京元主北走於是即帝位
於集慶建元洪武國號明是為太祖明史是歲
後村上帝正平二十三年也明主頒書於四
方告建國之號其使至太宰府不納初自元
人入寇朝廷絕不通書信而邊民私相往來
貿易不已後醍醐帝以後兵革屢動四方叛

反朝廷制御不能及遠以故海島小民乘亂
侵掠明邊海諸州明主患之時懷良親王鎮
太宰府明主因致書請禁海賊長慶帝文中
二年明主又遣其天寧寺僧祖闡瓦官寺僧
克勤來請禁海寇通商賈祖闡等至鎮西而
不得入京師留于太宰府久之致書天台座
主述其意善隣國寶記其後明主棣屢贈書征夷
將軍足利義滿請禁海寇而姦民闌出侵掠
不息以竟明世云善隣國寶記明史

大日本史

卷三十三

列傳

十四

大日本史卷之二百三十三終

大日本史卷之二百三十四

列傳第一百六十一

權中納言從三位源光圀 修

男權中納言從三位綱條 校

玄孫權中納言從三位治保重校

外國三

新羅上

新羅本辰韓也其地在筑紫西北馬韓東南始有六部曰閑川楊山村突山高墟村背山

大日本史

卷三百三十四

列傳

一

珍支村茂山大樹村金山加里村明活山高那村後羸秦人避役適韓地韓以東界百里之地與之其後秦人避地者滋多土地稍廣與辰韓雜居其言語多有似秦人或謂之秦韓凡十二國常以馬韓人為主而新羅其一也地宜五穀饒蠶桑三國史記東國通鑑其俗最忌死者死亡者雖父母兄弟夫婦忌避而不自見日本高墟村長曰蘇伐公聞楊山蘿井林間馬嘶往視之獲大卵剖之有嬰兒收而養之

稍長而岐嶷六部尊之立為君時年十三名

赫居世始所得卵似瓠辰韓謂瓠為朴因以

為姓稱居西于猶曰王也國號徐羅伐築京

城號金城下韓來降國勢寢盛是歲崇神帝

六十一年也三國史記東國通鑑垂仁帝三年新羅王

子天日槍入朝獻珠玉刀器等物遂留不歸

日本赫居世死子南解立號次次雄或稱慈

充方言巫也蓋神而敬畏之也南解遺命子儒理及女婿昔脫解曰我死後朴昔二姓以

大日本史

卷三百三十四

列傳

三

年長代嗣位南解死儒理讓脫解脫解曰吾聞聖智人多齒試以餅噬之儒理齒理稠長乃立之號尼師今方言齒理也此後常以齒長嗣位稱尼師今以昔脫解為大輔改六部名楊山部為梁部姓李高墟部為沙梁部姓崔大樹部為漸梁部姓孫于珍部為本彼部姓鄭加利部為漢祗部姓裴明活部為習比部姓薛分六部女子為二儒理二女各主一部每歲七月既望二女各統部內女子每日

早集部庭紡績、夜分而罷、至八月十五日、考其功多少、負者設酒食以謝勝者、相與歌舞、謂之嘉俳、始設官十七等、曰伊伐食、曰伊尺食、曰匝食、曰波珍食、曰大阿食、皆授真骨、真骨親族也、曰阿食、自重阿食至四重阿食、曰吉食、曰沙食、曰級伐食、曰大柰麻、自重大柰麻至九重柰麻、曰柰麻、自重柰麻至七重柰麻、曰大舍、曰舍知、曰吉士、曰大烏、曰小烏、曰造位、儒理死、立昔脫解、脫解多婆那國王

大日本史

卷百三十四

列傳

三

子也、國在東海中、其王妻生一大卵、以為不祥、藏之櫃、以投海、櫃轉至韓阿珍浦、有老嫗得之、開視有嬰兒、收養之、及壯身長九尺、智識過人、以櫃始來有鵲隨鳴、故姓昔氏、解櫃出、因名脫解、南解聞其賢、以女妻之、至是儒理死、脫解立號尼師今、脫解聞金城西鷄鳴聲、使瓠公往認、瓠公至城西始林、有金櫃掛樹梢、白鷄鳴其下、脫解命開櫃、獲一小男兒、喜謂左右曰、豈非天祚我以胤子乎、乃收養

之名曰關智、關智俗言小兒也、以出於金櫃、姓金氏、改始林名雞林、因以為國號、脫解死、儒理子朴婆娑立、死、子朴祗摩立、死、無子、儒理長子朴逸聖立、死、子朴阿達羅立、死、無子、脫解孫昔伐休立、死、孫昔柰解立、三國史記、東國通鑑、仲哀帝九年四月、神功皇后下詔西征、九月、令諸國具船舶、練兵甲、卜吉日啓行、皇后親執斧鉞、令三軍、十月從和珥津發、有大魚挾船而行、帆開風順、不勞楫櫓、便到新羅、海潮

大日本史

卷百三十四

列傳

四

激逆裏國都、新羅君臣咸謂、國其為海乎、俄而王師蔽海至、旌旗耀日、鐘鼓聲震山海、新羅王波沙寐錦、○按本書一說、作宇流、助富利、智干、今考三國史記、東國通鑑、波沙寐錦蓋婆娑尼師今也、而婆娑立死已久、今歲昔柰解立五年也、今從日本紀、文不輒改、昏迷無神守、既而醒曰、東方有神國、曰日本、有聖主曰天皇、此其神兵也、不可敵矣、即素組面縛、封圖籍、降官船之前、叩頭曰、自今以後、願為飼部、長與乾坤、伏供廝役、不敢乾船腹、春秋獻馬梳馬鞭、男女之調賦、不敢

五

錄姓
氏

六

年所

弗耶又考日本紀一說曰神功皇后始平新
 羅其王宇流助富利智干迎拜卽執至海邊
 饋其脚今匍匐石上斬之埋沙中留一人爲
 新羅宰王妻誘問新羅宰具知埋屍之所則
 與國人謀殺新羅宰出王屍改葬取宰屍厝
 王觀下變之曰尊卑次第固當如此皇后怒
 以大興軍衆欲滅新羅新羅人怖共殺王妻
 以謝今併考二書其事甚相類蓋葛耶古指
 葛城襲津彥乎宇流助富利智干蓋角干于
 老也而古書各多錯誤不可詳考今姑注于
 此備考己巳歲以荒田別鹿我別爲將軍帥百
 濟將木羅斤資及久氐等討新羅破之平定
 比自炆南加羅喙國安羅多羅卓淳加羅七
 國移兵西至古奚津屠南蠻忱彌多禮百濟

王帥兵來會，比利辟中布彌支半古四村，望風降附。紀日本沾解卒，無子，女婿金味鄒立，味鄒金闕智六代孫也。三國史記壬午歲遣葛城襲津彥，將兵責新羅闕貢。○本書一說引百濟記曰：新羅盛飾美女二人，迎襲津彥，襲津彥納之，無復進討之意，卻爲新羅伐，加羅國皇太后大怒，命木羅斤資等安輯加羅，今不採。應神帝七年，使使朝貢。十四年，弓月君率百二十縣人口歸化，新羅擁關不通，弓月君特取途於百濟來歸，其從民悉留加羅，詔襲津彥往召之，而襲津彥亦爲

新羅所過不得歸。日本紀 味鄒卒，助賁子昔儒禮立。三國史記 十六年，詔平羣木兔的戶田。東國通鑑 將重兵蒞新羅境，問襲津彥不歸之狀。新羅服其罪，木兔與襲津彥等以弓月人口而歸。

日本紀 儒禮卒，助賁孫昔基臨立。東國通鑑 ○按三國史記 長子助賁三十一，年使使貢調賦，船泊于攝津。

武庫水門時，諸國造進船亦大集于武庫。新羅船失火，延燒諸國船。新羅懼貢船匠。日本紀 基臨卒，于老子昔訖解立。三國史記 仁德帝東國通鑑

大日本史 卷三十四 列傳 八

十一年使使朝貢、命役其人、築茨田堤、十七年遣的砥田賢遣臣責闕貢、訖解卽貢綰一千四百六十匹、及雜調八十艘、日本紀、訖解卒、金味鄒弟末仇子金柰勿立、三國史記、東國通鑑、五十年遣田道責新羅闕貢、且詔曰、彼若不服、則舉兵擊之、田道將精兵進、新羅果發兵拒之、田道固塞不出、執新羅候卒一人、誘問其虛實、對曰、有強力者曰百衡、每爲右軍前鋒、今若擊其左則敗也、田道簡精騎突其左、新

羅軍果潰、因縱兵乘之、殺數百人、虜四邑民
以歸日本紀、奈勿卒、金寶聖立、三國史記、東國通鑑、允恭

帝三年帝不忿、徵醫於新羅、實聖使金波鎮

漢紀武來、按漢祇部人、姓金、位波珍、食、無何

帝病愈、厚賞遣歸、日本紀、實聖爲金奈勿子

訥祇所殺、金訥祇自立、稱麻立干、三國史記、東國通鑑

金大問曰、麻立干、概也、徐居正曰、概、表位之稱也、四十二年允恭帝

崩、時新羅久闕職貢、聞帝崩大驚、即使使貢

調賦八十艘、樂工八十人、至對馬大哭、至難

大日本史

卷二百三十四

列傳

九

波津咸素服、捧貢物樂器、或哭或歌、奉哀於

殯宮、山陵事畢而歸、其使有愛京城耳成山

畝傍山者、到琴引坂、顧二山曰、宇泥咩巴椰、

彌彌巴椰、時倭飼部聞此語、疑以爲通采女

也、即還奏之、畝傍宇泥咩采女訓讀相通、於是悉收使者

推問、使者啓曰、愛京城兩山而言爾、實不犯

采女也、乃釋放還、訥祇聞而大恨、更減貢物

船數、日本紀、訥祇卒、子金慈悲立、三國史記、東國通鑑、雄

略帝即位、及八年新羅不朝貢、慈悲懼王師

來誅、修好於高勾麗、高勾麗遣兵一百助守、

後高勾麗軍士取假歸國、以新羅人爲馬卒、

行語曰、汝國爲吾國所併不久、新羅卒聞之、

陽病稍後、遂逃還、具告其語、慈悲知高勾麗

圖已、陰令國中曰、所在悉殺家內雄雞、日本紀、考

舊唐書、高麗人頭著折風、形如弁、士人知

其意所在、盡殺高勾麗、有一人脫還者、高勾

麗即發兵、直入新羅、圍筑足流城、歌舞興樂、

大日本史

卷二百三十四

列傳

十

乞救、日本府行軍元帥膳班鳩吉備小梨難

波赤目子往援之、膳班鳩與高勾麗相守十

餘日、設奇大敗之、而二國之怨自此而生焉、

日本書注云、二國謂新羅高麗也、班鳩謂慈悲曰、汝以至弱

陵至強、若無官軍之援、則國非汝之有也、自

今已後、亦能背於天朝乎、九年帝欲親征新

羅、適神誥帝曰、勿往矣、由是罷行、敕紀小弓

蘇我韓子大伴談連、小鹿火宿禰爲將軍、討

新羅、紀小弓等陛辭、天皇親推轂勞遣、小弓

等至新羅、行屠郡縣、進至喙地、慈悲與數百騎夜遁、小弓追斬敵將、喙地已定、遺衆屯聚不下、小弓與大伴談連、會兵攻之、談戰死、小弓亦疾而薨、諸將不和、小鹿火護小弓喪而還、日本紀金慈悲卒、子金炤智立、三國史記、東國通鑑、二

十三年吉備尾代爲征新羅將軍、行至吉備國、時帝崩、所帥蝦夷叛、尾代擊殺之、遂不果行而歸、清寧帝三年遣使朝貢、繼體帝七年使汶得至朝貢、日本紀金炤智卒、金柰勿曾孫

大日本史

卷一百三十四

列傳

十一

金智大路立、新羅自赫居西建國、或號徐羅伐、或號雞林、斯羅斯盧、無定國號、或自稱曰居西干、次次雄、尼師今、麻立干、至是定國號曰新羅、始稱王、智大路卒、謚曰智證、新羅謚始于此矣、子金原宗立、三國史記、東國通鑑、二十一年先是新羅攻任那、取南加羅喙已吞、至是詔近江毛野將兵六萬攻新羅、復南加羅喙已吞等侵地、會筑紫國造磐井叛、新羅密行貨於磐井、磐井據火豐二國、掠奪高句麗百濟

等貢物、梗斷海路、毛野不得前、二十三年以加羅多沙津賜百濟、加羅王阿利斯怨之、結好新羅、取金原宗女、其從者皆著新羅服、阿利斯怒悉逐之、金原宗怒請還其女、阿利斯不遣、金原宗攻加羅、拔八城、於是復詔近江毛野、敕諭新羅、反加羅喙已吞之地、毛野至安羅、召新羅王、新羅以累破蕃國官家、頗懷危懼、遣小臣夫智柰麻禮奚柰麻禮等來聽詔旨、時任那王已能未多干岐入朝、奏言新

大日本史

卷一百三十四

列傳

十一

羅屢踰疆侵掠臣蕃、於是詔毛野宣諭新羅、反任那侵地、毛野至熊川、召新羅百濟二王、新羅王佐利遲、按三國史記、東國通鑑、新羅王名金原宗、今從本書而不改、遣久遲布禮來受詔、毛野以新羅王不躬來、責還其使、新羅改遣上臣干岐伊叱夫禮智、率衆三千來聽詔旨、次于多多羅原者三月、伊叱夫禮智部下乏糧、有出乞食者、毛野憐人母樹御狩匿人家、候其過、戟手擊之、乞食者曰、待詔三月、尚未得聽敕、是欲誘殺我

上臣也、即還告伊叱夫禮智、伊叱夫禮智懼

被戮辱、遂掠多多羅等四村而去、日本紀一

云、金官背茂安金原宗卒、謚法興、弟立宗子

金多麥宗立、東國通鑑欽明帝元年遣使朝

貢、十二年會百濟兵、攻高句麗、百濟先攻破

平壤、略漢城六郡地、新羅乘勝、取高硯以內

十郡地、日本紀、東國通鑑十三年、百濟棄平壤漢城、

新羅因取牛頭方尼頭方、入居漢城、十五年、

百濟王明攻燒函山城、東國通鑑百濟王

子餘昌復率兵來攻、屯久陀牟羅塞、百濟王

明帥兵追至、新羅聞明來、大發國兵、斷其後

大破之、奴卒苦都、○本書註云、又名谷智、東國通鑑作裨將高干都力、

獲百濟王明、其餘所斬獲甚多、餘昌脫身而

走、新羅欲乘勢窮追、有一將曰、不可也、日本

天皇以任那事、憎我已久矣、今復滅百濟官

家、必招後患、由是而止、二十一年、遣於至己

智奈末獻調賦、賜饗過例、於至己智大喜而

還曰、調賦使者、國家之所重、而私議之所輕

大日本史 卷百三十四 列傳 十三

也、然進退之間、百姓之命實懸焉、苟選用之

不中、則豈惟辱國命而已乎、禍亂之起、未必

不由此、自今而後、宜重其選、多麥宗嘉之、二

十二年遣久禮叱及伐干獻調賦、○按及伐

也、食司賓饗禮減於常、久禮叱怒、不辭而還、是

歲復遣奴底大舍、獻前調賦、掌客額田部某

以奴底列百濟之下、奴底怒不肯就館、遂歸

至穴門、時繕修穴門客館、奴底問曰、繕修何

為乎、工匠河內押勝給曰、為問西方無禮使

者故治之、奴底急取途而還、以其言告之、於

是城阿羅波斯山、以備之、二十三年攻取任

那、○按東國通鑑曰、滅命大將軍紀男麻呂、大伽那、詳載任那傳、

出哆唎、副將軍河邊瓊岳出居曾山、問滅任

那之罪、男麻呂軍至任那、遣薦牟部登弼於

百濟、約束軍事、登弼遺其書於途、新羅得之、

具知軍計、猝發兵來攻、男麻呂擊破之、斂軍

入百濟、河邊瓊岳單身輕進、遂為所虜、調伊

企儼亦見擒、不屈而死、秋新羅遣使獻調賦、

大日本史 卷百三十四 列傳 十四

使人知朝廷怒新羅滅任那、懼不敢請歸、即編之河內、更荒郡爲民、冬又遣使入貢、使人又留不歸、即編之攝津三島郡爲民、三十二年遣坂田耳子郎君于新羅、夏帝崩、遺詔討新羅、復建任那、新羅使未叱號失消等來弔國喪、奉哀於殯宮、敏達帝三年遣使入貢、四年以新羅未建任那、遣難波磐金、按本書作金子、或單作金、今從推古帝六年文、使于新羅、是歲遣使貢調賦、多於常例、又別獻多多羅須奈羅和陀發鬼四

大日本史 卷二百三十四 列傳 十五

邑之調、日本紀五年、多麥宗卒、謚真興、子金輪

立、三國史記、日本紀八年、遣枳叱政奈末、獻調賦及

佛像、日本紀是歲金輪卒、謚真智、兄銅輪子金

伯淨立、東國通鑑九年、遣安刀奈末失消奈末朝

貢、不納、卻還之、十一年復使安刀奈末失消

奈末朝貢、復不納、十二年遣使入貢、十三年

遣難波木蓮子於新羅、崇峻帝四年以紀男

麻呂巨勢比良夫、○聖德太子傳、巨勢臣豫大伴嚙葛

城烏奈良爲將軍、帥兵二萬餘人征新羅、行

至筑紫、先遣難波磐金於新羅、告建任那、明年帝遇弒崩、是以軍不得發、留于筑紫、推古帝五年復遣難波磐金於新羅、六年獻孔雀一隻、八年新羅攻任那、○按新羅已滅任那、至是新羅又攻任那、者可疑、蓋朝廷以兵威之、故新羅於是境部懼復任那之侵地乎、今不可考、某爲大將軍、穗積某爲副將軍、帥兵一萬餘攻新羅、拔五城、金伯淨舉白旗、詣官軍營、請割多多羅素奈羅佛知鬼委陀南加羅阿羅羅六城而降、境部等馳使上奏、迺遣難波神

大日本史 卷二百三十四 列傳 十六

於新羅察情狀、伯淨亦遣使奏請曰、天有神

地有天皇、除此外、亦何有畏乎、自今以後、二

國和好、不復相攻、不乾船柁、每歲朝貢、於是

詔班軍、新羅又侵任那、九年間謀迦摩多到

對馬、捕流于上野、詔議討新羅、十年以來目

皇子爲征新羅大將軍、帥兵二萬五千到于

筑紫、調具船艦軍糧、明年來目疾薨、以當麻

皇子代之、其妃舍人姬適薨、是以不果行、十

六年新羅人多歸化、十八年遣沙喙部、○按三國

史記東國通鑑沙喙部之記也奈末竹世士入貢十九

年使沙喙部奈末北叱智朝貢二十四年使

奈末竹世士貢佛像二十九年使奈伊彌買

奉表朝貢新羅上表始于此三十一年遣奈

末智洗爾朝貢因獻佛像金塔舍利大小幡

是歲新羅改任那復取之詔議討新羅乃遣

難波磐金于新羅吉士倉下于任那伯淨遣

八大夫啓曰任那小國天皇附庸國也伯淨

何敢自有哉乃使奈末智洗遲及任那人達

大日本史卷百三十四列傳 十七

率奈末遲貢二國調賦未至大德境部雄摩

呂小德中臣國等帥衆數萬討新羅伯淨恐

怖上表謝罪詔釋之初磐金之行也新羅以

飾船一艘迎勞于津磐金問曰何國船也對

曰新羅船磐金曰曷無任那船即時更增一

船自此始以迎船二艘日本紀舒明帝四年伯

淨卒謚真平無子國人立長女德曼三國史記東國

通鑑遣使送入唐使三田耜及唐使高表仁等

十年遣使朝貢十一年遣使送入唐學問僧

惠雲等至賜使者冠位一級十二年遣使朝

貢併送入唐學生高向玄理等賜使者爵一

級皇極帝元年使草壁真跡於新羅德曼遣

賀騰極弔大喪二使入朝孝德帝大化元年

二年累朝貢遣小德高向玄理徵質於新羅

仍詔罷任那之調日本紀按去年百濟使

是羅任那調蓋朝廷知任那不能徵質乎三年德曼

卒謚善德金伯淨弟國飯女勝曼立三國史記東國

通鑑遣上臣大阿食金春秋從高向玄理入質

大日本史卷百三十四列傳 十八

獻孔雀鸚鵡各一隻春秋美姿顏善談笑四

年入貢五年遣小華下三輪色夫大山上掃

部角麻呂於新羅沙喙部沙食金多遂代質

于朝侍郎二人丞一人達官郎一人中客五

人才伎十人譯語一人雜僮十六人及僧一

人總三十七人從之白雉元年入貢明年貢

調使沙食知萬至筑紫皆著唐國服朝廷以

其恣移俗更服訶謫放還大臣巨勢德太古

奏請曰失今不討後必有悔請自難波至筑

紫、盛陳舟船、嚴兵備以視國威、讓責其使、則

不勞師徒而自服焉、帝不聽、三年四年竝入

貢、五年秋遣使送入唐使吉士長丹等、冬帝

崩、使巨勢稻持於新羅、赴帝喪、十二月遣使

弔大行皇帝喪、日本紀是歲勝曼卒、謚真德、伊

食金春秋立、春秋金輪孫也、初百濟將軍允

忠、攻陷新羅大邪城、春秋女婿金品釋殺妻

子自殺、春秋欲為之報、怨於百濟、請德曼自

使于高句麗、因大對盧蓋金一名蓋乞師、高

大日本史 卷三十四 列傳 十九

句麗執之六旬、春秋僅脫而還、於是深讎百

濟、怨高句麗、欲厚結於唐以逞志、二國屢請

援於唐、時百濟高句麗通和、二國兵俱攻新

羅、春秋又遣使於唐乞師、唐主李世民興師

討高句麗、新羅以兵三萬助之、唐主遂不得

志而班師、春秋又自往唐、卑辭厚禮、訴百濟

塞朝貢之道、唐主為許、出師二十萬、春秋因

請改服色、受唐制服、留子文汪侍衛、竝許之、

至是勝曼卒、春秋立、時百濟君臣淫奢、不恤

國事、春秋并吞之計益急、東國通鑑、日本紀

顯日本齊明帝元年春秋遣使朝貢、級食彌

武代質、彌武尋死、明年入貢、三年詔金春秋

送學問僧智達、及間人御廩等於唐、春秋不

奉詔、明年僧智達等乘新羅船入唐、六年春

秋遣子仁問于唐乞師、唐將蘇定方將兵十

三萬、與新羅俱攻百濟滅之、日本紀、及本書

齊明帝詔諸國、造修軍船器械、七年春帝親

帥舟師、欲征新羅、其秋帝崩於朝倉行宮、皇

大日本史 卷三十四 列傳 三十

太子喪服聽軍政、遣前將軍太華下阿曇比

羅夫小華下河邊百枝等四將軍、救百濟、討

新羅、日本紀是歲金春秋卒、謚武烈、稱太宗、子

金法敏立、三國史記、東國通鑑癸亥歲遣前將軍上毛

野稚子中將軍巨勢譯語後將軍阿部比羅

夫等、帥兵二萬七千人攻新羅、取沙鼻岐奴

江二城、此時百濟王扶餘豐殺其佐平福信、

內又大亂、法敏乃與唐將孫仁師、進攻州柔、

○按東國通鑑、官軍救之、與唐軍戰于白村江、

按唐書東國通鑑並作白江口官軍不整唐兵夾擊官軍

敗績扶餘豐走高麗百濟遂滅丁卯歲金法

敏遣使會齊明帝之葬天智帝元年秋遣沙

食金東嚴等貢調敕賜新羅王貢調船一隻

絹五十匹綿五百斤韋一百枚并賜其上臣

大角千金庾信船一隻附東嚴等遣之是歲

法敏會唐將李勣等攻高勾麗滅之新羅僧

道行盜草薙劍將走新羅中路風雨晦暝不

得進而止日本紀初三國之時新羅最小弱後

大日本史卷二百三十四列傳三十一

蠶食任那遂因唐兵滅百濟高勾麗唐雖郡

縣二國新羅多竊取其地有之土疆稍廣文獻

通考東國通鑑二年遣沙食督儒貢調四年夏遣使

貢調獻水牛一頭山雞一雙秋遣沙食金萬

物貢調賜新羅王絹五十匹純五十匹綿一

千斤韋一百枚帝大友元年遣金押實貢調

天武帝元年夏遣韓阿食金承元阿食金祇

山大舍霜雪賀騰極一吉食金薩儒韓柰麻

金池山弔天智帝喪特令賀騰極使入京師

其餘自筑紫發回秋遣韓柰麻金利益送高

麗朝貢使大兄碩于等三年遣王子金忠元

大監級食金此蘇大監柰末金天冲弟監大

柰麻朴武麻弟監大舍金洛水貢調柰麻金

風那金孝福送金忠元復使級食朴勤修大

柰麻金美賀送高麗朝貢使使小錦上大伴

國麻呂報聘四年使沙食金清平請政級食

金好儒弟監大舍金欽吉貢調大柰麻金揚

原送高麗朝貢使五年阿食朴刺破等漂至

大日本史卷二百三十四列傳三十一

血鹿島附金清平等送還六年柰麻加良井

山金紅世至筑紫言國王遣級食金消勿大

柰麻金世世貢調海中遇暴颶舟咸四散不

知所如明年春使柰麻甘勿那送高麗朝貢

使上部大相桓父等冬使阿食金頃那沙食

薩菓生貢金銀鐵鼎金銀刀旗錦絹布皮馬

狗騾駱駝別獻金銀刀旗于皇后皇太子八

年夏遣柰麻考那送高麗朝貢使冬使沙食

金若弼大柰麻金原升貢調九年遣沙喙部

一吉食金忠平大柰麻金壹世貢金銀銅鐵錦絹鹿皮細布、又別獻金銀霞幡皮于帝及皇后皇太子、且赴國哀、日本紀是歲法敏卒、謚文武、子金政明立、三國史記、東國通鑑十年使大柰麻

金釋起送高麗使、十一年使沙食金主山大那末金長志貢調、十二年大那末金物儒送入唐學生土師甥等、十三年高向麻呂等使於新羅而歸、金政明獻馬狗鸚鵡鵲及寶器數種、冬使波珍食金智祥大阿食金健勳等

大日本史

卷百三十四

列傳

三十三

請政、貢金銀霞錦綾羅虎豹皮鏤金器藥物、及細馬騾犬狗、智祥等別獻金銀羅綾屏風等各六十種、又別獻物於皇后皇太子及諸親王、持統帝元年春使直廣肆田中法麻呂追大貳守荊田於新羅、赴國喪、秋遣王子金霜林級食金薩摹金仁述大舍蘇陽信奏國政、貢調賦、霜林等別獻物有數、太宰府告國喪於霜林等、皆著喪服、東向三拜三發哭、三年遣級食金道那等、奉弔天武帝喪、命土師

根麻呂問金道那等曰、太政官卿奉敕宣問道那等、去年田中法麻呂往告大行天皇喪、時汝國云、古例用蘇判位、三國史記云、西等奉敕、今當復古例也、法麻呂以非先例、不宣詔命而還、若言前事者、白雉五年使巨勢稻持告大行天皇喪、時金春秋為伊食、伊食或名翳食乎、金春秋奉敕、然言用蘇判位、是汝之妄也、先近江宮御宇天皇喪、使一吉食金薩儒奉弔、而今遣級食、亦違前例、汝

大日本史

卷百三十四

列傳

三十四

國自我遠皇祖之代、舳艫相接、不乾船柁、累世朝貢、今省減調賦、更稱別獻、矯飾詐僞、乖亂故典、是以調賦及別獻物、竝封還之、汝道那等還告汝王、天朝廣慈、不深咎既往、更愍悔前過、戒慎將來、四年春新羅級食北助智韓柰麻許滿等歸化、秋使大柰末金高訓送筑紫人大伴部博麻、及入唐學問僧智宗等、六年遣級食朴億德金深薩貢調、日本紀是歲政明卒、謚神文、子理洪立、三國史記、東國通鑑明年遣

沙食金江南韓柰麻金陽原來赴王喪使直
廣肆息長老勤大貳大伴子君往弔并賻物
九年春使王子金良琳補命薩食○三國史記云沙食
又云朴強國韓柰麻金周漢金忠仙等奏國
政貢調賦日本紀

大日本史卷之二百三十四終

大日本史

卷二百三十四

列傳

二十五

大日本史卷之二百三十五

列傳第一百六十二

權中納言從三位源光圀 修

男權中納言從三位綱條 校

玄孫權中納言從三位治保重校

外國四

新羅下

文武帝元年冬、新羅使一吉、食金弼德、柰麻金、任想等朝貢。四年夏、佐伯麻呂等使于新

大日本史

卷百三十五

列傳

二

羅、是冬、薩食金所毛入朝、赴王母喪。金所毛病死、賻純一百五十疋、綿九百三十二斤、布

一百段、副使級食金順慶等、賜物發回。續日本紀

大寶三年、理洪卒、謚孝昭。弟金興光立。三國史記

東國通鑑使薩食金福護、級食金孝元等入朝、赴

王喪。詔曰、新羅國使薩食金福護表云、寡君不幸、自去秋疾、以今春薨、永辭聖朝。朕思其

蕃君、雖居異域、至覆載允同愛子、雖壽命有終、人倫大期、而自聞此言、哀感已甚、宜差使

弔賻、其使福護等遠涉滄波、辛勤可矜、所司宜加優賜、乃遣波多廣足額田人足、往弔祭、

賜新羅王錦二匹、純四十匹、慶雲二年貢調

使一吉、食金儒吉入朝、三年金儒吉還蕃、賜

王敕書曰、天皇敬問新羅王、使人一吉、食金

儒吉、薩食金今古等至、所進調物并具之、王

有國以還、職貢無虧、行李相屬、款誠已著、嘉

尚無已、春首猶寒、比無恙也、國境之內、當并

平安、使人今還、指宜往意、并寄土物如別、冬

大日本史

卷百三十五

列傳

二

美努淨麻呂使于新羅、賜敕書曰、天皇敬問

新羅王、朕以虛薄、謬承景運、慚無練石之才、

徒奉握鏡之任、日旰忘食、翼翼之懷愈積、宵

分輟寢、業業之想彌深、冀覃覆載之仁、遐被

寰區之表、況王世居國境、撫寧人民、深秉並

舟之至誠、長修朝貢之厚禮、庶磐石開基、騰

茂響於廣岫、維城作固、振芳規於鴈池、國內

安樂、風俗淳和、寒氣嚴切、比如何也、今故遣

大使從五位下美努連淨麻呂副使從六位

下對馬連堅石等指宣往意更不多及元明
帝和銅二年使金信福等朝貢賜宴于朝堂
賜王及信福等物有差右大臣藤原不比等
延信福等於辨官廳謂曰自古新羅國使入
朝未嘗與執政大臣言而今日披晤更欲結
二國之好也使入皆避坐而拜曰信福等本
國卑賤之人幸受使命得赴聖朝今復被引
見厚承恩諭伏增欣懼夏信福等還蕃七年
使重阿食金元靜等入貢元正帝養老三年
貢調使級食金長言等入朝七年韓柰麻金
貞宿昔楊節入貢聖武帝神龜三年夏薩食
金造近金奏勳等朝貢秋金奏勳等還蕃賜
新羅王璽書曰貢調使薩食金奏勳等奏言
伊食金順貞去年六月晦日死順貞汝之國
卿撫綏彼境忠事本朝哀哉賢臣國之基爲
朕之股肱今也則亡殲我吉士故贈賻物黃
純一百匹綿百屯不遺爾績式獎遊魂天平
四年使韓柰麻金長孫等入貢別獻鸚鵡鵠

鵠蜀狗獵狗驢騾因請朝貢年期詔許三年
一朝貢六年貢調使級伐食金相貞等至太
宰府明年入京師令中納言正三位多治比
縣守召新羅使於兵部曹問入朝之由使人
言改國號王城國以其私改國號放卻之八
年遣阿倍繼麻呂於新羅明年繼麻呂歸奏
新羅失常禮不奉詔命於是詔六位以上各
陳意見乃遣大伴三中等于新羅續日本紀是歲
興光卒謚聖德子金承慶立三國史記十年
太宰府言級食金想純等一百五十七人入
貢不入京師自太宰府放回續日本紀十四年承
慶卒謚孝成弟金軒英立三國史記東國通
日本紀是歲太宰府言沙食金欽英等一百
八十七人入貢以新京創宮室未成自太宰
府放還續日本紀十五年春筑前國司言新羅使
薩食金序貞等入貢遣從五位下多治比土
作檢校新羅之調土作言新羅貢調改稱土
毛其書具注物數稽之舊典大失常禮於是

太政官處分、徵水手已上入京、責失禮無狀、卻回、孝謙帝天平勝寶四年、新羅王子韓阿、食金泰廉、及貢調使金暄、送王子使金弼言、等七百餘人入朝、泰廉奏曰、新羅國王白日、本照臨天皇朝廷、新羅累世朝貢、舟楫不絕、今國王欲親來朝貢、進御調、而顧念一日無主、則國政弛亂、是以謹遣王子韓阿、食泰廉代而入朝、泰廉又奏言、普天率土、無非王臣、泰廉入朝、得遇聖世、有私所備、國土微物、願

大日本史

卷一百三十五

列傳

五

○按三國史記曰、是歲日廢帝天平寶字二年、新羅男女四十人、僧尼三十四人歸化、處之武藏國、始置新羅郡、三年、敕太宰府曰、頃年新羅歸化者、舳艫不絕、想彼不勝賦役之苛、遠辭墳墓之鄉、言念其意、豈無顧戀哉、宜再三引問、情願還鄉者、給資糧放還、降詔於北陸山陰山陽南海四道諸國、造船五百艘、並逐閑月營造、以三年爲限、爲征新羅也、四年、新羅一百三十一人歸化、移于武藏國、秋、大日本史

卷一百三十五

列傳

六

得奉進、詔許之、饗泰廉等於朝堂、詔曰、昔我息長足姬皇后、綏撫新羅、以爲西方藩屏、而前王承慶、大夫思恭等、狀辭怠慢、闕失恒禮、因欲發使問罪、而今王軒英、改悔前過、欲親來庭、而爲顧國事故、遣子泰廉等代而入朝、併貢御調、朕深嘉王勤款、自今以後、使王親入朝者、宜以辭奏、若遣臣下入朝者、必須令資表文、泰廉等還在難波館、敕遣使賜絁布并酒肴、五年、從五位下小野田守使于新羅、

且賤人不預知國事、朝獵曰、王子尚無言信、使人微賤、不足與有言矣、汝還本國、但言忠信之禮、仍舊之調、明驗之言、專對之人、四者備具而來、五年、今美濃武藏兩國少年各二十人、習新羅語、爲西征也、藤原朝獵爲東海道、節度使檢定管内十二國船兵、率得船一百五十一隻、兵一萬五千七百人、水手七千五百二十人、從三位百濟王敬福爲南海道、節度使檢定所管十二國船、一百二十一隻、

大日本史 卷三十五

列傳

七

兵一萬二千五百人、水手四千九百三十人、正四位下吉備真備爲西海道、節度使檢定所管八國船、一百二十一隻、兵一萬二千五百人、水手四千九百三十人、皆免三年田租、練習兵法、七年、級食金體信等二百餘人、朝貢、令左少辨大原今城問曰、前使金貞卷受朝之約束、改朝聘禮、卿等來何如、體信曰、使臣承國王教、貢進常調、餘事非敢所知也、乾政官處分、徵體信等入京師、依例饗賜、謂體

信曰、汝還告汝之王、自今以往、非王子來朝者、宜使執政臣入朝、八年、大柰麻金才伯等至太宰府、言唐使韓朝彩來云、唐國前者送日本僧戒融、而達否未審、因命本國問其消息、朝彩已上道、今在新羅西津、本國謝恩使金容爲得太宰府報牒、寄附朝彩、在國未發、乾政官處分、命太宰府牒報、太宰府問才伯曰、比來新羅歸化民言、本國發兵、以備日本、其實如何、對曰、非無此事、但小民未知其所

大日本史

卷三十五

列傳

八

以而云爾、比年唐國擾亂、弊邑慮其餘寇來侵、是以徵發甲兵、防守緣海、備海賊不虞也、續日稱德帝天平神護元年、軒英卒、謚景德、本紀子乾運立、三國史記、東國通鑑光仁帝寶龜元年、級食金初正等一百八十七人、至對馬島、遣右中辨大伴伯麻呂於太宰府、召初正問所使、初正曰、本國王子金隱居自唐而歸、入唐大使藤原清河學生朝衡等附書、是以本國王差初正等贈其書、因并貢土毛、伯麻呂曰、新羅

貢調其來尚矣。今何改稱土毛？初正對曰：使非貢調，故稱土毛。朝議以其使違恒典，不許入京師。今太宰府勞慰初正等，賜國王純綿絲等物放還。五年禮府卿沙食金三玄等二百三十五人至太宰府，河內守紀廣純爲檢問新羅入朝使。三玄曰：受本國王教，請修舊好，敦聘問，并致國信物。及入唐，大使藤原清河書廣純詰之曰：修舊好，敦聘問，是尤隣之言，非供職之禮。且改貢調稱國信，變改古常。

大日本史

卷三十五

列傳

九

其義如何？對曰：本國上宰金順貞之時，舟楫相尋，常修職貢。今其孫邕嗣位，執政追尋家聲，係心于供奉，故曰修舊好。每相聘問，且三玄本非貢調使，但因使次，聊進土毛，故不稱御調。檢問使奏曰：新羅稱臣而貢調，由來尚矣。而今妄作新意，變改舊章，調稱信物，朝稱修好，悖慢無禮，反違古典，請給資糧，即時放還。從之。敕太宰府曰：比年新羅流民，舟楫尋蹤，原其情狀，實非歸化，或有被風漂，舟船破

壞，無由可歸，遂留爲王民者，其本主謂朕何也？凡漂流民無船糧者，所司宜資給發遣，以示寬弘之仁。十年下道長人使於新羅，爲迎遣唐判官海上三狩等也。冬，太宰府言：新羅使金蘭孫等至，敕曰：諸蕃入朝，雖有恒典，府更宜反覆檢問，其有表文者，準渤海蕃例寫案進奏，尋敕太宰府。唐使高鶴林等五人及新羅貢調使共許入京。明年春正月，天皇御大極殿受朝。唐使及新羅使薩食金蘭孫等

大日本史

卷三十五

列傳

十

拜賀獻方物。奏曰：新羅國王白，新羅開國以降，奉事聖朝，世承皇化，職貢無闕。比年以來，奸賊內作，道路梗斷，久闕貢調，是以謹遣薩食金蘭孫級食金嚴等貢進御調，兼賀元正。又依例進學語生，并送遣唐判官海上三狩等還之。詔授薩食金蘭孫正五品上，副使級食金嚴正五品下。大判官韓柰麻薩仲業少判官柰麻金貞樂通事金蘇忠三人從五品下。設宴於朝堂，賜物有差。賜新羅王璽書曰：

天皇敬問新羅國王、朕以寡薄、纂業承基、理育蒼生、寧隔中外、王自遠祖、恒守海服、上表貢調、其來尚矣、日者虧違蕃禮、積歲不朝、雖有輕使、而無表奏、由是泰廉還日、已具約束、貞卷來時、重加諭告、其後累使、曾不奉行、今蘭孫等猶陳吳秦、理須依例、從境放還、但送三狩、事既不輕、故修賓禮、以荅來意、王宜察之、後使必須賚表函、以禮進退、今敕筑紫府對馬等戍、不將表文者、莫令入境、宜察知之、

大日本史

卷三百三十五

列傳

士

春景韶和、想王佳也、今因還使、附荅信物、書指不多及、續日本紀是歲乾運為其臣金良相所殺、謚惠恭、良相自立為王、桓武帝延曆四年、良相卒、謚宣德、國人立金敬信、十四年卒、謚元聖、孫俊邕立、二年而卒、謚昭聖、子重熙立、三國史記十八年正六位上、大伴蜂麻呂為遣新羅使、尋停之、日本紀略平城帝大同四年、金彥昇殺重熙、謚哀莊、彥昇自立、三國史記嵯峨帝弘仁四年、新羅一百十人乘船五艘、至

肥前國小近島、島民射殺九人、虜一清等一百一人、五年詔曰、新羅王子來朝者、準渤海蕃例、若彼稱隣好者、不須禮遇、即從放還、若無船糧者、所在官司、商量給之、冬商人三十一人漂至長門國、辛波古知等二十六人至博多津、七年清石珍等一百八十人歸化、八年春金男昌等三十三人、夏遠山和等一百三十四人竝歸化、九年張春等十四人來獻驢、十一年、先是移新羅投化民七百人於遠

大日本史

卷三百三十五

列傳

十二

江駿河二國、是歲春二國新羅叛、焚劫民舍、盜伊豆國倉穀、乘船而去、相模武藏兵追捕悉獲之、日本紀略淳和帝天長三年彥昇卒、謚憲德、子景徽立、三國史記仁明帝承和元年、新羅人至太宰府、緣海民射傷之、太政官處分、譴責府司、其傷者賜醫藥、給糧放還、續日本紀三年景徽卒、謚曰興德、敬信曾孫悌隆立、三國史記是歲藤原常嗣使于唐、太政官準舊例牒新羅曰、今遣使修聘、巨唐海晏當時、雖

知利涉、風濤或變、猶慮非常、脫有使船漂著彼境、則扶之送過、不俾滯過、因遣武藏權大掾紀三津、賫牒發遣、冬紀三津自新羅歸、三津畏怯失使旨、至新羅言、通好修聘、新羅疑與太政官牒相違、再三詰問、三津不文而口吃、愈迷惑不能分疏、新羅牒太政官曰、紀三津詐稱朝聘、兼有贄賚、及檢公牒、假偽非實者、得三津狀、偁奉承王命、專來通好、及開函覽牒、但云、修聘巨唐、脫有使船漂著彼界、則

大日本史

卷三百三十五

列傳

十三

扶之送過、無俾滯過者、主司再發專使詰問、口與牒虛實莫辨、既非交隣之使、必非由衷之賂、事無撫實、豈令虛受、且太政官篆跡分明、小野篁船帆飛已遠、未必重遣三津聘于唐國、不知島嶼之人、東西窺利、偷學官印、假公牒、用備斥候之難、自逞貨泉之遊、然兩國相通、必無詭詐、使非專對、不足爲憑、所司再三請以政刑章用、但姦類、主司務存大體、舍過責功、恕小人荒迫之罪、申大國寬弘之理、

彼此何妨、況貞觀中高表仁到彼之後、惟我是賴、唇齒相預、其來久矣、事須牒太政官、并牒菁州、量事給過海程糧、放還本國、請處分者、奉判準狀、牒太政官、請垂詳悉、於是詔切責三津、續日本後紀五年、悌隆爲其臣金明所殺、謚僖康、明年金陽誅金明、立金祐徵、其歲卒、謚神武、子慶曆立、三國史記、明年其臣張寶高○東國通鑑遣使獻方物、八年、敕太宰府云、新羅張寶高去年獻馬鞭等、寶高爲外藩

大日本史

卷三百三十五

列傳

十四

之臣、私貢方物、稽之舊章、不合物宜、以禮防閑、早從返卻、其隨身物、願得交易者聽之、更給程糧放回、九年、新羅李少貞等四十人至筑紫大津、太宰府遣人勘問、李少貞等言、張寶高死、其副將李昌珍等欲圖叛亂、武珍州將閭文發兵討平之、但恐誅餘賊、忽至貴朝、擾亂邊境、若有舟船至此、不執文符者、請切命所在、推勘收捉、又言、迴易使李忠楊圓乃是張寶高子弟所遣、請速發回、仍賫閭文

上筑紫府牒狀而來、廷議曰、視少貞所賣牒、無上太宰府文、即知少貞奸詐往來、欺妄國家者也、今李忠等與少貞同行者、此何異以迷獸投餓虎也、請先責還少貞等、其後放回李忠等、從之、張寶高所攝島民呂糸等投化、因告筑前國司文室朝臣宮田麻呂、奪李忠所賣雜物、乃詔太宰府勘問、錄其所取雜物、悉還與之、給糧資放還、是歲太宰府奏曰、新羅朝貢其來尚矣、而起自聖武皇帝之代、

大日本史

卷二百三十五

列傳

十五

迄于聖朝、不用舊例、常懷奸心、苞茅不貢、寄事商賈、窺國消息、方今民窮食乏、若有不虞、何用防之、伏請新羅人一切禁斷、勿令入境、敕曰、德澤洎遠、外藩歸化、專禁入境、事似不仁、宜比之流來、給糧放還、商賈之輩、飛帆來者、所賣之物、聽民間廻易、事畢速放、卻十二年、新羅送我漂流民五十餘人、至太宰府、續日本後文德帝齊衡三年、流民三十人、至太宰府、給糧放還、文德實錄天安元年、慶曆卒、謚文聖

金誼靖立、清和帝貞觀三年、誼靖卒、謚憲安、金膺廉立、三國史記、五年、僧無著普嵩清願等三人、流民五十七人、及細羅國人五十四人、至丹後、因幡、博多等處、細羅人言語不通、其長頭尿烏舍、僅知文字、書答曰、新羅東方別島細羅國人也、敕所司給程糧放還、八年、太宰府馳驛奏、肥前國基肆郡擬大領山春永語同郡人川邊豐稻曰、與新羅人珍賓長共入新羅國、造兵弩器械、圖攻取對馬島、同

大日本史

卷二百三十五

列傳

十六

謀者四十餘人、十一年、太宰府言、新羅賊乘船二艘、至博多津、盜取豐前國年貢絹綿、即時發兵追之、遂不獲賊、十二年、對馬島人卜部乙屎麻呂為捕鷓鴣、至新羅境、新羅執繫之獄、乙屎麻呂視造大船、竊問守衛卒、答曰、將攻對馬島、乙屎竊脫禁逃、還告其狀、因敕曰、新羅凶賊、託事賈販、來為侵暴、不收蠆尾、將行毒螫、須令緣海諸郡及因幡、伯耆等國、嚴謹守備、尋敕太宰府、新羅人潤清、宜堅等

三十人、及管内所在新羅、給食馬入京、府司奏曰、叢爾新羅、凶毒狼戾、迺者對馬島卜部乙屎被執彼國、脫獄逃還、告彼練習兵士之狀、彼疑其計洩、於是差遣七人、詐稱流來、竊伺聲息、凡垂仁放還、尋常之典、若狡奸往來、當加顯戮、加之潤清等、僑寓積年、能知國家事、今若放歸者、示弱於敵也、且管内所在新羅之口、及其後稱投化而來者、內皆懷逆謀、若有外難、必為內應、請準天長元年格、不論

大日本史

卷百十五

列傳

十七

新舊、并遷陸奧空閑之地、絕覬覦之奸心、從之、是歲分移潤清等二十人于諸國、筑後權史生佐伯直繼得新羅國牒上之、告太宰大貳藤原元利萬侶與新羅國王通謀、乃以直繼附檢非違使、敕太宰府逮元利萬侶及浪人清原崇繼中臣年麻呂等、至于京師、大內記安倍興行為推密告使、十五年新羅船一艘至對馬島、即時放卻、十六年金四金五等十二人至對馬、速放還、三代實錄十七年膺廉卒、

謚景文、子金晟立、光孝帝仁和元年晟卒、謚憲康、弟金晃立、三國史記太宰府言、新羅國

使判官徐善行錄事高興善等四十八人乘船一艘、至肥後國天草郡、問其來由、答曰、前年漂蕩、適著海岸、厚賜官糧、得歸本鄉、今欲奉謝仁恩、故賣國牒信物來朝、因命府官加檢省、府官奏曰、徐善行等寄事於奉謝、牒貸相兼、而惟有執事省牒、無國王啓、其牒不納、函子、以紙裹之、題言新羅國執事牒上日本

大日本史

卷百十五

列傳

十八

國、其上蹈印五字、謹檢先例、事乖故實、仍錄牒文并貨物進奏、敕曰、新羅包藏禍心、覬覦邊徼、須懲其姦慝、以從重法、然朝家好仁、不忍措之刑、因釋全其首領、府宜速發回之、三代實錄四年晃卒、謚定康、女弟曼立、時弓裔甄萱等作亂、國內騷擾、三國史記甄萱自稱新羅西南都統、指揮兵馬、制置持節都督、東國通鑑宇多帝寬平六年、新羅賊船四十五艘來寇、對馬島守文室善友擊破之、射殺賊三百餘人、

獲船十一艘及甲冑大刀弓矢梓楠等物、醖

酬帝延喜二十二年甄萱使輝岳至對馬、扶桑

略奉牒於太宰府曰、伏思當國仰貴國也、禮

敦父事、情比孩提、唯甘扶轂執鞭、豈憚航深

棧險、而自質子逃遁、隣言矯誣、一十年之盟

約斯渝、三百歲之生靈到此、春秋不云乎、親

仁善隣、國之寶也、魯論語曰、不念舊惡、是宜

恩深含垢、化致慕羶、今差專价、冀藏卑儀、因

敕太宰府牒移曰、都統甄公內撥國亂、外守

大日本史 卷三十五 列傳 十九

主盟、聞彼勲賢、孰不欽賞、然任土之琛、藩王

所貢、朝天之禮、陪臣何專、代大匠而操刀、慕

庖人而割肉、雖誠切攀龍、猶嫌忘相鼠、縱宰

府忍達金闕之前、而憲臺恐安玉條之下、仍

表函方物、即從却迴、宜稽之典章、莫處疎隔、

過而不改、如其餘何、但輝岳遠疲花浪、漸移

葭灰、量給官糧、聊資歸路、今以狀牒、本朝曼

卒、謚真聖、金嶢立、弓裔自號泰封、甄萱稱後

百濟、嶢卒、謚孝恭、無子、國人立朴景暉為王、

卒、謚神德、子朴昇英立、泰封諸將立王建為

王、國號高麗、弓裔敗死、昇英卒、謚景明、朴魏

膺立、甄萱將兵攻魏膺殺之、謚景哀、金傳立、

三國史記東國通鑑、延長七年春、新羅船至耽羅島、交

易海藻等物、漂至對馬島、島司坂上經國厚

加賑給、遣檢非違使秦滋景通事長岑望通

送還于全州、甄萱時有數十州地、自稱大王、

謂滋景曰、萱有宿心、欲以三韓職貢之例奉

日本國、前年已獻方物、輸忠款、而以陪臣貢

大日本史 卷三十五 列傳 二十

調、即被回却、今已稱寡人、是以欲重陳丹誠、

修前貢、而今卿等至此、萱之幸也、辭色甚悅、

留望通、放滋景先歸、使其臣張彦澄贈書經

國、謝送還漂民、夏復遣張彦澄來、并贈書太

宰府、彦澄將赴于府、經國拘而不遣、彦澄懇

曰、本國嚮化之情切、故重差彦澄來、布誠款、

而貴府拘而不遣、使人何所復命也、經國不

聽、遣人送書於太宰府、府即申于太政官、太

政官處分命府及島司報書絕之、其略云、人

臣之禮、何有踰境之好、前援溺頂之危、適成授手之惠、非是求隣好、唯爲重人命而已、至貢調之禮、藩王之所修、非人臣之可私、縱換千萬之面、何得一二其詞、爰守典法、所贈方寄、不敢依領、既從却歸、彥澄等給資糧放廻、扶桑略記金傳立八年、遂降于高麗王王建、新羅滅、三國史記是歲朱雀帝承平五年也、東國通鑑

大日本史卷之二百三十五終

大日本史

卷二百三十五

列傳

三

大日本史卷之二百三十六

列傳第一百六十三

權中納言從三位源光圀 修

男權中納言從三位綱條 校

玄孫權中納言從三位治保重校

外國五

高勾麗

高麗

高勾麗或稱高麗康富記古朝鮮之地朝鮮

大日本史

卷二百三十六

列傳

一

之肇未有君長有神人而降生國人推立爲君曰檀君國號朝鮮周武王封箕子於朝鮮傳世四十一至箕準爲燕人衛滿所逐走韓地衛滿悉有朝鮮地至孫衛右渠漢武帝滅之以其地爲郡衛氏亡高氏起於扶餘漸有朝鮮地高氏其先出扶餘王金蛙金蛙得女子閉於室內爲日光所照生卵男子破殼而出名曰朱蒙其俗言朱蒙者善射也朱蒙都於卒本扶餘沸流水上國號高勾麗因姓高

氏國有內部東部西部南部北部合五部其

官有大對盧大使小使大相乙相位頭大兄

主簿參取三國史記是歲崇神帝六十一年

也朱蒙遂取沸流衍人二國滅東沃沮攘靺

鞞立十九年死號東明聖王有三子長曰沸

流次溫祚溫祚是爲百濟始祖朱蒙嘗在北

扶餘生子類利立爲嗣類利死號瑠理明王

子無恤立此時取梁貊蓋馬勾茶樂浪等高

勾麗之地浸廣無恤死號大武神王弟解邑

大日本史

卷二百三十六

列傳

二

朱立死號閔中王子解憂立暴戾國人殺之

立類利孫宮立九十餘年傳國於弟遂成稱

太祖大王遂成立亦無道其臣明臨答夫殺

之號次大王立宮弟伯固死號新大王子男

武立死號故國川王弟延優立三國史記是

歲仲哀帝六年也九年神功皇后西征高麗

與百濟俱請降因定內官家日本延優卒號

山上王子憂位居立城平壤移都焉卒號東

川王子然弗立卒號中川王子藥盧立三國史記

東國通鑑應神帝七年朝貢大臣武內宿禰役其

人作池號韓人池日本紀藥盧卒號西川王子

相夫立三國史記應神帝二十八年遣使朝

貢表文無禮皇太子怒裂破其表責還使者

日本相夫驕逸多猜忌為其國相倉助利所

廢自縊死號烽上王藥盧孫乙弗立三國史記

通鑑三十七年阿知使主都加使主使於吳取

途於高麗高麗使久禮波久禮志二人送之

至吳仁德帝十二年遣使貢鐵盾鐵的宴使

大日本史卷三百三十六 列傳 三

者於朝選羣臣善射者射之盾人宿禰射鐵

的洞之高麗使嘆其精強日本紀乙弗卒號美

川王子釗立三國史記五十八年遣使朝貢

日本五十九年百濟攻平壤城釗中流矢卒

號故國原王子丘夫立卒號小獸林王母弟

伊連立卒號故國壤王子談德立卒號廣開

土王子臣璉立三國史記雄略帝八年高麗

與新羅通好遣兵一百人助守新羅備百濟

新羅誤殺助守兵高麗怒攻新羅新羅請救

於任那日本府膳斑鳩等往援大破高麗軍

二十年高麗攻百濟七日夜遂陷之生擒其

王及王妃王子悉殺之七日以下日本書引百濟記高麗

兵請殲其遺衆悉取百濟臣璉曰百濟日本

之官家其王入侍于朝四隣所共知也不可

而止二十三年帝立末多為百濟王以兵衛

送其國別詔筑紫安致臣馬飼臣率舟師討

高麗清寧帝三年遣使朝貢仁賢帝四年臣

璉卒號長壽王孫羅雲立臣璉卒以下日本書引百濟記

大日本史卷三百三十六 列傳 四

六年遣日鷹吉士使高麗高麗獻工匠須流

枳奴流枳等繼體帝十年使安定等朝貢日本紀

紀十三年羅雲卒號文咨明王子興安立三國史記

東國通鑑二十五年高麗殺興安日本紀欽明

帝元年遣使朝貢日本紀六年實延卒號安原

王子平成立三國史記始高麗王有三夫人

正夫人無子中夫人其舅氏麤羣也小夫人

細羣之女也竝有子及實延病篤細羣麤羣

各爭立其夫人子大戰于宮門細羣敗死者二千餘人日本紀註引十二年百濟攻高麗

取平壤等六郡高麗與新羅連和十四年百

濟王子餘昌攻高麗擊高麗王於東聖山上

走之日本紀二十年平成卒號陽原王子陽香

立三國史記東國通鑑作陽成今從日本紀一說二十三年大將軍

大伴狹手彥討高麗破之高麗王陽香踰墻

走比津留都狹手彥縱兵入其宮得七織帳

鐵屋等及諸財物而歸二十六年高麗頭霧

大日本史卷百三十六列傳五

喇耶陞等歸化三十一年越人江淳裙代詣

京奏曰高麗使船漂至本國郡司道君隱匿

不奏故以聞詔曰高麗迷路至越海雖辛苦

風浪尚全性命有司宜於山城相良郡築使

館厚供給之遣膳傾子于越饗高麗使初使

之至也道君自稱國主奪其貢物至是傾子

至道君迎拜伏地高麗使具告其狀傾子悉

追其所奪還之三十二年帝不豫尋崩是以

高麗表獻物未奏上敏達帝即位高麗使上

表及貢獻物帝惻然哀悼極甚其表書烏羽

王辰爾蒸羽於飯上以帛印羽悉寫字讀之

高麗大使謂副使曰汝不用我言妄分國調

輒與徵者是汝之過也國王聞之必誅汝也

副使懼欲殺大使以斷口大使聞其計裝束

衣帶潛出立使館庭旁皇不知所為俄有一

人以杖打大使頭而去次有一人又進打頭

與手破之血流被面大使尚不動立拭其血

又有一人進刺其腹遂殺之明旦領客東漢

大日本史卷百三十六列傳六

坂上子麻呂推問其由副使曰天皇賜妻於

大使然違敕不受無禮滋甚是以臣等謀議

殺之命有司以禮收葬二年高麗使至越海

遇風溺死者多朝廷疑其頻迷路給船糧發

回以吉備海部難波為送使難波畏風浪不

欲行執高麗二人投海而歸奏曰海中多鯨

魚不得通船帝識其偽沒為官奴明年秋高

麗使至奏曰臣等去年從船人大島磐日與

送使舟俱發臣等已還至本蕃而送使舟至

今年尚未來，故因磐日還，別差臣等，問送使

不來，帝召難波詰問之，難波不能對，帝數其

罪，遂寘之法。日本紀崇峻帝三年陽香卒，號平

原王，子元立。三國史記推古帝九年新羅攻

任那，遣大伴嚙於高麗，發兵援任那，十三年

詔皇太子及大臣造丈六佛像，高麗王大興

聞之。按三國史記，東國通鑑，此時高麗王名元，號嬰陽王，今從日本紀文，不輒改。

貢黃金三百兩，十八年使僧曇徵徵或作微，法定

入朝，二十六年遣使朝貢，因奏曰：「隋主興三

大日本史 卷二百三十六 列傳 七

十萬眾來攻，即拒卻之，因獻隋倂貞公普通

二人，及鼓吹弩拋石等十事，并土物駱駝。日本紀

是歲元卒，號嬰陽王，弟建武立。三國史記，東國通鑑

三十三年，使僧惠灌入朝，舒明帝二年使宴

子拔若德等朝貢，皇極帝元年，遣使朝貢，使

者言：「去年六月，弟王子卒，秋九月，大臣伊梨

柯須彌殺國王，并殺伊梨渠世斯等百八十

餘人，乃立弟王兒臧為王，以其族都須流金

流為大臣。日本紀，按三國史記，東國通鑑，高麗蓋蘇文殺其君建武，立王姪臧。

蓋蘇文一名蓋金，為東部大人，以計殺諸部

大人，此係今年十月，據本書，此使來在今

二月，而高麗使至，羣卿相語曰：「高麗自

不朝，而今年入朝，據此文，此使來蓋在二

也。此係是歲者，疑誤，今姑仍舊文，不輒改，已

蓋脫，四年高麗學僧等言：「同學鞍作得志在

高麗，以虎為友，得奇術，或使枯山變成青山，

變黃地作白水，虎又授針術及針，治莫不差，

得志常以針隱厝柱中，後虎折柱取針去，高

麗知得志欲歸之意，毒殺之，孝德帝大化元

年遣使朝貢，自是頻年入貢。日本紀，及白雉

五年帝崩，遣使來吊，齊明帝元年遣使入貢，

二年使大使達沙副使伊利之等朝貢，遣膳

葉積坂合部磐鉞等報聘，五年又入貢，時使

人持羆皮一張鬻於市，稱價曰：「綿六十斤，畫

師子麻呂本高麗人，聞此事，借官羆皮七十

枚為席，迎同姓為使來者，宴於家，向鬻皮者

大慙而歸，明年使乙相賀取文等一百餘人

入貢，七年秋唐將軍蘇定方突厥契苾加力

水陸二路逼高麗城下、冬高麗遣使言、是冬寒極烈、江水凍合、唐軍雲車衝朝逼城、城兵奮戰卻之、更取唐二壘、今唯餘二塞、已為夜攻之計、唐軍銳竭力屈、士卒皆抱膝而哭、時齊明帝崩、皇太子素服、聽海表軍政、乃發兵救高麗、軍泊于百濟加巴利濱、兵士燕火、灰忽陷為孔、有響如鳴鏑、咸謂高麗百濟亡滅之徵、壬戌歲、唐人新羅人攻高麗、高麗乞援、仍遣軍將保疏留城、由是唐人不得略其南

大日本史

卷二百三十六

列傳

九

界、新羅不踰其西壘、癸亥歲、唐兵滅百濟、百濟王豐逃至高麗、甲子歲、高麗大臣蓋金死、遺命諸子曰、汝等兄弟、和如水魚、勿爭爵位、若不如我言、則必為鄰嗤矣、按三國史記、東國通鑑、蓋金死、在丙寅歲、日本紀為是歲之事、今姑從之、丙寅歲、使前部能婁乙相奄鄒朝貢、丁卯歲、葬齊明帝於小市岡上、陵、高麗使舉哀道上、是歲蓋金子大兄男生、出按諸部、其二弟男建男產信人誘說、據國內城、拒而不納、男生奔唐、謀滅高麗、男建男產及國

內城名、據三國史記、東國通鑑、按三國史記、東國通鑑、男生降唐為丙寅歲、本書係是歲、今姑從之、天智帝元年遣使入貢、是歲唐將軍李勣以男生為鄉導、攻高麗滅之、男生名、據三國史記、東國通鑑、初高麗仲年王建國、按仲年朱蒙也時言治國千歲矣、其母曰、若善治之、則可得也、若不得千歲、但當有七百年也、至是高麗亡、果當七百年之末云、四年高麗使上部大相可婁朝貢、按東國通鑑高麗已亡、新羅私封高安勝為高麗王、其稱高麗朝貢者蓋是也、新羅別差人送其使、以為帝大友元年使前部常、故不載、新羅送使、

大日本史

卷二百三十六

列傳

十

富加抔等朝貢、天武帝元年使上部位頭大兄耶子、前部大兄碩干朝貢、三年大兄富干、大兄多武朝貢、四年後部主博博疑薄阿干、前部大兄德富朝貢、七年上部大相桓欠、書富干作富于、阿干作阿訂、桓欠作桓父、今據釋日本紀訂之、下部大相師欠作、需婁朝貢、八年南部大使卯問、西部大兄俊德入貢、十年使下部助有卦婁毛切大古昂加朝貢、此後朝貢絕、日本紀○按東國通鑑、安勝為蘇判位、改姓金氏、高麗遂絕、當天武帝十一年、又按文獻通考具載五部別稱、前

部即南部也後部即北部也此稱上
部下者無所見蓋亦部中別稱也

高麗王王建不詳其種姓所出其父曰隆新羅漢州松嶽郡人也隆視其國大亂竊有并

吞三韓之志隆生建幼而聰慧有奇貌年十

七有一僧見奇之時弓裔甄萱割據新羅州

郡各自稱王建乃投弓裔弓裔以建為鐵圓

太守隆亦尋歸之為金城太守弓裔國號曰

泰封其為人猜忌嗜殺是以將士不附遂逐

弓裔推建立為王國號高麗遂滅新羅悉有

大日本史 卷二百三十六 列傳 十一

其故地通鑑朱雀帝承平七年建遣使奉書

日本因請入貢廷議不許其所請送報牒經

日本天慶二年遣使又請之經信記年據

遂不聽令太宰府移牒其國廣評省日本但

至通商賈之事准舊不禁朝野載日本建

死武立死次堯立死次昭立通東國圓融帝天

祿三年其國南涼府使齎牒至對馬島日本

今太宰府報百錄昭死由立死次治立通東國

一條帝長德三年其國遣使來牒文乖例朝

廷疑其有詐謀不報命緣邊郡豫備百錄鈔

書有是冬高麗賊寇西邊明年令太宰府治

死次誦立通東國長保四年其民苦苛政不堪

命多流亡投于九州地百錄寬弘元年高麗

蕃徒芋陵島人漂至因幡權記高麗蕃徒據

東國通鑑○本書芋陵為干陵麗薄迂陵今

訂之公任集云新羅宇流麻島人至宇流麻

島即芋給資糧回歸本國麗本朝誦死次詢立

通後一條帝寬仁三年女真賊寇西邊太

大日本史 卷二百三十六 列傳 十一

高麗人乃使通事推問所由皆曰賊初寇我

本國吾輩出拒之返為賊所虜者也朝野載小

記無何高麗商末斤達漂至筑前志摩郡即

曰僕向之宋交易今將歸國漂流至貴國也

府司素不信虜者言及斤達至亦疑之併虜

者與斤達皆禁錮之初賊之來也緣海居民

多被虜掠者對馬島判官代長岑諸近舉家

被虜既而諸近一人脫而還尋又出亡經二

旬諸近率其伯母及婦女十人而還告島司

曰、僕前日還家之時、竊慮弃老母及眷族獨存、乖人道、不如委命於賊地、知母之存亡、因竊犯禁渡海而赴高麗、將至刀伊地、適遭高麗通事仁禮、禮語曰、賊初寇本國、有司發兵擊之、賊逃赴日本、乃命郡縣儲戰艦千餘艘、分番備賊、及賊復來侵、襲擊破之、殺獲無算、但賊船中多有日本人、盡收之得三百餘人、今將送還貴國、議既定、卿須早還國告其狀也、乃至金海府、就我邦人問母存亡、皆曰、汝家族除伯母之外、悉没于海中矣、乃將與伯母俱還、然而既已犯禁渡海、不能無證驗而還、因請得我邦婦女十人、今所率女子等是也、島司更就諸近所率之女子等問之、女子中有辦事者二人、一筑前人內藏石女、一對馬人多治比阿古見、荅曰、賊與官兵相拒之間、中箭死者相繼不斷、乃轉至高麗、每夜上陸地、侵掠人物、晝則隱島嶼間、選虜中強壯者留之船、其餘皆投海、居二旬餘、有高麗船

數百艘來擊賊、其勢甚猛、賊亦勵力防之、高麗戰艦之制、高大異常、屋上有層樓、樓上立櫓、左右各四枚、枚別水手五、六人、所乘之兵士二十餘人、下亦懸櫂、左右各七八枚、所儲兵仗有鐵甲、冑、鉞、鐵搭等、兵士各執之、又船面以鐵造角、衝破賊船、又蓄大石、打破賊船、賊船覆沒、死者甚衆、賊遂不能防之、悉取所虜掠之男女投海、馳船而逃、無何、有高麗船扶漂沒者、因得蘇息者三十餘人、妾等在其

中、戰訖、送妾等、致金海府、路中各給驛馬、每驛給食、皆用銀器、供給尤豐、有司語曰、我國敬重日本、故厚遇汝輩耳、既至府、以白布充衣、且給美食、在府三旬許、長岑諸近至、請得妾等十人而還、解纜之日、國官命給資糧、且告曰、近日當遣專使、盡送還其國人、汝等可先歸白狀也、妾等因從諸近而還、島司併諸近與石女等、送之太宰府、府具錄、請官議、議未決、

記

右

高麗使鄭子良至、對馬、還男女二

百七十人、小右記、左經記、○左廷議召子良

至太宰府、詳陳事旨、於是諸近及向所拘高

麗人皆得釋、初子良來時、持其國安東護府

送對馬牒、即曰、本國以彼府為鎮東方之總

攝府、其他盡改府號為州、統屬彼府、故彼府

所牒送也、廷議以為高麗擊賊還我人、實舉

國之大事、須國廳特牒送、而別府牒對馬、我

亦當令太宰府移牒、議定、小右明年遣鄭子

良還本國、特賜黃金三百兩於子良、且給資

糧、悉還所拘高麗人、參取日本略、左經記、黃金三百兩、據大

詢死、次欽立、死、次亨立、死、次徽立、東國後冷通鑑

泉帝永承六年、其國送牒、還日向女在彼國

者、百鍊乃報牒、經信記、○八幡愚童訓云、天

母、是向為刀伊所虜、在其國、白河帝承曆四

年、商客之高麗交易、及歸、持其禮賓省移太

宰府牒、及其所獻物而至、牒曰、當省伏奉聖

旨、訪聞貴國有能理療風疾醫人、今因商客

王、則貞回歸故鄉、因便通牒、及於王、則貞處

說示風疾緣由、請彼處選擇上等醫人、於來

年早春發送到來、理療風疾、若見功效、定不

輕酬者、今先送華錦及大綾中綾各一十段、

麝香一十臍、分附王、則貞、賁持將去、知太宰

府官員處、且充信儀、到宜收領者、牒具如前、

當省所奉聖旨、備錄在前、請貴府若有端的

能療風疾好醫人、許容發送前來、仍收領匹

段、麝香者、謹牒、續本朝文粹、朝野群載、經信記、太宰府上奏、

廷議以牒文無禮、令太宰府移牒、卻還其信

物、曰、貴國懽盟之後、數逾十祀、和親之義、長

垂百王、方今犯霧露於燕寢之中、求醫療於

鼈波之外、望風想德、能不依依、抑牒狀之詞、

頗睽故事、改處分而曰聖旨、非蕃王可稱、宅

遐陬而跨上邦、誠彛倫道數、况亦託商人之

旅艇、寄殊俗之單書、執圭之使不至、封函之

禮既虧、雙魚猶難達鳳池之月、扁鵲何得入

雞林之雲、凡厥方物、皆從卻還、今以狀牒、續本朝文粹、朝野群載、水左記、徽死、次運立、死、次昱立、傳國於

顯、顯死、次俛立、死、次楷立、死、次暉立、東國二

條帝永曆元年、百濟金海府拘對馬島民、百鍊

鈔尋又拘對馬商人、百鍊、山槐記、現廢、次皓立、東國

通後鳥羽帝文治元年、對馬守藤原親光為

平宗盛所迫、適至高麗、高麗王給以食邑、既

而源賴朝遣使迎親光、國王命艦船三艘、與

珍貨而送還、東皓廢、次暉立、死、次謙立、廢、次

祺立、死、次瞰立、東國後堀河帝貞應二年、高

麗人漂至越後寺泊浦、東○按百鍊存者

大日本史 卷百三十六 列傳 十七

僅四人、船長十餘丈、百鍊所齎弓二張、以革

為弦、頗類蝦夷弓、胡籀一口、大刀刀各一柄、

帶一、以緒組之、中央有銀簡、長七寸、濶二寸、

有銘四字、字體異樣、不可讀、其他有食器類、

東明年入京、居六角堂側、所蓄器物多用銀、

聚觀者甚多、朝廷命六波羅逐之、百鍊嘉祿

二年、肥前松浦黨誘對馬島民、來戰艦數十

艘、侵高麗全羅州、掠略人物、明月記、國人出

戰、松浦兵死者且半、餘衆掠銀器等物而還、

明月明年高麗使至太宰府、百鍊、皇帝、紀

譴前年侵掠、少貳武藤資賴具事聞于關東、

捕姦民九十人斬之、私送報牒、於是朝議曰、

高麗牒文無禮、資賴不由官議、捕斬島民、私

送報牒、大損國體、命吏治其罪、百鍊、具事、聞于關東、據

東、漏、寬喜三年筑前鏡社神民至高麗、夜襲

民家、掠奪器財、北條泰時命守護捕犯民、東

四條帝仁治元年高麗牒使至對馬、百鍊、平戶、記、

瞰死、次楨立、東國龜山帝文永五年楨使其

大日本史 卷百三十六 列傳 十八

臣潘阜奉書獻方物、且致蒙古書、一代要記、

記、五代帝王物、其書略曰、我國臣事蒙古國、

皇帝仁明、欲通好於貴國、寡人奉詔、其旨嚴

切、茲不獲已、使某官奉皇帝書前去、貴國遣

一介之使、以往觀之、何如也、貴國商量、五代

物語、關東、評定、傳、按二書、載、高不報、自太宰

府卻還、五代帝王物、六年春高麗使從蒙古使至

對馬、不納、代帝王編年記、五秋又使金有成高

柔等持國書及蒙古書來、至太宰府、不報、高

柔感奇夢、奉毛冠於安樂寺而去、關東評八

年高麗奉書告蒙古將來冠狀、吉續命西邊

將士豫備、島津文書九年蒙古張鐸持高麗書來、

不報、關東評十一年高麗以軍八千助蒙古、

來寇壹岐對馬太宰府等處、一代要記、關東評、定傳、日蓮註

畫讚、高麗軍數是年楨死、次東國通鑑後宇

多帝建治元年、詎使其譯語郎將徐贊等與

蒙古使杜世忠等俱來、執斬于鎌倉、帝王編年記、關

東評定傳、徐贊名據東國通鑑乃命緣海郡國造戰艦、募諸

大日本史 卷三百三十六 列傳 十九

國兵將征高麗、島津文書未發、弘安四年高

麗以船九百艘、軍一萬、梢工水手一萬五千、

兵糧十一萬碩、助蒙古軍、以金方慶等統之、

來寇鎮西、適遇暴風、人船覆溺、亡軍七千餘

人、參取八幡愚童訓、日蓮註、畫讚、人名、軍數、據東國通鑑伏見帝正應

四年高麗金有成又持國書至、東國通鑑有用兵

之語、公卿敕使、參宮次第北條貞時拘留之、初高麗趙

昇為蒙古說、我國可通、忻都洪茶丘等誘之、

其所用船糧軍器、命高麗幹辦、高麗小國不

堪誅求、公私共苦、花園帝延慶元年、詎死、次

璋立、傳國於熹、熹傳禎、禎傳昕、昕死、次眈立、

東國通鑑後村上帝正平初、西邊浮浪之徒、以船

數千艘侵高麗、及元地、屢掠略人物以為常、

時屬兵亂、朝制不及遠、無能禁之、數年之間、

彼緣海郡邑荒蕪、民居殆盡、太平記六年眈傳

國于顯、東國通鑑二十二年顯遣其臣中請大夫

前典義令金一及千戶左右衛保勝中郎將

金龍、檢校左右衛保中郎將於重文等持國

大日本史 卷三百三十六 列傳 二十

書及元中書省書至、攝津兵庫津請禁邊民

侵害、善鄰國寶記、太平記足利義滿館之天

龍寺、令僧妙葩接伴、參取善鄰國寶記、太平記及

還、贈答信物、不送報書、但以當時屬國亂、制

御不及為辭、太平記○按善鄰國寶記、以為

葩送報書耳、顯死、次辛禰立、禰異姓、顯嘗為己子、

至是為王、東國通鑑後龜山帝天授元年遣其臣

羅興儒來聘、東寺文書請禁海寇且通信、東國通鑑足

利義滿召之京師、東寺文書拘留不遣、初高麗僧

有投于我者、興儒因請釋、義滿聽之、放還本
國、四年復使鄭夢周來、九州探題今川貞世
放還俘掠民數百人、五年復使李自庸來、今
川貞世命還其民二百三十人、元中五年辛
禍廢、子昌立、明年其諸臣放昌于江華、立王
氏宗室瑤為王、居四年、遜于原州、其臣李成
桂代為王、東國通鑑成桂據明史後小松帝明德三年、
高麗使僧來、復請禁海寇結好、足利義滿命
僧中津遺報書、其略曰、海隅小民、毀壞教化、

世田本

卷一百三十六

列傳

二十一

不遵制教、實我君臣之所恥也、當申命鎮西
守臣、禁遏賊船、放還俘虜、至其通信結好、我
亦所欲、然而我國將臣、古來無海外通問之
例、故不克直答來教、今僧代報、非慢禮也、善鄰國寶記
應永四年高麗改國號曰朝鮮、和漢合運五年
特遣使來聘、復申前請、足利義滿始聽其
所請、善鄰國寶記其後聘問不絕、然非高氏職貢
之比、皆帥臣境外之私交也、

大日本史卷之二百三十六終

大日本史卷之二百三十七

列傳第一百六十四

權中納言從三位源光圀 修

男權中納言從三位綱條 校

玄孫權中納言從三位治保重校

外國六

百濟上

百濟其先出自扶餘種曰溫祚初朝鮮箕準
爲燕人衛滿所逐浮海南奔居韓地金馬渚

大日本史

卷二百三十七

列傳

一

自號韓王統五十餘國是曰馬韓大國萬餘
家小數千家各有長帥大者名臣智其次爲
邑借其民土著種植知蠶桑作綿帛散居山
海間無城郭作土室開戶向上俗少紀綱不
重金銀錦罽貴瓔珠用以飾髮垂耳男子帛
袍草屨性頗勇悍善用弓楯矛櫓又有辰韓
弁韓各統十二國服屬馬韓辰弁二韓後爲
新羅所併箕氏有馬韓傳世亦二百年溫祚
滅之箕氏遂絕溫祚其父曰高朱蒙卽高句

麗始祖也朱蒙始在北扶餘生子類利後至

卒本扶餘取扶餘王女生二子長曰沸流次

曰溫祚類利已長自北扶餘走至卒本扶餘

朱蒙立爲太子沸流溫祚怨之又懼爲類利

不容與烏干馬黎等十人南奔沸流居彌鄒

溫祚居河南慰禮城馬韓王箕氏割東北百

里之地與之溫祚以烏干等十臣爲輔國號

十濟沸流以彌鄒水土溫鹹不得安居見慰

禮都邑既定人民安堵慙恚死其臣民皆歸

大日本史

卷二百三十七

列傳

二

慰禮乃改國號曰百濟以與高句麗先同出

於扶餘故姓扶餘氏是歲垂仁帝十二年也

溫祚移都漢山築漢江西北潛師襲馬韓悉

取其地其設官有內臣內頭內法衛士其兵

官皆以佐平一品官爲之又有達率恩率德

率扞率奈率將德施德固德率德對德文督

武督佐軍振武克虞等官溫祚死子多婁立

死子已婁立死子蓋婁立死子肖古立是歲

成務帝三十四年也

三國史記
東國通鑑

仲哀帝九年

大日本

卷一百一十七

列傳

三

之
史日
記本

○按本書載百濟王名多與三國通鑑異今姑從本文不敢改其

三國初神史

東國通鑑所序百濟世次詳註于
攝政十四年肖古死仇首立攝政、

二十三
十十
九三

死、子汾西立、三十五年汾西被殺、

年比
死流
近立

德立、仁德、立、死、契、立、仁、德、仇、首、立、

立仁德十七

二年死、枕流立、七十五年
三年死、入質斯

死於日本、
以人示

中立六年阿革死、朕立、尤恭九年
立、尤恭十六年死、毘有立、安康二

丁卯歲

便久矣。彌州流莫古朝貢時新羅貢

珍奇百寶

濟貢物甚劣、卽詰問使者、久氏等對

殆將見

殺、久氏等仰天呪詛新羅怖而不殺

還日必

叔汝等今日幸得不死者、固大國之

大日本史

卷一百五十七

列傳

175

軍討新四

維久氏等從之至卓淳國荒田別等

羅斤資

沙沙奴跪領精兵來會俱擊新羅取

國移兵

西至古奚津、屠南蠻、枕彌多禮二城。

須帥兵

來會荒田別等于意流村千熊長彦

還千熊長彥與百濟王俱至其國登辟支山盟復登古沙山與坐磐石上百濟王盟曰藉草爲坐恐見火燒鋪木爲坐恐爲水流故今坐磐石上自今以後千秋萬歲常稱西蕃春秋朝貢無闕無懈乃使久氐等從千熊長彥入朝皇太后問久氐等曰海西諸韓旣賜汝國今復頻來何也久氐奏曰天朝鴻澤遠覃吾王不任感戴故因朝使還遣臣久氐奉謝聖恩皇太后悅增賜多沙城明年復使久氐

大日本史

卷二百三十七

列傳

五

朝貢皇太后使千熊長彥於百濟宣慰曰朕祇奉神祇之誨平定海西諸韓今王克修職貢屢輸忠誠懇款之至朕甚嘉尚焉乃使千熊長彥往迷朕此意王其能保封疆永敦好聘百濟王父子稽顙伏地啓曰大朝鴻恩重於天地何日何時敢忘之哉聖皇在上明如日月今臣在下固如山岳永爲西蕃世世勿渝壬申歲秋久氐送千熊長彥至獻七枝刀七子鏡及寶器數事久氐奏曰弊邑西界七

日行有谷那鐵山產鐵尋當貢獻復奏曰我王常誠子孫曰今我所事海東天皇聖恩洪大割海西賜我繇是我國式安社稷式固汝等能遵吾言奉貢不絕雖死何恨焉此後每歲朝貢乙亥歲肖古卒明年貴須立甲申歲貴須卒子枕流立二歲卒子阿花年少叔父辰斯自立不修職貢應神帝怒使紀角羽田矢代石川木菟責讓其無禮百濟殺辰斯以謝紀角等立阿花爲王而歸日本紀○三國史記或作阿芳

大日本史

卷二百三十七

列傳

六

東國通鑑八年阿花立亦久不朝貢於是削枕彌多禮及峴南支侵谷那東韓之地阿花乃使王子直支日本紀註引百濟記○按東國通鑑作腆支三國史記作直支與入謝留侍於朝十四年獻縫衣女二人十五年使阿直岐獻馬二疋阿直岐留仕于朝明年徵王仁至是歲阿花卒帝詔立直支爲百濟王賜東韓之地甘羅高難爾林城等遣之直支遣妹新齊都媛入侍于後宮直支卒日本紀○按本書云二十五年直支卒

一誤故子久爾辛立年尚幼大倭木滿致與

王母奸淫甚枉暴木滿致木羅斤資子也按

三國史記作木羅斤資嘗從將軍荒田別等

討新羅有功木滿致負父功稱受朝旨專制

任那及百濟帝聞之大怒召木滿致日本紀及本書

註引百濟記仁德帝四十一年遣紀角於百濟分

定國郡疆場審錄鄉土物產時百濟王孫酒

君無禮紀角怒讓之百濟王懼以鐵鎖縛酒

君依葛城襲津彦謝罪襲津彦等以酒君歸

木日本史卷三十七列傳七

日本紀允恭帝十六年久爾辛卒毘有立安康

帝二年毘有卒通鑑加須利君立日本紀○

曰蓋南王三國史記東國通鑑作蓋國王名

餘慶此已下三國史記東國通鑑所載百濟

日本紀合雄略帝即位加須利君進慕尼夫

人女池津入侍于後宮日本紀及本書註引

撰作池津與石川楯姦帝怒詔大連大伴室

屋張二人四支於木燒殺之加須利君聞之

曰向者貢女子已辱我國名自今不可貢采

日本朝軍君曰願賜君侍御而後行加須利

君以愛妾付軍君曰此婦懷胎產子當速送

致于此遂與辭訣軍君至筑紫各羅島婦產

兒名曰島君即載舟送還是為武寧王百濟

人呼此島曰生島也軍君侍衛京師後生五

子十九年高麗王臣璉攻百濟七日夜生獲

加須利君殺之百濟遺眾屯聚倉下高麗諸

將謂臣璉曰百濟人心操非常每使見者自

失不乘今滅之則後必難制臣璉曰百濟日

木日本史卷三十七列傳八

本官家其王子常入宿衛四方所知也今悉

滅之是結怨於大國不可也日本紀○按本

東國通鑑等為乙卯歲本書註引百濟記亦

為乙卯歲乙卯十九年也本書追書故係于

二十年帝聞百濟敗以久麻那利地賜汶洲

王汶洲王加須利弟也國人皆云百濟臣屬

已亡惟餘倉下兵今之興復實賴日本天皇

之再造也日本紀及本書一說○東汶洲立

三年為其臣解仇所殺汶洲子文斤誅解仇

紀本書係四年、今據東國通鑑、○按本書云、

文貴等奏曰、伴跂國侵奪臣本蕃已汶之

地、伏請天皇幸垂聖斷、還賜本蕃、秋太子淳

陀卒、（一）本書開冬呂百濟姐嬭文貴、斯羅汶

得至、安羅辛已美、貴已委佐、伴跋既殿美、竹

汶至等、諭以已汶帶沙、判賜百濟、伴跋又遣

戢支入朝獻珍寶、乞已汶之地、不許、於是伴

跋築子吞帶沙、嚴烽候以備于我、又築爾列

比麻、須比等逼新羅、九年文貴等歸、帝使物

部某於百濟、（一）本書註引百濟本紀曰、物部至連、物部至沙

都島、伴跋人叛、物部率舟師五百、直至帶沙

江、與伴跋人戰敗、物部僅脫身走汶、慕羅、（一）

書云明年百濟遣前部木易不麻甲背、迎勞

物部某於已汶、秋百濟州利即次將軍從物

部入朝、謝賜已汶之地、五經博士漢人高安

茂來代博士段楊爾、復遣灼莫古等送高麗

使安定等、十七年餘隆卒、謚武寧、子明立、是

為聖明王、（一）日本紀○按三國史記、明禮移都四北、改

國號曰南扶餘、（一）三國通鑑、廿三年明謂下哆

利國守穗積押山曰、朝貢使每避島曲、或遇

風濤、淹留日久、所賣物咸爛壞無色、請賜加

羅多沙津為朝貢津、押山為奏請、朝廷使物

部伊勢父根吉士老以津賜扶餘、（一）日本紀○

記、東國通鑑云、明改國號扶餘、而此下皆復

書百濟、蓋於是加羅王怒、結好新羅、尋復與

新羅有隙、新羅攻加羅拔八城、明年遣近江

毛野往安羅、敕諭新羅、反所侵南加羅、啖已

吞地、百濟亦遣將軍君尹貴麻、那甲背麻、鹵

等、往聽敕旨、毛野無綏遠之才、與新羅百濟

爭禮、不宜詔命、居任那三歲、爭訟滋興、人情

大騷、任那阿利斯等厭苦、陰使奴須久利於

百濟請兵、百濟即械奴須久利、與新羅俱圍

任那、責阿利斯等曰、速出毛野、毛野嬰城固

守、二國兵圍之踰月、天皇聞毛野奉使無狀、

擾動韓地、遣使徵還、百濟新羅兵大掠而還、

安閑帝元年遣下部脩德、嫡德孫上部都德

已州已婁朝貢、欽明帝元年遣使朝貢、二年

詔諭百濟、經略任那侵地、百濟王明會任那

日本府帥吉備臣、○本書註云、名關、安羅人加羅人

多羅人等、議曰、昔我速古王貴首王之世、安

羅加羅卓淳早岐等常遣使往來、厚結親好、

是以隣敵不敢侮、今南加羅卓淳二國、忽被

新羅誑、自取敗滅、使天皇震怒、任那人憤恨、

是寡人之過也、我深懲自悔、思補其過、前者

遣下部中佐平麻鹵、城方甲背昧怒等於加

羅、與任那日本府相共盟約、自爾而後、未嘗

一日忘建任那、今又奉詔曰、速建任那、卿等

太日本史 卷二百三十七 列傳 十三

何策以答朝旨、今復徵新羅宣詔命、以察彼

情狀乎、任那早岐等答曰、向者再三告諭新

羅、而彼竟不報答、今復徵之、恐無益也、大王

宜遣使於天朝、具奏其事、更別議建任那、然

任那境與新羅接、恐旦夕有三國覆轍之禍、

明日、三國所以滅者、非新羅以強吞之也、其

喙已吞介于加羅新羅之間、連年被兵、勢孤

援絕、任那不得應急、由此見亡、其南加羅叢

爾小國、固不能自立、其卓淳上下攜貳、終餌

新羅之甘言、自取滅亡、由此觀之、三國之敗

良有以也、昔新羅乞援於高麗、攻任那百濟、

我即防却之、彼以二國兵、尚不能克、今新羅

安能獨滅任那乎、寡人與卿等勦力同心、任

那可復焉、若使人未迴、卒有不虞、寡人應赴

援、勿以爲憂也、秋、明聞河內直○本書註引百濟本紀云、

加不至費直在安羅日本府、與新羅交通、遣

前部奈率鼻利莫古等於安羅、召新羅任那

執事、謂任那執事曰、昔我速古王貴首王、與

太日本史 卷二百三十七 列傳 十四

故早岐等約爲兄弟、我以汝爲子弟、汝以我

爲父兄、共事天朝、俱距強敵、安國全家、以至

于今日、是故厚脩鄰好、終始不渝、是寡人所

願、卿等何由輕信浮言、忽渝舊好、寡人恨焉、

蓋聞爲人後者、貴能負荷先軌、克昌堂構、以

成前烈也、今卿等奮然悔咎、悛過、追修先世

和親之好、敬順天皇之詔命、復南加羅喙已

吞等地、還附任那之舊貫、永爲兄弟、俱奉事

大國、是寡人寢食所庶幾也、夫新羅姦計、狡

謀天下之所與知也。頃聞卿等聽其甘言，弛解守備，寡人每爲卿等危之。且竊聞之，任那與新羅會時，有蜂蛇之妖。夫妖祥災異，天之所以告誡於人也。而卿等見妖至，不以爲怪，禍踵不知，甚可嘆息焉。古人云：追悔無及，此之謂也。卿等從寡人之言，聽大國之命，長有本土，永御舊民，孰與信甘言，亡失家國，以爲人俘虜也？卿等宜熟計審思矣。明復謂日本府執事曰：奉詔旨曰：任那夕滅，則汝國朝孤。

大日本史

卷二百三十七

列傳

十五

宜興建任那以爲汝之援，慰諭殷勤，喜懼交至，氣塞填胸，不知所以答盛旨矣。今退察新羅之情狀，其志不止乎此矣。諸君久在任那，亦是所審矣。天皇敕諭新羅，令反南加羅，噉已吞地者，非但數十年，新羅雖面敬唯諾，退無反侵地之意。惟是甘言卑辭，求媚於諸君，諛事朝廷，其志在窺釁吞噬任那也。然彼猶未敢動者，近羞百濟遠懼天朝也。今乘其無備，掩其不虞，則新羅可破，任那可復也。如此

則天皇怒釋諸君，亦必厚蒙朝章，身榮於當時，功烈照于世也。諸君不察，輕信甘言，則非惟滅任那，永遺譏於域外也。願諸君熟計之，勿爲他欺焉。明以河內直交通新羅，深切責之。遣紀臣奈率彌麻沙、中部奈率已連朝貢，奏下韓任那之政。四年秋，前部奈率真牟貴文護德已州已婁等入朝，獻扶南財物及奴二口。冬，遣津守連於百濟，詔罷百濟所置任那下韓郡令城主，悉屬于日本府。且璽書諭曰：爾屢表奏稱當建任那，逮乎十數年，而猶未敢興建。夫任那爲汝國之棟梁，如折棟梁，誰成屋宇？朕念在茲，爾須早建任那。任那建，則河內直等自當罷歸也。明乃會三佐平內頭諸臣議之。三佐平等對曰：我所置郡令城主，在下韓者不可罷。其建任那之事，宜早從詔旨。尋又宣前詔，歷問羣臣。上佐平沙宅已婁、中佐平木易麻那、下佐平木尹貴德率鼻利莫古、東城道天、木易昧淳國雖多，奈率燕

大日本史

卷二百三十七

列傳

十六

比善那等議曰臣等稟性愚暗都無智略然

竊謂建任那宜早奉詔也而河內直移那斯

麻都等移那斯或作阿賢移那斯麻都或作

今從本書所在安羅者任那恐難興建矣請

遣使召任那執事諸國旱岐等俱相會議抗

表奏論明日羣臣之議甚稱寡人之心是月

使施德高分屋○或作謂日本府及任那執

事曰請相見計事日本府及任那答云歲迫

矣當過正旦而往會五年正月又遣使促之

大日本史 卷三十七 列傳 十七

辭以時祭百濟又促之日本府及任那皆遣

賤者是以遂不得會議而罷百濟更遣施德

馬武施德高分屋等謂日本府及任那曰我

使自天朝歸津守連名亦尋至詔旨並云與

卿等謀早建良圖副朕之所望又云其間事

應審奏聞是以三馳使介而尚未有來意我

當以三月十日遣使於天朝具狀審奏卿等

亦各發使往聽天皇之敕又讓河內直曰自

昔唯聞卿之惡任那日縮職汝之由汝是雖

微譬如熒火然山野不急撲滅則其災延及

村邑使卿久于此則非唯破敗任那遂使海

西官家不得長奉於天闕也故今具奏汝行

惡又謂日本府卿任那旱岐曰夫建任那非

藉天皇之威誰能建之乎故欲與卿等會議

而卿等何故不來日本府答曰任那執事不

得赴會者此由我不遣也我向遣使諮訪朝

旨曰朝廷使印歌臣○本書註云於新羅津

守連使於百濟日本府臣等待二人至聽詔

大日本史 卷三十七 列傳 十八

命不勞自往焉尋聞印歌臣至新羅使人問

之曰日本府及任那俱就新羅聽朝命未聞

就貴國聽焉津守連尋至於此亦曰令我使

於百濟者為罷百濟所置下韓郡令城主是

亦未聞就貴國聽朝命故抑任那不遣而亦

不自往焉百濟遣奈率阿七得文等上表曰

再奉詔書當與日本府臣及任那諸旱岐等

相議早建任那者伏承聖旨不敢暫停即召

日本府執事○本書註引百濟記曰及任那

諸旱岐而日本府任那皆曰新年已近過正旦而往久而不就復遣使促之對以祭祀時至使者三回執事旱岐並不躬來使人代來而其人微賤不足與議事故即時放回之夫任那以安羅為兄安羅以日本府為天今的臣吉備臣河內直等咸從阿賢移那斯佐魯麻都○按吉備臣的臣河內直三人鎮日本府者而名關阿賢移那斯佐魯麻都詳上指搗不敢得專決此二人是雖微賤專橫于日本府其抑任那而不遣亦是二人之所為也假使斯人久在安羅逞其毒則任那終滅海西諸國亦不得奉職貢也伏請移此二人於他處而後新敕諭日本府更議建任那謹差奈率彌麻沙奈率已連從已麻奴跪奉表入朝○本書註云已麻奴跪津守連也伏乞天裁帝答敕曰的臣等○本書註云的臣吉備弟私往君臣河內直都三人也來新羅是非朕心也曩日印支彌○本書註曰未詳與阿鹵旱岐在時為新羅所逼不得耕種卿之國路迴不能救急由的臣往來新羅方得

大日本史 卷二百三十七 列傳 十九

耕種此朕所嘗聞也今已建任那則移那斯麻都自然當罷歸王勿以勞念矣明復遣使上表曰伏承詔旨喜懼兼懷是知新羅奸計構讒誤朝廷之聽矣向在我留印支彌許勢臣之時○本書註引百濟本紀曰或留印支彌之後至既而臣時未詳新羅未有踰封疆侵他界安羅亦未嘗有寇至之患今茲春新羅取喙淳遂驅出我久禮山戍有之與安羅分界耕植不互相侵軼然移那斯麻都過侵疆界故為彼所驅逐臣及時赴援是以任那得隨時耕種新羅亦不敢得恣侵掠臣又嘗聞新羅每春秋多聚甲兵或云欲襲安羅與荷山或云將襲加羅臣即遣將士助守任那預備不虞是以新羅姦計未得發也然奸人誣奏百濟路迴不得應急由的臣往來新羅方得耕種是皆奸佞之徒構造邪說欺罔天朝也臣切謂的臣等在安羅者任那難可興復矣伏乞天裁早為之處臣又觀佐魯麻都其狀甚非常麻都是雖韓腹所

大日本史 卷二百三十七 列傳 二十

生而位居大連、則日本執事之間、入榮班貴
 盛之列、而今著新羅奈麻禮冠、公然往來、曾
 無顧憚之色、是皆道路所視、其心歸服新羅
 可知也、臣伏歷觀諸國敗亡之狀、皆由有貳
 心者為之內應矣、唯國卓淳可以為鑒、誠焉
 今麻都心已歸于新羅、臣恐仕那之滅不久
 矣、仕那若滅、則臣國孤危、伏冀玄鑑、幸察臣
 微誠、速除奸臣、早建仕那、是國家之慶、寡人
 之願也、日本紀注 帝不報、日本紀注 百濟復遣使

本日本史

卷一百三十七

列傳

三十一

召日本府及仕那、於是日本府吉備臣、新羅
 下早岐大不孫、久取柔利、加羅上首位、占殿
 美卒麻君、斯二岐君、散半美君、兒多羅二首
 位、訖乾智、子他早岐、久嵯早岐等竝赴於百
 濟、明曰、仕那國自古與我約為子弟、新羅無
 道、背約違信、滅卓淳股肱之國、寡人常願為
 仕那報仇復地、永為兄弟、共事天朝、而良圖
 未建、今我有三策、卿等擇從其善、曾聞新羅
 安羅兩國之境有大江、吾欲據其要害、築六

城、請天兵三千、每城令五百人守之、我別出
 兵士、時蹂亂賊境、不得令彼田作、而伺其怠
 疲而擊之、久禮山五城投兵而降、久禮山舉
 則卓淳可從而復、其策一也、南韓置郡令城
 主者、豈敢違背朝命、塞斷貢調之路乎、顧北
 敵強大、我國日微弱、若不置郡令城主、則不
 可以禦北敵、亦不可以制新羅、故置之以防
 遏隣敵、屏蔽仕那、我欲奏之天朝、其策二也、
 吉備臣河內直、移那斯麻都不去、則仕那決
 不得建焉、今抗表奏請、欲移此四人於他處、
 其策三也、吉備臣及早岐等曰、大王三策甚
 善矣、請還詔日本府大臣及安羅王、加羅王、
 俱發使奏聞於天朝、日本紀注 按吉備臣在
 其答不宜如此、且仕那興建之議、本書文、理
 錯亂、人名訛誤、不可考定、姑從本文書之、以
 待後考、

本日本史

卷一百三十七

列傳

三十二

大日本史卷之二百三十七終

大日本史卷之二百三十八

列傳第百六十五

權中納言從三位源光圀 修

男權中納言從三位綱條 校

玄孫權中納言從三位治保重校

外國七

百濟下

欽明帝六年春、膳巴提便使於百濟、夏百濟王明使奈率其悽施德次酒入朝、秋百濟造

大日本史

卷二百三十八

列傳

一

丈六佛像、明自作願文曰、蓋聞造丈六佛、功德甚大、伏願天皇獲勝善之德、天皇彌移居

國○按彌移居所謂宮家也、國音通、

俱蒙福祐、普天之下、一

切衆生、亦皆得解脫、故敬造之、七年中部奈率已連等還蕃、仍賜良馬七十疋、船一十隻、

夏使中部奈率掠葉禮等貢調、八年使前部

德率真慕宣文、奈率歌麻等乞援、下部東城

子言來、代德率汝休麻那宿衛、明年春高麗

圍馬津城、真慕宣文等辭歸蕃、詔曰、援兵必

發、汝速報王、帝尋遣使詔曰、德率宣文等歸

後、消息如何、聞汝國爲伯賊所逼、宜與任那

同謀禦之、

○按本書以此詔係六月、今考詔文、當在德率宣文等歸後、掠葉禮

入朝

前、夏中部扞率掠葉禮等入朝、奏曰、德率

宣文等至、祇承恩詔、喜躍無勝、今春馬津城

之役、聞虜中語曰、由安羅與日本府之招來、

臣疑而未信、然不可以不究其所由、故召安

羅及日本府執事而不來、是以愈懷疑懼、伏

願可畏天皇

○本書註曰、西蕃稱天皇爲可畏天皇、下皆效之、

暫停

大日本史

卷二百三十八

列傳

二

援師、先賜勘當、詔曰、省書奏具之、安羅及日

本府不救隣難、朕之所疾也、其曰通使于高

麗者、朕所不命、不可輕信也、願王開襟緩帶、

恬然自安、勿深疑懼、宜依前敕、與任那戮力、

固守封疆、扞禦北敵、朕當發若干人、實安羅

空間之地、冬爲百濟築得爾辛、十年將德久

貴固德馬次文歸、詔曰、延那斯

延那斯蓋移那斯也、今從

本文

不改、麻都、陰交通高麗者、朕當令加勘問、所

調救兵、依來請停之、十一年帝遣使問高麗

兵事、○日本書註引百濟記曰、日本使阿比多、詔曰、朕聞北敵強

暴、故賜矢三十具、朕復聞奈率馬武王股肱

之臣、納上傳下、能輔佐王、若欲家國無事、永

保官家以事於朕者、宜每以馬武爲大使入

朝、使還、因獻高麗虜六口、別使中部奈率皮

久斤等獻狗虜十口、十二年春以來種一千

石賜百濟、秋明會新羅任那兵伐高麗、獲漢

城之地、又進軍取平壤六郡、悉復故地、十三

年夏百濟加羅安羅遣中部德率木易今敦

大日本史 卷三百三十八 列傳 三

等來奏曰、新羅與高麗通好合謀、將滅諸蕃

國、故遣臣等謹請援師、冬明遣西部姬氏達

率怒喇斯致契等獻釋迦佛金銅像一軀、幡

蓋經論、并上表讚流通禮拜功德云、是法於

諸法中、最爲殊勝、難解難入、周公孔子尚不

能知、此法能生無量無邊福德果報、乃至成

辦無上菩提、譬如人懷隨意珠、逐所用盡依

情、此妙法寶亦復然、祈願依情無所乏、且夫

遠自天竺、爰洎三韓、依教奉持、無不尊敬、百

濟王臣明謹遣陪臣怒喇斯致奉傳帝國、流

通畿內、果佛所記、我法東流、帝歷問羣臣、大

連物部尾與中臣鎌子奏、是蕃國神不可拜、

乃投佛像難波堀江、是歲百濟棄漢城平壤、

十四年春使上部德率科野次酒等請救、前

使人中部扞率木易今敦等辭還蕃、○按木

十三年入朝、位德率今歲歸國、而書扞率可

疑、按三國史記德率四品、扞率五品也、本書

一必有夏遣內臣註○本書賜明良馬二疋、船二

大日本史 卷三百三十八 列傳 四

隻、弓五十張、箭五十具、敕曰、援兵之數、唯王

所請、別敕醫易曆博士當交代者、附還使相

代、其卜書曆本藥種亦宜附送、秋使上部奈

率科野新羅下部固德汝休帶山等上表曰、

去年臣等同議、遣內臣德率次酒任那大夫

等、奏海表諸彌移居之事、伏待恩詔、如春草

仰甘雨、今年忽聞新羅與狗通謀、云百濟與

任那頻朝日本、是必乞兵伐我國也、不如先

日本兵未發、攻取安羅、絕日本路、臣等聞其

謀、深懷危懼、故馳使以聞、伏願天慈幸垂愍

卹速救海表彌移居國軍衆所用衣糧臣應辦給且海表諸蕃甚乏弓馬自古迄今皆仰給於官庫今強敵熾盛宜資武備伏願垂賜且奏曰的臣奉天敕來撫臣蕃夙夜乾乾勤修庶務由是海表諸蕃皆稱其善謂當萬歲肅清海表今不幸云亡深用追悼伏願天慈速遣其代以鎮任那冬百濟王子餘昌將國兵攻高麗軍夜次百合野高麗潛兵奄至急鼓餘昌大驚梓鼓相應通夜固塞堅守天曙

大日本史

卷一百三十八

列傳

五

高麗兵綿亘鉅野飾騎五人並轡來呼曰兒輩傳道有客野宿何不迎勞乎我王卽命下臣來勞從者敬問尊姓年爵餘昌答曰姓是同姓位是扞率年二十九餘昌問亦如前乃立標合戰百濟兵以鉞刺高麗勇士於馬上墮之斬首貫鉞視衆高麗軍將大怒百濟乘勝急鼓士氣益振遂大敗之高麗王高平成走東聖山高麗王名據東國通鑑十五年中部施德木易文次等至筑紫府問救軍數且曰今年之

役甚危於前願師出勿違期矣內臣佐伯連奉敕許兵一千馬百疋船四十隻尋使下部扞率將軍三貴上部奈率物部烏等乞兵德率東城子莫古來代東城子言五經博士王柳貴代固德馬丁安僧曇慧等九人代僧道深等七人易博士施德王道良曆博士固德王保孫醫博士奈率王有陵陀採藥師施德潘量豐固德丁有陀樂人施德三斤李德已麻次李德進奴對德進陀皆依請代之夏內

大日本史

卷一百三十八

列傳

六

臣帥舟師援百濟冬明遣下部扞率汝斯干奴上表曰百濟王臣明及安羅日本府臣任那諸國旱岐等奏斯羅無道與伯同心謀滅海表彌移居臣等危怖仰待王師六月有至臣按有至臣即內臣也國音通帥師至於是上下歡喜便以十二月九日攻斯羅臣先令東方領物部莫哥武連領本部兵攻函山城東國通鑑作管山城有至臣所帥筑紫物部莫奇委沙奇能射火箭藉天皇之威靈以卽日酉時焚城拔之若

但斯羅者、有至臣軍足矣、彼若與伯合勢、則恐難可成功、伏願命竹斯島上諸軍悉赴援、則誠莫可憂矣、軍事方棘、因馳單艇奏聞、謹獻好錦二疋、靴毼一領、斧三百口、所虜斯羅男二口、女五口、日本紀餘昌已拔函山、乘勝欲滅新羅、耆老諫曰、天未與矣、懼禍將及焉、餘昌曰、卿等老矣、何怯也、我事大國、何懼之有、遂深入新羅、築久陀牟羅塞、明憂念餘昌久勞行陳、自往慰勞、新羅聞明親來、即發兵圍

日本書紀

卷三十八

列傳

七

之、百濟軍大敗、新羅奴卒名苦都

○本書註更名谷智

東國通鑑作碑將高干都力

與明遇、苦都再拜曰、苦都賤

奴也、大王名主也、今使賤奴殺名主、願聞王

名、常莫忘於心、傳之後世、明日、王首不合受

奴手、苦都曰、我國法違背所盟、雖曰國王首、

當受奴手、明踞胡床、仰天大息涕下、乃解佩

刀授苦都受斬、日本書紀一說及新羅以禮葬其首、

送屍於百濟、日本書紀一說今從一說、苦時新

羅圍餘昌急、士卒惶駭、不知所為、筑紫國造

善射、發矢雨注、新羅驍騎中之墜馬、其矢洞鞍前後橋、其餘莫不應弦踣、新羅圍兵披靡、餘昌乃得乘間脫走、因褒國造曰鞍橋君、新羅欲窮追滅之、有一將曰、不可也、日本天皇以任那之事、憎我已深矣、今况復滅百濟官家乎、必招後患、故止而不追、明年餘昌遣弟惠來朝、帝始聞明戰沒震悼、遣使迎勞王子惠於津、許勢臣問王子惠曰、留于此乎、將歸乎、惠答曰、朝廷垂憐於亡國、賴假偏師、仗天

日本書紀

卷三十八

列傳

八

威以報大讐、惠之願也、惠之去留、唯命是從、

蘇我臣問曰、王妙達天道地理、名聞四方、意

謂永保多福、統領西藩、以奉朝廷也、今有何

咎以致茲禍、惠答曰、惠稟性愚闇、不知大計、

何況禍福所倚乎、蘇我臣復謂惠曰、昔在大

泊瀨天皇之世、汝國為高麗所攻、危甚於累

卵、天皇命神祇伯受策於神宮、往救汝國、由

是汝國靜謐、社稷安寧、乃命汝國祭其神、其

神則天地割判、草木言語之時、自天降始建

邦之神也、今汝之國輟而不祀、是以禍亂荐興、社稷以危、方今修理神宮、欽奉祭祀、則社稷可再昌矣、餘昌謂其臣下曰、我欲出家修道、資先王冥福、何如、諸臣諫曰、新羅高麗、不共戴天之仇矣、王子若出家、誰報其仇、誰雪國恥、臣等請為度國民、以遂王子之願也、餘昌從之、乃度百人薦其冥福、十七年王子惠歸國、賜兵仗良馬遣之、其從者皆賜物有差、惠等感喜、阿部臣佐伯連等帥筑紫舟師衛

大日本史 卷三十八 列傳 九

送、別詔筑紫火君○本書註引百濟本紀云、筑紫君兒火中君弟、率

勇士一千、送至彌氏津、以備要衝之地、十八

年春、餘昌嗣立、是為威德王、○東國通鑑云、聖明敗死、其年

餘昌二十三年、大將軍紀男麻呂、副將河邊

瓊、征伐新羅、大將軍大伴狹手彥、領兵數萬、

伐高麗、并詔百濟策應、狹手彥擊敗高麗軍、

瓊、征伐新羅、失律無功、歸、敏達帝四年、昌使

使貢獻、多於常例、使吉士譯語田彥於百濟、

計任那興復之事、六年、大別王與小黑吉士

宰於百濟、○本書註曰、王人奉使於三韓者、自稱曰宰、大別王不詳所出、小黑

名、冬、大別王等歸、昌附獻經論及僧尼咒禁、

造佛工、造佛寺工六人、十二年遣吉備海部

羽島於百濟、徵日羅、昌愛日羅之才、不肯遣、

羽島用日羅計、盛色宣敕召日羅、昌怖使恩

率德爾余怒歌奴知、參官柁師德率次于德

等、送日羅至、帝大悅、恩率參官意日羅悉言

已國事、臨發密命德爾余怒、於後殺日羅、帝

大怒、捕德爾等下獄、鞠問皆伏罪、乃以德爾

賜日羅族甘心、恩率參官海中遇風濤、舟船

漂散、恩率溺死、崇峻帝元年、恩率首信、德率

蓋文等朝貢、并獻佛舍利及僧聆照等六人、

寺工鑪盤瓦師畫工數人、推古帝五年、王子

阿佐朝貢、日本六年、昌卒、第二子李明立、東

通七年、使使獻駱駝驢各一疋、羊二頭、白雉

一隻、日本是歲、李明卒、謚惠王、長子宜立、是

為法王、八年、宣卒、子璋立、是為武王、三國史記、東國

通九年、新羅攻任那、遣坂本糠手詔百濟救

大日本史 卷三十八 列傳 十

任那十七年百濟僧俗八十五人、逢風漂著肥後國葦北津、使難波德麻呂船龍等送還其國、二十年百濟人投化、其人身面皆斑白、惡其異於人、欲投之海島、其人謂曰、若惡臣斑皮者、白斑牛馬亦不可用於國乎、臣有小技、能構山岳之形、乃試造須彌山形及具橋於南庭、因命之曰路子工、亦名芝耆麻呂、又有一人名味摩之、善具樂、因令少年習之、二十三年百濟使從入唐使犬上御田鍬等入

是日奉見

卷百三十八

列傳

十一

朝、舒明帝二年使恩率素子德率武德朝貢、三年璋遣王子豐入質於朝、○本書云、義慈質、按東國通鑑、今歲武王璋立三十二年也、義慈立、在舒明十三年、本書作義慈、恐非也、故改之、豐璋舊唐書及三國史記、東國通鑑、單作豐、本書誤以百濟王璋與王子豐之名、今併改之、七年遣達率柔等朝貢、十年十二年累朝貢、日本紀是歲璋卒、子義慈立、三國史記、東國通鑑、皇極帝元年春、使使弔舒明帝喪、阿曇比羅夫等就館問百濟消息、使者曰、百濟王命臣曰、聞塞上在朝廷、常為不法、汝歸之日、請

塞上俱來、朝廷不許、○按本書又載、吊使倭積死、又百濟使人投崑崙、使於海、今年正月、國王母薨、又弟王子兒翹岐、及其母妹女子、四人、內佐平岐、味有高名者、四十餘人、被放於海島、今按平岐、下文、此後智積入朝、翹岐亦被徵來朝、倭人語可疑、不知此事在智積歸國後、倭人從至者語之、訂本、書者訛載于此、歟、不可、國勝水難使于百濟、召王子翹岐居阿曇山城連家、○按翹岐及智積來、不詳在何月、本書恐有錯誤、今從舊文、不改、夏翹岐廷見、大臣蘇我蝦夷宴翹岐等於畝傍邸、惟塞上不預、蝦夷贈翹岐馬一疋、鐵二十錠、翹岐兒病死、翹岐將妻子移居百濟

日本本史

卷百三十八

列傳

十二

大井家、遣人葬兒於石川、凡百濟風俗畏忌死者、雖父母兄弟夫婦、終不自臨、新羅亦同、七月饗翹岐及大佐平智積等於朝、○本書智積及子德率、其恩率軍善、命健兒相撲、宴罷、智積出拜翹岐門、百濟質達率長福授位小德、中客已下、授位各有差、二年使達率自斯恩率軍善朝貢、朝廷遣羣大夫於難波、責貢調違例、自斯等對曰、即今可備、自斯達率武子之子、武子時質于朝、○武子為質、是歲百濟太子餘

豐

○本書無璋字、前以蜜房四枚放養三輪文誤加璋字者明

山終不蕃息四年遣使朝貢孝德帝大化元

年佐平緣福等朝貢兼領任那調使詔緣福

等曰昔我遠皇祖以百濟國爲內官家以任

那附屬百濟其後三輪栗隈東人觀察任那

國界其方土所產調賦所出具錄圖籍而今

之貢獻多所闕乏是以卻還之自今以後貢

獻物具題所出國郡名又敕徵鬼部達率意

斯妻子白雉二年三年四年並朝貢五年秋

大日本史

卷三十八

列傳

十三

朝貢冬復來弔孝德帝喪

日本紀○本書一說曰帝時三韓每

貢齊明帝元年西部達率余宜受東部恩

率調信仁朝貢凡一百餘人日本紀二年遣

使朝貢西海使佐伯栲繩小山下難波國勝

還自百濟獻鸚鵡一隻三年西海使小華下

阿曇頗垂小山下津倭樓還自百濟獻駱駝

一驢二日本紀六年新羅王金春秋乞師於唐

俱攻百濟日本紀一說引高麗初義慈立二

年使將軍允忠攻拔新羅大邪城金春秋女

婿金品釋及妻子皆死之春秋怨入骨髓及

新羅王真德死春秋代立厚結好於唐時義

慈與高麗連和屢出兵攻新羅金春秋怨之

益深三國史記義慈初有孝友之聲稱海東

曾子舊唐書三國史後稍荒淫夫人妓妾擅

弄國柄誅殺賢良日本紀○按註引僧道顯日本

宮人日夜淫亂耽樂佐平成忠諫國又屢有

怪異三國史記阿曇頗垂使于百濟而歸亦

云始至之時會百濟伐新羅還有軍馬自繞

大日本史

卷三十八

列傳

十四

寺金堂晝夜不息唯食草時少止日本紀是歲

七月唐大將軍蘇定方率舟師軍尾資津東

德物通鑑作新羅王金春秋將馬步軍屯怒受

利山夾攻三日城陷日本紀蘇定方以義慈

及其妻恩古太子隆諸王十三人大佐平沙

宅千福國辦成孫登等歸于唐日本紀一說

書九月達率沙彌覺從等來告難百濟西部

恩率鬼室福信據任射岐山○本書一說云

達率餘自信信本傳據中部久麻怒

利山城。○本書一說云、都都岐留山、收集散卒、新羅兵攻

之、時福信士卒未有兵刃、皆以楮戰、大破新

羅軍、悉奪其兵仗器械、於是兵氣稍振、遂入

保王城、國人歸之者衆、冬、福信遣佐平貴知

等乞援、獻唐俘一百餘人、并請王子餘豐曰、

唐人與新羅蕩擾我疆場、傾覆我社稷、君臣

皆爲虜、而百濟遙賴天皇之威靈、更鳩集義

徒、得再建邦、伏願迎王子餘豐以主社稷、帝

乃下詔曰、乞師請救、聞之古昔、扶危繼絕、著

大日本史

卷二百三十八

列傳

十五

于恒典、故枕戈嘗膽、必資拯救、今百濟以本

邦喪亂、靡依靡告、窮來歸于我、是以命爾將

士、百道俱進、雲會雷動、俱集沙喙、翦其鯨鯢、

紆彼倒縣、其王子餘豐、有司宜備禮、以時發

遣、帝將幸筑紫、遣救軍、乃先幸難波宮、詔修

繕軍器、又敕駿河國造軍艦、已成、挽至續麻

郊、夜中無故、艫舳自反向岸、七年春、帝御舩

西征、次磐瀨行宮、夏、百濟福信遣使奉表請

迎王子紇解、○本書關紇七月、帝崩、皇太子

解來朝文

喪服聽海表軍政、八月、前將軍大華下阿曇

比羅夫、小華下河邊百枝、後將軍大華下阿

陪引田比羅夫、大山上守大石、大山上物部

熊救百濟、日本紀九月、皇太子以織冠授百濟

王子豐、以多蔣敷之妹妻之、使大山下狹井

檳榔、小山下秦田來津帥兵五千餘人、衛送

王子豐及其叔父忠勝等、日本紀及福信迎

拜稽首、即復國政於豐、壬戌歲、賜百濟佐平

鬼室福信矢十萬隻、絲五百斤、綿一千斤、布

大日本史

卷二百三十八

列傳

十六

一千端、韋一千枚、稻種三千斛、別賜豐布三

百端、夏五月、大將軍阿曇比羅夫等率舟師

一百七十艘繼發、詔立豐爲百濟王、賜金策

於福信、褒獎其勲勞、豐及福信稽首奉敕、衆

皆感喜流涕、六月、遣達率萬智入朝、謝恩、冬

豐及其臣福信議、自州柔城、○東國通鑑州

名多與移居避城、秦田來津諫曰、避城密邇

敵境、一夜可行兵、若有不虞、悔無及矣、豐等

不聽、遂移居避城、明年春、使達率金受朝貢、

新羅兵燒百濟南畔四州陷安德等城○東國通鑑云取居列居督沙平德安四城由是避城去賊益近勢不

得保乃還居州柔福信遣使獻唐俘續守言

等三月遣前將軍上毛野稚子間人大蓋中

將軍巨勢神前譯語三輪根麻呂後將軍阿

陪引田比邇夫大宅鎌柄率兵二萬七千人

攻新羅夏六月取沙鼻奴江二城日本紀時福

信專權與豐相猜三國史記或讒之豐豐信

之續日本紀犬上○名見紇解於石城紇解仍語

福信之罪豐便執之以革穿掌縛之問諸臣

曰福信有罪可斬乎不達率執得曰此惡逆

人不合放福信唾執得罵曰腐狗癡奴豐命

健兒斬之醢其首秋新羅聞豐殺福信謀直

入取州柔豐謂將士曰日本將軍廬原君帥

健兒萬餘來我當自往于白村慰勞卿等固

守城而待既而新羅兵奄至圍州柔唐將軍

劉仁軌等劉仁軌據唐書列船于白村江○

唐書東國通鑑日本船師先至者與唐兵會不

利諸將爭先而進為唐兵所夾擊官軍敗績

溺死者衆秦田來津仰天切齒殺數十人戰

死豐走高麗州柔陷軍民相謂曰州柔陷事

無奈何百濟之名絕于今日乃與其妻子辭

訣至氏禮城會日本軍佐平餘自信○東國通鑑曰

遲受信保任存達率木素貴子谷那晉首憶

禮福留等與王師俱來百濟遂滅甲子年置

百濟王義慈子善光等於難波○續日本紀作釋廣乙

丑年以佐平福信之功於百濟授達率鬼室

集斯小錦下以百濟男女四百餘人置于近

江神前郡天智帝元年遣未都師父朝貢○

唐書曰唐麟德二年以百濟太子隆為熊津

都督俾歸國隆畏衆攜散逃歸于唐儀鳳中

封帶方郡王隆畏衆攜散逃歸于唐儀鳳中

高麗元武氏以其孫敬襲王今按百濟使蓋

是隆等也二年移佐平餘自信佐平鬼室集斯

及男女七百餘人于近江蒲生郡餘自信沙
宅紹明已下各隨才錄用四年百濟臺久用
善昇真子等相繼朝貢日本紀善光子孫仕于
朝續日本紀

大日本史卷之二百三十八終

大日本史

卷之二百三十八

列傳

十九

大日本史卷之二百三十九

列傳第一百六十六

權中納言從三位源光圀 修

男權中納言從三位綱條 校

玄孫權中納言從三位治保重校

外國八

任那

耽羅

任那去筑紫二千餘里北阻海在雞林西南

大日本史

卷二百三十九

列傳

一

崇神帝六十五年秋其國使蘇那曷叱智等

朝貢或言其人額有角始至越國寄飯浦因

名其所以角鹿土人問曰何國人也對曰意

富加羅國王子名都怒我阿羅斯等又名

于斯岐阿利叱智于岐聞日本國有聖皇是

以歸化至穴門國人伊都都比古結曰吾國

王也臣知其偽乃去所在淹留經出雲至此

會崇神帝崩垂仁帝即位詔阿羅斯等曰令

汝早來必事先天皇今追取先天皇御名改

汝國名曰彌摩那日本紀及本書一說

御開城彌摩那國音相近彌賜任那王赤絹

摩那後改作任那音亦通賜任那王赤絹

一百匹厚賜阿羅斯等遣歸途為新羅所鈔

剽由是二國不相好焉仲哀帝九年神功皇

后西征三韓平底始置內官家己巳歲將軍

荒田別鹿我別伐新羅取比自炆南加羅味

國安羅多羅卓淳加羅七國後又取斯二岐

國卒麻國古嵯國于他國散半下國乞食國

大日本史

卷二百三十九

列傳

二

別有王及旱岐各治本國○按任那三國史

無所見東國通鑑曰牛頭者任那加良人也

任那惟見于此矣因知意富加羅者大伽那

而為建武十八年駕洛國通鑑與北勝覽曰漢

光武初有九子曰我刀曰汝刀曰彼刀曰五刀

曰留水曰留天曰留神曰留鬼曰留五刀曰

其聚居山野無君臣位號九子修禊事之

得金合開視有六金卵皆化為男衆驚異之

立始生者為主因稱金卵姓金氏以始見五

露國號大駕洛又稱金卵姓金氏以始見五

各為五加那主曰阿羅伽那古寧伽那星

如那大加那小加那金首露立一百五十八

年死居次次麻品次居次次伊尸品次

空知次居次次麻品次居次次伊尸品次

四百九十一歲與地勝覽曰大伽那國自

崩後壬子歲與地勝覽曰大伽那國自

崩後壬子歲與地勝覽曰大伽那國自

崩後壬子歲與地勝覽曰大伽那國自

崩後壬子歲與地勝覽曰大伽那國自

崩後壬子歲與地勝覽曰大伽那國自

崩後壬子歲與地勝覽曰大伽那國自

崩後壬子歲與地勝覽曰大伽那國自

伊珍阿政王至道設智王凡十六世五百二十
年新羅真興王滅之東國通鑑亦言真興
王二十三年滅大伽那二十三年新羅滅
年也與日本紀欽明帝二十三年新羅滅
那合矣然則任那專指大伽那初丙寅歲斯摩
那也卓然國等不可詳考

宿彌關○姓使于卓淳國其王末錦旱岐告斯

摩曰甲子歲百濟人久氏彌州流莫古三人

來于此曰百濟王使臣等使於日本朝故來

假路時海路未通乃告以實久氏歸其國具

船楫且曰貴朝使至者急相報今即可為相

報斯摩即遣倭人爾波移卓淳人過古於百

濟慰諭其王○本書一說引百濟記曰壬午

納新羅女幣捨而不討反伐加羅其王已本

早岐及子百久氏阿首至國沙利伊羅麻酒

爾汶至等率其人民奔百濟百濟厚遇之已

本早岐遣其妹既既至入朝告襲津彦遇之新

羅美女反討加羅帝大怒即詔木羅斤資注

加羅安集人民復其社稷此說與本書異故

不應神帝十四年弓月君率百二十縣人口

歸化為新羅所關人口咸留加羅使葛城襲

津彦召其人口襲津彦亦為新羅所遇三年

於新羅之境新羅懼還襲津彦及人口

二十五年大倭木滿致稱承朝旨專于任那

帝聞徵還之日本紀本書一說引百濟記雄略帝七年以

吉備上道田狹為任那國司明年高麗攻新

羅新羅使人告任那王曰弊邑為高麗所攻

危過於累卵伏請王為弊邑乞救日本府行

軍元帥任那王為請膳斑鳩吉備小梨難波

赤目子救新羅斑鳩等往救之大破高麗軍

而還顯宗帝三年紀大磐○本書或作生磐據任那

交通高麗欲并吞三韓營建官府自稱神聖

用任那左魯那奇他甲背等計殺百濟適莫

爾解於爾林築帶山城梗塞東道斷運糧津

百濟遣兵攻帶山城大磐兵食共盡逃還百

濟殺左魯那奇他甲背等三百餘人繼體帝

三年詔任那括出所在百濟浮浪民返附於

百濟六年穗積押山為任那哆唎國守百濟

表請任那上哆唎下哆唎娑陀牟婁四縣押

山奏曰此四縣遠隔日本府近接百濟難大

難別今賜百濟合為一國久全之策也大連

於新羅之境新羅懼還襲津彦及人口

大日本史 卷二百三十九 列傳 三

大日本史 卷二百三十九 列傳 四

大伴金村奏聞、朝廷許其請、以物部麤鹿火
爲宣敕使、其妻諫曰、住吉神始以高麗百濟
新羅任那等授胎中天皇、故皇太后氣長足
姬尊與大臣武內宿禰議、每國置官家、爲海
表藩屏、其來尚矣、今割賜他國、恐有綿世之
譏焉、麤鹿火然其言、遂以疾辭、乃改命他人
宣賜之、勾大兄皇子後聞大悔、遣人改宣不
及、時流言大伴金村穗積押山受百濟之賂
矣、七年徵安羅辛已、奚及貴巴委佐伴跋既

大日本史

卷一百三十九

列傳

五

殿、奚及竹紋致等於朝、告以已汶帶沙賜百
濟、二十一年詔近江毛野、率兵六萬、復新羅
所侵之南加羅、啖已吞等地屬任那、○按本
書新羅
滅南加羅、啖已吞、年月不詳時筑紫國造磐井叛、西海路
梗、毛野不得進、二十三年以加羅多沙津賜
百濟、物部伊勢父根吉士老爲使、加羅王謂
老曰、多沙津從置官家以來、爲臣朝貢津然
更賜百濟、臣未知有何罪、老等慚恥、不敢面
宣賜、還至大島、別遣錄史宣賜百濟、加羅怨

之、私結好於新羅、

○按東國通鑑、加羅與新羅、在繼體帝十六年、至

此離

娶其女有兒息、初新羅送女、從者皆著

本國服、後猶不肯改、阿利斯等怒責還之、新

羅聞大羞、請還其女、加羅已富利知加

○本
書註

曰、未

詳、曰、已爲配偶、今何更離別、新羅怒發兵、

拔刀伽古跋布那牟羅三城、尋拔北境五城、

是月近江毛野使于安羅、勅諭新羅、反南加

羅、啖已吞地、安羅新築高堂、延敕使、安羅王

自後階昇、國內大人昇堂者一二人、百濟新

大日本史

卷一百三十九

列傳

六

羅使皆列堂下、毛野無和解之意、徒自尊大、
不宜詔命、每日會議於堂上、如此者數月、任
那王已能末多干岐、○本書註曰、入朝、啓大
阿利斯等也連大伴金村曰、海表諸蕃、自胎中天皇置內
官家、不棄本土、沿封其故、今新羅屢踰境來
攻、願詔新羅、莫使復恣侵掠、金村奏之、遣使
送已能末多干岐、并詔毛野速爲和解、毛野
召新羅百濟二王不來、毛野大怒、不宜詔命、
新羅更使上臣伊叱夫禮智率兵三千來、毛

野懼爲所襲、入任那已叱已利城、新羅上臣

待詔三月、毛野嫌人與新羅部人以事相爭、

伊叱夫禮智掠多羅等四村人口去、○本書說曰、

金官背戊安多委陀四村、二十四年任那使使奏言、毛野

臣在久斯牟羅、興造舍宅、淹留二歲、○本書說云

三遂無和解之意、撫御失方、諍訟荐興、乃置

誓湯、濫投人於沸湯、爛死者相枕、伏願徵還

毛野臣、安輯諸蕃、帝大怒、使人徵之、毛野不

肯還、任那阿利斯等頻勸、亦不還、阿利斯等

大日本史 卷二百三十九 列傳 七

密使久禮斯已母于新羅、奴須久利于百濟

請兵、二國兵來圍踰月、毛野嬰城固守、時調

吉士使於任那還、具奏毛野傲狠、不開治體、

擾亂加羅、即遣目頰子○本書註曰、未詳、徵還之、新

羅百濟兵拔騰利枳牟羅等五城而去、宣化

帝二年以新羅寇任那、使大伴狹手彥往鎮

任那、且救百濟、欽明帝元年遣使貢獻、二年

夏詔百濟復任那侵地、於是安羅次旱岐夷

吞奚、大不孫、久取柔利、加羅上首位古殿奚、

卒麻旱岐、散半奚旱岐兒、多羅下旱岐夷他、

斯二岐旱岐兒、子他旱岐等、與任那日本府

吉備臣、○名往會于百濟、語詳百濟傳、安羅

日本府河內直與新羅交通、百濟王切責之、

四年詔罷百濟所置任那下韓郡令城主、屬

日本府、百濟不敢罷郡令城主、屢召任那日

本府執事、日本府帥抑仕那旱岐等不遣、百

濟使者三回、日本府及任那不得已、各遣微

者、百濟不得與議還之、尋遣施德馬武等來

大日本史 卷二百三十九 列傳 八

謂曰、頃日奉詔旨曰、與日本府臣等、早建良

圖、速復任那、副朕所望、我欲與卿等議任那

事、往呂三次、而尚未來、我以三月十日使使

奏其狀、卿等亦宜發使奏不來會之由也、別

謂河內直曰、任那日蹙職汝之由、故今當奏

請追還汝也、日本府答曰、本朝使至、惟聞罷

百濟所置任那郡令城主、未聞就百濟聽詔、

故抑任那而不遣、百濟王惡河內直等、上表

請罷河內直等、朝廷不報、六年百濟遣中部

護德菩提等贈吳財於日本府執事任那旱
岐十二年與百濟俱伐高麗明年高麗與新
羅通謀欲攻任那百濟於是安羅加羅及百
濟遣使請救二十三年春新羅滅任那○本
書一
說曰二十一
年任那滅夏降詔諭勵任那曰新羅西羗
小醜逆天無狀違我恩義破我官家毒害我
黎民殘蕩我郡縣我氣長足姬尊神聖聰明
周行天下劬勞羣庶亭育萬民哀新羅窮來
不忍滅之全其王將戮之首授要害之地崇
非次之榮我氣長足姬尊於新羅何薄我百
姓於新羅何怨而今新羅長戟強弩凌蹙任
那距牙鉤凡殘虐含靈剝肝斲趾不厭其快
曝骨焚屍不謂其酷任那君臣百姓窮刀極
俎既屠且膾率土之濱共為王臣食人之禾
飲人之水豈忍坐聞之況在夫嗣子大臣處
跌蓐之親當柱石之寄受恩於累世榮身於
當代而不能瀝肝嘗膽共誅逆醜雪天地之
痛酷報君父之仇讎則臣子之道不立死猶

有遺憾勉哉秋遣大將軍紀男麻呂討新羅
問滅任那之罪三十二年帝崩遺詔皇太子
曰朕疾劇以後事屬汝汝須伐新羅封建任
那使國民更作夫婦如舊日朕死無恨敏達
帝即位詔皇子大臣議建任那十三年難波
木蓮子如任那十四年帝不豫詔橘豐日皇
子曰勿忘任那之事崇峻帝四年紀男麻呂
巨勢比羅夫等將兵二萬餘討新羅軍至筑
紫明年帝遇弒崩是以未發馳驛誡紀男麻
呂等曰勿以內亂怠外事推古帝三年男麻
呂等從筑紫而還八年新羅與任那相攻○按
任那滅未復而今言新羅任那相攻可疑矣
蓋新羅聞紀男麻呂等軍來權建任那男麻
呂軍還是以新羅又攻任那命境部臣為大將
那歟然無明文不可詳考
軍穗積臣為副將軍○本
書註
人名關率萬餘兵救
任那拔新羅五城新羅割多多羅素奈羅佛
智鬼委陀南迦羅阿羅羅六城請服境部遣
使上奏新羅亦遣使奉表曰自今以後俱敦
隣好勿相侵伐不乾船柁每歲必朝貢乃詔

旋軍新羅又侵任那明年詔高麗百濟俱救

任那十八年春使喙部大舍首智買入貢明

年習部大舍親智周智朝貢三十一年達率

奈末智入朝是歲新羅攻任那任那降新羅

詔大臣羣卿議討新羅中臣國曰任那元是

我內官家今新羅縱發兵攻取之請戒師旅

征討新羅復建任那以附之百濟也田中臣

關名曰百濟反覆之國情偽難信不可也是

以議不決焉先遣吉士倉下姓於任那尋

命境部雄摩侶等帥眾數萬進討新羅新羅

恐怖請服以堪遲大舍本書舍作舍誤大舍

為任那貢調使入朝舒明帝十年朝貢皇極

帝元年坂本長兄使于任那孝德帝大化元

年百濟貢調使兼領任那使朝廷責其使卻

還貢物明年遣使朝貢小德高向玄理使于

新羅徵質子遂罷任那之調日本紀○按中

國而議不協而止後附之新羅故其使每從

使新羅朝貢之後改附百濟而百濟又不別遣任那

傳任那別貢因徵質於新羅

耽羅百濟南海中小島也繼體帝二年冬十

二月耽羅人初通百濟國齊明帝七年夏始

遣王子阿波伎等貢獻乙丑年遣使朝貢丙

寅年遣王子姑如等貢獻丁卯年遣佐平椽

磨等貢獻賜綿十四匹纈十九匹緋二十四

匹紺布二十四端桃染布五十八端斧釵刀

子等放回天智帝二年遣王子久麻伎等貢

獻賜耽羅王五穀種天武帝元年遣王子久

麻藝都羅宇麻等弔天智帝喪時以天武帝

新即位不入京師命太宰府諭旨始賜耽羅

王及使者久麻藝等爵位其爵大乙上其冠

以錦繡飾之當其國佐平位自筑紫發回三

年耽羅王姑如及王子久麻伎來朝四年賜

船一艘遣歸本國五年遣王子都羅朝貢七

年遣使於耽羅十二年縣犬養手繼川原加

尼使于耽羅持統帝二年遣佐平加羅入朝

獻方物詔饗加羅等於筑紫館賜物放歸八

大日本史

卷三十九

列傳

十一

大日本史

卷三十九

列傳

十三

年遣王子佐平等朝貢、日本紀其後爲新羅所滅、朝貢絕、三國史記、東國通鑑

大日本史卷之二百三十九終

大日本史

卷一百三十九

列傳

十三

大日本史卷之二百四十

列傳第一百六十七

權中納言從三位源光圀 修

男權中納言從三位綱條 校

玄孫權中納言從三位治保重校

外國九

渤海上

渤海本粟末靺鞨附高麗者、姓大氏、唐書天智

帝元年高麗為唐所滅、日本紀大氏率眾保挹

大日本史

卷二百四十

列傳

一

婁之東牟山、築城郭以居焉、唐書有大祚榮者、

驍勇善騎射、高麗靺鞨之眾稍稍歸之、乃建

國、自號震國王、東國通鑑其地南接新羅、東窮海、

西契丹、唐書盡得扶餘、沃沮、朝鮮諸國、唐書東

延袤二千里、無州縣館驛、處處有村里、大抵

靺鞨部落、以高麗人為村長、大村曰都督、次

曰刺史、其下曰首領、其土極寒、不宜水田、其

俗頗知書、元明帝和銅六年、祚榮受唐爵命、

為渤海郡王、類聚國史自是始去靺鞨號、專稱渤

海、元正帝養老三年、祚榮死、子武藝立、唐書聖

武帝神龜四年、武藝使其寧遠將軍高仁義

等來聘、失途至蝦夷境、仁義等被虜殺、首領

高齊德等八人僅脫身、齎國書入京師、明年

正月帝御大極殿、高齊德等朝賀、上國書方

物、其書曰、武藝啓、山河異域、國土不同、延聽

風猷、但增傾仰、伏惟大王天朝受命、日本開

基、奕葉重光、本枝百世、武藝忝當列國、濫摠

諸蕃、復高麗之舊居、有扶餘之遺俗、但以天

大日本史

卷二百四十

列傳

三

涯路阻、海漢悠悠、音耗未通、吉凶絕問、親仁

結援、庶叶前經、通使聘隣、始于今日、謹遣寧

遠將軍郎將高仁義、游將軍果毅都尉德周、

別將舍航婁、舍或作婁等二十四人齎狀、并附

貂皮三百張奉送、土宜雖賤、用表獻芹之誠、

皮幣非珍、還慙掩口之誚、主理有限、披膳未

期、時嗣音微、永敦隣好、詔授高齊德等八人

位賜物、以從六位下引田蟲麻呂為送使、賜

璽書曰、天皇敬問渤海郡王、省啓具知、恢復

舊壤、聿修曩好、朕以嘉之、宜佩義懷仁、監撫有境、滄波雖隔、不斷往來、便因首領高齊德還、附書并信物、綵帛十疋、綾十疋、絁二十疋、絲一百絢、綿二百屯、仍差送使、發遣歸鄉、漸熱想平安、續日本紀武藝死、子欽茂立、是歲聖武帝天平九年也、舊唐書十一年遣唐判官平羣廣成還自唐、海中遇風至崑崙、轉復至唐、取途於渤海、欽茂使其若忽州都督忠武將軍胥要德、雲麾將軍已珍蒙等送廣成、海中又遇風、胥要德船覆溺死、廣成與已珍蒙等入京師、已珍蒙上其國書曰、欽茂○本書欽茂作欽武誤啓、山河杳絕、國土遙遙、佇望風猷、唯增傾仰、伏惟天皇聖殿、至德遐暢、奕葉重光、澤流萬姓、欽茂忝繼祖業、濫總如始、義洽情深、每修隣好、今彼國使朝臣廣成等風潮失便、漂落投此、每加優賞、欲待來春發回、使等苦請及年歸去、訴詞至重、隣義非輕、因備行資、卽爲發遣、仍差若忽州都督胥要德等充使、領廣

大日本史

卷二百四十

列傳

三

大日本史

卷二百四十

列傳

四

成等、今送彼國、并附大蟲皮、羆皮各七張、豹皮六張、人參三十斤、蜜三升進上、至彼請檢領、明年宴已珍蒙於朝堂、授位有差、賜欽茂絁三十疋、絹三十疋、絲一百五十絢、調綿三百屯、賜已珍蒙等絁二十疋、絹十疋、絲五十絢、調綿二百屯、其餘賜物各有差、贈大使胥要德從二位、已闕、棄蒙從五位下、并賻調布一百十五端、庸布六十端、帝御中閤門已珍蒙奏本國樂、使外從五位下大伴犬養報聘、十八年渤海鐵利總一千一百餘人慕化來歸、安置出羽國、給衣糧放還、孝謙帝天平勝寶四年、欽茂使其輔國大將軍慕施蒙等七十五人來朝、明年夏入京師、慕施蒙等拜朝、貢信物、奏曰、渤海王言、日本照臨天皇朝、不賜使命、已經十餘年、是以遣慕施蒙等賣國信物、奉獻闕廷、宴慕施蒙等於朝堂、授位賜祿各有差、璽書報曰、天皇敬問渤海國王、朕以寡德、虔奉寶圖、亭育黎民、照臨八極、王僻

居海外、遠使入朝、丹心至明、深可嘉尚、但省來啓、無稱臣名、仍尋高麗舊記、高氏上表文云、親是兄弟、義則君臣、或乞援兵、或賀踐阼、修朝聘之恆式、効忠款之懇誠、故先朝善其貞節、待以殊恩、榮命之隆、日新無絕、惟王所知、何暇一二言也、由是先回之後、既賜敕書、何其今歲之朝、重無上表、以禮進退、彼此共同、季夏甚熱、頃無恙也、使人今還、指宣往意、并賜物如別、天平寶字二年、小野田守等使

大日本史

卷百四十

列傳 五

于渤海歸、渤海使其輔國將軍木底州刺史兵署少正開國公楊承慶等二十三人來朝、明年入京師、帝臨軒、楊承慶等獻方物并國書曰、高麗國王大欽茂言、○按自此此前皆稱渤海、至此稱高麗、蓋欽茂一時稱舊號也、承聞在於日本照臨八方聖明皇帝、登遐天宮、攀號感慕、不能默止、是以差輔國將軍楊承慶、歸德將軍楊泰師等、齎表文并常貢物入朝、授大使楊承慶正三位、副使楊泰師從三位、判官憑方禮從五位下、其

餘授位賜物有差、太保藤原惠美押勝請宴楊承慶等於田村亭、敕賜綿一萬屯及女樂資之、賜高麗王敕書曰、天皇敬問高麗國王、使楊承慶等遠涉滄海、來弔國哀、誠素懇懃、深增酷痛、但隨時變禮、聖哲通規、從吉履新、更無餘事、兼復所貽信物、依數領之、即因還使相酬土毛絹三十疋、絁三十疋、絲二百絢、綿三百屯、殊嘉爾忠、更加優賜錦四疋、兩面二疋、纈羅四疋、白羅十疋、彩帛三十疋、白綿

大日本史

卷百四十

列傳 六

一百帖、物雖輕眇、寄思良深、至宜竝納、國使附來、無船駕去、仍差單使、送還本蕃、便從彼鄉、達於唐國、欲迎前年入唐大使藤原清河、宜相資、餘寒未退、想王如常、遣書指不多、先是遣唐大使藤原清河留唐不還、至是以外從五位下高元度為迎入唐大使使、內藏全成為副、與楊承慶俱發、欽茂以唐國安史之亂未平、恐被殘害、仍差使送元度於唐迎清河、復差輔國大將軍玄菟州刺史兼押衙官

開國公高南申、送還全成、明年帝臨軒、高南申獻方物奏曰、國王大欽茂言、爲獻日本朝遣唐大使藤原朝臣清河上表并常貢物、差輔國大將軍高南申等入朝、帝厚優勞、授大使高南申正三位、副使高興福正四位下、判官李能本等從五位下、賜國王純三十疋、美濃純三十疋、絲二百絢、調綿三百屯、六年使紫綬大夫行政堂左允開國男王新福等朝貢、賜物放回、續日本紀是歲唐進欽茂爵爲渤海

大日本史

卷一百四十

列傳

七

國王、唐書光仁帝寶龜二年夏、青綬大夫壹萬福等三百二十餘人至出羽國、敕置常陸國、冬徵壹萬福等四十人預元會、明年正月帝臨軒、壹萬福貢方物、表文無禮、責問壹萬福等、卻還表函并貢物、壹萬福謝曰、爲臣之道、不違君命、臣等不誤封函、伏以奉進、今爲違例、返卻表函、萬福等誠深憂悚、不知所復命、君者彼是一也、不違使命、歸必獲罪、今已投聖朝、罪之輕重、無所敢避、請改表文、代王申

謝、詔許之、乃更以禮館待、宴之朝堂、壹萬福感喜曰、國書違例、已卻附表、函信物、然聖恩鴻洪、垂矜萬福等、預於客例、奉拜闕庭、臣等不勝慶躍、授壹萬福從三位、副使已下、授位賜物有差、敕書諭欽茂曰、天皇敬問高麗國王、朕繼體承基、臨馭區宇、恩澤德澤、寧濟蒼生、率土之濱、化有輯於同軌、普天之下、恩無隔於殊隣、昔高麗王高氏祖宗奕世、介居瀛表、親如兄弟、義若君臣、帆海梯山、朝貢相繼、

大日本史

卷一百四十

列傳

八

逮乎季歲、高氏淪亡、自爾以來、音問寂絕、爰自神龜四年、王之先考左金吾衛大將軍渤海郡王遣使來朝、始修職貢、先朝嘉其丹款、寵待優隆、王襲遺風、纂修前業、獻誠述職、不墜家聲、今省來書、頓改文道、日下不注官品姓名、書尾虛陳天孫僭號、遠度王意、豈有是乎、近慮事勢、疑似錯誤、故命有司停其實禮、但使人萬福等深悔前咎、代王申謝、朕矜其遠來、聽其悔改、王悉此意、永念良圖、昔者高

氏之世、兵亂無休、爲假朝威、彼稱兄弟、方今大氏曾無事故、妄稱甥、於禮失矣、後歲之使、不可更然、若能改往自新、寔乃繼好無窮耳、春景漸和、想王佳也、今因回使、指示此懷、并贈物如別、以武生鳥守爲送使、解纜入海、遇暴風、漂至能登國、敕置福良津、四年春、副使正四位上慕昌祿死、贈從三位、夏、能登國言、渤海使烏須弗等至、遣人勘問、烏須弗報曰、渤海日本修好往來、常如兄弟、近年日本使大日本史 卷一百四十 列傳 九

斷、自今以後、宜依舊例、從筑紫來朝、七年遣獻可大夫司賓少令開國男史都蒙等一百六十七人、賀帝騰極、并赴彼王妃之喪、船將至津、忽逢暴風、漂沒者多、判官高淑源等溺死、免者四十六人、敕置越前國給食、明年正月、詔史都蒙等曰、寶龜四年、烏須弗歸本蕃、太政官處分、朝貢使宜依古例、向太宰府、不得取北路、今復由北路何也、史都蒙謝曰、烏須弗實承此旨、由是都蒙等發自弊邑、南海府吐號浦、西指對馬島、竹屋津、而海中逢風、忽至禁境、罪無所逃、二月、召史都蒙等三十人入朝、都蒙哀訴曰、都蒙等一百六十餘人、遠賀踐祚、航海來朝、而漂死者一百二十人、唯都蒙等四十餘人幸而獲免、自非聖朝至德、何以獨得生存、况奉敕入朝、固爲至幸、但四十餘人義同骨肉、期共苦樂、今承十六人別留海岸、譬猶割一身而分背、仰望宸輝、曲照、聽同入朝、許之、四月、史都蒙入京師、貢方

物、奏曰、渤海國王遙聞聖皇新臨天下、不勝歡慶、遣獻可大夫司賓少令開國男史都蒙來賀、并獻國信、詔授史都蒙正三位、大判官高祿思、少判官高鬱琳、竝正五位上、贈高淑源正五位上、贈物、詔書報曰、天皇敬問渤海國王、使都蒙等遠渡滄溟、來賀踐阼、顧慙寡德、叨紹洪基、若涉大川、罔知所濟、王修朝聘於典故、慶寶曆於維新、懃懃之誠、實有嘉尚、但都蒙等忽遇暴風、人船多損、言念越鄉、倍

大日本史

卷一百四十一

列傳

十一

加軫悼、故造舟差使、送至本土、并附絹五十疋、絁五十疋、絲二百絢、綿三百屯、又依都蒙請、加賜黃金小一百兩、水銀大一百兩、金漆一缶、漆一缶、海石榴油一缶、水精念珠四貫、檳榔扇十枚、至宜領之、夏景炎熱、想平安、又別弔王妃喪賻物、以大學少允高麗殿嗣爲送使、十年獻可大夫司賓少令張仙壽賀正旦、獻方物、并送高麗殿嗣、秋、渤海押領高洋弼及鐵利三百五十九人至出羽國、敕檢校

渤海客使、省其表文、書詞無禮、敕曰、渤海表文無禮、宜勿以聞、及其貢道不由筑紫、猶以便道爲解、亦宜加勘、當以誠將來、既而高洋弼苦請、賜船以歸、乃許之、桓武帝延曆五年、使李元泰等朝貢、六年、李元泰等奏言、去年入朝、道遇賊、柁工水手、竝被劫殺、還國失便、乃命越後國、給船一隻、舟師若干、發回、續日本紀欽茂卒、族弟元義立、猜虐、國人殺之、立欽茂孫華與、卒、欽茂少子嵩璘立、唐書十四年、使廷

大日本史

卷一百四十一

列傳

十二

諫大夫工部郎中呂定琳來聘、且告其國哀、定琳等漂至志里波村、爲蝦夷所劫略、從者散亡、出羽國司言其狀、敕移越後國、依例供給、明年四月、呂定琳入京師、獻方物、且告其即位曰、伏惟天皇陛下動止萬福、寢膳勝常、嵩璘視息苟延、奄及祥制、官僚感義、奪志抑情、起嗣洪基、祇統先烈、朝維依舊、封域如初、顧自思惟、實荷顧眷、而滄溟括地、波浪漫天、奉膳無由、徒增傾仰、謹差廷諫大夫工部郎

中呂定琳等濟海起居兼修舊好其少土物具在別狀荒迷不次又告喪啓曰上天降禍祖大行大王以大興五十七年三月四日薨背善隣之義必問吉凶限以滄溟所以緩告嵩璘無狀招禍不自滅亡不孝罪咎酷罰罹苦謹狀力奉啓荒迷不次孤孫大嵩璘頓首且致入唐學僧永忠等書五月呂定琳等還賜璽書曰天皇敬問渤海國王朕運承下武業膺守文德澤攸覃既有洽於同軌風聲所

大日本史

卷百四

列傳

十五

暢庶無隔於殊方王新纘先基肇臨舊服慕徽猷於上國輸禮信於闕庭眷言款誠載深慶慰而有司執奏勝寶以前數度之啓頗存體制詞義可觀今檢呂定琳所上之啓首尾不謹既違舊儀朕以修躬之道禮敬爲先苟乖於斯何須來往但定琳等漂著邊夷悉被劫掠僅存性命言念艱苦有憫于懷仍加優賞存撫發遣又先王不慙無終遐壽聞之惻然情不能止今因定琳還次特寄絹二十疋

絕二十疋絲一百絢綿二百屯以充遠信至宜領之夏熟王及首領百姓平安好略此遣書一二無妄使上野介御長廣岳式部大錄桑原秋成等押送冬十月御長廣岳等歸上其王啓曰嵩璘啓差使奔波貴申情禮佇承休眷瞻望徒勞天皇頓降敦私貺之使命佳問盈耳珍奇溢目俯仰自欣伏增慰悅其定琳等不料邊虜被陷賊場俯垂恤存生還本國奉此天造去留同賴嵩璘猥以寡德幸屬

大日本史

卷百四

列傳

十四

時來官承先爵上統舊封制命策書冬中錫及金印紫綬遼外光輝思欲修禮勝方結交貴國歲時朝覲桅帆相望而巨木掄材土之難長小船汎海不沒卽危雖慕盛化如艱阻何儻長尋舊好幸許來往則送使數不過二十以茲爲限式作永規其隔年多少任聽彼裁裁定之使望於來秋許以往期則德隣常在事與望則足矣今廣岳等使事略畢情求迨時歸便欲差人送使奉謝新命之恩使等

辭以未奉本朝之旨、故不敢淹滯、隨意依心、謹因回次、奉付土物、具在別狀、自知鄙薄、不勝羞愧、於是羣臣以爲前者渤海、上疏無定例、辭頗不遜、今所上之啓、首尾不失禮、誠款見于詞、宜奉賀、乃詣闕表賀、十七年夏、外從五位下內藏賀茂麻呂使於渤海、因賜王璽書曰、天皇敬問渤海國王、前年廣岳等還、省啓具之、益用慰意、彼渤海國、隔以滄溟、世修聘禮、有自來矣、往者高氏、繼緒每慕化而相

大日本史

卷一百四十

列傳

十五

尋、大家復基、亦占風而靡絕、中間書疏傲慢、有乖舊儀、爲此待彼行人、不以常禮、王追蹤曩烈、修聘當今、因請隔年之裁、庶作永歲之則、丹款攸著、深有嘉焉、朕祇膺睿圖、嗣奉神器、聲教滂泊、既無偏於朔南、區寓雖殊、豈有隔於懷抱、所以依彼所請、許其往來、使人之數、勿限多少、但顧巨海之無際、非一輩之可航、驚風踊浪、動罹患害、若以每年爲期、艱虞叵測、間以六載、遠近合宜、故差從五位下行

河內國介內藏宿禰賀萬等充使發遣、宣告朕懷、并附信物、其數如別、夏中已熱、惟王清好、官吏百姓、竝存問之、略此遣書、言無所悉、冬嵩璘遣使獻方物、并上書曰、嵩璘啓、使賀萬至、所貺之書及信物、依數領足、慰悅實深、雖復巨海漫天、滄波浴日、路無倪限、望斷雲霞、而異氣送帆、指期舊浦、乾涯斥候、無闕糗糧、豈非彼此契齊、暗符人道、南北義感、特叶天心者哉、嵩璘莅有舊封、續承先業、遠蒙善

大日本史

卷一百四十

列傳

十六

獎、聿修如常、天皇遙降德音、重貺使命、恩重懷抱、慰諭慇懃、况復俯記片書、眷依前請、不遺信物、許以年期、書疏之間、喜免瑕類、庇廕之顧、誠異他時、而一輩難航、奉知審喻、六年爲限、竊憚其遲、請更貺嘉圖、并迴通鑑、促其期限、傍合素懷、然則向風之趣、自不倦于寡情、慕化之勤、可尋蹤於高氏、又書中所許、雖不限多少、聊依使者之情、省約行人之數、謹差慰軍大將軍左熊衛都將上柱國開國子

大昌泰等充使奉附信物具如別狀土無奇異自知羞惡十八年夏遣式部少錄滋野船白等報聘賜璽書曰天皇敬問渤海國王昌泰等隨賀萬至得啓具之王逖慕風化重請聘期占雲之譯交肩驟水之貢繼踵每念美志嘉尚無已故遣專使告以年期而猶嫌其遲更事覆請夫制以六歲本爲路難彼如此不辭豈論遲促宜其修聘之使勿勞年限今因昌泰等還差式部省少錄滋野船白等充使領送并附信物色目如別夏首正熱惟王平安略此代懷指不繁及五月內藏賀茂麻呂歸秋滋野船白歸上渤海復啓曰嵩璘啓使船白等至枉辱休問兼信物絕絹準數領足懷愧實深嘉貺厚情伏知稠疊前年附啓請許量載往還去歲承書遂以半紀爲限嵩璘情勤馳係求縮程期天皇舍已從人便依所請筐筥攸行雖無珍奇特見允依荷欣何極比者天書降渙制使莅朝嘉命優加寵章

大日本史

卷二百四十

列傳

十七

總華班霑變理列等端揆惟念寡菲殊蒙庇蔭其使昌泰等才慙專對將命非能而承貺優容倍增喜慰而今秋暉欲暮序雜涼風遠客思歸情勞望日崇迨時節無滯迴帆既許隨心正宜相送未及期限不敢同行謹因回使奉附輕鈔具如別狀類聚國史二十三年六月敕比年渤海國使多至能登國停宿之所不可忽略宜速造客院日本紀略平城帝大同四年冬使高南容等入貢嵯峨帝弘仁元年夏宴高南容等於鴻臚館賜物放還其首領高多佛留越前國不還詔安置越中國給食令史生羽栗馬長及習語生就習渤海語秋又使高南容來貢明年賜物放回以正六位上林東人爲送使賜璽書曰天皇敬問渤海國王南容入賀省啓具之惟王資質宏茂性度弘深敦惠輯中盡恭奉外代居北涯與國修好浴日滄溟○浴本書作茂蓋浴與茂字形相似故誤耳企乃到矣接天波浪葦能杭之賈琛効精慶賀備禮眷

大日本史

卷二百四十

列傳

十八

彼情款嘉賞何止朕嗣膺景命忝承睿圖剋已以臨寰區不顯以撫兆庶德未懷邇化曷覃遐王念深善隣心切事大弗難劬勞聿脩先業况南容荐至使命不墮船舶窮危謇志增勵雖靡來請豈能忍之仍換駕船副使押送并附信物至宜領之春寒惟王平安略此遣書旨不多及後日本紀冬十月林東人自渤海歸奏曰渤海書失禮故不受五年秋遣使入貢大使王孝廉授從三位副使高景秀正四

大日本史

卷一百四

列傳

十九

位下判官高莫善王昇基正五位下錄事以下授位賜物發回海中遇風迴至越前國孝廉病死詔贈正三位更賜信物船糧放回日本紀嵩璘卒子元瑜立卒次言義立卒次明忠立卒次仁秀立唐書十年仁秀遣入覲使李承英等來聘依例授位賜物放回十二年使王文矩等入貢十四年遣貞泰璋瞻姓關等百餘人至加賀以大雪停存問使淳和帝天長元年敕停入京尋獻契丹大鴿二口二年使

高承祖入貢五年遣使至但馬賜物放還日本紀略○本書不載使名據後仁秀卒孫彝震後段渤海書則蓋王文矩也

立唐書通考仁明帝承和八年長門國司狀奏

渤海使來式部大丞小野恆柯少內記豐階

安人為存問兼領渤海客使寫渤海國書及

其中臺省牒案進奏明年夏大使賀福延或

福延等入京師獻信物及國書於八省院其

國書曰渤海國王大彝震啓季秋漸冷伏惟

天皇起居萬福即此彝震蒙恩前者王文矩

大日本史

卷一百四

列傳

二十

等入覲初到貴界文矩等即從界卻回到國之日勘問不得入覲口傳天皇之旨年滿一紀後許入覲彝震仰計天皇哀旨不要頻煩謹依口傳仍守前約今者天皇轉運躋次過紀覲覲之禮爰恐愆期差使奉啓任約命覲彝震限以閏溟不獲拜覲下情無任馳戀謹遣政堂省左允賀福延奉啓別狀曰彝震祖父在日差高承祖入覲之時天皇注送在唐五臺山僧靈仙黃金百兩寄附承祖領將到

國之日、具陳天皇附金之旨、祖父王欽承眷意、轉附朝唐賀正之使、今尋靈仙所在、送其金、欲待使還問付金否、而程途隔海、過期不返、後年朝唐使人卻回之日、知前年使等歸、到塗里浦、疾風暴起、皆悉陷沒、先是往五臺、覓靈仙送金、時靈仙遷化、不得附與、其金同陷沒、以此其後文矩入覲、啓中縷陳事由、冀達天皇、文矩不遂覲禮、將啓卻歸、今再迹失命事由、故遣賀福延、諭申誠志、伏望體悉、中

大日本史

卷一百一

列傳

十一

臺省牒曰、渤海國中臺省牒太政官、應差入覲貴國使政堂省左允賀福延、并從徒一百五人、牒奉處分、日域東遙、遼陽西阻、兩邦相去、萬里有餘、溟漲滔天、風雲雖可難測、扶光出地、程途亦或易標、所以展親舊意、拜覲、須每航海、以占風、長候時而入覲、年期雖限、星軺尚通、賫書遣使、爰至于今、宜遵舊章、欽修覲禮、謹差政堂省左允賀福延、令覲貴國者、準狀牒上日本國太政官者、謹錄牒上、帝御

豐樂殿、詔授大使賀福延正三位、副使王寶璋正四位下、判官高文暉、烏孝慎、並正五位下、錄事高文寅、高平信安、歡喜、並從五位下、自餘授官、賜物有差、報書曰、天皇敬問、渤海國王、福延等至、得啓具之、惟王奉遵明約、沿酌舊章、一紀星廻、朝覲之期不爽、萬里溟闊、職貢之款仍通、言念乃誠、無忘鑒寐、前年聘唐使人卻回、詳知、必藉靈仙化去、今省別狀、事自合符、亦悉付遣黃金、陷沒絲浦、雖人逝

大日本史

卷一百一

列傳

十一

賫失、元圖不諧、而思夫轉送之勞、遙感應接之義、悠悠天際、足非可跂、無由相見、怒焉不已耳、附少國信、色目如別、夏首初蒸、比平安好、略此還答、指不多及、太政官牒、渤海國中臺省曰、入覲使政堂省左允賀福延來修聘禮、守一紀之龍信、凌千里之鼉波、乘風使以企心、仰日光而進影、事有成規、準例奏請、被敕報曰、隣好相尋、匪啻今日、靜言純至、嘉尚于懷、宜加優矜、得復命者、今使還之次、附璽

書并信物、至宜領之、但啓函修飾、不依舊例、
官議棄瑕不舉、自後奉以悛之、準敕牒送、牒
到準狀故牒、續日本後紀

大日本史卷之二百四十終

大日本史

卷二百四十

列傳

二十三

大日本史卷之二百四十一

列傳第一百六十八

權中納言從三位源光圀 修

男權中納言從三位綱條 校

玄孫權中納言從三位治保重校

外國十

渤海下

仁明帝嘉祥元年冬、能登國奏、渤海入覲使
王文矩等一百餘人來、明年春以少內記縣

大日本史

卷一百四十一

列傳

二

大養貞守、直講山口西成爲存問、渤海客使、
至能登、詰問入覲違期已而貞守等馳驛進
奏、渤海王啓案及中臺省牒案、又上詰問問
答書、乃以貞守等兼領客使、夏貞守等引王
文矩等入京師、使左近衛少將良岑宗貞就
鴻臚館慰勞、王文矩詣八省院、獻信物及國
書曰、彝震啓、季秋漸冷、伏惟天皇起居萬善、
此彝震蒙恩、修聘使還、算年未紀、今更遣使、
誠非守期、雖然自古隣好、憑禮相交、曠時一

歲、猶恐情疎、况皇律轉迴、風霜八變、東南向
風、瞻望有地、寧能恬寂、罕續音塵、謹備土物、
隨使奉附、色目在於後紙、伏惟體鑒、溟漲沮
遙、未由拜覲、下情無任馳係、謹差永寧縣丞
王文矩、奉啓不宣、謹啓、中臺省牒太政官曰、
應差入覲貴國使永寧縣丞王文矩、并行從
一百人、牒奉處分、邈矣兩邦、阻茲漲海、契和
好於永代、寄音書於使程、一葉飄空、泛積水
之遐際、雙旌擁節、達隣情之至誠、往復雖遙、

大日本史

卷一百四十一

列傳

三

音耗稀傳、戀懷空積、所以勿待紀盈、中憑舊
準、謹差永寧縣丞王文矩、令覲貴國者、準狀
牒上日本國太政官者、謹錄牒上、詔授大使
王文矩從二位、文矩弘仁中來聘、敘正三位、
故增階敘從二位、副使烏孝慎從四位上、判
官馬福山、高應順、並正五位下、其餘授位有
差、重午帝御武德殿覽馬射、六軍擁節、百寮
陪侍、詔命王文矩等陪宴、尋遣參議小野篁
等於鴻臚館、賜敕書及太政官牒、敕書曰、天

皇敬問渤海國王、入貢使文矩等至、省啓具之、惟王敦志欽仁、宅心懷惠、飛颿不斷、望日域而忘遐、貢篚相尋、想遼陽而如近、眷其勤苦、良嘉乃誠、但修聘之期、一紀爲限、先皇明制、國憲已成、故有司固請、責文矩等以背鼻規、自邊還卻、朕閱其匪躬之故、遠蹈重溟、船破物亡、人命終活、便得入奉朝覲、拜首軒墀、祿賜榮班、準據恒典、惟乃一切之恩、難可再恃、王宜守舊章、而不失昭明德、以有恒、唯存

大日本史

卷一百四十一

列傳

三

信順之心、誰嫌情禮之薄、夏熱比清適也、文矩今還、略申往意、并寄王信物如別、太政官送中臺省牒曰、小之事大、理難自由、盈縮期程、那得在彼、事須在所、卻還、戒其愆違、官具狀奏聞、奉敕文矩等孤舟已破、百口纔存、眷其艱辛、義深合宥、宜特賜恩、聽奉入覲、爵賜匹段、準據舊章、但權時之制、不可通行、詳告所司、莫令重違者、覲禮云畢、仍造舟船、及時發遣、附璽書并國信、今以狀牒、牒至準狀、

故牒、續日本後紀○按此曆中定渤海入貢年期、以六年爲限、今見渤海書及答詔、

一紀爲限、蓋承和八年渤海書、尋震卒、虔晃所謂年滿一紀後許入覲是也、

立、唐書、文獻通考、清和帝貞觀元年春、能登國司言

渤海入覲使烏孝慎、○烏或作馬副使周元伯等

一百餘人、至珠洲郡、以天下諒闇、不入京師、

詔遷於加賀國安置使處、以大內記安倍清

行、直講苅田安雄、爲存問兼領渤海客使、夏

領客使上渤海國啓牒及信物、其啓曰、虔晃

啓、孟冬漸寒、伏惟天皇起居萬福、即是虔晃

大日本史

卷一百四十一

列傳

四

蒙恩當國、閒年使命、永展先親之禮、將累代之情、悅續任風之影、恒無隔紀、以至于今、虔晃幸承先緒、撫守一邦、古典攸憑、合重禮意、敢仍舊貫、差付使程、紀近盈年、久增結戀、期海津於挂席、表翰信於傳心、仍發雲檣、迥凌波浪、凝萬里之遐想、係寸心難往復之間、伏望預恤恨、以臣僕末由拜覲、下情無任馳戀、謹差政堂省左允烏孝慎奉啓、不宜、謹啓、按此啓似有闕誤、參考諸本亦皆同、今從本文書之、以待後考、中臺省牒曰、

牒奉處分、扶桑崇浪、日域遐邦、欲占風而挂席、期限歲而寄音、泛泛輕舟、罕過凌雲之水、拳拳方寸、彌增披霧之情、所以擲年度日、天轉律移、想尋修之舊貫、近周迴之星紀、酌展親於古典、遵繼好於前章、憑事表情、善隣賓禮、戀懷轉切、不待前期、謹差政堂省左允烏孝慎令觀貴國者、準狀牒上、孝慎禮畢而還、賜璽書曰、天皇敬問渤海國王、書獻悉至、披覽具之、維王文武兼體、忠孝由衷、襲當國之

大日本史

卷二百四十一

列傳

五

先猷、敦親仁之舊好、傾心久契、無踈就日之誠、利涉長期、不廢飛雲之嶮、乃顧深款、何靡增懷、先皇以去年八月昇遐、遺詔不許奔赴、朕以寡德、荷託鴻圖、奉先訓而聿修、撰舊記以自恤、雖則會同之禮、大喪無虧、延正之朝、春秋所美、然而闕庭過密、事須隔於殷煩、邦國頻災、人有艱於郵傳、緣此慰藉傳者、迨朝放還、問紀如賒、通情猶邇、今因孝慎付送信物、仍舊辨裝、色目如別、熱刺王及所部平安

好、略此遺書、指無一二、太政官送中臺省牒曰、滄瀛不測、義在含弘、江漢可宗、禮存朝會、駿奔惟遽、來不及期、有司執平、弗肯容待、奉敕孝慎等遙慕聲教、陵蜃闕而頻來、尋懷順歸、辭龍鄉以荐至、忠節之效、矜恤可量、況魯侯再朝、春秋無貶、唯國有凶喪、年屬荒稷、將全舊儀、何苦黎庶、宜殊加迎接、權停入都、所在安存、支賜準例、復吉凶相問、往迹可憑、苦有意於弔來、事須拘於遺制、徒煩舟楫、將背

大日本史

卷二百四十一

列傳

六

時規、更待紀盈、當表隣好、右今因綸旨、檢校如常、修船畢功、風潮可駕、璽書信物、同附使廻、留彼篤誠、放其歸去、今以狀牒、牒至準狀、故牒、三年春出雲國上言、渤海使李居正等一百五人至島根郡、散位藤原春景、兵部少錄葛井善宗、為存問兼領渤海客使、諭李居正等曰、違先皇之制、輒以弔來、且檢省啓案、違例多端、理須責其輕慢、自彼卻還、然居正位在公卿、齡過懸車、因欲特加優恤、入京師、

而炎旱連旬、有妨農務、是以不依例館待、其國啓信物、並不許奏達、以純一百三十五匹、綿一千二百二十五屯、頒賜渤海一百五人、別賜居正純十匹、綿四十屯、放還本國、三代實錄虔是卒、玄錫立、唐書、文獻通考、十三年冬、入覲、使楊成規等百五人至、加賀國、十四年春、少外記大春日安守、直講美努清名爲存問、渤海客使詰問啓牒違例、少內記都良香、式部丞平李長爲掌客使、常陸少掾多治守善、文章生

大日本史

卷二百四十一

列傳

七

菅野惟肖爲領歸鄉客使、尋以右近衛少將藤原山陰爲郊勞使、至宇治郡山科、領客使安守與郊勞使共引渤海入覲、大使政堂省左允正四品慰軍上鎮將軍楊成規、副使右猛賁衛少將正五品李與晟等入京師、遣右馬頭在原業平於鴻臚館、勞問、賜時服、左近衛中將源舒奏、渤海國書信物、玄錫啓、李秋極冷、伏惟天皇起居萬福、卽此玄錫蒙恩、肇自建邦、常與貴國通使傳命、阻年寄音、久要

之情、至今彌厚、玄錫繼先祖之遺烈、脩舊典之餘風、盈紀感心、善隣顧義、爰授使節、仍令聘覲、伏冀天皇俯矜遠客、準例入都、幸甚幸甚、限以滄波、不獲拜伏、下情無任惶懼、謹差政堂省左允楊成規、謹奉啓起居不宜、謹啓、中臺省牒曰、牒奉處分、天崖路阻、日域程遙、常限紀以修和、亦期年而繼好、隣交有節、使命無愆、音札相通、歲月長久、今者星霜易變、雲物屢移、一紀已盈、實當躬覲、所以仰據前

大日本史

卷二百四十一

列傳

八

典、迴斟舊規、向日寄情、發星輶之一使、占風泛葉、踰渤解之濶波、萬里途程、寸心所指、往復雖邈、欽慕良深、謹差政堂省左允楊成規、令赴貴國、尋脩前好、宜準狀牒上日本國太政官者、謹錄牒上、謹牒、信物大蟲皮七張、豹皮六張、熊皮七張、蜜五斛、詔授大使楊成規、從三位、副使李與晟從四位下、判官李國度、賀王真、竝正五位下、其餘授位賜物有差、詔內藏寮迴易渤海貨物、及許京師人與渤海

人交關、又出官錢四十萬、賜楊成規等、買百貨、成規就掌客使、請奉獻私齋、詔許之、遣參議藤原家宗等就鴻臚館賜敕書曰、天皇敬問渤海國王、成規等至、省啓昭然、惟王家之急繕、粉澤施治、性之貞凝、丹青守信、風猷不墜、景式猶全、相襲舊基於居城、靡欺先紀於行棹、言其篤信、來覲既脩、贈以荆仁、放歸如速、數十里之波浪、雖有邊涯、十二迴之寒暄、豈促圭晷、苟謂拘禮、誰爲隔疎、德也不孤、夢

大日本史

卷三十四

列傳

九

想君子而已、國信附還、到宜檢受、梅熟、王及境局小大無恙、略懷遣此、何必煩多、大使已下再拜舞蹈、楊成規膝行而進、北向跪受敕書、太政官牒中臺省曰、官具狀奏請、奉敕曰、成規等翹情紫闥、識路滄溟、守我朝章、修其國禮、善隣之歎、允屬寢興、宜準前規、便申舊好者、準敕處分、及期卻迴、附璽書并國信、至宜領之、去年陰陽寮奏曰、蕃使入朝、當有不祥之事、由是不引見、成規等瞻望宮闕、涕泗

盈衿、眷戀而辭、成規頗有詞藻、命學士賜曲宴、饗賚甚優、十五年太宰府奏、有漂船二艘、至薩摩國甌島郡、其長崔宗佐、大陳潤等自書曰、渤海國賀大唐平徐州使漂蕩至此、國司推驗之、不賣公驗、所書年紀相違、疑是新羅人、僞稱渤海、竊窺邊境也、卽領將二船向府、一船得風逃逸、敕曰、渤海歸於我尚矣、府國官司、審加勘問、實是渤海人者、宜加慰勞、給糧發歸、若新羅兇黨者、速執禁以聞、太宰

大日本史

卷三十四

列傳

十

府復奏、渤海人崔宗佐、門孫宰等、漂至肥後國天草郡、遣唐通事張建忠審驗情狀、是實渤海入唐使、前者逃逸之船也、仍進宗佐等日記、并所賣蠟封函子、雜封書、弓劍等、敕曰、討覆宗佐申狀、又驗覈表函牒書印封官銜等、與從前入覲使所上、契合如一、宗佐等既非奸寇、而漂泊艱辛、誠當矜恤、其所上蠟封函子及雜物、秋毫不犯、悉皆返與、其船舶有損壞者、所在宜加繕修、支濟衣糧以放還、但

宗佐等渤海名官、當知我國家與彼相善、則漂至之日、須吐露情實、以望恩濟、而飛帆逃逸、跡類奸僞、非我仁恕、何免重誅、宜責以過契、知悔其非、十八年冬、出雲國言、渤海使楊中遠等至島根郡、陽成帝元慶元年、少外記大春日安名、前讚岐掾占部月雄爲存問使、安名等寫渤海王啓、中臺省牒奏上、其啓曰、玄錫啓、李秋極涼、伏惟天皇起居萬福、卽此玄錫蒙恩、迺者楊成規入覲貴國、得達微誠、

大日本史

卷二百四十一

列傳 十一

禮畢卻返、璽書信音預臻、捧受喜感、後年本國往唐國相般檢校官門孫宰等所乘船一隻、從風漂流、著貴國岸、天皇垂思念、仍與生成、別賜路糧優賞、竝蒙生命、全還本國、實是善隣之救接、敦親逢於今日、延頸南望、伏深抃躍、何木石緘默、不陳謝深恩、亦察舊記、久與貴國交使往來、舟車纖路、今乃使節總絕、已多歲年、伏以禮尚往來、聖人所貴、聞義則從、君子斯宗、如何先祖規模、常欲奉於是日、

後嗣堂構、必庶繼於前修、不勝懇望、謹差政堂省孔目官楊中遠、令謝深恩、伏冀天皇宣弘前制、仍依故實、遠垂皇恩、復舊路、冀不開大道、恩憐遠客、準例入都、提斷此事、幸甚幸甚、限以滄浪、未由拜覲、謹奉啓起居不宣、謹狀、中臺省牒曰、應差入貴國申謝、并請客使政堂省孔目官楊中遠等總一百五人、牒奉處分、鼇波千里、我有善隣、誰謂路阻、早結和好、無愆使期、崇先規、而此朝頻修廢故親、而

大日本史

卷二百四十一

列傳 十一

彼國總絕、近者專使楊成規入貴國、後年本國往唐國相般檢校官門孫宰等著海岸、天皇特賜矜念、竝蒙大恩、況乎已受恤憐之敦、何無申謝之喜、亦奉尋前文、仰得差使、本有來由、今只路絕、年歲彌久、聿修先例、遠感往來之蹤、常多懇望之懷、堂構之念、不敢墜失、不勝感激瞻仰之至、謹差政堂省孔目官楊中遠、令入貴國申謝恩造、并請嘉容、謹牒、朝議不允報聘、且以違制入覲、不入京師、賜衣

糧發廻、其國書信物、竝卻附使者、大使楊中

遠願奉獻珍玩玳瑁酒杯等物、亦不許、六年

冬加賀國司言、渤海入覲、使文籍院少監裴

頌等一百五人至、○本朝文粹所載字多法皇賜裴頌書作裴迺、日本

紀略作裴迺、蓋誤、明年夏存問兼領客使大藏善行、

高階茂範、引裴頌等入京師、右衛門大尉坂

上茂樹、文章得業生紀長谷雄等爲掌客使、

式部少輔菅原道真權行治部大輔事、美濃

介島田忠臣權行玄蕃頭事、大使裴頌上國

大日本史

卷二百四十一

列傳

十三

書信物於朝堂、帝御豐樂殿、賜宴於渤海使、

授大使裴頌從三位、副使高用正四位下、其

餘授位有差、竝賜朝服、使人拜舞而出、更著

朝服入昇堂、敕賜供御枇杷子、盛以銀椀、重

午帝御武德殿覽騎射、召裴頌等觀之、賜錄

事以上續命縷、裴頌亦獻私齋、遣內藏頭和

氣彛範就鴻臚館交易貨物、裴頌高才有風

儀、帝嘉之、遣中使賜御衣一襲、三代實錄敕菅原

道真等與頌唱和、道真稱其才藻、宇多帝寬

平七年、復遣裴頌入覲、菅家文草玄錫卒、誣謔立

文獻醍醐帝延喜八年春、伯耆國司言、渤海

通考入覲使裴璆等至、以散位菅原淳茂爲掌客

使、兵部丞小野葛根、文章生藤原守真領客

使、詔左右馬寮及參議以上出鞍馬、給蕃使

入京之用、五月裴璆等朝見、宴之朝集堂、賜

物於渤海國王、璆者頌之子也、中使殊賜御

衣、遣參議藤原管根等就鴻臚館、賜璆書及

太政官牒、扶桑略記引醍醐御記、參取日本紀略、○本書並失渤海國書及答

大日本史

卷二百四十一

列傳

十四

書二十年裴璆又入覲、獻國書方物、依例饗

賜、裴璆前入覲、授從三位、至是進授正三位、

發回本國、日本紀略、參取扶桑略記、○二書共失渤海王名及國書答書、紀略

曰、法皇賜書於裴璆、延長四年、契丹阿保機率諸部兵、

攻渤海扶餘城下之、改扶餘城爲東丹府、命

其子突欲鎮之、五代史、文獻通考、八年丹後國司言、

渤海使裴璆等九十三人至竹野郡、即發存

問使、日本紀略裴璆稱東丹國使、存問使問其所

以、璆等答曰、璆等本渤海人、今降爲東丹之

臣其語多稱契丹之罪惡存問使具狀奏敕
 曰東丹國失禮義且使者無人臣之節謬奉
 臣下使入上國宜重詰責以懲將來略記裴
 璆因奉謝狀曰裴璆等背真向偽爭善從惡
 不救先主於樽俎之間猥諂新王於兵戈之
 際況乎奉陪臣之小使素上國之恒規望振
 驚而面慙詠相鼠而股戰不忠不義自招罪
 過勘責之旨曾無避陳仍進過狀裴璆等誠
 惶誠恐謹言即釋放還本朝此後朝貢遂絕
 大日本史 卷一百四十一 列傳 十五

考和漢合運宇多帝寬平四年藤原敏行書
 賜渤海敕書而諸書無所見又考本朝文粹
 有太政官移渤海中臺省牒其中言文籍院
 少監王龜謀等連期入觀是以即從印回此
 亦不知在何時今姑註于此以待後考○渤
 海往復書牒率皆蹇澁不可讀似有謬誤
 皆姑從舊文

大日本史卷之二百四十一終

大日本史卷之二百四十二

列傳第百六十九

權中納言從三位源光圀 修

男權中納言從三位綱條 校

玄孫權中納言從三位治保重校

外國十一

蝦夷上

蝦夷東北夷也、

日本紀有三種曰都加留、曰麤

蝦夷、曰熟蝦夷、

日本紀注引伊吉博德書其人勇悍強暴、

大日本史

卷二百四十二

列傳

一

能射、常藏矢髻中、好為劫盜、趨捷如飛、無君長、俗皆文身推髻、冬為穴居、夏出居櫟、無五穀蠶桑、射鳥獸為食、衣其羽皮、初雜居于越陸奧等邊地、景行帝二十五年、使武內宿禰巡察東方國土風俗、二十七年、武內歸奏曰、東方有日高見國、土地沃壤而曠、是曰蝦夷、可擊取焉、四十年、東夷多叛、邊境騷擾、詔日本武尊東征、日本武尊從上總轉至陸奧、取海路至蝦夷地、其酋魁島津神國津神也、竹

水門、將拒戰、日本武尊懸大鏡于船而進、蝦

夷望見膽落、乃悉弛弓捨矢、面縛請罪、日本

武尊便撫納之、遂攻信濃越國等蝦夷、俘其

巨帥、歸至伊勢、獻俘因於神宮、既而蝦夷晝

夜喧嘩、出入無禮、遷之御諸山傍、不幾又伐

神山樹、劫略邑民、詔分處于播磨讚岐伊勢

安藝阿波等五國、五十六年、詔御諸別王鎮

撫東國、時蝦夷大擾、御諸別發兵攻之、蝦夷

首帥足振邊大羽振邊遠津聞男邊等叩頭

大日本史

卷二百四十二

列傳

二

獻地請罪、因受其降、誅不服者、東國大治、仁德帝五十五年、田道討蝦夷、兵敗于伊寺水門、田道死之、雄略帝二十三年、吉備尾代征新羅、率蝦夷五百、行至吉備國、會帝崩、蝦夷相謂曰、天皇既崩、時不可失、相率侵掠傍郡、尾代與之戰于娑婆水門、蝦夷趨捷、能伏躍避箭、尾代持弓彈空弦、因射殪二隊、麤中矢盡、麾船人索箭、船人恐怖而走、尾代執弭而歌、歌訖、手斬數人、追至丹波浦掛水門、擊殲

之、清寧帝四年、蝦夷請內附、欽明帝元年、蝦夷率衆歸降、敏達帝十年、蝦夷數十寇邊、呂其魁帥綾糟○本書註曰大毛人等、敕諭曰、汝蝦夷昔日大足彥天皇誅其亂首、撫其歸服、今當遵先例誅首惡、綾糟等大慄、入泊瀬川洗浴、向三諸岳盟曰、臣等蝦夷、子子孫孫、用清明心、奉事天闕、若違盟者、天地諸神及天皇之靈、絕滅臣等種矣、於是釋之、欽明帝九年、蝦夷叛、以大仁上毛野形名爲將軍討之、爲蝦夷

大日本史

卷一百一十二

列傳

三

所敗、走入壘、賊追圍之、時兵士逃散、形名妻令侍婢數十在內鳴弦、形名突出搏戰、蝦夷以爲兵尚多在、稍退、於是招集散卒、又擊悉虜之、皇極帝元年、越邊境蝦夷數千內附、賜饗於朝、大臣蘇我蝦夷亦饗之、其家厚加撫諭、孝德帝元年、詔收國郡刀甲弓矢、惟與蝦夷接境地、錄其兵數、假與本土、二年、蝦夷納款、四年、治磐舟柵以備蝦夷、以信濃越等民戍之、始置柵戶、齊明帝元年秋、饗北越蝦夷

九十五人於朝、柵養蝦夷九人、津輕蝦夷六人、授冠二階、冬、蝦夷率衆內屬、四年、春、阿倍比羅夫率舟師一百八十艘討蝦夷、鰐田、淳代二郡、蝦夷不戰而降、比羅夫整師陳舩於鰐田浦、鰐田酋帥恩荷進而誓曰、奴等以肉爲食、故持弓矢、不敢執之向官軍、自今將清白心、永奉天朝、若不踐此言者、鰐田浦神罰之、乃授恩荷小乙上、爲淳代津輕二郡郡領、召渡島蝦夷饗之、撫諭而歸、秋、蝦夷詣闕朝

大日本史

卷一百一十二

列傳

四

獻、饗賜甚厚、授城養蝦夷二人位一級、淳代郡大領沙尼具那小乙下、少領宇婆左建武、其勇健者二人、各授一階、別賜沙尾具那等、綃旗二十頭、鼓二面、弓矢二具、鎧二領、津輕郡大領馬武、少領青蒜等授位賜物、亦如沙尼具那等例、其餘授都岐沙羅柵造某位二級、判官位一階、淳足柵造大津稻積小乙下、又詔淳代郡大領沙尼具那檢覈夷及倭虜戶口、五年、饗陸奥越二國蝦夷於甘檮丘東、

日本紀 命阿倍比羅夫再率舟師一百八十艘

討蝦夷比羅夫召鮑田○前或作鮑田訓讀通淳代蝦

夷二百四十一人津輕蝦夷一百十二人膽

振鉏蝦夷二十人大饗賜物進至肉入籠因

問菟蝦夷膽鹿島菟穗名之言以後方羊蹄

為政所置郡領遂攻肅慎而歸是歲坂合部

石布津守吉祥使于唐以陸奧蝦夷男女二

人示唐主蝦夷獻白鹿皮及弓三張箭八十

於唐主日本紀及本書一說○唐書為天智帝元年事誤天智帝元

大日本史 卷二百四十二 列傳 五

年四年蝦夷入朝天武帝十年賜陸奧蝦夷

二十二人辭越國蝦夷伊高岐那奏曰倭人

戶盈七千請立為一郡許之持統帝二年蝦

夷一百九十餘人各負荷調賦奉誅於天武

帝殯宮饗蝦夷男女二百一十三人於飛鳥

寺西槻下授冠位賜物有差三年陸奧優喆

曇郡城養蝦夷務大肆脂利古男麻呂鐵折

請剔鬚髮為沙門詔曰麻呂等少而容止閒

雅性亦寡欲宜蔬食持戒修道終身尋賜越

蝦夷沙門道信佛像一軀灌頂幡鐘鉢各一

口五色絲帛各五尺○尺疑綿五屯布一十

段鍬一十枚鞍一具陸奧蝦夷沙門自得請

金銅藥師觀世音像各一軀鐘娑羅寶帳杏

爐幡等物詔賜之越蝦夷八釣魚等賜物有

差十年越度島蝦夷伊奈理武志等賜錦袍

袴緋紺絕弁等物日本紀文武帝元年陸奧蝦

夷貢方物二年越後陸奧蝦夷獻方物敕修

理越後磐舟柵三年越後蝦夷一百六人賜

大日本史 卷二百四十二 列傳 六

爵元明帝和銅二年以陸奧越後蝦夷猖獗

屢傷害良民巨勢麻呂為陸奧鎮東將軍佐

伯石湯為征越後蝦夷將軍紀諸人為副將

軍發遠江駿河甲斐信濃上野越前越中等

兵兩道並進討平之三年春蝦夷入朝賀正

七年從尾張上野信濃越後民二百戶於出

羽為柵戶八年蝦夷貢方物賀正且蝦夷及

南島七十七人授位有差元正帝即位陸奧

蝦夷等三等邑良志別君宇蘇彌奈等奏曰

奴等親族死亡、子孫恐為狄所鈔略、請於香
河村別建一郡為編民、許之、蝦夷須賀君古
麻比留等言、先祖以來、貢獻昆布、常採北地、
今國府郭下、距北地甚遠、往來累旬、請於閉
村新建一郡、與親族俱移居之、比內民許之、
養老四年、陸奧蝦夷叛、殺按察使上毛野廣
人、以播磨按察使多治比縣守為持節征夷
將軍、下毛野石代為副將軍、阿倍駁河為持
節鎮狄將軍、討之、五年、縣守等破蝦夷而歸、

大日本史

卷一百四十一

列傳

七

七年、出羽國司多治比家主奏、蝦夷五十二
人、功効已顯、未霑酬賞、伏以芳餌之末、必擊
深淵之魚、重祿之下、必致忠節之臣、今夷狄
愚闇、不知忠義、若久不獎酬、則恐一旦解散、
故具狀奏請、敕許之、隨勲績、並加賞爵、聖武
帝神龜元年春、陸奧國海道蝦夷叛、殺大掾
佐伯兒屋麻呂、以藤原宇合為持節大將軍、
高橋安麻呂為副將軍、征海道蝦夷、小野牛
養為鎮狄將軍、鎮出羽、令坂東九國兵三萬

人習練騎射陣法、以綵帛二百匹、純一千匹、
綿六千屯、布一萬端、輸于陸奧鎮所、冬、宇合
討蝦夷而歸、續日本紀是歲、鎮守將軍大野東人

始置陸奧多賀柵、

多賀城、柵、按續日本紀
天平九年文、○按碑文作

城、蓋所追者也、天平二年、陸奧言、田夷村蝦夷已悛

賊心、又循朝化、請建郡編貫、許之、九年春、陸
奧按察使大野東人奏、陸奧至出羽柵、行程

迂回、請自男勝通直道以便往來、詔可之、藤

原麻呂為持節大使、與佐伯豐人等至多賀

大日本史

卷一百四十一

列傳

八

柵、與東人協議興役、慮蝦夷疑懼叛亂、遣使
諭告東人、與麻呂及出羽國司田邊難波等、
俱入夷地、鑿石伐樹、所開一百六十里、觀兵
而歸、孝謙帝天平寶字二年、陸奧國歸降蝦
夷男女千六百九十餘人、給田編著、續日本紀六
年、鎮守將軍藤原朝獨修築多賀城、立石紀
道程里數、時連啓土疆、抵蝦夷國界一百二
十里云、多賀城、神護景雲三年、蝦夷入朝賀正
旦、賜宴於朝堂、授爵賜物、是歲、陸奧築桃生

伊治二城、募坂東八國民、就地利耕桑、以充鎮戍、四年陸奧蝦夷宇漢迷宇屈波宇等率徒族逃還、使人追喚之、不肯來、謂使者曰、吾必與親族侵城柵、於是遣道島島足等干陸奧、檢其虛實、光仁帝寶龜四年、陸奧出羽蝦夷倅囚等入朝、授位賜物放歸、五年春出羽蝦夷倅囚賜宴朝堂、授位賜物、尋詔停其入朝、秋蝦夷寇邊、陸奧按察使鎮守將軍大伴駿河麻呂等奏請征之、從之、時海道蝦夷燒

大日本東

卷三百四十一

列傳

九

橋塞道、急攻桃生城、破其西郭、鎮守兵不能支、陸奧國司發兵來援、駿河麻呂馳驛報急、於是敕坂東八國、邊塞有急、隨國之大小、發兵二千已下五百以上赴援、冬、駿河麻呂攻遠山蝦夷、遠山其地嶮岨、夷倅聚結爲居、先是諸將未嘗能進討、至是駿河麻呂直進、衝其巢窟、蝦夷奔竄、追北窮討、悉降之、六年冬、出羽言蝦夷未平、請遷國府、發兵九百九十人、鎮要害、三歲敕差相模武藏上野下野

四國兵戍出羽、七年春陸奧奏請發兵二萬人、伐山海兩道賊、於是敕出羽發兵四千人、道自男勝攻賊西界、夏陸奧鎮守將軍紀廣純言、出羽志波村夷倅叛、國兵擊之不利、敕發下總下野常陸等國騎兵援之、以佐伯久良麻呂兼陸奧鎮守副將軍鎮出羽、秋、令安房上總下總常陸造船五十隻、輸陸奧備不虞、以倅囚三百九十五人配太宰府管内諸國、冬、發陸奧軍三千人伐膽澤賊、遷出羽倅

大日本東

卷三百四十二

列傳

十

囚三百五十八人于太宰管内及讚岐、其七十八人賜諸司及廷臣爲奴、八年夏陸奧兵討山海兩道賊、出羽蝦夷叛、國兵戰大敗、器械多亡失、十一年春、陸奧蝦夷賊寇長岡、焚民屋、國兵拒之、殺傷相當、敕發兵三千討之、陸奧上治郡大領外從五位下伊治咎麻呂叛、殺按察使參議紀廣純、咎麻呂本夷倅種也、嘗有憾於廣純、陽爲奉承、而欲潛圖之、牡鹿郡大領道島大楯亦每陵侮咎麻呂、咎麻呂

啣之、先是蝦賊屢叛、廣純建議、築覺驚城、備賊衝突、至是廣純率倭軍入城、大楯皆麻呂從焉、皆麻呂與倭賊謀、先殺大楯、遂逼廣純殺之、倭賊響應、陸奧介大伴真綱脫圍而走、賊入多賀城、縱兵大掠、毀府庫、取軍糧器械而去、其所餘物、放火燒之、三月中納言藤原繼繩爲征東大使、大伴益立紀古佐美爲副使、大伴真綱鎮守副將軍、安倍家麻呂出羽鎮狄將軍、益立兼陸奧守、敕出羽曰、度島蝦

大日本史

卷一百四十二

列傳

十一

狄久懷朝化、貢獻不闕、當今歸倭作逆、將軍國司宜加意綏撫、六月以百濟俊哲爲鎮守副將軍、七月敕發坂東兵赴多賀城、割下總國糧六千斛、常陸國糧一萬斛輸軍所、八月狄志良順倭囚宇奈古請保守秋田城、鎮狄將軍安倍家麻呂以聞、報曰、秋田城者、前代將相深謀所建也、禦敵保民、有年于茲矣、一旦舉而棄之、甚非計也、宜遣軍士爲之鎮守、勿令沮彼歸服之情、由理柵者要害之地、亦

宜置兵相助防禦、往者國司言、秋田難保、阿邊易治、○阿疑當時從其議、而遷延歲月至

今猶未有徙居者、以此言之、百姓重遷明矣、

宜歷問狄倭及百姓等、具言彼此利害、尋以

藤原小黑麻呂爲持節征東大使、十月以征

東鎮狄諸將替留失機、下敕責之、於是征東

軍使謀遣兵二千伐木深溝、塞斷驚空、楯空、

楯石澤、大菅屋、柳澤五道、備賊奔突、鎮守副

將軍百濟俊哲與倭賊戰、俊哲兵盡矢竭、賊

大日本史

卷一百四十二

列傳

十一

兵圍之、俊哲挺身脫走、天應元年五月、按察使藤原小黑麻呂奏賊勢稍衰、請旋軍休息、士馬不許、下敕責其欺罔、初征東副使大友益立授從四位下、遣之、而頓軍不進、保壘多爲賊所據、大使藤原小黑麻呂後至、稍復所亡諸塞、九月奪益立從四位階、十二月以陸奧守內藏全成爲鎮守副將軍、桓武帝延曆二年、以征東軍羸弱不堪戰、敕坂東八國點定散位郡司等子弟及浮游之民堪充軍者、

每國一千、至五百人已上、訓練教習、有緩急國司押領奔赴、七年陸奧出羽按察使多治比宇美兼鎮守將軍、安倍猿島墨繩爲副將軍、令陸奧輸三萬五千斛於多賀城、東海東山北陸諸國輸糶二萬三千斛及鹽若干、發東海東山坂東諸國步騎五萬二千八百餘人、參議紀古佐美爲征東大使、賜節刀、入間廣成爲副使、明年三月諸國軍悉會於多賀城、分道入賊地、古佐美至衣川、按軍不進、敕

大日本史

卷一百四十二

列傳

十三

旨促之、六月征東副將軍入間廣成、左中軍別將池田真枚、前軍別將安倍猿島墨繩、各遣裨將濟川進擊、賊兵引去、官軍縱火、乘勢而進、至巢伏村、將與前軍合、而前軍爲賊所扼、不得進、賊衆八百餘、更進拒戰、官軍稍退、賊四百許人繞出軍後、官軍腹背受敵、遂不能支、別將丈部善理等戰死、其餘殺溺死者甚多、旣而古佐美以運輸不繼、奏請罷兵、不許、古佐美等久在軍不能成功、九月遂班師、

以諸將失律無功、議其罪、以古佐美久在行陣、特旨置而不問、池田真枚、猿島墨繩等貶黜有差、九年春、敕東海駿河以東、東山信濃以東諸國、造革甲二千領、供征東用、尋敕東海相模以東、東山上野以東諸國、備軍糶十四萬斛、冬、征東軍士有功者四千八百四十餘人、授勲進位、續日本紀

大日本史卷之二百四十二終

大日本史

卷一百四十二

列傳

十四

大日本史卷之二百四十三

列傳第一百七十

權中納言從三位源光圀修

男權中納言從三位綱條校

玄孫權中納言從三位治保重校

外國十二

蝦夷下

肅慎

女真

大日本史

卷二百四十三

列傳

十一

琉球

吐火羅

舍衛

南天竺

林邑

崑崙

桓武帝延曆十一年陸奧俘囚二人賜外從

五位下

類聚國史、日本紀略、以綏懷之

宴夷俘三人於

朝堂授爵位

類聚國史

十三年征夷大將軍大伴

弟麻呂大敗蝦夷斬四百五十七人捕虜百

五十人獲馬八十五疋燒聚落七十五所

日本紀略

略紀

十八年停出羽山夷祿不論山夷田夷簡

有功者賜之陸奧俘囚四人私往還賊地捕

流于土佐

日本紀略作五人

十九年命陸奧出

羽按察使阪上田村麻呂檢校諸國夷俘二

十年征夷大將軍阪上田村麻呂擊蝦夷大

敗之

日本紀略

窮追至開伊村掃除其巢窟

二十一年命田村麻呂築陸奧膽澤城

日本紀略按名

鈔曰鎮守府在膽澤郡即是也移諸國浮浪之民四千人戍

之首帥大墓阿氏利爲盤具母禮率種族五

百餘人降田村麻呂獻二虜于京師二虜與

大日本史

卷二百四十三

列傳

二

地之賊首屢爲邊害廷議處斬田村麻呂奏

曰二虜雖是賊魁然已委身歸降且誠款云

願蒙特恩得全首領則身還入夷地招降餘

種不許遂斬于河內二十二年遣田村麻呂

於陸奧築志波城

日本紀略

二十三年春以將征

蝦夷運武藏上總下總常陸上野下野陸奧

等糒一萬四千三百餘斛米九千六百餘斛

於陸奧小田郡中山柵夏陸奧言志波城至

膽澤郡一百六十餘里山谷嶮遠不便往還

請置一驛以備機急、從之、冬、出羽言、秋田城建置以來、四十餘年、土地境埔、不宜五穀、加以孤居北隅、無隣相救、請永從停廢、保河邊府、勅停城爲郡、徙民河邊、嵯峨帝弘仁元年、冬、陸奧奏、渡島狄二百餘人來著氣仙郡、非本國所管、令之歸去、狄等曰、時是寒節、海路難越、願俟來春歸本鄉、許之、二年春、陸奧爾薩體幣伊二村蝦夷叛、勅陸奧出羽按察使文室綿麻呂、鎮守將軍佐伯耳麻呂、副將軍物部足繼等、發陸奧出羽兵二萬六千人討之、於是出羽守大伴今人謀發勇敢伴囚三百餘人、出賊不意、冒雪襲討、誅爾薩體餘孽六十餘人、夏、以文室綿麻呂爲征夷將軍、以大伴今人、佐伯耳麻呂、坂上鷹飼爲副討賊、敕曰、夷狄干紀、爲日已久、雖加征伐、未盡誅鋤、將軍等今將出兵討之、其軍監軍曹、且簡用具奏上、但犯軍法、禁身請裁、隊長已下、依法決斷、國之安危、在此一舉、將軍勉之、時備

大日本史

卷一百四十三

列傳

三

鹽器仗不備、涉旬不能發、秋、綿麻呂等奏、臣等初謂宜以倭軍一千人委吉彌侯部於夜、志閉等、襲伐幣伊村、然彼村倭夷、黨類巨多、若以偏軍臨討、恐誤機事、仍欲發兩國倭軍、各一千、俟八九月、左右張翼、前後奮擊、敕曰、宜與副帥及國司等議之、國之大事、不可輕略、出羽言、降倭吉彌侯部都留岐言、已等與貳薩體村夷伊加古等、久構仇怨、方今伊加古等練兵整衆、居都母村、誘幣伊村夷、將來伐已等、願賜兵糧、先登襲擊、臣等以爲以賊伐賊、軍國之利、給米一百斛、聽其所願、許之、文室綿麻呂請益軍一千百人、許之、冬、綿麻呂等分兵四道並進、直衝賊巢、窮討盡滅之、具狀以聞、敕曰、將軍之兵略、士卒之戰功、於此而知之、蝦夷者、依請移配中國、倭囚者、置本土、勉加教諭、勿致勞擾、初、桓武帝以蝦夷叛亂、歷代不平、遣大伴弟麻呂及坂上田村麻呂討之、略致平定、然遺類尚逃竄山谷、伺

大日本史

卷一百四十三

列傳

四

大日本史

卷二百四十三

列傳

五

間寇鈔及綿麻呂等誅餘孽邊患始息帝大賞其功及副將以下各進品秩綿麻呂奏官軍一舉寇賊無遺當廢鎮兵永安百姓然城柵等器仗軍糧未遷納伏望置一千人以充守衛志波城屢被水害須遷於便地伏望置二千入守之待遷訖解之留千人永為鎮戍兵士之設為備非常既無遺寇何置兵士但邊國之守不可卒停伏望置二十人餘悉解之自寶龜五年至今三十八年百姓罷弊未得休息伏望給復四年其鎮兵者以次差點輪轉復免並許之日本後紀類聚三代格三年定鎮守府官員日本後紀類聚國史陸奧田夷三百九十六人請改姓為公民奉課役許之五年陸奧奏膽澤德丹二城孤居塞表城下及津輕狀伴野心難測不可不備請收置備鹽以備非常制可日本後紀仁明帝承和二年先是禁夷倖出境而頻年多闌入京師至此下官符譴責陸奧出羽按察使及國司鎮守

大日本史

卷二百四十三

列傳

六

府等官吏六年陸奧守良岑木連鎮守將軍匝瑳末守奏曰災異屢見地又頻震百姓駭散不能安堵多賀膽澤兩城之間異類蔓延控弦數千如有警急難可防禦請發兵一千人豫修守備令民赴農詔許之七年復奏與地之民稱守庚申潰出奔會不可抑制自非國威何靜駭民請調發援兵以鎮物情可之續日本後紀文德帝齊衡元年陸奧以去年不登請發援兵二十人以備不虞敕許發一千人以穀一萬賑給倖夷二年陸奧倖夷同種相攻殺發兵二千警備非常發穀一萬斛賑給民倖文德實錄清和帝貞觀十一年移諸國夷倖於太宰府備新羅賊十二年太政官下符上總國令教喻夷種曰折取夷種散居中國縱有盜賊令其防禦而今聞彼國夷倖猶挾野心未浹華風或行火燒民室或持兵掠財物凡羣盜之徒自此而起今不禁遏如後害何宜勤加捉搦若有革面向皇化者殊加優恤

習其性背吏教者，追入奧地，莫使羸穢之輩，侵牟善良之民。陽成帝元慶二年春，出羽夷倭叛亂，放火攻秋田城，出羽守藤原興世以鎮兵防之，且促發諸郡兵，飛驒上奏，敕曰：夷虜悖逆，焚剽城邑，犬羊狂心，暴惡爲性，不加追討，何有懲艾？須量發精兵，扼其喉咽，但時在農要，人事耕種，若多動衆，恐妨農務，上兵伐謀，良將不戰，巧設方略，以安邊民。又敕陸奥國、豫調鍊兵士，以應急。夏，出羽權掾小野

大日本史

卷一百四十三

列傳

七

春泉、文室有房領兵入秋田城，賊兵轉盛，悉燒城南北官舍民屋，殺掠人物。時經前年飢荒，百姓困弊，募兵赴戰，皆無固心。春泉有房等與賊戰，衆寡不敵，賊衆勝，遂燒秋田城，兵仗軍糧累年積畜，一時灰燼。於是復降敕符陸奥，發兵二千，急赴援，出羽守藤原興世孤城拒守，援軍不至，四方應接，兵不能給。飛驒累表請救，興世先遣兵六百，人營于野代隘，比至燒山，有賊一千餘人，忽起官軍之後，殺

略五百餘人，免者五十人。百姓廬舍皆悉被燒，敕符上野下野、陸奥，促發援兵三千人，且敕陸奥責其不時赴救。於是陸奥守源恭發兵二千援之，又以興世請，加發五百人。飛驒奏之，且請當國之夷因隣敵之警，恐動狼心，掉蠆尾，請發兵二千，守要害之處。許之，因敕曰：本國或發軍之後，飛驒言上，徒驚物聽，無益於事，宜令上野下野、陸奥出羽等國，自今以後，驛遞奏上，一如延曆十三年之敕。時以

大日本史

卷一百四十三

列傳

八

藤原保則爲出羽權守，統制出羽軍事，未至小野春泉、文室有房守秋田營，最上郡擬大領伴貞道、伴魁玉作宇奈麻呂率官軍五百六十人，覘賊形勢，路遇賊兵三百餘人，貞道中流矢死，賊又來挑戰，官軍防戰破之，多所殺獲。宇奈麻呂與賊接，手刃二人，遂戰死。賊伏兵於草中，遣倭囚三人來，請得秋田河以北地罷兵。官軍知其詐，遣輕兵百餘人射其伏，殺三人，出羽權介藤原統行及小野春泉

文室有房等屯秋田舊城、調軍糧甲仗、陸奥押領使大掾藤原梶長所領兵二千人及本國兵合五千餘人守城、賊兵奄至攻圍、統行等出兵拒戰、爲賊所敗、有房力戰、矢中左脚、勇氣愈勵、殊死奮鬪、手斬數人、而官兵奔竄、無後援者、有房不能獨進而還、藤原梶長視賊徒強盛、率本兵二千人、取間道還陸奥、六月小野春風爲鎮守將軍、敕陸奥曰、逆虜猖獗日甚、彼國軍士二十人、願望避敵、亡歸本

大日本史

卷一百四十三

列傳

九

國、斷勢制勝、自有其方、而今各重身軀、無意鬪戰、糧資醜類、力屈凶威、豈可回王者之師、自貽敗軍之恥乎、宜更勒亡歸卒、可使幹事者統領發送、若重亡歸者、處以軍法、敕東海東山二道、簡選精銳赴軍、秋藤原保則至出羽、遣文室有房等率兵六百餘屯秋田河南、時夷倭所屯結、上津野火內楯淵野代河北、腋木方口大河提姊力方上燒岡等九十二村、及歸化倭地添河霜別助川三村、皆夷倭

所居也、官軍所保雄勝城

○或作男勝

尤當衝要

之處、賊兵將來攻之、保則發雄勝平鹿山本

三郡倉穀、賑給郡內及添川霜別助川三村

倭囚、慰悅其心、於是倭囚深江禰加止玉作

正月麻呂等誘率三村倭囚二百餘人、夜襲

賊村、燒其廬舍、殺八十人、時軍中或傳賊倭

與津輕夷倭通謀、保則以謂如二賊連結、爲

害更深、奏請發常陸武藏兩國軍二千人以

備不虞、於是敕諸國豫簡鍊勇卒、旣而賊倭

大日本史

卷一百四十三

列傳

十

三百餘人詣秋田城乞降、文室有房藤原滋實二人屏去騎從、親造賊營約受降、會陸奥權介坂上好蔭將兵二千餘自流霞道至秋田、盛張軍容、觀威於賊、小野春風亦奉別敕入上津野、招撫賊類、賊首七人從春風而來、諸將將許其降、而義從倭囚請曰、奴等奉從國家、賊黨素怨之、若今不殄滅、後必相報、仇家多種、奴等不得不恐懼、且乞降之狀、踈慢無禮、願無許其請、於是命降倭徵向所奪官

大日本史

卷二百四十三

列傳

十一

甲仗賊俘便進所掠甲二十二領出羽權掾
 清原令望等疑其所進甲數少以謂夷情難
 測恐為所紿春風曰春風自入賊地具知逆
 類悔過之心今若抑而不納非所以樂成藤
 原保則從其言慰納之尋渡島夷酋百三人
 率種類三千人及津輕俘囚不連賊者百餘
 人詣秋田城納款明年春使藤原統行文室
 有房等饗俘囚以撫勞之敕出羽俘囚深江
 三門大辟法作正月麻呂等並授外從五位

下尋解遣諸國兵士其上野下野兩國兵所
 齎甲冑器仗留附出羽三代實錄後冷泉帝天喜
 四年陸奥俘囚安倍賴時叛事詳于叛臣傳
 白河帝永保三年出羽俘囚清原武衡清原
 家衡叛事見于清原武則傳

肅慎或謂之靺鞨隋書去陸奥宮城郡治三千
 里在多賀城西北多賀城碑其地大抵與蝦夷近
 接欽明帝五年肅慎船至佐渡島御名部碕
 淹留不去春夏捕魚為食其人言語不通島

大日本史

卷二百四十三

列傳

十二

人以為鬼魅畏不敢近因縱行鈔掠稍移就
 瀨河浦飲水中毒死者殆半其骨積於巖岫
 俗呼其處曰肅慎隈齊明帝四年越國守阿
 倍比羅夫討肅慎而歸獻生羅二熊皮七十
 枚五年比羅夫率舟師一百八十艘討蝦夷
 降之進擊肅慎獲四十九人而歸日本紀及
本書一紀說
 六年阿倍比羅夫帥舟師二百艘及陸奥蝦
 夷征肅慎渡島蝦夷一千餘屯營海濱蝦夷
 二人望比羅夫軍疾呼曰肅慎船師來比羅
 夫喚二人問肅慎船數及伏處蝦夷具指言
 之有二十餘艘即喚肅慎不肯來比羅夫命
 積彩帛兵鐵於海濱餌之肅慎陳船師繫羽
 於木為旗盪棹而來有二老肅慎下舟至積
 彩帛處熟視數回取單衫著之各提布一端
 乘船而去俄而復來更脫單衫著故衣置布
 而去追呼之不來其船至於弊賂弁島本書
註云
 別島也乞和比羅夫不聽遂與之戰能登馬
 身龍為賊所殺官軍悉擒賊妻孥於是肅慎

兵敗、比羅夫虜獲四十七人而歸、天武帝五年、肅慎七人從新羅使金清平而來、持統帝十年、肅慎志良守叡草等賜錦袍袴緋紺純斧、日本紀元正帝養老四年、遣渡島津輕津司諸鞍男於靺鞨、觀省風土、續日本紀初靺鞨有七部、其二部曰粟末、曰黑水、皆附高麗、粟末靺鞨姓大氏、後爲渤海、渤海自有傳、黑水靺鞨爲女真、金史

女真居肅慎故地、東瀕海、南接高麗、初役屬

大日本史

卷二百四十三

列傳

十三

渤海、仍稱黑水靺鞨、及契丹滅渤海、遂附契丹、改號女真、其籍于契丹者、稱熟女真、不在契丹籍者、稱生女真、其地有混同江、長白山、生女真首居完顏部、爲完顏氏、其始祖曰函普、函普玄孫石魯稍以條教爲治、由是寢強、耀武諸部、所至克捷、金史女真世通使於宋、至是與契丹戰數克之、文獻通考俗善射、箭長尺餘、能洞楯、且殺人、其臨戰、每人持楯、戈矛居前、次刀、次弓矢、文獻通考亦云、用兵、以戈爲前行、號硬軍、刀楯自副、弓矢在

後、女真陣法、與本書合、附以備考、其船長十餘尋、每船設楫

三四十、所乘五六十人、上陸則二三十人奮

刃奔騰、操弓矢負楯者七八十人、從其後、所

在殺老弱、驅壯丁、掠資糧、跋涉山野、疾如飛

隼、武備志云、女直喜馳獵、上嚴辟如飛、亦與本書合、但怕鳴鏑、後

一條帝寬仁三年三月、駕五十餘船襲高麗、

鹵略沿海人民、竟焚掠對馬、殺略三百餘人、

守遠晴走歸太宰府、遠晴姓關賊又寇壹岐、殺

略殆盡、守藤原理忠遇害、四月賊入筑前、侵

大日本史

卷二百四十三

列傳

十四

怡土郡、時沿海地曠兵寡、太宰權帥藤原隆家馳驛上狀、發兵拒卻之、次日賊掠能古島、進迫警固所、隆家又遣兵拒之、賊退還、能古島、明日又侵博多、無兵守、散位平爲忠平爲賢從警固所馳赴之、適二島人民被虜略在賊船中、麾府軍呼曰、馳馬射之、府軍以鳴鏑射之、賊懼而退、又欲燒宮前宮、府兵射殪一人、賊乘船去、泊能古島、時大風兩日、賊困於進退、隆家獲以間發兵船數十艘追擊、賊又

侵船越津、府軍擊走之。寇肥前松浦郡。前介源知擊却之。賊竟去。再侵高麗。大爲高麗所敗。死傷略盡。時事起不意。壹岐對馬人民被殺虜者千餘人。牛馬數百。對馬銀穴燒毀。而未詳其爲何賊。人稱爲刀夷。○夷或作伊及得高麗牒狀。乃知其爲女真也。○小右記是歲女真遣使於宋。文獻通考後百餘年。阿骨打始稱帝國。號金。初石魯子烏古迺以治安元年生。稍役屬諸部。號爲景祖。子劬里鉢善用兵。勢益強盛。太甲本宋

卷三百四十五

列傳

十五

號世祖。死。弟頗刺叔立。死。弟盈歌立。死。侄烏雅東立。死。阿骨打立。阿骨打者劬里鉢之子。而烏雅東之弟也。號太祖。死。弟吳乞買立。遂滅遼宋。陷汴京。據有其地之半。後歷七世爲蒙古所滅。金史初安倍賴時之作亂於陸奥也。懼其終敗。取破滅。欲盡部屬遁於海外。先與其子弟率二十許人。乘一船。往視察地勢。遂到海港。得一巨川。溯之。曠原無人。水甚廣深。行三十日許。猶不得其津。忽聞足音如波。

濤。賴時等惶怖。草萑葦中而闕之。有千餘騎以絳抹額。○舊唐書音義志載高麗樂舞者此半。如羣立河上。有相告語。鞭馬亂流。步者皆附馬而濟。賴時以爲必淺處也。就而視之。不見其底。悚懼而還。無幾賴時死。後賴時子宗任爲僧。在筑紫。語人曰。吾嘗聞胡國寶在宋之北。及吾隨先人抵其地。乃知去陸奥亦不甚遠也。今昔物語宇治拾遺物語蓋胡國者即女真也。阿骨打乘緒白馬徑涉曰。視吾鞭所指而行。○按金史阿骨打征黃龍府。次混同江。無舟。阿骨打乘緒白馬徑涉。曰。視吾鞭所指而行。

大日本史

卷三百四十五

列傳

十六

諸軍隨之。水及馬腹。後使舟人測其渡處。深不得其底。武備志亦云。浮馬渡江河。不用舟楫。蓋女真之俗如此。而賴時之反。方與劬里鉢同時。其士馬精強。濟川不假舟筏。其說可信。又按地圖。混同合黑龍江入海。與蝦夷隔一水。距陸奥界不甚相懸。且其潮流數十日猶無津者。於海北諸水。唯黑龍混同爲然。則其爲女真之地明矣。琉球國舊作流求。元亨釋書。下學集。○按性撰僧圓珍傳。作流棟。所書往往不。後更今字。一。今據隋書以流求定爲舊名。後更今字。齋藤親基記。一名阿兒奈波島。淡海三船所撰津文書。延曆僧訛爲冲繩。長門本平家物語。中。今昔物語。東西狹。南北長。琉球國距薩摩南

二百里許南浦在多爾島西南僧鑒與掖玖

○又菴美度感信覺球美永良部貴賀貴賀○又

等諸島接近琉球國圖○按諸島名今世所

國史諸書其俗以鈔掠為事世以為啖人之

國僧圓珍傳今昔物語元亨釋書參取性靈

邑里共食之又云收風俗少異人有死者

死者共聚而食與本文合初中國呼南海諸

島曰南島續日本紀後南島與白石阿訛黑島疏

黃等島嶼總稱之曰鬼界島九十二島源平

記長門本鬼界即貴賀也琉球國人相傳其

平家物語大日本史卷二百四十三列傳十七

始祖為天孫氏曰阿摩美久清人中山傳信

著中山推古帝十六年隋主楊廣使其羽騎

世鑑尉朱寬入海慰撫之流求不從寬取其布甲

而還時朝使在隋見之曰此夷邪久國人所

用也隋書○邪久即掖玖音相通蓋琉球與

耳元正帝靈龜元年春南島奄美夜久度感

信覺球美等入朝授位有差續日本紀孝謙帝天

平勝寶五年冬遣唐大使藤原清河副使大

伴古麻呂吉備真備與唐僧鑒真等同舶而

還洋中漂流至阿兒奈波島候風十餘日得

南風而發僧鑒文德帝仁壽三年秋僧圓珍

附唐商欽良暉舶赴唐路遭颶風漂至琉球

遙見數十人執戈矛立岸上時風息不知所

赴良暉哀號曰我等將為琉球所噬若何圓

珍祈佛忽得東南風獲免僧圓珍傳今昔一

條帝長德三年南蠻賊寇西邊明年太宰府

令貴賀島追捕南蠻賊日本紀初大寶和銅間

南島諸夷多內附來貢不絕續日本紀是後往往

大日本史卷二百四十三列傳十八

離叛至長寬承安際十二島中內屬者五不

屬者七其不屬者鬼界以南也源平盛衰記

語時薩摩人有阿多權守平忠景者奉朝命

越海至鬼界島遣筑後守平家貞討之不果

行後島羽帝文治四年源賴朝使天野遠景

及宇都宮信房擊鬼界島降之先是薩摩人

河邊通綱奉賴朝旨亡匿島中賴朝又疑義

經黨與潛匿于此故有是役東鑑初源為朝配

流于伊豆大島也侵略諸島遂到鬼島懾服

島人掠一人而還歲納絹百匹物保元所謂鬼

島亦琉球也後為朝子逃島中代天孫氏為

王云錄云參取南浦文日本集中山傳信錄○按傳信

公男也淳熙七年即位年十五續弘簡錄註

亦引琉球人所著世譜圖云舜天為朝公之

男子而宋淳熙七年則當治承四年而其謂

年十五者適與保元物語為朝少子嘉應二

琉球者蓋亦不誣也附以備考及足利氏執

兵權琉球王遣使貢方物自後以時來貢薩

摩島津氏世掌接伴云參取足利家內書引

津文書文集島

大日本史

卷百四十三

列傳

十九

吐火羅國日本紀○本書或作都在隋國西

舍衛古波斯國參取唐玄奘西

隣唐書大月氏之別種也文獻通考與吐火羅

年吐火羅男女各二人舍衛國女一人漂至

日向齊明帝三年親貨邏男二人女四人漂

至海見島轉著筑紫敕驛送京師五年吐火

羅男舍衛女來六年親貨邏人乾豆波斯達

阿請曰願得賜送使暫還于本國當留妻以

為質許之即與數十人入西海路天武帝四

年吐火羅及舍衛女獻藥種珍貨日本聖武

帝天平八年波斯國人李密醫從遣唐副使

中臣名代而來續日本紀天竺亦在唐之西舊唐

聖武帝天平八年南天竺僧菩提與林邑國

僧佛哲駕小舟至難波津元亨釋書善菩提

其國婆羅門種也最為貴族四字據唐玄帝

甚崇信之後為僧正時呼曰婆羅門僧正佛

哲通其國樂今樂部中有菩提拔頭迦樓頻

及林邑樂皆佛哲等所傳云參取倭名類聚

大日本史 卷百四十三 列傳 二十

崑崙國天竺近旁一部落也唐聖武帝天平

五年平羣廣成使于唐及還海中遇風忽漂

至崑崙國遂見拘留後逃至唐取途於渤海

而歸續日本紀桓武帝延曆十八年有一人乘小

船漂至參河以布覆背著犢鼻無袴左肩著

紺布形似袈裟年可二十身長五尺五分耳

長三寸餘言語不通唐人見之曰是崑崙國

人也其人後頗習中國語自謂天竺人常彈

一弦琴而歌聲甚哀楚其人願居川原寺許

之、即賣所持貨物、作屋于西郭外路傍、行人
皆停而止息、其人始持綿種而來、試令紀伊
淡路阿波讚岐伊豫土佐等國及太宰府殖
之、其法選陽暖沃壤地、掘穴深一寸、相去各
四尺、洗種漬水、經一宿後殖之、一穴四枚、以
土掩其上、以手按之、每旦灌水、常令潤澤、待
生芸之、其人後移居于近江國分寺、類聚國史

大日本史卷之二百四十三終

大日本史

卷二百四十三

列傳

三十一

各六日本史式百四十
三卷剗刷始成而志表
則未備也齊昭嘗謂
帝大友實踐天位矣而後
世莫能知

大日本史

藏

一

後醍醐帝幸神寶雅神器
矣而後去莫能辨明不
有宣筆
帝大友終銜定萬古而
後醍醐帝按劔出憤終不

獲伸矣若曰正閏之功
非孟子所當議則神器
之重萬世寶鎮授受至
嚴以絕覬覦此乃
先祖之所以肇鴻基於無

大日本史

藏

二

窮者凜乎可畏也昭乎
不可誣也
大統所歸惟神器是視
則萬世之公論自有不
可欺者矣此斯書之所

以直書而不疑也其爲

跋

嘉永四年辛亥五月

前權中納言從三位源齊昭謹跋

大日本史

跋

三

日本漢文史
籍叢刊

第一輯

紀傳子體

[General Information]

□ □ =14664008

SS□ =14664008